

**VEN. AGNETIS
BLANNBEKIN ...
VITA ET
REVELATIONES:
ACCESSIT...**



VEN.
AGNETIS BLANNBEKIN,
Quæ sub Rudolpho Habsburgico & Alber-
to I. Austriacis Impp. Viennæ floruit,

VITA
ET
REVELATIONES

Auctore
Anonymo Ord. FF. Min. è Celebri Conv.
S. Crucis Wiennensis, ejusdem Virg. Confess.
Accessit

POTHONIS

Presbyteri & Monachi celeberr. Monast.
Prunveningensis, nunc Priflingensis, prope Ratisbo-
nam, Ord. S. B. qui seculo Christi XII. claruit,

LIBER

DE MIRACULIS SANCTÆ
DEI GENITRICIS Mariæ.

*Utrumque Opusculum ex MSS. Codd. pri-
mum edidit*

R. P. Bernardus Pez, Benedi&tinus &
Bibliothecarius Mellicensis.

VIENNÆ,

Apud Petrum Conrad Monach. 1731.

THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.

1911

10111111

1911

1911



1911

1911

1911

1911

1911

1911

ABBATUM GEMMÆ

AC
STYRIÆ DELICIO
REVERENDISSIMO, PERILL.
AC AMPLISSIMO

D. D.

KILIANO,

CELEBERR. ET EXEMPTI
MONASTERII AD S. LAMBERTUM
ET CELLAS B. M. V. ORD.
S. BENED.

ABBATI

VIGILANTISS.

PRÆPOSITO IN AFFLENZ
ET PIBER,

MISSIONUM PER AUSTRIAM,
STYRIAM ET CARINTHIAM
PRÆFECTO PERPETUO,

SAC. CÆS. REGIÆQUE
CATHOL. MAJESTATIS
CONSILIARIO

&c. &c.

QUOD LITTERARIA OMNIUM
QUIDEM
SCIENTIARUM ET DISCIPLI-
NARUM
MONUMENTA MAXIMIFACIEBAT,
IPSE

*DOCTISSIMUS ERUDITISSI-
MUSQUE,*

SED JUXTA
RELIGIOSISSIMUS ET
PIISSIMUS

EA SOLA SUO SINU DIGNA JUDICABAT,
QUÆ AGERENT

DE ARTE AMANDI
JESUM ET MARIAM:

HANC VETERUM EJUSEDM
ARGUMENTI

LIBELLORUM BIGAM
GRATI ANIMI CAUSA,

DUM ALIUD QUID AUGUSTIUS, ET
TANTO

NOMINE TANTISQUE ACCEPTIS BENEFICIIS
DIGNIUS PARARET,

DICAVIT

P. B. P.

PRÆFATIO

In Vitam & Revelationes
Ven. Agnetis Blannbekin, ac in Po-
thonis Prunveningenſis Librum de Mi-
raculis Sanctæ DEI Genitricis
Mariæ.



Uindecim, ferè anni præ-
terlapſi ſunt, cùm *Acta Ven.*
Wilburgis ſeu *Wilbirgis*, Cā-
nonicæ ac Recluſæ Sanct-
Florianenſis Ord. S. Augu-
ſtini in Austria Superiore
ex umbra & tenebris in lu-
cem protuli. Nunc alterius ex Austria
Inferiore Virginis, ætate, vitæ ſanctimo-
nia & cœleſtibus donis illi æqualis, res
vel ſanctè actas vel divinitus viſas, ex lon-
ge adhuc maioribus ac ſpiſſioribus late-
bris veluti redivivas Lectori ſiſto ac repræ-
ſento. Eſſi enim *Wilburgis* illius vita
ſanctiſſimè exacta, vulgo ignota admo-
dum & obſcura eſſet, in ipſa tamen In-

clyta & Celeberrima Cagnia Florianensi, quam seu virtutis suæ pietatisque arenam & theatrum elegerat, & sanctissimo suo obitu consecravit, quædam ejus monumenta constanter perdurârunt, nec inter tot tantâsque rerum ac temporum vicissitudines ejus memoria apud Clarissimos ejusdem loci Canonicos unquam penitus intermori potuit: Ut nihil de Austriæ Bibliothecis hic commemorem, quæ *Vitam Wilburgis*, ab Eynovico, Præposito Florianensi magna cum fide litteris consignatam, suo in sinu arctius sanctiusque conservabant.

II. Nihil horum de rebus nostræ *Agnetis*, utut longè illustriorem olim scenam ornantis, affirmare licet, cujus etiam nomen doctis pariter ac indoctis in Austria pluribus sæculis incognitum fuit. Primam ipse illius notitiam hausi, cum biennio abhinc e Gallia reversus Illustrissimi ac Excellentissimi D. D. Ludovici Philippi, Comitis de Sinzendorff, Augustissimi Imp. CAROLI VI. Cancellarii Primarii, & tum ad Conventum Sues-

Suessionensem Principis Legati munificentia, sitas Rhenum inter, Danubium & Lycum bibliothecas lustravi. Ea enim occasione ad Celeberrimum Ordinis nostri Monasterium Neresheimense in Suevia Transdanubiana delatus, dum mihi a Clarissimo & Eruditissimo ejus loci Supprie Magno Stör, vetusti Codices prolixa cum benevolentia & amore ostenderentur, evolutis pluribus voluminibus, vetustis admodum ac optimæ notæ, tandem in membranas, nec ipsi diligentissimo ductori meo hucusque animadversas incidi, quæ Vitam & Revelationes cujusdam *Agnæ*, quæ *Wiennæ* morabatur, continebant. Discussi opus illico tanto majori studio & sagacitate, quanto mihi amplius de Excellentissimi Comitis Patroni animo constabat, quem ea omnia maximopere delectant, quæ tum universæ Austriæ, tum speciatim Vrbi *Wiennensi*, luci ac ornamento quoquo modo esse possunt. Vix pauca delibaveram, cum deprehendi, Opusculum luce publica dignissimum esse, utpote quò non solum pietas ho-

P R Æ F A T I O.

minum egregiè accenderetur fovereturque, sed etiam Historia Austriaca, Rudolphinorum præprimis ac Albertinorum temporum non uno loco illustraretur. Ita cogitanti mihi mox adfuit profusa erga me Clarissimorum Patrum Neresheimensium voluntas & humanitas, qui gemmulam, Austriæ olim tam charam, apud sese detectam admodum gavisi, non solum amplissimam codicis exscribendi facultatem mihi in loco indulserunt, verum etiam, ut eundem domum mecum deportarem, benignissimi auctores extiterunt. Nec celeri, quam animo destinaveram, Operis editioni quidquam hucusque obstitit, quam aliorum longè majoris momenti veterum monumentorum, quæ in eodem itinere reperta prelo paranda erant, cura & multitudo. Tandem & hic auxilio opportunè fuit Plurimum Reverendus D. P. Leopoldus Wydemannus, Inclytæ Cartusiae Gemnicensis in Austria Vicarius longè dignissimus, Vir ad juvandos pios ac utiles studiosorum hominum conatus unice factus, qui acceptum a me Opus,

manu

manu seculi XIV. atque adeò perquam minuta lectuque difficiliore exaratum, a se, licet sexagenario jam majore, curatè ac eleganter exscriptum, & notulis insuper nonnullis eruditè illustratum, brevi post tempore ad me remisit, eaque sua Industria effecit, ut eò, quem hic vides, modò, de patria mihi benè ac sanctè, ut equidem spes est, mereri liceret.

III. Porro ad ipsam *Agnetem*, quod attinet, eam in Austria floruisse, ac Wienam sua pietate ac domicilio ornasse seculo XIII. ad finem declinante, satis constat ex pluribus ejus visionibus, quas annis MCCXC. MCCXCI. MCCXCII & MCCXCIV. contigisse, vitæ Scriptor non obscure innuit, immò nonnunquam apertè affirmat. Ejus asperrimam a pueritia & adolescentia vitam præcipuè discimus ex *Cap. 39.* unde etiam, uti & ex *Cap. 41.* intelligimus, *Agnetem* institutum *Beginarum* sectatam esse, de quo vitæ genere vide, quæ ad postremo loco citatum Caput ex *Cangio* observavi. Supremum diem obiisse anno Christi MCCXCVII. & quidem X. Calendas

PRÆFATIO.

Majas, ex iis videtur statuendum, quæ *Ermenricus* quidam, qui codicem Neresheimensem exaravit, ad Operis calcem hōc modō adnotavit:

Anno Domini MCCC^{XVIII}. minus tribus annis obiit hæc Virgo in X. Kal. Mai.

Ubi numerum illum octodenarium, præter morem supra versum extantem, ab alia manu, antiqua tamen, additum fuisse plusquam suspicio est. Quod si tamen notæ illæ Chronicæ ubique factæ sunt, obitum Agnetis anno Christi *MCCC^{XV}*. consignandum esse omnes vident. Ibidem ad notam *Ermenrici* tertia, ut videtur, quædam manus, seculo XIV. vix recentior, nomen Virginis, tum a vitæ Scriptore, tum a Librario dissimulatum, his verbis adscripsit: *Agnes Blannbekin, filia cujusdam rustici, & morabatur Wiennæ, & erat de confessione Minoris cujusdam sancti Fratris.* Dum anno abhinc Vindobonæ agerem, nullam non operam dedi, ut non nihil amplius

plus de reliquis Virginis rebus, puta, de loco sepulchri, ejus cultu, reliquiis, & ejusmodi alijs, quæ Eruditissimis Patribus Bollandianis aliquando usui esse possent, ex Admodum RR. Patribus Minoritis Conventus S. Crucis, ubi meliorem vitæ partem exegit, rescirem, sed frustra, nullo penitus ejus vestigio vel memoria superstita. Nec plus opis ac lucis, ex amplissimo veteri eorundem RR. PP. Minoritarum *Necrologio*, a R. fratre inter *Scriptores Rerum Austriacarum Tom. II.* vulgato, in quo genere vel pietate illustrium virorum foeminarumque, apud eosdem sepultorum, nomina recensentur, cepi: ut adeò, quicquid de hac *Agnete* scire operæ pretium foret, non aliunde, quam ex his unis & solis, quæ hic edimus, sperandum expectandumque videatur.

IV. Is, qui *Vitam & Revelationes Agnetis*, utut rudi ac ferreo, id est, sui seculi stylo, in litteras retulit, fuit *sanctus quidam Frater Minor* e Conventu S. Crucis, ut mox vidimus, & ipse in toto passim Opere testatur: accessitque ad eas memoria

riæ

riæ tradendas Divino nutu & oraculo, certaque perennis in cœlo præmii spe incitatus, quod ipse pluribus *Capite 37. & 38.* refert. Indidem liquet, Auctorem fuisse Virgini a sacris confessionibus, omniâque, quæ scripsit, ex ejus ore, aut *a sanctis & fide dignis personis*, ut ait in Prologo, *didicisse*: quæ quidem ad conciliandam ei fidem præprimis faciunt. Sed nihil cum longius extra falsitatis & fictionis suspicionem apud cordatos viros collocabit, quàm quòd Heroïnæ suæ aliorumque ex Ordine suo sanctimoniâ vitæ præstantium Sodalium virtutes & laudes ita exponat, ut præterea ne minimos quidem nævos eorundem aut noxas dissimulet. Quin in hoc genere eousque candor ejus progressus est, ut ne propria quidem peccata longæ ac feræ posteritatis oculis subducere voluerit. Vide sis *Cap. 171. & 177.* Quo quidem agendi modo genuini Historici, ejus est nullum falsum dicere, nullumque verum silentio suppressere, partibus egregiè defunctus est. Dolendum tantummodo Viri docti, pii ac de Austriæ
non

non immeriti nomen excidisse. Nam etsi id in Prologo quondam differte legeretur, in eo tamen codice, quo usi sumus, nescimus, quo fato aut qua manu, nunc ita rasum conspicitur, ut ne unius litteræ vestigium quavis adhibita sagacitate deprehendi possit. Sed fatalis ejusmodi lacuna de pretio ipsius opusculi nihil admodum decerpit, in quo præterea nihil reperi, quod rectè acceptum cum Divinis Scripturis, Catholicæ Ecclesiæ dogmatibus & traditionibus, ac denique cum defæcatoriore Theologia non consentiat.

V. *Caput 38.* in quo Agneti divinitus dictum refertur, *præputium cum Domino surrexisse in die resurrectionis*, haud dubiè nonnullos movebit, qui locum illum ex *Lib. VI. cap. 112. Revelationum S. Birgitæ* cum isthoc nostro attentius conferent. Ibi enim Sanctissima Deipara de præputio Filii sui in hunc modum disserit: *Cùm Filius meus circumcideretur, ego membranam illam in maximo honore servabam, ubi ibam. Quomodo enim ego illam traderem terræ, quæ de me sine peccato fuerat generata? Cùm tempus voca-*
tionis

PRÆFATIO.

tionis meæ de hoc Mundo instaret, ego ipsam commendavi Sancto Johanni custodi meo cum sanguine illo benedicto, qui remansit in vulneribus ejus, quando deposuimus eum de cruce. Post hoc Sancto Johanne & successoribus ejus sublati de Mundo, crescente malitia & perfidia, fideles, qui tunc erant, absconderunt illa in loco mundissimo sub terra, & diu fuerunt incognita, donec Angelus DEI illa amicis DEI revelavit. O Roma, o Roma! Si scires, gauderes utique: immò si scires flere, fleres incessanter, quia babes thesaurum mihi charissimum, & non honoras illum. Haftenus revelatio Sanctæ Birgittæ de præputio Christi coelitus facta, quæ sanè longissimè ab ea, quæ nostræ Agneti de eadem re obtigit, abludere videtur. Sed ut responamus hic Virorum doctorum & Criticorum gladium, quo hujusmodi nodi Gordii nullo negotio secantur, si dicatur ex privatis piorum hominum visionibus controversas has facti, ac minimè necessarias, quæstiones decidi non posse, ac in illis plerumque regnare species ac imagines rerum, quibus an-

antea piæ animæ imbutæ fuerunt, ut, inquam, seponamus nunc ista, videntur hæ duæ nostræ de præputio Domini in speciem pugnantes revelationes ita conciliari posse, si, quod apud *Agnetem* de resurrectione præputii interna vox nuntiat, de una aliqua solummodo parte præputii: Quod verò apud Sanctam Birgittam Divina Mater de ejusdem præputii in terris adseruatione asserit, de reliqua eaque fortè majore Dominici præputii parte accipiatur. Certè si *Franciscus Suarez* apud *Bollandianos Tom. I. Act. S.S. pagin. 4.* probabile censet, id, quod in circumcisione Domini resectum est, in terris mansisse, corpus tamen resurgens habuisse præputium formatum ex aliqua parte materiæ illius, quæ aliquando fuerat in corpore Christi, & per continuam erat nutritionem resoluta: Cur non idem potius & commodius dicatur de aliquâ parte Dominici præputii, in terris adempti, quæ Divina virtute in resurrectione ita tenderetur formare-

returque, uti gloriosi corporis integritati (si tamen huic necessarium est præputium) congrueret, ad eum fere modum, quo salva in omnibus Catholica fide de resurrectione ejusdem humanæ carnis, parvulorum etiam corpora *in mensuram ætatis plenitudinis Christi, id est, in statura hominis annos circiter XXXIV. nati, occursura esse Ecclesiæ* tenet traditio teste Hieronyma apud Eruditissimum Augustinum Calmetum è Benedictina Congregatione S. Vitoni Tomo VII. Comment. Litteral. in Divinas Scripturas pag. 440? Vide de his plura apud laudatos Bollandianos. Universim hic observaverim, dum hujusmodi Sanctorum virorum ac mulierum visiones & revelationes privatæ in publicam lucem efferuntur, nullius fidei jugum imponi, sed omnia isthæc, donec aliud universali Ecclesiæ visum fuerit, Divini Apostoli lege ac regula concludi: *Omnia probate: quod bonum est, tenete.* Cæterum omnia hujusmodi sine discrimine explodere, inter languentium muliercularum somnia & com-

commenta deputare, ad criticum un-
guem & humanæ duntaxat prudentiæ
leges singulos apices revocare, fanè non
nisi hominis frigidi, Divinam erga hu-
manum genus bonitatem ignorantis, &
carnali sapientia stolidè ferocientis esse
puto.

VI. Quod generatim de omnibus
peculiaribus piorum hominum visis &
revolutionibus ultimo loco monui,
multò magis de *Pothonis* seu *Bothonis*
Libro Miraculorum Sanctæ DEI Geni-
tricis Mariæ, quem *Agnæ Vitæ ac*
revelationibus ob argumenti similitudi-
nem adjungo, accipi velim. Fuit is
Presbyter & Monachus celeberrimi & do-
ctis viris ab ipsa origine sua clarissimi
Monasterii Prunveningensis, hodie Pri-
flingensis O. S. B. propè Ratisbonam
circa annum Christi MCLII. ut testis est
Guilielmus Cave Histor. Litter. pag. 586.
edit. Genevensis anni MDCC. ubi tamen
cum post *Alexandrum Brasicanum* aliòs-
que Scriptorum Ecclesiasticorum No-
menclatores malè facit Monachum
Monasterii *Prumiensis* in Diocesi Tre-

)()(

ve-

verensi, id quod prolixè ac invictè demonstravi in *Dissertatione Isagog. ad Tom. 1. Thesauri Anecdotorum Novissimi pag. XLII.* Ibidem plura Pothonis Opera ex *Johannis Lapilli Libro de Scriptoris Eccles.* nondum edito, recensui, inter quæ tamen nihil adhuc typis exscriptum novi præter *Libros V. de Statu domus DEI & unicum de Domo Sapientia*, qui primum Hagenoæ anno MDXXXII. in 8. ac deinde in Bibliothecis Patrum prodierunt.

VII! Ad scribendum hunc, quem præ manibus hic habemus, Librum, *Potho* jam canis obsitus & *senex* accessit, quod ipse de se testatur *Cap. 37.* in quo quamdam *visionem de Sancta Maria vidisse se*, & quasi de alieno scripsisse memorat, ac insuper plura de *Matre misericordia & ejus beneficiis*, quæ ante annos quadraginta circa eum gerebantur, referre dignum ducit. Quæ sanè Auctoris de ætate sua ac propria experientia assertio non nihil tranquilliores ac securiores nos de fide eorum, quæ refert, reddere possint, utut nonnulla profectò portentosa &

PRÆFATIO.

& supra fidem posita videantur, cujusmodi ea sunt, quæ *capite 36. & 40.* prolixè denarrat. Fuisse tamen hoc Opus jam inde ab Auctoris ætate passim in manibus & deliciis hominum, satis intelligitur ex magna vi ac multitudine manu descriptorum exemplorum, quæ hodieque in Germaniæ Bibliothecis a me collecta sunt. Eundem hunc Librum *Eberhardus*, post medium seculum XII. Monachus, postea Abbas *Prunveningensis*, *Arnoldo*, erudito sodali suo commendavit cum precibus, ut eum amplius expoliret, ac elegantiore latinitate donaret. Rem *Arnoldus* ipse his verbis prodit in Præfatione ad Librum suum *Primum de Miraculis Sanctæ Mariæ Matris Domini*, ubi post plusscula sic *Eberhardum* alloquitur: *Antequam ergo secundum formam cælestis confessus præparatio fieret sedis vestræ (siquidem aequè ad magna non pervenistis nisi per magnos labores, quemadmodum per multas tribulationes oportet introire in regnum DEI) cum nondum extendens manum*

Dominus apprehendit vos fluctuantem
 ad me de miserationibus Matris misericordie
 quedam Capitula detulistis, eaque
 ut incudi redderem, & Librum inde ele-
 ganti stylo conficerem, supra posse meum
 exegistis. Tum subdit: Ego me debito-
 rem & devotionis amico, & servitii Do-
 minæ non ignorans parvi vestre amicitie,
 servivi Matri luminis, prout datum est
 desursum a Patre luminum. Commenda-
 tum ab amico, reddo non jam amico, ve-
 rum Patri, verum Domino. Enim vero
 pro amico deinceps jam Patrem vocabo
 vos, & post vos ingredi non cessabo. Quia
 etiam Dominum meum Dominus vos con-
 stituit, & omnes Fratres meos vestra ser-
 vituti subjecit &c. Jam verò Capitula
 illa de miserationibus Matris misericordie
 nihil aliud, quam præsentem Potthonis
 Librum fuisse, certissimum est ex ipsius
 Arnoldi Opere, in quo nihil ferè aliud
 legere est, quam quæ in medium affert
 Pottho Presbyter, totumque utriusque
 operis

P R A E F A T I O .

Operis discrimen in eo versatur, quod, quæ perenni atque æquabili oratione hic exponit; ille Dialogo interlocutricibus *Maria & Martha* prosequatur, omnemque laborem suum in quatuor Libros partiatur: cujus quidem partitionis nullum apud *Pothonem* vestigiumprehenditur, id quod primus observavit olim Admodum Reverendus, Religiosiss. & Clariss. D. P. *Robertus Leeb*, Inclyti Monasterii S. Crucis in Austria Ord. Cisterc. Professus & Bibliothecarius, nunc etiam meritò suò maximò Reverendissimus, Perillustris ac Amplissimus D. Dominus Abbas & Præsul, nostrorum studiorum amans, qui utriusque Operis apographum, sua pereleganti manu exaratum ex insigni membraneo suæ Bibliothecæ Codice, seculo XIII. haud inferiore, mecum perquam amanter communicavit, prætereaque accuratè notavit, Arnoldianum Opus in Codice suo non nisi triginta sex priora *Pothonia* capita Dialogo explicare, atque ad illius calcem hæc a veteri Librario moneri: *Hic præcisa est & amputata pars hujus textus*

tii Libri, & quartus Liber ex toto subtrahendus est. Alibi quæras, si poteris, hunc defectum. Nam hic omnino non invenies. Haec Doctissimus Praesul de Arnoldi Opere, quatenus in Bibliotheca San - Crucensi extat. Pluribus tum de Arnolde tum de Pothone, tum denique de aliis Monasterii Prisslingensis Scriptoribus brevi, si DEUS faverit, in Bibliotheca Benedictina disputabimus.



APPRO-

APPROBATIO.

Nos Bertholdus, DEI & Apostolica
Sedis gratia, Exempti Monasterii
Mellicensis Ord. S. P. Bened. Abbas, faci-
mus potestatem dilecto Nobis in Christo R.
P. Bernardo Petz, ejusdem Nostri Mo-
nasterii Professo, Opusculum, cui titulus:
Vita & Revelationes Ven. Virginis
Agnetis Planbekin &c. Pothonis Pres-
byteri & Monachi Priflingensis Li-
ber de Miraculis B. Mariæ Virg. &c.
prius a duobus Nostris ad id deputatis
Censoribus revisum & approbatum, ty-
pis commendandi. In quorum fidem præ-
sentibus Sigillum nostrum appressimus, &
manu propria subscripsimus. Actum
Mellicii 3. Junii Anno 1730.

(L. S.)

Bertholdus Abbas
Mellicensis.

015200

[illegible]

(3)

100



PROLOGUS AUCTORIS.

In Vitam & Revelationes

Ven. Agnetis Blannbekin.



Onfiteor tibi pater, Domine cæli & terra, quia abscondisti hac à sapientibus & prudentibus, & revelasti ea parvulis : Ita Pater, quoniam sic fuit placitum ante te.

Verè Domine testimonia tua credibilia facta sunt nimis, quòd cum simplicibus sermocinatio tua, & quòd dixisti : *Ducam eam in solitudinem, & loquar ad cor ejus.* Nam tu parvulis & humilibus tuis arcana revelare dignaris, & cum simplicibus tuis, ductis in solitudinem internæ contemplationis, secreta mysterii tui loquens multifariam multisque modis, sicut olim Patribus, in Prophetis, ad ædificationem & consolationem credentium, incerta & occulta sapientiæ tuæ manifestas. Igitur venerandæ, adorandæ & amandæ majestati, veritati, & bonitati tuæ gratias referens, o beata Trinitas, ad laudem tuam, gloriam & honorem, & ad ædificationem fidei, &

A

ad

*
Hæc peni-
tus e codice
orasa sunt.

ad nutrimentum devotionis, & ad divini amoris incrementum, ego pauperculus & indignus... * ea, quæ à Sanctis & fide dignis personis, te Domine eis revelante, didici vel didicero, conscribere cupio, te Patrem luminum invocans, à quo omne donum optimum, & omne donum perfectum est, ut mihi dare velis sedium tuarum astringentem sapientiam, ut mecum sit, mecum laboret, mecum scribat, ut scribam, quod acceptum sit coram te, & veritatis limites non excedam, Amen.

Capitulum I

De elementis, & creaturis, & rebus.

Facta manu Domini super unam sanctam personam post missam publicam in Ecclesia, coepit suaviter viribus deficere, & intus rapta in lumen inenarrabile, vidit in lumine divino hominem speciosum præ filiis hominum, & in homine illo illud lumen : & in homine & in lumine divino vidit elementa & creaturas, & res ex ipsis factas, tam parvas quàm magnas, distinctas in tanta claritate, ut quælibet, quantumcunque parva, centies Sole clarior videretur, prout Sol modò lucet, etiam minimum granum vel lapillus : & claritas, quæ nunc est, in comparatione illius

lius claritatis obscura censeretur, sicut luna, cum nube obscura tegitur. Erant quoque res creatæ sic distinctæ in claritate, ut unaquæque sua qualitate discerneretur, videlicet granum viride à rosa rubea, & sic de cæteris.

Inter omnia elementa & res creatas terra erat præclarior. Et hoc ideo, quia Deus corpus de terra sumpserat : & quia corpora Sanctorum sunt de terra : & quia in passione Domini terra infusa est sanguine Salvatoris & Sanctorum. Hæc enim omnia erant in homine illo, id est, in Christo.

Cap. II.

De salvandis hominibus.

Item vidit ibi omnes homines, qui adhuc vivunt super terram; &, sicut ipsa intellexit, non vidit ibi nisi salvandos : & omnes cognovit, quos etiam nunquam viderat. Vidit etiam illorum hominum conversionem & ascensum ad Deum, & qualiter primò ad Deum conversi sunt : & *mihi retulit modum meæ conversionis, sicut fuit.*

Cap. III.

De cunctorum hominum profectu.

Vidit etiam cunctorum hominum profectum in gratia, quem appellabat

ascensum in Deum. Et isti ascensus per modum graduum mirabiliter in altum porrigebantur. Vidit etiam nihilominus juxta has ascensiones virtutum semper assistere notitiam peccatorum, in quibus olim fuerant: & in illis manifestabatur DEI bonitas. Vidit de ascendentibus quosdam ruituros in peccatum, & causam ruinæ, & modum, & iterum resurrecturos, & qualiter resurrecturi essent: & licet omnes in Christo & Deo essent, tamen alios aliis plus familiares Deo & viciniore vidit.

Cap. IV.

De mansionibus & gloria electorum in patria.

IN prædicta visione & lumine vidit mansiones & gloriam Electorum in patria, scilicet omnes in Deo consistere & manere: & quamvis omnes in Deo consistent, alii tamen plus aliis Deo propinqui erant secundum intensiorem amoris.

Cap. V.

De vulneribus Christi in generali.

Vidit Christi vulnera benedicta inenarrabiliter gloriosa, perlucida, & clara luce

lucē fulgida, ita ut omnes electi ad ipsorum præsentiā essent lucis illius pervii & transparentes. De vulneribus capitis dixit, quod multæ puncturæ essent, & quod à singula punctura inenarrabile lumen Sanctis fluxit, ita quod Electi potius vellent omni gaudio patriæ carere, DEI visione excepta, quàm carere intuitu vulnerum Christi beatorum.

Dixit de ista luce, quod lux vulnerum millesies, id est, inæstimabiliter, excederet lucem Solis. Dixit, quod in aspectu hujus lucis, quidquid desideratur, quidquid quæritur, ibi invenitur & habetur.

Cap. VI.

De vulneribus Christi quinque in speciali.

VIdit, quod vulnus manus dextræ significat munera, quæ largitur Christus Sanctis hic & in patria: Vulnus sinistræ manus tenet Sanctos: De vulnere laterali manat refectio spiritualis, desideratissima & dulcissima omnibus Sanctis in patria, & adhuc existentibus in via. Et quidam valde de prope, ore etiam usque ad latus posito, bibunt de torrente illo voluptatis. Dixit, quod aliqui Viatores, adhuc viciniore lateri Christi aliquibûs in patria, nectar illud salutare bibunt.

Vulnere pedis dextri significatur levitas, non ponderositas, sive agilitas. Vulnere pedis sinistri significatur haberi gaudium & læticiam, quod nos vocamus tripudium, non quòd ibi sit tripudium vel chorea, sicut importat hoc nomen apud nos convivia : Sed aliam similitudinem dare non poterat.

Cap. VII.

De fide Catholica in patria.

Dicit, quòd in patria fides Catholica est lux, & lucet Sanctis, id est : Quanto plus quis habet nunc hìc de luce fidei, tantò plus habebit in patria de luce Divinitatis. Amor est præmium.

Cap. VIII.

De glorificatis in corpore.

Vidit multos in patria glorificatos jam in corpore : de novo testamento Beatam Virginem Matrem Domini, & ejus Paranympum Beatum Johannem Evangelistam.

Vidit in plena gloria corporum & animarum de veteri testamento eorum, qui in resurrectione Domini cum Domino surrexerunt, & sunt in corpore & anima

ma jam glorificati, & præcipuè illi famosi Sancti in lege veteri, sicut Moyfes & Jeremias, &c.

Cap. IX.

De prærogativis Beatæ Virginis.

Virgo Beata habet tres prærogativas præ omnibus electis.

Prima est, quia ferventissimè DEUM dilexit, & diligit plùs quàm aliquis Sanctorum: & præ omnibus & super omnes in DEUM assumpta est, & de plenitudine sui amoris omnes electi participant & perceperunt initium suæ salutis, & conversionis, & adhuc existentes in via.

Secunda est, quòd ipsa est speculum Christi DEI, & ipse se in ipsa speculatur, sicut in speculo, cognoscens se carnem ab ea sumpsisse. Et quanquam omnes Sancti in patria suum gaudium habeant à DEO Christo, ipse tamen singulare gaudium habet à Matre Virgine ex eo, quòd se in ipsa speculatur, ut dictum est.

Tertia est, quòd ipsa beata Virgo est constituta mediatrix inter DEUM & peccatores ad placandum Deum & reconciliandum: & ex hoc accrescit quotidie ei gloria ex his, qui ejus meritis & intercessione convertuntur, & in bono proficiunt.

Cap. X.

De coronatis Sanctis, & postea de Confessoribus.

Vidit Sanctos coronatos quòad præmium exterius diversimodè. Confessores enim habebant coronas, quæ circumdabant eos à pedibus & sursum, ita ut ex omni parte viderentur coronati. Et nihilominus eadem corona coronabat caput; & erat sic distincta in quatuor angulis, ita ut in anteriori parte aurea videretur, à tergo rubea, à dextris viridis, à sinistris cælestis coloris: qui colores merita Confessorum significabant.

Cap. XI.

De corona Martyrum.

Corona Martyrum tota erat rubricata, & in altum supra capita eorum suspensa, nec contingebat capita, sicut nec corona Confessorum, quamvis ex omni parte circumdaret eos, nusquam tamen eos contingebat.

Cap. XII.

De corona Virginum.

Corona Virginum erat varietate distincta & incredibiliter pulchra, & præcipuè

puè quatuor florum generibus ornata, scilicet rosis & liliis, violis & flore campi. Et ista magis erat propinqua capiti, nec tamen caput tangebatur, sicut nec priores.

Dixit, quòd istæ coronæ formabantur in quolibet ex Divinitatis aspectu, & ex illorum mutuo respectu: Scilicet quòd se videbant à Deo intueri; & ex isto Deitatis intuitu in coronis eorum merita singulorum quasi scripta legebantur. Istæ coronæ significabant merita exteriorum exercitiorum. Unde, qui magis erant exercitati in statu suo, exterius plus habuerunt decoris & pulchritudinis in coronis. Merita autem interiora erant, ut dicebat, secundum intensiorem charitatis. Præmia istorum meritorum erant major propinquitas & amicabile familiaritas ad DEUM.

Unde dixit, quòd aliqui Martyres mutuo se excedebant secundum ista merita & præmia. Dixit enim, quòd aliqui plura & duriora passi aliis, plus fulgidas haberent coronas aliis etiam plus familiaribus Deo: & alios Martyres minus aliis passos, tamen cum majori charitate, plus interius familiares esse Deo & propinquos, extrinsecus autem habentes coronas, non in tantum fulgentes, quantum fulgebant coronæ Martyrum plus passorum, quamvis cum minori charitate.

Cap. XIII.

*De corona duodecim stellarum
Beate Virginis.*

DE gloria Virginis Beatæ & Matris Dei dixit, quòd erat amicta sole, & corona duodecim stellarum in capite ejus, & luna sub pedibus ejus. Hæc sic digessit. Dixit, quod non erant stellæ sicut firmamenti, sed alio nomine vel similitudine non possunt exprimi: & illic in patria stellæ nuncupantur, & erant sua claritate distinctæ ab invicem & significationibus. Nam quælibet illarum significabat singulares dignitates, merita, & virtutes Beatæ Virginis; quæ ex ipso intuitu ipsarum stellarum intellectu conspiciuntur.

Nam *Prima* significabat, quia ipsa filia Patris æterni, & quòd Pater per ipsam haberet honorem propter multitudinem fidelium, qui per ipsam facti sunt filii adoptivi gratiâ Dei.

Secunda exprimebat, quòd ipsa Mater Filii Dei æterni, & ipsius ad ipsam intimam dilectionem.

Tertia stella exprimebat, quòd ipsa Spiritus Sancti Sponsa, & magnam, immò maximam unionem cum Deo præ cæteris Sanctis.

Quarta

Quarta stella exprimebat, quia ipsa Regina Angelorum, & maximam, quam habent sancti Angeli ad homines: * & quia per eam ex hominibus Angelorum ruina restauratur. *
Supple:
unionem
vel chari-
tatem.

Quinta stella exprimebat, quia ipsa fuit sanctorum Apostolorum regula, vita, & doctrina.

Sexta exprimebat, quia per ipsam fortitudo & constantia sanctis Martyribus à Domino data est.

Septima exprimebat pietatem Confessorum, quæ propriè est virtus Confessorum, per quam multum præmiantur, quæ ejus suffragiis datur.

Cap. XIV.

De proximitate Sanctorum Deo.

Octava exprimebat castitatem Virginum, eò quòd ipsa institutrix prima fuerit virginitatis, & copiosam habebat turbam se sequentium in virginitatis proposito. Et dixit, quòd Virgines proximæ sunt Deo. Et dixit, quòd cæteri sancti, qui fuerunt auctores & institutores novarum societatum, * sicut Beatus Benedictus, B. Bernardus, B. Franciscus, B. Augustinus, & B. Dominicus, præ cæteris Sanctis sunt gloriosi. *
Cod. san-
ctitatum.

Nona

Nona stella exprimebat beneficentiam, quam exhibet peccatoribus : & hæc stella circuibat in corona cæteris stellis fixis.

Decima gratiam & augmentum gratiæ, quam per ipsam percipiunt iusti. Unde dixit : ipsa est sicut canale vel æquæductus , qua mediante Deus influit in electos, etiam in patria.

Undecima est auctoritas & potestas jure matris dandi beneficia præ cæteris omnibus Sanctis.

Duodecima exprimebat subventionem, qua subvenit his, qui in purgatorio sunt. Nam, quotiens ejus agitur memoria in missis & in cultu divino, ipsa aliquas eripit animas de pœnis.

Amictus solaris est claritas divinitatis, quâ ipsa est circumdata velut amictu. Ipsa est enim plùs perlucida & pervia luce divinitatis, hoc est, Deitate, quam omnes Sancti.

Unde luna est sub pedibus ejus. Quæ lux lunaris significat , quòd quemadmodum luna est inferior sole, sic omnis claritas sanctorum inferior est luce & claritate Virginis gloriosæ.

Cap. XV.
De Angelis.

DE Beatis Angelis dixit, quòd sunt immateriales, & in Deo. Sicut rosâ appositâ speculo, rosâ apparet in speculo: Sic ipsi in speculo divino sunt. Verum & veram vitam habentes ardent in divino amore, & alii plus aliis, & laudant Deum, & intuentur DEUM: in hoc habent maximum gaudium.

Aliud gaudium habent ex eo, quòd circa nos solliciti nostram procurant salutem: & quia ex hoc Deo honor, & nobis profectus salutis crescit, ipsi de hoc gaudent. Ipsi enim sic sunt amici generi humano, quòd omnes parati essent venire ad terram pro una anima, ne periret. Et dixit: Quamvis sancti Angeli intimi sint Deo, & ardeant in charitate, tamen multorum Sanctorum charitas præcellit, & est ideo pretiosior, quia cum difficultate & pugna in charitate Dei profecerunt.

Cap. XVI.

De præcellentia Apostolorum (ante) ceteros sanctos.

Dixit, quòd sancti Apostoli ceteros Sanctos omnes præcellunt, excepto B. Johanne

hanne Baptista, & Beato Moyse. Et causam dixit: quia Dominus in vita familiaris fuit, & cum eis loquebatur, & ex illa colloquutione & convictu ipsi sine intermissione ardebant præ charitate.

Cap. XVII.

De St. Paulo.

DE sancto Paulo dixit, quòd sit major inter Apostolos, exceptis tribus, scilicet Beato Petro, B. Johanne Evangelista, & B. Bartholomæo: quia B. Bartholomæus ferventissimo amore Christi passus est, & tam diu, & tam acerbè.

Cap. XVIII.

De Francisco.

Dixit de B. Francisco, quòd major sit in conspectu Dei exceptis Apostolis, & B. Johanne Baptista, & B. Moyse. Dixit, quòd Beatus Franciscus fortissimo & ferventissimo amore & seriòse Deum amavit: & quòd anima B. Francisci habeat illa sacra signacula: (&) quia fortissimè ardebat in amore Christi & interiùs in anima, apparenter inde in corpore resultabant. Et dixit, quòd Sancti de hoc magnum habent gaudium: quia aliquis inter eos est in-

inventus, in quo relucet illa sacra vulnera Christi.

Cap. XIX.

De luce egrediente ex vulneribus Christi.

DIxit, quòd lux de vulneribus Christi egrediens refulget in sacra stigmata Beati Francisci, & eisdem tantum splendorem ministrat, sicut lux solis lunæ, quòd tota curia cœlestis ex hoc jocundatur.

Cap. XX.

De B. Bernhardo, B. Dominico, B. Nicolao, B. Augustino, B. Gregorio, & St. Ambrosio, de Fratre Berchtoldo Ratisponensi, B. Hieronymo.

DIxit de B. Bernhardo, B. Dominico, & B. Nicolao, quia comparantur B. Johanni Evangelistæ in eo, quòd Deum tenerrimè & dulci amore dilexerunt, & quòd sunt excellentissimi Sancti in cœlo.

Dixit de B. Augustino, quòd est maximum lumen in conspectu Dei, & quòd actualiter capax sit beatissimæ Trinitatis: & hoc ideo, quia hic ingenium exercuit &

& excoluit intellectum suum tanta fide & amore in Tractatibus de sancta Trinitate.

Dixit de B. Gregorio, quòd sit dilectissimus Sanctus, & quòd anima ejus sicut S. Stephani in hac vita extitit vas plenum Spiritu Sancto & dilectione Spiritus Sancti : & secundum hoc in patria habet influentiam & amoris insignia.

Dixit enim, quod unusquisque Sanctorum, sicut in via dispositus extitit in gratia, ita in patria est præditus gloria.

De S. Ambrosio dixit, quòd, quia tanto Zelo amavit justitiam, ideo magnus est in gloria. Et adiecit, quòd Frater Berchtoldus de Ratispona non minor eo esset propter gratiam doctrinæ, quia docuit, & quia austerus in se extitit. Dixit enim, quòd austeritas vitæ magni meriti est apud Deum.

De Beato Jeronymo dixit, quòd luce Divinitatis insignitur, eò quòd tanto studio illuminavit sacram paginam.

Cap. XXI.

De laude vocali in patria.

DIxit, quòd esset in patria laus vocalis dulcissima, ita quòd unius Angeli canrus totam curiam cœlestem lætificaret, etiam si alii tacerent. Et hanc canebant omnes Angeli, & omnes electorum ani-
mæ

mæ , exceptis illis , qui gravibus peccatis involuti distulerunt pœnitere usque in finem vitæ , & sic morientes , tamen contriti , in igne purgatorio graviter sunt puniti , illi non habebant vocem laudis : & pueri infantes , qui nihil adhuc meruerunt , etiam vocem laudis non habebant. Pueri tamen , qui multa passi sunt in infirmitate (aliqui enim pueri duorum annorum vel trium & similes , graves aliquando tolerant infirmitates) isti habent vocem laudis. Nam pati in fide magni est meriti apud Deum , ut dixit.

Cap. XXII.

De diversis vocibus canentibus in patria.

Item dixit , quòd non omnes una voce cantabant in patria ; sed diversas voces & melodias intonabant , & alii aliis dulcius resonabant : & hoc secundum quod erant majoris meriti apud Deum.

Cap. XXIII.

De voce unius Angeli , & eorum voluptate scilicet , Angelorum & anima Beatorum , & de eorum motu.

ERat autem vox laudantium & jubilantium

B

tium

tium non verbalis, & tamen significativa ad intellectum : & erat tam suavis & tam jocunda, quòd si solùm unius Angeli vox in terris intonaret, ex hoc totus Mundus exultaret.

Dixit, quòd spiritus Angelici & animæ beatæ perfruuntur voluptate inenarrabili, à Deo in ipsos derivata, quâ continuè eorum desideria innovantur, & novam semper voluptatem percipiunt, nulla facta novitate vel mutatione circa Deum.

Ipsa nescit, utrum in hoc raptu fuerit in corpore, an extra corpus. Quæsi, si animæ beatæ moverentur de loco in locum.

Respondit, quòd nullus ibi sit motus. Quæsi, si ipsa cum cæteris jubilasset, vel cantasset ? Respondit, quòd non, & ait, quòd certissimè sciret, quòd si contigisset eam cantasse, quòd ex hoc tantum fuisset gaudium animæ, quòd corpus ejus fuisset mortuum : quia vis illa vel pactum, quo corpus obligatur animæ ad servandum eam, omnino fuisset debilitata.

Quæsi, si de illa contemplatione aliquid haustum secum attulisset ? Ipsa devotè perfusa lachrymis respondit humiliter, quòd sic. Nam omnibus diebus vitæ suæ quantascunque visitationes, Spiritus Sancti consolationes & revelationes habuisset à Domino, semper tamen pulsabatur quodam

dam metu & metu diffidentia, eò quòd
fui reputatione foret indigna tot & tantis
donis, & etiam ingrata. Unde frequen-
ter timuit, ne eam Dominus desereret, vel
graviter puniret.

Post hanc autem revelationem miri-
ficam iste metus ita est ablatus ab ea, ut,
cùm ille metus vel leviter eam titillet, mox
sentiat in anima spiritualement quendam ta-
ctum, ipsam confortantem, quasi dicat:
nil timeas. Et dixit, quòd ista conforta-
tione Dei bonitas tanta suavitate se for-
met in anima sua, ut redundet in sensus
exteriores, & per totum corpus se dila-
tet, & circa praeordia sentiat dolorem.
Ego utique credo, Spiritum Sanctum tunc
diffundi in corde suo.

Dixit etiam, quòd omnibus diebus
vitae suae, quamvis desiderio magno fer-
veret ad corpus Domini, semper tamen,
quando debuit communicare, invasit eam
quidam timor, ut etiam quaterentur mem-
bra ejus & dentes ad invicem, quousque
ipsa communicasset: post hanc vero re-
velationem tremor ille dimisit eam.

Item dixit, quòd post istam visitatio-
nem vel revelationem frequentius habeat
revelationes à Domino & consolationes
spirituales, ita quòd ad minus semel infra
diem naturalem. Item dixit, quòd prius
saepe habuit revelationes Domini, sed su-

bitò ei à memoria reccesserunt, quod & ego in ea expertus sum : post hanc autem visionem, quæcunque ei fuerint revelata, quando vult, reminiscitur.

Item dixit, quòd priùs delectabatur exteriùs in pulchris ornamentis altaris, & paramētis, & imaginibus, vel picturis Sanctorũ, eò quòd inde haurire soleret non modicas consolationes spirituales : post hanc autem visionem modò minùs curat illa propter majorem consolationem, quam introrsus haurit ex his, quæ in Spiritu videt. Ait enim, quòd, quando vult vacare contemplationi, convertit aciem mentis, ad quæcunque eorum vult, quæ ei revelata sunt in visione Domini. Dominus enim ei ita liberalis est & paratus, ut mox ei infundat benedictionem dulcedinis suæ, tanquam si quis leniter ad ostium pulsans mox intromittatur. Et persæpius accidit, ut ibi rapiatur in extasim, & exterioribus sensibus sopitis cor intus vigeat, & visio ei pandatur de illis, ad quæ se in principio contemplationis convertit. Aliquando in tali extasi, nova & priùs non visa revelantur. Est autem ista extasis subitanea.

Hæc omnia suprà dicta, una visio est.

Cap.

Cap. XXIV.

*De quinque generibus operum
in hominibus.*

ALiam quoque visionem vidit in Spiritu. Et ecce DOMINUS JESUS apparuit indutus Dalmatica cœlestis coloris valde lucidi, & operabatur quinque genera operum in hominibus. Alios pingebat, & alios vestiebat, alios augebat, alios minuebat, alios cibabat. Hæc opera singula faciebat, primò in uno homine, ita quòd primò visus est unum solum depingere, unum solum vestire, & sic de singulis. Postea hæc eadem opera faciebat in infinita multitudine hominum: & in aliquibus hominibus tantum unum opus exercebat, in aliquibus duo, in aliquibus plura, id est, aliquando tantum depingebat, aliquando depingebat & vestiebat, & sic de cæteris.

Hujus visionis intellectus datus est ei.

Pictura significat mentis renovationem. Sicut enim pictor sculptrile vetus superductis coloribus renovat: Sic Christus peccatorum mentes. Vestitus significat virtuosa & strenua opera, scilicet abstinentiæ, vigiliarum, & similium. Unde dixit mihi de quadam Nobili, quam novi,

B 3

quæ

quæ erat magnæ sanctitatis , quòd apparuit vestita vestimentis eburneis, & oculos habebat ad modum flammæ ignis, & erant vestimenta varia & diversa, quibus (eam) Dominus vestiebat. Quòd autem aliquos augebat, sicut qui ad massam auri aliquam partem auri adglutina-ret, significat augmentum & additamentum gratiæ. Quòd verò quosdam minuebat, significat, quod quibusdam propter suam desidiam & remissionem subtrahit gratiam. Quòd etiam cibabat aliquos, significat spiritualem refecti-onem internæ consolationis. Hæc verò quinque opera Dominus continuè faciebat.

Hæc me audiente, venit mihi in memoriam illud verbum salvatoris : *Pater meus usque modò operatur, & ego operor.* Multos homines, quos priùs novit, in hac visione vidit, & quæ Dominus in eis operabatur, cognovit.

Quòd autem hæc opera Dominus in principio tantum in uno operatus est, & postea simul in multis, significat, quòd Dominus ita sollicitus est pro salute unius, sicut multorum, ita quòd si non essent nisi unus homo in Mundo, tanta charitate, tanta fidelitate & sollicitudine operaretur salutem unius, sicut modò multorum salutem operatur.

Cap.

Cap. XXV.

De tribus cælis.

IN die Sancti Nicolai, quando commu-
nicaverat de corpore Domini, & vaca-
re vellet contemplationi, in eadem Eccle-
sia subito facta est super eam manus Do-
mini, & apparuit ei Christus Pontificali-
bus indutus, & ostendit tres Cœlos.

*Fortè Anno
Domini
1190.*

Primum fuit Beatissimæ Trinitatis.
Quod cùm ei ostenderet, lux immensissi-
ma emicuit, ei quidem intolerabilis, su-
bito disparens quasi in ictu oculi, reman-
sit tamen, in qua sibi apparuit Christus.
Nam omnes apparitiones sive revelatio-
nes ei factæ sunt in luce delectabili.

Secundum cœlum fuit mansio Beato-
rum.

Tertium cœlum fuit anima iusta & san-
cta adhuc in corpore existens. Et audi-
vit vocem dicentem sibi: *Omnia, quæ vi-
disti, & gloria Sanctorum, sicut una gutta
aqua in comparatione maris est, sic sunt omnia,
quæ vidisti, in comparatione eorum, quæ non-
dum vidisti: & sicut una gutta est respectu
maris, sic est omne gaudium, quod habent
omnes, qui sunt in cœlo in comparatione gaudii
Dei, quo semper in se gaudebat, & gaudet.
Delectatur nihilominus in cœlo tertio, id
est, in anima sancta, quæ adhuc tantis cir-*

cum data est infirmitatibus, & tamen DEUM sic diligit, & placere studet totis viribus.

Cap. XXVI.

De tribus stationibus, scilicet de coquina & apotheca & de instita Dei vel Christi.

DEinde apparuit ei Christus in eadem visione Pontificalibus indutus, ut dictum est, præter Casulam, & erant paramenta cœlestis coloris, infula auro fulgebant & gemmis, & habebat tres stationes, & multitudinem hominum circa eum, quasi totus Mundus. In statione una habuit coquinam, ubi ipse solus paravit cibaria: in alia statione habuit apothecam cum aromaticis speciebus, ubi ipse solus conficiebat medicinalia: in tertia statione habuit institam, ubi sicut institor exposuit diversa mercimonia. Et ad quamlibet istarum homines veniebant, ut acciperent de his, quæ ibi erant, ita ut ad coquinam venirent pro cibariis, ad apothecam pro medicinis, ad institam pro mercimoniis. Et quidam inde omnino repellebantur, & negatum est, quòd nihil eis daretur: Alii induciati* non statim, quæ volebant, acceperunt: Alii statim sine difficultate habuerunt, quæ eis necessaria

i. e. dilati.

saria fuerunt. Hujus visionis intellectum ipsa, quæ vidit, intellexit.

Cap. XXVII.

De ferculis coquinae.

IN coquina CHRISTUS cibaria præparabat.

Primum ferculum fuit nimirum de speciebus calidis & aromaticis : & significat devotam memoriam passionis Christi cum vehementi compassione. Ibi, ut dixit, inflammatur anima & igitur, & in illa inflammatione compassionis induit quandam DEI similitudinem.

Secundum ferculum fuit quasi lacteum, id est, quasi de lacte amygdalino, & significat dolorem & compassionem super peccatis proximi. Nam lac significat quandam dulcedinem compassionis.

Tertium ferculum fuit quasi butyrum, quod de se est cibus dulcis, & condit omnes alios cibos; & facit saporosos : & significat orationem, quæ in se dulcis est, & ad omnia valet.

Sacramentum etiam paravit DOMINUS, quod consistit ex aceto, quod significat timorem Dei : item ex herbis virentibus, quæ significant multimodam gratiæ innovationem in anima devota :

B 5 item

item ex pulveribus aromaticis, & significant divinam consolationem.

Cap. XXVIII.

De medicinalibus apothecæ.

IN secunda statione habuit apothecam, in qua habuit medicinalia, quæ ipse confecit, & fuerunt duo genera. Quædam enim juvant sanitatem spiritualem, quæ sunt tria. Habuit enim & dedit quibusdam potionem inducentem somnum, quæ significat gratiam Sancti Spiritus, quâ potatus homo mundo dormit per contemptum, ut, quæ mundi sunt, non curet, sicut dormiens sensibus sopitis nihil sentit.

*

Cod. Stomachicum.

Habuit secundò stomachaticum* confortativum, & significatur vigoratio bonæ voluntatis, & executio virtuosæ operationis, quam DOMINUS administrat.

Tertiò habuit, & dedit pulverem quandam dulcem & delectabilem, qui omni hora quodocunque sumi potuit, & significat degustationem devotionis, qua Deus omni tempore degustari potest.

Item erant ibi multi infirmi diversi generis infirmitatum, quorum quilibet ibi reperit medicinam congruentem sibi. Et tantum tria genera infirmorum propter

ca-

cædium vitandum dicam. Apparuerunt enim quidam leprosi, quidam hydropici, quidam cæci. Et datum est intelligi, quia leprosi significarent luxuriosos, hydropici avaros, cæci superbos. Contra lepram dabat aquam diversarum manerierum * de diversis herbis virtute ignis extractam, verbi gratia, sicut de rosis, violis, & similibus, & significat confusiones varias, quas incidunt luxuriosi, quibus revocantur & corriguntur à lepra luxuriæ.

i. e. specierum seu modorum.

Contra hydropisim, id est, avaritiam, dabat stomachaticum* laxativum: & significat damna rerum, & amissionem & infelicitatem temporalium, quibus sæpe avaricurantur.

Cod. stomachicum.

Contra cæcitatem, id est, superbiam dabat electuarium desiccativum, quod significat pressuras infirmitatum & adversitatum, quibus superbia sæpe curatur.

Cap. XXIX.

De mercimoniis instita Christi.

Item in statione tertia erat instita, ubi erant merces variæ, è quibus aliquas dicam. Erat enim ibi aurum, quod significat amorem divinum. Erant ibi lapides & gemmæ pretiosæ, quæ significant perfectionem amoris divini. Erant ibi jocalia, * ut annuli & similia, quæ significant

i. e. mercimonia, &c.

pressuras, quas Dominus dat suis in hoc Mundo. Erant ibi vestes pretiosæ, & duo genera vestium, scilicet pallia & tunicæ. Duo genera palliorum ibi erant, videlicet pallium album & candidum, quod significat exemplum sanctæ vitæ. Pallium rubrum erat etiam ibi, quod significat dejectionem & abjectionem, quâ homo aliquando absque culpa apud homines abjicitur & vilificatur, ut sunt opprobria, calumniæ, sicut fuit dictum Domino : *In Beelzebub principe demoniorum ejicit demonia*. Et istud pallium accommodabat Dominus ad tempus, & non dabat, quia hominem tandem liberat. Erantque ibi duo genera tunicarum, una viridis, altera coloris varii : Prima significat austeritatem vitæ, & altera virtutum varietatem.

Quod autem aliqui venientes omnino repellebantur, & eis omnino negatum est, sicut dictum est suprâ, significat illos, qui sunt omnino gratia Dei indigni, suis exigentibus culpis. Quod autem aliquibus non omnino negatum est, sed induciati sunt cum dilatione, significat illos, qui gratia Dei in præsentī fuerunt indigni, sed in futuro digni erunt statu pœnitentiæ. Quod autem alii statim acceperunt, quod voluerunt, significat illos, qui jam dispositi gratiam Dei requirunt. Et dixit, quod de nullo genere peccatorum tot repul-

si sunt vacui, sicut de genere superbiorum.

Cap. XXX.

De defectibus & peccatis singularium personarum.

IN nocte quinta Nativitatis Domini, novo genere visitationis Dominus eam visitare dignatus est. Cùm enim sola in Oratorio suo horas matutinales Deo persolveret in media nocte, sicut solita erat, sensit & audivit intra se in pectore vocem serenam, lenem & dulcem : in cujus vocis exordio sensit quandam dulcedinem evaporantem sursum, & in illa dulcedine vocem audivit verbotenus vocantem eam nomine suo.

Cœpit autem hæc vox enarrare defectus & peccata singularium personarum, modò Religiosorum, modò Secularium, modò Principum, modò Baronum. Ipsa horrens hæc audire recusavit, & medio tempore ipsa Matutinum legebat : & , quàmvis horror esset ei audire ista, sensit tamen in anima non modicam suavitatem.

Mirabatur nimis, unde hæc vox esset, & si esset à Deo, cur ei talia revelaret : nihil loquebatur, sed tacita cogitabat. Et postmodum edocta est in alia revelatione in-

infra scripta, quòd Dominus hoc fecisset, ut compateretur Domino super tantis injuriis, & ingratitude sibi ab his irrogatis, quibus ipse tanta bona præstitisset, & ut ipsa sic afflicta mereretur consolatoria audire. Et durabat illa revelatio, qua sic angustiabatur, benè tam diu, quamdiu Matutinum à Fratribus cantaretur.

Cap. XXXI.

De virtutibus & meritis multarum personarum.

Deinde iterum vocavit eam nomine suo, & enarravit ei Dominus virtutes & merita multarum personarum singularem, modò Religiosorum, modò Prælatorum, modò secularium, sicut priùs narraverat defectus. Et cum alicujus virtutes commendaret, nominavit illum nomine novo. Unum nominavit & vocavit *Luciferum*, narrando ejus virtutes. Alium vocavit *Auroram*, alium vocavit *Planetam*, & *Stellam currentem & lucentem cum Sole*. Alium vocavit *Laudem Dei perfectam*. Alium vocavit *Vocem, in qua me ipsum perpetuò laudo*. Alium vocavit *Lucem, Sole Divinitatis illustratam, & Lucem, in qua luceo mihi ipsi*. Alium *Dapiferum Domini* vocavit. Alium vocavit *Pacem Dei*. Alium vocavit *Lucem, quam ego ipse incendi.*

di. Alium personam vocavit *Spiritum Spiritus mei*, id est, Spiritus, qui à meo Spiritu vivificatur, & à meo Spiritu habet, quidquid habet. Alium vocavit *Laudem*, in qua mihi ipsi benè placeo. Alium vocavit *Vocem*, qua me continuè laudat. Alium vocavit *Vocem gratia*, cui addam gratiam: Alium vocavit *Sonum dulcem*, qui me frequenter laudat. Alium vocavit *Contentionem*, id est, einen Chriek, * in qua me seriò sè servo. Alium vocavit *Lumen*, quod saepe *extinguitur, & saepe rekinditur.* Alium vocavit *Lucernam*, qua continuè lucet. Alium vocavit *dulcem Fistulam laudis de me, sed modicum in se fructum.* Alium vocavit *Gratiam cum Gratia*: alium perfectam *Dilectionem*, & alium *Vitam in Domino.* Alium vocavit *Spiritum*, in quo mihi complacui: Alium *Lumen lucens mihi coram Patre meo*: Alium *Iustitiam perpetuò viventem.*

Verba Germanica,
bellum significatio

Cap. XXXII.

De Sacerdotibus celebrantibus diversis intentionibus, scilicet de indignis & devotis.

INter cetera, quæ dixit Dominus, commendavit oblationem Sacramenti Altaris, comparans elevationem manuum sacerdotis in Altari elevationi manuum
Moyſi

Moyſi in monte, quando Iſraël pugnabat contra Amalech.

Diſtinxit autem inter ſacerdotes offerentes. Nam dixit, quòd alii Miſſas dicunt cauſa timoris, quia eis injungitur, & non audent aliud facere: alii verò, ne habeantur ſuſpecti. Hos in ſua oblatione non commendavit.

Alii offerunt cauſa devotionis, & iſti in ſua oblatione merentur in commune Eccleſiæ triplicem fructum.

Primò, quia meritò oblationis ſuæ impediunt peccatores & malefactores, ne poſſint perficere omne malum, quod cogitaverunt facere.

Secundò pœnitentibus merentur facilitatem veniæ, ita quòd eis Dominus faciliſter indulget, & ſatiſfactionem modicam acceptat.

Tertiò promovent bonos in gratia, & ad majorem gratiam.

Cap. XXXIII.

*De dignè * celebrantibus.*

*
Cod. dignis.

Item dixit Dominus, quòd dignè offerentes merentur ſibi iſtis triplicem gratiam.

Primò, quòd Diabolus non poteſt eos præcipitare in aliquod peccatum, niſi ſe ipſos velint præcipitare: unde magnam
vir-

virtutem percipiunt contra Diabolum & ejus tentationes.

Secundò, quidquid sua oblatione merentur aliis, sicut jam suprà dictum est, hoc eis ita appropriatur in meritum, quòd specialiter de hoc præmiabuntur.

Tertiò, quòd DEUS ipse erit eorum merces & præmium.

Cap. XXXIV.

De una voce, quintupliciter laudem salvatoris exprimente.

IN Circumcisione Domini, cùm communicassset, sensit & audivit intra se vocem, 1291. non verbalem nec syllabicam, tamen divinæ laudis expressivam. Cognovit quoque, quòd erat vox cœlestis, qualem audierat in raptu primæ visionis hujus Libelli : & intellexit in hac voce quintuplicem laudem Salvatoris.

Prima laus fuit propter hoc, quòd DEUS factus est homo, & propter omnia, quæ in humanitate gessit propter homines.

Secunda propter operantem gratiam, quâ continuè operatur in justis.

Tertia propter patientem expectationem, quâ peccatores expectat.

C

Quarta

Quarta propter multiplicia beneficia præstita peccatoribus, ut eos ad se alliciat, & quibus eos ad se vocat.

Quinta propter hoc, quia se ipsum homini donat.

Cumque hæc audiret, volvebat in cogitatione dicens: Domine, quidquid fuerit, & undecunque fuerit illud, quod pridie audiui, scio quòd hoc, quod modò audio, non potest esse, nisi à te, cùm adhuc sentiam corporaliter influentiam consolationis tuæ, quâ me consolari consuevisti in perceptione sacri Corporis tui. Unde nulla potest hic esse deceptio. Hæc ea cogitante, audivit iterum vocem dicentem sibi: *Parpercula, quid dubitas, habens à me tot indicia veritatis? Ego ipse sum, qui loquor, qui olim locutus sum per os Prophetarum. Quemadmodum Moyse locutus sum in rubo, & hoc non erat ex virtute aliquarumhi: Sic, quod tibi loquor & in te, meum donum est, non tua virtus vel meritum.*

Cap. XXXV:

Sermo DEI de communicantibus:

ET quoniam communicaverat ipsa eadem hora, adiecit DOMINUS loquens de illo, qui dederat ei Corpus Domini, ipso adhuc stante in Altari: *Iste, iste comedit me, & ego eum totum comedo in me: iste, iste*

iste dat me, & cui me dat, illi me totum ego do. Tunc ipsa cogitavit? Eja DOMINE, das tu te omnibus; quibus ipse te dat, & habuit? Responsum est, quòd non omnibus. Item ait DOMINUS: Iste, iste me laudat in se, & ego eum laudo quotidie coram Patre meo.

Cap. XXXVI.

De procuratione Angelorum, & de virtute Sacramenti.

ADdit quoque Dominus de Sacramento Altaris dicens.

Primò, quàm magno desiderio ferveat ad animas, unde se ipso illas cibet.

Secundò, quòd per istud Sacramentum operatur augmentum gratiæ in bonis, & quòd multa millia Angelorum ibi assistunt, qui sollicitè procurant bonum hominum, nuncii existentes inter DEUM & hominem.

Tertiò, hoc Sacramentum operatur conversionem peccatorum.

Quartò operatur magnum remedium animarum in purgatorio, ita ut aliquæ liberantur de pœnis, & aliquæ remissius habeant.

Cap. XXXVII.

De præputio DOMINI.

Ista persona solita erat quasi à juventute semper in die Circumcisionis anxie deflere ex magna cordis compassione effusionem sanguinis JESU CHRISTI, quem sic tempestive initio suæ infantiae effundere dignatus est. Quod & fecit modò, quando facta est ei revelatio jam dicta, quando communicaverat in die Circumcisionis.

Sic quoque compatiens & flens cœpit cogitare de præputio DOMINI, ubi esset. Et ecce mox sensit super linguam suam parvam pelliculam ad modum pelliculæ ovi cum præmaxima dulcedine, quam deglutivit. Quam cum deglutisset, iterum pelliculam sensit in lingua cum dulcedine, uti prius, quam iterum deglutivit. Et hoc accidit ei benè centum vicibus. Et, cum toties sentiret, tentata est digito eam attingere. Quod cum veller facere, illa pellicula de se in gutture descendit. Et dictum est ei, quòd præputium cum Domino surrexit in die Resurrectionis. Tanta fuit dulcedo in degustatione hujus pelliculæ, quòd in omnibus membris & membrorum Articulis sensit dulcem immutationem. In ista revelatione fuit tota in-

te-

terius plena lumine, ita ut se ipsam totam conspiceret.

Et quoniam Sacramentum DEI abscondere bonum est, ista persona revelationes sibi à Domino factas mihi, *qui eram suus Confessor*, licet indignus, timuit revelare, & sæpe proposuit in animo nihil mihi amplius dicere. Et quotiens hoc firmiter proponeret, tunc incepit infirmari, ita quòd non potuit tacere, Domino hoc volente. Ego quidem nimium consolabar super eo, quòd Dominus dignatus est sic se homini manifestare, & multum ardebam audire. Et ipsa retulit mihi, quòd quadam die volens communicare, & jam tempus præterisset, quòd non sperabat alicubi communionem se posse habere, ipsa rogabat Dominum in corde suo dicens: Domine, si est tuæ voluntatis, quòd ea, quæ tu mihi dignaris revelare, ego communicem Fratri Confessori meo, provideas mihi hodie de corporis tui sacra communione, & hoc sit mihi pro signo. Et sic venit ad quoddam monasterium, & post publicam missam venit Capellanus illius Cœnobii, qui ob aliquam causam neglexerat dicere Missam, & valde tardè præter solitum celebravit, & dedit ei communionem Dominici corporis.

Cap. XXXVIII.

*De tribus donativis repromissis
scribenti Libellum.*

ET ibi mox facta est super eam manus Domini, & inter cætera habuit in revelatione, quòd Dominus mihi scribenti ea, quæ ab ipsa habui, repromisit tria: Primum, quòd nunquam tentatio aliqua mihi prævaleret: Secundum, quòd Dominus vellet mihi augmentum suæ gratiæ dare: Tertium, quòd Dominus vellet se ipsum mihi dare in præmium.

Item quarta die ante Epiphaniam Domini, cùm adhuc timeret mihi revelare visitationes Domini, sub Missa rogavit Dominum dicens: Domine, si tibi placeat, ut revelem Confessori meo ea, quæ mihi ostendere dignaris, tunc da mihi hoc pro signo & testimonio, scilicet ut sentiam illam consolationem, quam in die Circumcisionis de pellicula tui præputii sensi. Si non dederis mihi hoc, quod tunc dedisti, hoc erit signum, quòd tibi non placeat: & ego volo potius recedere de civitate, quàm ut aliquid sibi amplius communicem. Et ecce quanta bonitas Dei & inenarrabilia mirabilia ejus! Mox enim sensit super linguam pelliculam cum tanta dulcedine, ut sentiret corporis & spi-

spiritus immutationem, sicut acciderat sibi in die Circumcisionis. Et quamvis tot indiciis confortata à Domino, tamen quasi semper cum timore & verecundia mihi referebat, & exacta à me precibus frequenter.

Reputabat enim omnino se indignam tantis donis Domini, & cum humilitate se dejiciebat, quòd ego multum consolabar super revelationibus sibi factis, memorans illud Beati Gregorii : *Mens humana, &c.*

Cap. XXXIX.

De sanctitate vitæ suæ, scilicet hujus puellæ, de qua isle Libellus tractat.

CERTIFICABAT etiam me sanctitas vitæ ipsius, quoniam ab exordio juventutis Domino devotissimè serviebat. Cum adhuc juvencula esset, nunquam cum ludentibus se miscuit, sed aliis puellis ad solatia puerilia convenientibus, ipsa domi remanens, Patrem DEUM exorabat in abscondito. Spiritu Sancto eam docente, cœpit se abstinentia mirabili affligere, ita ut, quæcunque ponebantur, comedere se simulans, pio furto subtraheret, & devotis pauperibus erogaret. Sicque vinnaturæ faciendo, tanta fame cruciaba-

tur, ut frequenter seorsum amarissimè fletur.

Hoc cruciatu famis voluntariæ propter Deum benè per decem annos actitabat, incipiens, cùm septem foret annorum. Carnes per triginta annos vix ad unum comedit pastum. Omni die jejunavit præter Dominicum diem. Dixit, quòd nunquam cum delectatione gustus cibum fumeret, & quòd sæpe flevit pro eo, quòd oportuit eam manducare corporalem cibum. Et, quoniam sibi tanta austeritate carnis delicias subtraxit à juventute sua, Dominus ei spirituales delicias liberalissimè ministravit, sicut per plura exempla infra posita patebit.

Cùm enim esset annorum undecim, devotione magna flagrabat ad Corpus Domini. Quod cùm accepisset, sensit corporaliter in ore dulcedinem inenarrabilem, &, sicut retulit, quòd omnis dulcedo creata in comparatione illius dulcedinis esset sicut acerum in comparatione mellis.

Putabat tunc, quòd hanc dulcedinem sentirent omnes communicantes. Et, cùm audiret, quòd aliqui sacerdotes carnis illecebris se darent, mirabatur, quomodo unquam possent tanta dulcedine contempta talibus delectari sordibus.

Festi-

Festinabat quoque eò citiùs fieri Begina, * ut posset sæpius communicare. *Begina seu Beghina erant Virgines DEO* Hujus quoque saporis dulcedinem & suavitatem, quando communicat, sentit: & *verè ac sanctè famulantes, colebantq.* non solum dulcedinem gustu corporali sentit, sed etiam in anima miram spiri- *genus vitæ inter Monasticum & seculare me-* tualem suavitatem. Ego verò fui memor *diūm. Vide de his plura apud Carol. Cangiū in Glossar. med. & in-* illius promissi Domini in Apocalypsi: *sim. Latin. verbo: Beghina.* *Vincenti dabo manna absconditum.* Et illius verbi Deuteronomii: *Afflixit te penuria, & dedit tibi cibum Manna, quod ignorabas tu & Patres tui:* quia verè hæc in ea completa sunt.

Similiter dixit mihi Frater Otto de Ordine Fratrum Minorum. Ipse quidem, ut ait, cū forsā esset annorum octodecim, totus simplex in domo paterna, nutritus inter simplices & silvestres in rure, cogebatur, ut in Pascha acciperet Corpus Domini.

Ipse adhuc quidem immunis ab omni peccato mortali, inconfessus, sed in magna simplicitate, communicavit. Et mirabile dictu, & magna fidei nostræ consolatio! Statim, cū sumpsisset Corpus Domini in os, tantam sensit dulcedinem & suavitatem in gustu, quòd mellis & balsami vinceret suavitatem. Et reputans, quòd semper deberet sentire dulcedinem talem, cū communicaret, cum desiderio expectabat Festum Paschæ anni sequen-

C ;

tis,

tis, ut iterum Corpus Christi acciperet: Sed tunc non sensit.

Est adhuc magnum nostræ fidei & devotionis solatium, quòd ista puella, de qua superius locutus sum, frequenter, quando audit Divina in Missa, horâ communicationis sensit corporaliter in ore dulcedinem similem supradictæ, & nihilominus animæ & cordis inenarrabilem suavitatem. Et, si contingeret aliqua die, quòd Dominus ei illam consolationem subtraheret: (rarò, tamen interdum, accidit,) tunc nimiùm desolatur.

Cap. XL.

De osculationibus Altarium hujus puellæ.

ESt & aliud mirabile, non minus isto. Consuevit ista puella devotionis causâ deosculari Altaria, in quibus illa die Missa est celebrata. Et tunc tantam sensit odoris fragrantiam, quasi ad modum similæ calidæ suaviter redolentis, sed incomparabiliter suavius. Et dixit, quòd aliquando in sero iterum deosculata est Altare, quærens refici illo suavissimo odore. Tunc adhuc sensit, sed non sicut in mane, quando Missa recenter fuit ibi dicta. Et, quod est valde mirabile, dixit, quòd aliquando in odore cognovit, quis Frater ibi Missam dixisset.

Cap.

Cap. XLI.

*De quodam Sacerdote, qui unam
virginem defloravit, & sic Missam,
celebravit.*

MAGNA devotione fervebat ad Corpus Domini: omni septimana communicabat. Unde ei Dominus mira & magna de hoc Sacramento ostendere dignatus est. Cùm enim esset adhuc juvencula forsàn sexdecim annorum, accidit hoc horrendum piis auribus, quòd, cùm quidam Sacerdos in nocte unam virginem deflorasset in villa, ubi & ista puella manebat, in die sequenti Missam celebraret propter funus, quod habebat. Et, cùm esset dies fori, pauci homines aderant præter devotas Beginas. Et, quoniam crimen publicum & notum erat, omnes horrebant audire Missam Sacerdotis illius. Et omnibus recedentibus illa dixit dolens: Ego volo hodie esse Maria Magdalena. Et rogavit Dominum dicens: Domine, rogo te, ut, si iste est de numero salvandorum, non permittas eum tuum Sacratissimum Corpus sumere. Et ecce post *Pater noster* in Missa ipsa sensit & habuit hostiam veraciter in ore, & deglutivit cum tanta dulcedine, quanta consuevit communicare. Sacerdos verò, quando debuit sumere

COR-

corpus , respexit hinc inde in Altari sic , quasi aliquid amisisset.

Accidit autem post plures annos, quòd Dominus eundem Sacerdotem percussit morbo caduco : Sicque factus inutilis & inhabilis Sacerdotali officio , & quasi surdus factus , devolutus est ad tantam miseriam , ut stipem acciperet cum aliis mendicis ostiatim. Miserante Domino , qui nullum vult perire , factus est adeò devotus & contritus , ut per totam diem sederet in ecclesia in oratione. Et , cùm benè potuisset habuisse aliquem DEUM timentem , qui ei victui necessaria tribuisset , ipse renuit , & elegit potius in tanta mendicitate inter notos vivere , & sic duram poenitentiam agere. Sic quoque degens tribus annis & dimidio vitam feliciter finivit.

Cap. XLII.

De elevatione Corporis Domini a quatuor digitis , a quatuor imaginibus , & significationibus eorum.

SÆpissimè sub Missa fiebat in extasi , ubi arcana sibi pandebantur. Una vice sub Missa in extasi vidit Corpus DOMINI elevari à quatuor digitis à quatuor imaginibus. Apparuit enim ibi Beata Virgo , quæ
uno

uno digito attingebat hostiam : alia fuit imago Simeonis senis , etiam uno digito attingens , hostiam. Apparuit etiam ibi Crux , etiam habens unum digitum. Apparuit etiam ibi unus asinus cum uno digito. Et quoniam ista quatuor , scilicet Beata Virgo , Crux sancta , S. Simeon , & asinus Dominum corporaliter portaverunt in Mundo , ibi mysterialiter portabant. Et dixit , quod istæ figuræ seu imagines vitam habere videbantur præter Crucem.

Et datum est ei intelligere , quod isti quatuor digiti quatuor genera hominum significant , qui Corpus DOMINI communicant. Digitus Beatæ Virginis significat Sacerdotem celebrantem : quoniam , sicut Beata Virgo Salvatorem corporaliter Mundo obtulit & præsentavit : Sic sacerdos celebrans sacramentaliter confert ipsum & alia Sacramenta hominibus. Et hic fuit index dextræ manus.

Digitus Crucis Sanctæ significat illos , qui cum devota memoria passionis sumunt Corpus DOMINI. Et iste fuit pollex dictæ manus.

Digitus sancti Simeonis fuit index manus sinistræ , & significat simplices & desiderium pium ad Christum habentes. Digitus quartus fuit pollex manus sinistræ , quem asinus extendit , & significat peccatores,

tores, qui non percipiunt fructum Sacramenti, nec gratiam.

Cap. XLIII.

De quodam Sacerdote apparente in figura salicis putridæ,

ALio quoque tempore, cum esset orans, fuit in Spiritu: & visum fuit ei, quod esset in ecclesia quadam in vicinio, ubi in crastino erat festum. Et ecce Sacerdos publicam Missam celebrans apparuit in figura salicis putridæ, interiùs plenæ serpentibus & aliis reptilibus, quæ nihil habebat viriditatis, exceptis tribus virgulis virentibus & in altum porrectis. Quis autem foret Sacerdos, ignoravit.

Die sequenti ipsa veniens ad eandem Ecclesiam propter solemnitatem & Indulgentiam, Sacerdotem in Missa cognovit, quia erat levis vitæ, & figura salicis infructuosæ & putridæ, nihil viriditatis habentis, sed plenæ * serpentibus & reptilibus
God. plenus. immundis, convenienter eundem Sacerdotem exprimebat.

Virgulæ illæ virides erectæ in salice significabant tres Sacros Ordines, & in ipso Sacerdote vires suas & dignitatem retinentes, sicut datum est ei intelligere in visione.

Vide-

Viderat etiam in eadem visione, quòd post Communionem Sacri Corporis & Sanguinis Dominici * de salice, quasi in canali derivabatur liquor ad modum mellis *Cod. Domini canali de salice, &c.* cocti, & homines venientes gustabant de illo liquore, in salice autem nihil remanebat de ipso melleo liquore. Hoc significat, secundum quod datum est ei intelligere, quòd ipse Sacerdos erat expers omnis gratiæ Sacræ Communionis, sed fideles assistentes & devoti illo fructu & gratia non fraudabantur.

Cap. XLIV.

*De reverentia facta cuidam cellario nesciens inclinando. ** *Sic. cod.*

Aliud fidei nostræ argumentum, omni veneratione dignissimum, accidit: quòd ista devota Ancilla Christi visitando ecclesias prædicationis vel indulgentiæ, vel devotionis causâ, frequenter præcederet cujusdam cauponis domum, & quotiescunque transiret, reverentiam faceret cellario nesciens inclinando. Quod devotæ personæ, cum ea comitantes, advertentes notaverunt, & de hõc ei loquentes in solatio corridebant. Ipsa verò ab hujusmodi adoratione cessare non poterat: quia non hoc sensu proprio, sed instigan-

te Spiritu Sancto faciebat, quod rei eventus declaravit.

Nam, cùm hoc benè perfecisset, venerunt Sacerdotes de parochia cum vexillis & cum processione Cleri & populi, & corpus Domini, quod ibi quædam malefica in vase vini absconderat propter lucrum suum, cum reverentia, hymnis, & canticis asportaverunt. Nam illa mulier malefica, ducta pœnitentiâ, hoc ipsum cui-dam Sacerdotum retulit, & personam suam salvans clàm recessit. Quod factum, cùm vidissent personæ, quæ priùs riserant, admirantes Deum collaudabant.

Cap. XLV.

De scintillis in os Sacerdotis de hostia profilientibus.

QUadam vice audiens Missam, quemadmodum semper solita erat cum magna fide & devotione audire, cùm Sacerdos hostiam frangeret super calicem, vidit corporali visu, quòd de qualibet parte hostiæ singulæ scintillæ ignis in os Sacerdotis, Missam dicentis, profilierunt.

Cap.

Cap. XLVI.

*De indumentis spiritualibus
Sacerdotis.*

QUadam vice sub Missa post elevationem Sacri Corporis facta in extasi, apparuit Christus Dominus, indutus Dalmatica cœlestis coloris, induens Sacerdotem vestibus propriis Sacris manibus. Et datum est ei intelligere, quòd illæ vestes exteriores significarent interiores vestes virtutum, quibus Dominus quemlibet Sacerdotem, devotè Missam dicentem & libenter frequentantem cum reverentia, induere solet. Humerale, quo caput regitur, significat, quòd Dominus mentem Sacerdotis protegit à pulvere terrenarum cupidinum. Alba significat charitatem DEI & amorem. Cingulum, quò Alba ad corpus stringitur, significat amorem proximi. Stola significat unionem DEI cum anima. Manipulus significat adimplerionem justì desiderii celebrantis. Casula, quæ rotunda est, significat fiduciam de æternitate.

Hoc quoque silentio regendum non puto, quòd hæc Virgo omni die in aliqua vel in aliquibus Missis horâ communicationis percipit & sentit corporaliter dulcedinem inæstimabilem, qua gustata, re-

D

ficitur

ficitur corporaliter & spiritualiter, & intus in anima miram percipit suavitatem. Hinc sibi corporalis cibus desipit, & est in fastidio, in tantum ut flens ad corporalem sæpe accedat refectionem. Si autem aliquando sibi Deus subtraheret illam refectionem Spiritus, tunc nimium tristis efficitur, & facie dejecta. Quandocunque communicat, tunc vultus ejus, qui vigiliis & jejuniis attenuatus, & studiis spiritualis disciplinæ pallet, corpulentia decenti & decore reformatur. Et hoc ipsum sibi accidit sæpe, cum in contemplatione, visitatione Spiritus Sancti inebriatur.

Cap. XLVII. XLVIII. XLIX.

& L.

De Baptismo Christi, de Patre, de Filio, de Spiritu Sancto, & de diversis generibus hominum, circa quos Spiritus S. videtur operari vel operatur.

IN octava Epiphaniæ cum communicasset, cœpit infundi corpore toto calore magno, non urente, suavi, & mox fuit in Spiritu, & interiùs totaliter lumine divinitus repleta cognovit, & intellexit, & vidit (vocem corporalem non audivit) & revelatum est ei, quòd in Christo baptis-

ptisma sensibilibiter peractum est, & Beata Trinitas manifestata est, videlicet Pater in voce, Filius in carne, Spiritus Sanctus in columba, & Christus in Jordane baptizatus. Ita hæc omnia peraguntur spiritua-liter in animabus devotis. Pater manifestatur in voce, quando animæ devotæ arcana DEI interiùs intellectualiter vel aliquando vocaliter, sicut superiùs patuit, panduntur cum mentis elevatione in Deum.

Filius se manifestat cum dilectione. Et dixit, quòd apparuit Jordanis fluvius de monte fluens: & iste fluvius fuit collectus & de lachrymis amoris & devotionis sanctarum animarum. Et apparuit Christus in tanto lumine, sicut superiùs in prima visione, lumine scilicet cœlesti: & nudus apparuit in illo flumine, & plùs jocundabatur in illo Jordane, quàm in Jordane corporali. Et Corpus Christi apparuit ita perlucidum, quemadmodum Crystallus in radio Solis: & super Christum mons magnus albet, qui premere videbatur ipsum, & eò fortior: & significat amorem, quem Christus ad nos habuit & habet, qui ipsum vicit & usque ad mortem pressit adeò, quòd nihil in eo sanguinis illo moriente remaneret: & adhuc premit cum idem mons, id est, magnitudo amoris, ut de ipso fluant devotè passionem

suam venerantibus charismata gratiarum.

Item alius apparuit mons super ipsum, in quo circumquaque apparuerunt multi homines, illum montem tenentes : & aliqui ita potenter eum montem tenebant, quòd ipsum ad se violenter trahere videbantur. Iste mons, prout intellexit, significat amorem, quo Christus ab hominibus diligitur. Homines verò, qui ibi apparuerunt, significant illos, qui habent amorem Christi. Quòd autem aliqui montem istum ita potenter ad se traherent, significat illos, qui ita potentes sunt in amore Christi, quòd de omnibus virtutibus & operibus bonis proximorum, & de honore, qui DEO & proximis impenditur, exultant : & illi sibi in hoc appropriant merita illorum, cùm de bonis aliorum quasi de suis gaudent.

Apparuit etiam ibi columba, id est, Spiritus Sanctus in columba, & circa eam multitudo hominum. Columba quoque ipsa capitibus insidebat aliquorum, aliis pilos de capite vellebat, aliis rostriculum suum in ora leniter percutiebat quasi deosculans, alios cibabat, alios potabat, aliis ignem insufflabat, aliis de suis pennis communicabat, alios alis suis operiebat quasi complectens.

Quòd Spiritus Sanctus in specie columbæ

lumbæ capitibus aliquorum infidebat, significat, quòd Spiritus Sanctus mentes talium elevat ad cœlestia. Quòd autem aliquibus pilos evellebat, significat pressuras & tribulationes, quibus corda talium humiliantur. Quòd rostriculum suum in ora aliquorum leniter percutiebat quasi deosculans, significat dulcedines consolationis Spiritus Sancti. Quòd alios cibabat, significat collationem fortitudinis Spiritus Sancti. Quòd alios potabat, significat infusionem gratiæ in prædicatione & oratione immissam. Quòd aliis ignem insufflabat, significat inflammationem charitatis. Quòd aliis de pennis communicabat, significat innovationem gratiæ. Quòd alios alis quasi complectens operiebat, significat raptum in extasim. Hæc omnia operabatur columba.

Cap. LI.

De Prophetia Versiculi hujus: Cadent a latere, &c.

IN octava die post præfatam revelationem ipsa communicavit, & regrediente de altari, in proximo altari quidam sacerdos celebrans elevabat Corpus Christi: & ea respiciente Corpus DOMINI apparuit lux immensa juxta sacram hostiam. Et

D 3

vifum

vifum est ei, quòd esset lux cœlestis, qualem vidit superiùs in visione prima hujus voluminis,

Ibi subitò facta est super eam manus DOMINI, & in extasi vidit Dominum indutum Dalmatica cœlestis coloris, sicut superiùs pluries in eodem ornatu apparuerat, & loquebatur sacerdoti Fratri, qui eam communicaverat : *Fili mi recordare illius versiculi in Psalmo : Cadent à latere tuo mille, & decem millia à dextris tuis. Quoniam necesse est adimpleri Prophetiam. Nec mireris, & non turberis de judiciis meis, & habeas pacem & tranquillitatem cordis, & acquiescas ejus voluntati, quia hoc perfectionis est. Et nisi in te ipso pacem habeas, multi ruent, in tantum quòd justì præ dolore possent sanguineas lachrymas fundere. Qui autem in me sperant, nunquam derelinquentur à me.*

Cap. LII.

De formationibus Domini manibùs cordium de argilla.

Post hæc convertit Dominus sermonem ad virginem prædictam, quæ hæc vidit, & dixit : *narra sermones meos Fratri.* Ex tunc vidit Dominum operari & formare manibus suis corda quasi de argilla.

Primum cor erat amplum, & multitu-
do

do innumerabilis apparuit hominum tale cor habentium. In isto corde non diu Dominus operabatur, sed subito factum fuit.

Secundum cor quasi de solida materia figulorum, quod de vulgari dicitur Eysendach. * Erat quoque exile & oblongum, ita ut usque in cœlum ascenderet erectum, ^{vox Germanica.} & erat perlucidum valde, & erat ita solidum, ut nihil posset, nisi solus Deus, in ipsum transire. Et multitudo etiam hominum ibi apparuit cor tale habentium. Et ista corda continuo operabatur Dominus.

Tertium cor fuit dispositum ad modum manticæ, intus plenum maximo thesauro, foris clausum & sigillo sigillatum, nec tantæ claritatis, sicut secundum. Et Deus & Dominus de thesauro hujus cordis plus operabatur utilitatis, quàm de omnibus aliis.

Quicumque fregisset illud sigillum, plùs offendisset Deum, quàm si fregisset Altare Sancti Petri Romæ, vel quàm si Veronicam * in lutum projecisset. ^{id est: Veram iconem,}

Quartum cor fuit carneum, & dispositum, una parte amplum, alia parte acutum, & strictum, rectè sicut humanum cor, & pendeat. ^{Christi patientis faciem præsentantis.}

Quintum cor fuit quasi CrySTALLUM, ita ut, quidquid in eo esset, manifestè appareret,

reret, sicut id, quod in Crystallo palam omnibus est.

Sextum cor fuit argillosum & rotundum, & volutabatur hinc inde: &, sicut supra dictum est de primo & secundo corde, quòd erat multitudo hominum innumerabilium tale cor habentium, ita de singulis cordibus fuit, & videbantur omnes Religiosi.

Cap. LIII.

Mysterium illorum diversorum cordium.

MYSTERIUM hujus visionis est hoc:
Primum cor, quod amplum erat, sunt corda Religiosorum, qui mundanis occupationibus intenti dilatant se ad transitoria. Quòd autem Dominus non diu operabatur, & cor istud subito factum est, significat, quòd Dominus parum pergratum habet facere cum talibus.

Secundum cor, quod fuit de solida materia, significat illos, qui in timore DEI sunt firmati, ita ut nulla tentatio peccati mortalis eorum corda ingredi valeat, licet foris possit pulsare. Quòd autem exile fuit cor istud, significat, quòd parum commune habent tales homines cum mundo. Et, quòd erat oblongum & erectum usque in cœlum, significat mentis ele-

elevationem per meditationes & desideria coelestia : eratque etiam perlucidum per bonæ operationis exemplum. Dominus quoque istud cor continuè operabatur : quia talibus continuè adest per operantem gratiam.

Tertium cor intus plenum thesauro maximo sunt illi electi, quos replevit Dominus plenitudine gratiæ suæ. Quòd autem clausum dicitur, significat, quòd Dominus arcana sua in eis operatur & eis revelat.

Sigillum appositum est ipse Dominus, quia vult arcana sua à talibus sub silentio custodiri, nisi quando vult, & cui vult, & prout vult, & ubi vult, quantum vult, quoscunque vult, quotquot vult, & qualiter vult, revelari. Unde, qui revelant occulta DEI præter nutum DEI, illi frangunt sigillum Domini, & gravissimè eum offendunt, sicut dictum est superius. Dominus de thesauro istius magnas utilitates operatur : Quia propter talium merita plus facit, & eorum suffragia plus merentur apud Deum, & , quidquid instantè & seriòse petierint, à DOMINO obtinebunt.

Quartum, cor carnem significat illos, qui assueti sunt terrenis consolationibus & occupationibus, quibus difficulter exuuntur. Quòd autem pendeat cor hoc, si-

gnificat , quòd hujusmodi homines propositum habent de die in diem emendare vitam suam , & sic suspensi pendent.

Quintum , cor crystallinum significat homines , qui bona sua & gratias sibi à Domino factas , non manifestandas , manifestant , sicut id , quod in Crystallo est , omnibus patet. Et isti , quemadmodum Crystallus frigidæ est naturæ , sic isti frigesunt in gratia : & faciliter , nisi resipiscant , à Domino deferuntur.

Sextum , cor argillosum rotundum significat terrenis deditos occupationibus , & instabiles in animo & in opere : jam emunt , jam vendunt : quod jam volunt , modò nolunt : quod jam placet , modò displicet.

Cap. LIV.

De puerperio Beatæ Virginis & nativitate Christi.

IN die Conversionis Sancti Pauli , cùm ista puella accederet ad Communionem tristis & desolata , eò quòd non ita præparata foret , ut voluisset , mox , ut deglutivit sacram Communionem , pulsâ tristitiâ , repleta est spirituali lætitiâ & Spiritus lenitate. Et visum est ei , quòd corpore & mente immutata & innovata esset. Et cùm

cùm resedisset, facta super eam manu Domini, luce prævia apparuit ei una juvenula virgo, pulchra facie, quasi in ætate tredecim annorum. Et vidit, quod in utero ejus ex sanguine circa cor existente, subitò quasi in ictu oculi puer masculus formabatur, in instanti plenè in membris perfectus.

Deinde vidit puerum nasci de virgine, & mox nudum in gremio Matris ubera surgentem, quem Matris velamen capitis circumdedit. Oculi verò pueri, quasi stella fulgida, radiabant.

Deinde vidit puerum pannis involutum & fasciatum, nihilque in eo nudum apparuit, præterquam facies. Et super fœno vidit jacentem in præsepio, bovemque & asinum, stantes, non super præsepium, sed juxta præsepium, In his Dominus dignatus est ei mysterium Incarnationis & Nativitatis ostendere.

Cap. LV.

De mysterio passionis & mortis DOMINI.

DEinde Mysterium passionis & mortis taliter ostendere dignatus est ei. Vidit juvenem adultum, nudum omnino, excepto quòd pannus lineus strictus circum-

cum datus erat corpori ejus : erat quoque pannus ille infusus sanguine. Vidit quoque hominem illum cruci clavis affigi. Erat autem crux non erecta, sed in longum super terram posita : & super illam ponebatur juvenis ille. Et primò manus dextra crucifixæ est, deinde manus sinistra, deinde pedes tracti, &, uno super alterum posito, uno clavo affixi.

Corona quoque spinea, qua illusus fuit, quia in bajulatione crucis aliquantulum mota est, illius crucifixores eam firmaverunt, imprimentes eam tam duriter capiti ejus, ut aculei spinarum penetrarent usque cerebrum. Et in terra cruci affixus est, cum cruce erigebatur in altum : & pendens in cruce querebat requiem de clavo in clavum, sicubi levius sustineret. Lancea, transiens per latus dextrum usque in sinistrum, cordi ejus immerfa est. Siti vehementissimè affligebatur, & datus est ei potus amarissimus. Tam amaras lachrymas & bullientes calore nimio fleverat, ut genæ decoriatæ à pellicula viderentur, & cum clamore valido expiravit.

Cap.

Cap. LVI.

*De sepulchro DOMINI & ejus
significatione.*

DEinde vidit eum de cruce depositum, & involutum linteis albis & in sepulchrum poni, & lapidem advolvi. Et audivit vocem dicentem sibi : *Sepulchrum istud significat cor humanum, ubi vult Dominus sepeliri per amorem & devotam memoriam, quemadmodum Joseph magno affectu amoris ipsum in suo sepulchro sepelivit.* Lapis, quo coopertus est Dominus in sepulchro, significat cooperturam spiritualem: quoniam non debemus dona DEI, visitationes & consolationes divinas, & revelationes exterius vulgare hominibus, nec vitæ sanctitatem exponere, nisi quantum expedit, pro bono exemplo & ædificatione proximorum lucis exempla operibus monstrare. Item debemus nobismet ipsis cooperti & absconditi esse, ut in omnibus, quæ in nobis operatur Dominus, nosmetipsos nihil reputemus.

Dictum quoque est ei, quòd Dominus sex lectos visitavit, & in eis requievit propter sextum lectum, ut ibi locum requietionis inveniret.

Cap.

Cap. LVII. LVIII. & LIX.

*De visitationibus sex lectorum
Christi, de quadruplici morte Christi
in cruce, & de multiplici quotidiana
utilitate corporis Christi in
altari.*

Primus lectus fuit uterus Virginis, ad quem de corde patris venit magno allectus amore. Hæc autem illa audiens cœpit hæsitare & cogitare apud se de corde Patris, quomodo Pater cor haberet. Et dictum est ei & expositum: *Cor Patris est voluntas: unde de corde Patris venit, id est, de voluntate Patris.*

Secundus lectus fuit gremium Virginis, in quo requievit, cum humana infirmitate matris ubera lambens.

Tertius lectus fuit præsepium, in quo quievit cum magna humilitate.

Quartus lectus fuit crux, supra quam requievit pro hominis redemptione & salute. Fuit autem requies ejus de clavo in clavum se sustentans.

Dictum quoque est ei, quòd salvator in cruce quadrupliciter mortem sustinuit. Una fuit mors crucis, id est, crucifixio. Alia fuit mors lanceæ: quia, quamvis jam mortuus fuit, tamen ille, qui transfixit latus suum, intentavit ei mortem, & de illa

illa fixura, si fuisset vivus, mortuus fuisset. Tertia mors fuit coronæ spineæ, cujus aculei usque in cerebrum ejus penetrabant, ita quòd unaquæque istarumpœnarum suffecit ad mortem. Quarta mors fuit acerbissimus dolor cordis, qui fuit triplex. Unus dolor fuit de matris afflictione. Secundò doluit Dominus, quòd in tam multis sua passio debuit frustrari. Tertius dolor fuit de subsannationibus sibi factis.

Quintus lectus fuit sepulchrum.

Sextus lectus fuit altare, ubi Corpus DEI vivum & verum immolatur pro multiplici quotidiana utilitate. Prima est indulgentia peccatorum, secunda memoria passionis, tertia est augmentum virtutum nostrarum, quarta victoria tentationum, quinta est perfectiò vitæ nostræ, & sexta est præmium ante conspectum Patris.

Septimus lectus est cor humanum. Et dictum est ei, quòd Dominus sex præfatos lectos visitavit propter hunc unum, scilicet cor humanum, ut ibi requiesceret.

Cap. LX.

*De sex virtutibus istum lectum
DOMINO præparan-
tibus.*

SEx quoque virtutes ibi ei sunt expressæ, quibus iste lectus Domino præparatur.
Pri-

Prima munditia, secunda humilitas, tertia disciplina, quarta temperantia, quinta patientia, sexta amor.

Cap. LXI.

De sex puellis, cereos in manibus tenentibus, & eorum expositionibus, scilicet de septem virtutibus.

IN purificatione Beatæ Mariæ Virginis, cum communicaret, accidit, ut Frater Sacerdos, qui ei porrigebat hostiam, cum sacra hostia tangeret supra os ejus. Unde ipsa perterrita est, putans hostiam fractam, & multum desolata est: tamen sic desolata communicavit, tandem & sensit in gustu sensibilibiter ineffabilem dulcedinem, nec minus cordis suavitatem more solito.

Nocte verò sequenti, cum matutinas legisset, & quiescere vellet, facta est super eam manus Domini, & ecce coram ea steterunt sex puellæ pulcherrimæ, inæstimabili claritate fulgentes, habentes singulæ cereos magnos ardentes in manibus, & erat lux candelarum illarum purissima, & serena valde. Steterunt autem binæ & binæ, combinatæ & sociatæ.

Cumque sic starent, cœperunt loqui. Dixit prima: ego vocor Voluntaria Pauper-

pertas. Dixit ejus collega & sodalis: ego vocor Patientia. Dixit tertia: ego vocor Desiderium multum patiendi. Dixit ejus collega: ego vocor Obedientia. Item dixit Voluntaria Paupertas: ego quæro Deum omni tempore. Ad quam respondit Patientia: quocunque me verto, ipsum invenio. Item dixit Desiderium multa patiendi: omnia bona, quæ fiunt in Ecclesia, ego congrego, & mihi approprio. Tunc dixit ejus sodalis, scilicet Obedientia: prompta sum ad omnem perfectionem.

Quando hæ quatuor finivissent sermonem, tunc locutæ sunt ultimæ duæ collegæ. Et dixit prima: ego vocor Oratio. Dixit ultima: ego vocor Amor. Item dixit puella, quæ dicitur Oratio: DEUM semper habeo. Benedicit ejus sodalis, quæ vocatur Charitas sive Amor: quidquid petis, tibi tribuo. Addidit quoque Amor dicens: Quare est hoc, quòd hæc, scilicet devota, non vidit in illa cœlesti visione justorum minorum animas, sicut sororem Gertrudem, sed solum majores Sanctos vidit? Et respondit ea ipsa ad propriam interrogationem: hoc ideo est, quia ei solum ostensi sunt, qui fuerunt perfecti in sanctitate, cum essent in via, & in hac vita: & quicumque debet esse perfectus, oportet, ut nos sex habeat, & qui unâ no-

E

stra-

*Cod. & pro-
jecit.*

strarum caret, non est perfectus in sanctitate. Et tunc ista puella, quæ Charitas dicitur, inclinavit cereum suum adversus sodalem suam, quæ vocabatur Oratio. Quæ accipiens quasi unam scintillam ardentem de facula charitatis, * projecit de se supra pectus devotæ hujus, quæ hæc audivit, vel vidit: quæ mox sensit incendium devotionis in corde, & in præcordiis miram suavitatem spiritus.

Cap. LXII.

De stella, in qua facies hominis pulchra nimis apparuit.

IN quarta die post Purificationem, cùm ille igniculus Divinus in ejus pectore æstualet, quem illa puella, quæ vocabatur Oratio, de candela ardenti Charitatis acceptâ scintillâ supra pectus ejus jecerat: (ut in visione proxima dictum est:) in sero Dominicæ hæc puella cœpit amarissimè flere pro dilatione patriæ. Et cùm inconsolabiliter fleret, respiciens per fenestrellam vidit unam de stellis majoribus, in qua apparuit facies hominis pulchra nimis. Qua visa, cœpit ampliùs & ferventiùs flere. Et sic flens facta est in extasi, & apparuit sibi eadem facies, in qua & in cujus luce, vidit omnia, quæ sunt

sunt in cœlo, & in terra, sicut viderat in prima visione magna hujus voluminis, sed nunc omnia eadem clariùs & manifestiùs vidit. Vidit gloriam, & dignitatem, & honores Virginis gloriosæ, & sanctorum Angelorum, & Apostolorum, Martyrum, & cœteros Sanctos magnos & perfectos vidit, & ex nomine eos cognovit, sicut superiùs viderat. Et postea vidit turbam magnam, quam dinumerare nemo poterat, qui erant Sancti & electi: & erant in tanta multitudine, quòd ipsa mirabatur.

Cap. LXIII.

*De voce sonora in patria & aliis
vocibus, triplicem laudem expri-
mentibus, sed non verba-
libus.*

AUdivit quoque voces laudantium in patria dulcissimas & diversas, sonore tonales quidem, sed non verbales, & tamen intellectui audientis significativas, sicut in prima visione. Istæ voces laudantium triplicem causam laudis exprimabant.

Prima vox fuit: Sanctus, Sanctus, Sanctus, tu es Creator. Et hanc vocem laudis canebant omnes Angeli, & omnes Sancti in patria, exceptis pueris nuper baptiza-

tis & sic defunctis , & eis , qui olim fuerant in magnis peccatis , defunctis tamen cum contritione , sed absque operum satisfactione. Hi non habebant vocem laudis , ut dictum est etiam suprà in prima visione. Et in hac laudatione quilibet apprehendebat , & cognovit , quid ipse haberet de beneficio creationis. Et hanc laudem tanto desiderio psallebant , quòd quasi , si possibile foret , vellent habere de tempore ad laudandum Creatorem. Tantum enim est eis gaudium in hac laudatione.

Secunda laus beneficium redemptionis exprimebat. Et hanc laudem soli homines canebant , sed Angeli miro modo congratulabantur huic laudi.

Tertia laus beneficium præmiationis exprimebat. Et de hoc inæstimabile habebant gaudium , quia ipsemet , scilicet Deus homo , erat eorum remunerator. Et in hac laudatione cognoverunt omnem remunerationem cum omnibus remunerandis , quòd DEUS omnem creaturam cum ipsis perpetuò permanсурam remuneraturus esset propter eos , non solum Solem , stellas , lunam , & elementa , sed etiam minimum granum , quod totum eis erat in cumulum gaudii.

Cap.

Cap. LXIV.

*De voce jubilationis verbaliter
dicente : Ego sum, ego
sum.*

AUdivit quoque vocem magnam cum
jubilo verbaliter dicentem : *Ego sum,
ego sum.* Et hæc erat vox Christi DOMI-
NI. In hoc ipsum resonabant vocaliter &
tonaliter, non verbaliter, Virgines, (&
incoinquinati: & nulli alii Sancti hoc Can-
ticum cantabant.

Cap. LXV.

*De Angelis ministrantibus Sa-
cerdoti & alatis sex
alis.*

DOminica die, secunda post Purifica-
tionem, cum communicasset, ista de-
stituta viribus corporis, sed spiritu vigo-
rata, inter cor habens, mira dulcedine
perfruebatur: sicque manens immota do-
mi usque mane sequentis diei, rapta in
spiritu vidit Fratrem Confessorem suum
celebrantem in altari Beati Francisci, qui
& tunc ibi Missam celebravit. Ipsa quo-
que affirmabat firmiter se spiritu fuisse
præsentem. Cumque Frater pervenisset

E 3

ad

ad canonem, apparuit ibi infinita multitudo Angelorum in altari & circa altare, ministrantes ipsi sacerdoti. Qui cum inclinaret, & unà ipsi Angeli cum ipso inclinabant. Quocunque ipse manum extenderet, sive ad adorandum, sive ad benedicendum, Beati Angeli obsequentes, manus ipsius sacerdotis ducebant, nec tamen benedicebant ipso benedicente hostiam, sed tantum manus benedicentes ducebant.

Apparuerunt autem Angeli ad modum pueri unius anni, & ætate & quantitate, facie fulgentes juvenili & multum delectabili ad intuendum. Sex alas quilibet habebat, sic dispositas: duas habebat super caput extentas, quæ rutilabant quasi de fulvo & purissimo auro. Duabus alis velabant totum corpus usque ad pedes, ita ut apparerent, & istæ alæ erant candidæ sicut nix. Duæ alæ erant ad volandum extentæ, & istæ erant varii coloris, & diversi & perlucidi, & miræ pulchritudinis. Et non solum circa hunc sacerdotem Missam celebrantem, sed etiam circa omnes, qui ibi Missas celebrabant, simili modo apparuit multitudo Angelorum. Et datum est ei intelligere, quod, quantumcunque malus sit sacerdos, qui celebrat Missam, semper ibi multitudinem Angelorum advenire propter reverentiam Sacramenti.

Cap.

Cap. LXVI.

De duobus demonibus glorientibus.

Apparuerunt etiam duo Dæmones post tergum Fratris Confessoris hujus puellæ, dum Missam diceret: & primò post elevationem Eucharistiæ apparuerunt. Erant autem deformes in effigie, & tota corporis dispositione horribiles, nec tamen eidem puellæ ullum intulerunt horrorem. Stabat autem unus à dextris, & alter à sinistris sacerdotis post ipsum aliquantulum, & inclinantes se ad invicem gloriabantur, quòd aliquem timorem immisissent ipsi celebranti, & quòd tamen aliquod impedimentum præstitissent. Ipse enim Frater consuevit aliquando nimis pavere phantasmata cogitationum malorum, quanquam præter voluntatem omnino hæc pateretur. Dicti autem dæmones dicto *Pater noster* evanuerunt. Angeli verò sancti ibi persistentes ministrabant, quamdiu missa legebatur.

Visum est quoque ei, quòd ipsa communicabat Corpus DOMINI ibidem de manibus Fratris celebrantis. Cumque ad se fuisset reversa, sensit in ore & in gustu corporaliter miram dulcedinem, quam solita erat sentire.

Cap. LXVII.

*De voce dicente : vis nosse , quid
Deus sit in anima, & quid operetur
in anima ?*

ALio tempore, cùm vacare vellet contemplationi, sensit in pectore mirum incendium devotionis, ita ut ille calor corporaliter per totum corpus diffunderetur : & intra se audivit vocem dulcem & suavem, sicut superius dictum est. Et dixit ei : *Vis nosse , quid Deus sit in anima ?* Illa verò tacuit. Et tunc ait vox : *DEUS est in anima esuries languens , id est , ein se-
niger hunger , * cum lato corde.* Quæ sic exposuit : *esuries languens , ut anima esuriant Deum cum languore amoris : latum cor est pura conscientia.*

*
Verba Germanica.

Dixit quoque vox illa : *Vis nosse , quid DEUS existens in anima operetur ?* Illa verò tacuit. Et ait : *DEUS existens in anima judicat sicut Rex in regno : item largitur munera magnifica : item tractat consilia sicut Prælatus cum suis. Item exhibet se anima familiarem , sicut sponsus se sponsæ. DEUS velut Rex judicat homicidia , id est , mortalia peccata , per contritionem & displicentiam peccatorum , & per veram pœnitentiam. Item judicat faciens restitui ablata & malè perditata , id est , gratia dona reddit anima , postquam*

quam incipit subire iudicium pœnitentiæ. Item iudicat injustè captivos libertati mancipando, id est, cor & affectus animæ ligatos & innodatos illicitis desideriis à iugo servitutis carnalium desideriorum liberando per gratiam.

Cap. LXVIII.

De rege, qui largitur dona tribus generibus hominum, scilicet militibus, mimis & sponsa sua.

Rex etiam largitur tribus generibus hominum, militibus, mimis, & sponsa sua. Deus Rex tripliciter honoratur in suis militibus, scilicet in dignitate eorum sive nobilitate, in eorum strenuitate, in eorum fidelitate. Unde hæc tria donat Deus suis militibus. Dignitas seu nobilitas animæ, quam Deus dat, & quâ ipse in anima honoratur, est puritas & munditia.

Strenuitas animæ est, quòd viriliter resistat tentationibus. Fidelitas animæ ad Deum est amor.

Mimi sunt quinque sensus, qui laudant, vituperant, novis cantilenis exhilarant. Vituperant, cùm de anima testantur vitia, quæ ei innotescunt per quinque sensus. Laudant, cùm animæ offerunt virtutes imitabiles, quas percipiunt & vident in bonis hominibus. De-

E 2

lecta-

leſtabiles cantationes cantant, cùm animam ad devota ſuſpiria exercent per hac, qua foris percipiunt.

Sponſa DEUS largitur tria dona.

Primò revelationes arcanorum divinas, quantum anima expedit.

Secundò infundit ſpirituales conſolationes & dulcedines guſtui anima.

Tertiò facit animam ardenter eſurire.

Cap. LXIX.

De conſiliatione Dei in anima, qui conſiliatur cum ea tripliciter.

I*tem Deus exiſtens in anima conſiliatur cum ea tripliciter.*

Primò ei Mundi fallacias & inſtabilitatem oſtendit.

Secundò, cùm anima injuriis Dei compatiens & dolens, quòd tam multi beneficiis Dei obliti, Deum peccatis inhonorant, iram Dei, quam de talibus infligeret, avertunt.

Tertiò, cùm Unigenitus Dei Deo Patri per manus Sacerdotum offertur populo.

Quartò ſe exhibet familiarem anima, ſicut ſponſus ſponſa, quando eſt clauſum. Eſt autem anima cubiculum clauſum & ſeratum, cùm anima ab omnibus operibus exterioribus ſabbateat, etiam à bonis, in tantum ut nec
orare

orare nec similia queat facere, quia soli DEO interiorius intendit per contemplationem. Cumque hoc agitur in anima, tunc DOMINUS innotescit * sponsa sua, id est, anima, suam ^{i. e. significat.} optimam voluntatem, id est, anima tunc incipit cognoscere, quid DEO optimè placeat, & velit in ipsa, & hoc cognoscendo anima divinam induit similitudinem.

Secundò incipit Deum diligere, in tantum ut omnem amorem fastidiat & omne amabile, excepta illa re, qua ipsam promovet in amore Dei. Et isto amore vendicat sibi anima, quidquid habet Deus, & proinde divisà cum Deo possidet, quidquid habet Deus.

Tertiò datur ei fortitudo boni desiderii & bona voluntatis, ut ad omne bonum flagret & ardeat: & hoc ipso sibi emit, quidquid habere cupit.

Cap. LXX.

De fide, spe & charitate.

IN hoc cubiculo, cùm Christus Dominus thalamum intraturus est sponsa, fides ei vestes deponit, id est, per fidem meretur sponsa sponsum revelata facie absque velamine videre. Spes ponit ei scabellum ante thalamum, ut facile intret in thalamum, quando videlicet nihil aliud ibi est in conscientia. Charitas ipsum sponsum excipit ad amplexus, & charitas sponsi è converso animam ad amplexus recipit:

cepit: & ibi fit tantu unio per amorem sponsi & sponsa ut anima se ipsam obliviscatur. Et super omnia in hoc beneplacitum est Deo, & in hoc solo anima respondet beneficiis DEI, ut amet ipsum, scilicet tali amore.

Cap. LXXI.

De quinque generibus Confessorum, confessiones hominum au- *dientium. **

**
Cod. au-
dientes, ut
& mox.*

ANte festum Palmarum facta in spiritu vidit quinque genera Confessorum, confessiones hominum audientes. Quidam habebant capita porcorum & rostra lutosa, alii habebant capita canina, alii omnino habebant dispositionem horrendam diabolicam & facies larvatas, alii habebant facies humanas sed sanguine resperfas, alii habebant facies lucidas humanas, quodam divino lumine illustratas.

Stupefacta igitur, cum hæc videret, & admirans, quid significarent, audivit vocem intra se, sicut supra, quæ ait: *Illi, qui habent capita & rostra porcina & lutosa, sunt Confessores, qui propter questum & lucrum temporale audiunt confessiones. Capita canina habentes, sunt Confessores, qui propter laudem & vanam gloriam & favorem audiunt confessiones, aliorum vulnera linguâ suâ lin-*
gentes

gentes & sanantes mundant, in se ipsis fædi. Sathanicam formam habentes, sunt Apostata, & quidam adhuc alii scelerati, quos Deus non vult te scire parcens tibi. Humanas facies habentes sanguine respersas, sunt Confessores, qui cum violentia cogunt homines confiteri etiam ea, qua non tenentur, & interrogant de carnalibus propter suas delectationes, & isti in se maculantur. Facies humanas habentes lucidas, sunt Confessores, qui purè propter Deum & salutem animarum audiunt confessiones.

Cap. LXXII.

De manibus Sacerdotis, quæ splendebant sicut luna serena, & facie Sacerdotis, quæ resplenduit sicut sol, & de tentorio supra corpus Dominicum, & ejus significatione.

ANte festum Palmarum, cùm audiret Missam privatam in Ecclesia Fratrum paucis ibi existentibus hominibus, post elevationem Dominici Corporis ipsa captabat locum, ubi posset respicere Corpus DOMINI in altari. Hæc enim erat consuetudo ejus, quòd cum magno desiderio & fide immensa, ubicunque poterat, libenter vidit tractari Corpus Domini.

Intra

Intra Canonem igitur parùm ante *Pater noster* respexit super altare, & ecce manus Sacerdotis celebrantis splendebant sicut luna serena in die apparens. Et subito stupor apprehendit eam, non terribilis, sed velut suavis admiratio: facies quoque Sacerdotis resplenduit, sicut sol, cum lucet in nube, vel per nubem candidam. Mirabatur itaque, unde iste splendor lunaris & solaris. Et respiciens sacram hostiam, vidit eam lucere, sicut Solem in virtute sua. Exinde sopitis corporis sensibus facta est in spiritu: & quia magna suavitate tenebatur in illis splendoribus, corporaliter sibi apparentibus, renitebatur inde trahi in extasim, sed non prævaluit.

Cumque esset in spiritu, apparuerunt prædicti splendores inæstimabiliter majores, nec corporeo sensu perceptibiles. Apparuit quoque supra corpus Dominicum & sanguinem tentorium sive tabernaculum, quod non latiùs, quàm corporale, extendebatur, & erat fulgens inæstimabiliter quasi aureo & flaveo colore subtiliter intextum. De Corpore quoque Domini lux immanens diffundebatur. Et in illa luce apparuit imago perlucida, quæ modò versùs sacerdotem, modò versùs sacram hostiam vertebatur, & ipsa imago omnia, quæ in missa agenda sunt in signis &

& in fractione specierum, cum Sacerdote operabatur, & de ipsa imagine tres radii ad sacerdotem egrediebantur.

Lunaris fulgor, qui ad manus dirigebatur, significabat munditiam sacerdotalem. Item splendor solaris (& hic ad faciem dirigebatur) significat puritatem conscientiae. Idem lux Solis cum manè rutilat in aurora (& hæc penetrabat ad cor) & significat desiderium cordis ad DEUM.

Cap. LXXIII.

De his, quæ sub tentorio, id est, dignitate Presbyterii, fiunt multa & magna.

Tentorium significat dignitatem Presbyterii, sub qua fiunt multa & magna ad salutem animarum. Unde sub illo tentorio vidit infinitam multitudinem hominum modò vestiri, modò cibari, modò depingi, modò augeri, sicut suprâ * *Cap. 146* etiam vidit in alia visione, modò jocalia quæque de ebore formari, & hominibus donari, quod quia naturaliter est frigidum, & est lene in tactu, & est nobile, significat castitatem, spiritus lenitatem, & animæ sive morum nobilitatem.

Tunc ipsa secum tacita mirabatur, intra se dicens: O Deus, cur mihi tanta ac

taliam ostendis? Forſan quia tam modicæ ſum fidei, & oportet, ut me ſic in fide robores, vel tam prona in malum, quòd caderem, niſi me ſic manu teneres. Et audivit vocem intra ſe dicentem: *Non ſic, ſed propter magnam fidem, quam habes de Sacra Euchariftia.*

Cap. LXXIV.

De tempore acceptabili, ſcilicet jejunio, & quod melius ſit confeſſiones audire quam orare.

IN feſto Palmarum, cùm communicàſſet, & contemplationi vacare vellet, vox intra ſe loquebatur: *Va illis, qui ſe modò negligunt, quia nunc tempus acceptabile, & Deus modò magis propitiabilis eſt ad exaudiendum propter memoriam paſſionis ſalvatoris, quæ nunc agitur, & propter inſtantiam precum univerſalis Eccleſiæ, quæ modò magis frequentatur, & propter devotionem hominum, quia modò magis ſunt devoti.*

Tunc cogitavit tacita apud ſe: O Deus, ſi meus Confeſſor modò poſſet vacare orationi! Erat enim tunc occupatus audiendo confeſſiones, & abſolvendo peccatores. Et ait vox ad eam: *O tu ſtultella, non poſſet nunc melius orare, quàm facit audiendo*

do confessiones & absolvendo peccatores : quia Deus Pater est cum potentia in verbo sacerdotis absolventis pœnitentem : & Filius in manu ejus pœnitentiam injungens, & quod deest, supplet sua passione : Spiritus Sanctus sua bonitate ibi operatur.

Cap. LXXV.

De plenitudine diei Cœnæ, qui est plenus gratia.

IN Cœna Domini sub missa cœpit recogitare de tanta dignatione Salvatoris, quòd illa die tam admirabile Sacramentum instituisset. Et audivit vocem solitam intra se dicentem. *Hac est dies plenitudinis gratia & miserationis divina, ita ut, quidquid justì petierint, accipiant.*

Hæc audiens cogitavit : O si ego essem de numero talium justorum ! Et audivit vocem intra se dicentem sibi : *tuo de numero eorum es.* Ipsa autem diffidens de suis meritis (: multum enim sibi ipsi in oculis suis semper vilescerat :) timuit, ut forrè non esset digna cum justis cæteris exaudiri, sicut cæteros justos. (*Ait ergo*) Da mihi hoc pro signo, ut quiescat pulvis iste, qui fideles tuos impedit à devotione sua. Populis enim infinitis convenientibus in unum, ubi Dominus Episcopus Batavien- *i. e. Patavien-
sis vicnsis.*

sis reconciliavit pœnitentes , pulvis densissimus elevabatur quasi nebula, ut vix homines mutuò se viderent. Vix autem verbum finierat , & ecce mox pluvia placida descendit, non offendens sed respergens , pulverem cessare fecit.

Ex tanta condescensione salvatoris sumpsit fiduciam, & ait : Domine, etiam pro argumento tuæ condescensionis da mihi, ut hodie Divinis à Domino Episcopo celebrandis quietè intersim absque pressura populi. Quod & factum est. Nam tanta erat frequentia populorum, ut plures comprimerentur, ita ut morerentur : ipsa tamen, cùm esset imbecillis, absque molestia pervenit ad chorum, ubi Dominus Episcopus coram ipsa chrisma consecravit, & cum magno commodo corporali & permaxima spiritali consolatione divina audivit, & Dominus Episcopus eam manu sua de Corpore DOMINI communicavit.

Cap. LXXVI.

De petitione hujus puellæ , quomodo petivit sibi dari imbrem lachryarum ad omnes horas diei septem , & quod multa pati posset.

Item adjecit orans : Domine, si dignaris meas preces exaudire, ut per verbum tuum

tuum mihi promifisti, da etiam mihi hoc pro signo, ut crastina die, scilicet die tuæ passionis & mortis tuæ valeam multa corporaliter pati, & sustinere, & non deficere, & quòd ad omnes horas diei, septem scilicet Canonicas, dare mihi velis imbrem & gratiam lachrymarum. Hoc autem totum est completum in ea. Nam duas noctes illas sequentes duxit quasi insomnes, vix sedendo modicum nutritans, & in die passionis DOMINI cum quodam ramo juniperi se flagellans mille plagas accepit, cum virga illa foret tam aspera, & ipsa non leniter percutiens, sed ad sanguinis effusionem se cruentans. Dixit etiam, quòd suaviter sustineret. Et jejunans in Parasceve vix duos morsellos comedit panis tantum, non est tamen fatigata, secundum quod ipsa desideraverat. Ad Matutinas quoque & ad alias horas, cum illas legeret, tanta est ei data à DOMINO abundantia lachrymarum, ut vix præ lachrymis aliquandò horas complevit.

His sumens fiduciam oravit, & responsum accepit, quòd exaudita esset oratio sua: & sex personæ sunt nominetenus ei expressæ, ut dictum est ei, ut pro illis oraret. Et dictum est ei, quòd pro aliquibus non sumeret orationem: quia aliqui tam remotè cadunt à Domino, quòd non resurgunt. Unde dixit Dominus

Jeremiæ : *Noli orare pro populo isto in bonum.*

Cap. LXXVII.

De tripartito statu (eorum) in quibus Dominus spiritualiter resurrexit.

IN die Resurrectionis, cùm communicasset, tota die non sumens cibum nec potum usque ad vesperam, in ecclesia in uno loco mansit immobilis vacans devotioni: & ibi facta super eam manu Domini, vidit in lumine multitudinem hominum, & tripartitum statum in eis, in quibus DOMINUS spiritualiter resurrexit.

In primis stetit Dominus erectus. Hoc modo opera bona & merita eorum videbantur in ipsis formari in quandam imaginem, & imagini se infundebat Dominus, & imaginem perlustrando divinitatis luce vivificabat, & illa erecta stabat. Et isti erant perlucidissimi, ita ut etiam illuminarent alios. Et dictum est ei: *Isti sunt, qui strenuè se habent in serviendo DEO, non parcentes sibi, & in his, ad quæ etiam non tenentur, sollicitè se exercent supererogando: & debetur eis tantum præmium pro eo, quòd alios adificent per exempla bona vitæ, quantum eis debetur ex eo, quòd in se ipsis proficiunt.*

Alii

Alii erant etiam lucidi, sed non in tantum, sicut prædicti, & imago in eis formabatur similiter ex meritis bonis eorum, cui se DOMINUS infundebat illustando eam. Et in his Dominus sedit cum imagine. Et dictum est ei, quòd isti sunt hi, qui bona agunt, ad quæ tenentur, tamen cum corporali commodo, nec se multum fatigant corporali exercitio.

Alii non erant lucidi, nisi in quantum imago in eis extendebatur, quæ formabatur & illustrabatur, sicut in primis & secundis, & in his jacebat Dominus cum imagine. Et dictum est ei: *Hi sunt boni quidem homines, & tamen remissi, bona plura sibi proponentes facere, sed negligentes in exequendo.*

Cap. LXXVIII.

De minutione hujus puellæ.

QUADAM vice, cùm traheret sanguinem, sanguis quasi præ calore bulliebat, ita ut minutor, * & etiam ipsa mi- i. e. incisor vena. raretur, eò quòd parvus foret ejus victus & simplex, nec incentivis uteretur, & omni die jejunaret, & tamen sanguis calore bulliret. Sicque secum mirans audit mox vocem intra se dicentem: *Iste calor non est à natura, sed à gratia: quia Deus animam divino calore accendit, & ani-*

*
Cod. infun-
debatur à
calore.

nam sic accensam calefacit, & inde est calor iste sanguinis. Ipsa enim saepe, sicut dictum est superius, in visitationibus divinis infundebatur adeò * calore in pectore, ut ex hoc per totum corpus calor diffusus, non pœnaliter, sed suaviter, eam uret.

Cùm autem vox loqueretur ei, ipsa stupefacta est, non cum horrore, sed cum quadam lætitia. Nam dixit, quòd, quotiens ei hæc vox loqueretur, semper in initio sermonis subita & inopinata lætitia eam rapuit in stuporem, ita ut à se aliquantum deficeret, & quædam debilitas eam apprehenderet, quemadmodum si alicui nunciaretur de amico suo, quem multum diligeret & videre gestiret: adest talis amicus tuus.

Ipsa quoque ad se reversa cogitavit secum, si fortè ex hujusmodi accensione sanguinis taliter facta, ut prædictum est, posset infirmari, si non traheret sanguinem? Vox statim ad cogitationem respondit, quòd sic. quia tantus posset esse excessus caloris in ipso sanguine, quòd natura ferre non posset. Unde, cùm sanguis trahitur, calor minuitur, & leviùs fertur. Et adiecit vox dicens: *Aliquando iste calor diffunditur in toto sanguine per omnia membra, ita quòd ex devotione sanguine sic calente, omnia membra suaviter incal-*
le-

*lescunt , tamen absque incentivo corruptionis
& absque macula.*

Cap. LXXIX.

De abominatione tristitiæ hu- jus puellæ.

QUadam die, cùm communicasset, infusa est dulcedine consueta, tam gustu corporali, quàm mentali de Manna illo vivifico. Cumque per aliquod spatium diei sic perdurasset, cœpit corporalibus viribus debilitari. Et quoniam tempus adebat dicendi horas Canonicas, ipsa se viab illa consolatione abstraxit, & horas DEO persolvit. Et ex hoc in magnam tristitiam incidit, recogitans suas miseras & defectus, quos cœpit exaggerare & aggravare, cùm tamen verè non esset misera, sed dives in gratia. Et post modicum facta est in extasi, & vox in ea loquebatur, reprehendens illam de illa tristitia. Et visum fuit ei, quòd cum cultello, quem penes se habebat, dentes purgans, duas muscas de dentibus erueret. Et tunc ad se mox reversa audivit vocem consuetam, dicentem satis duriter: *sicut hæ muscæ sunt abominabiles apud homines, sic tua tristitia Deo.*

Cap. LXXX.

De roboratione sacerdotum in communione corporis Christi & aliorum hominum.

EX eo, quòd se fenserat in communione Sacra Corporis DOMINI præ spiritus pinguedine viribus corporaliter debilitari, cogitavit, quomodo esset sacerdotibus, qui quotidie communicant, quare illi non deficerent. Responsum est ei: *quia boni & devoti sacerdotes sumunt roborationem ab universali Ecclesia, quia ipsi sumunt Corpus Domini pro universis fidelibus, proinde etiam devotio & merita fidelium eis robur præstant.* Et data est ei similitudo talis. *Si quis debilis duceretur ad aërem bonum, ubi esset suavis odor, quanquam ille nihil comederet, cerebrum tamen & cor ejus ex odore bono & ex bona dispositione aëris vigorem acciperet.*

Item aliam habent roborationem, scilicet cum anima devotorum sacerdotum infunditur à DEO calore devotionis, anima influit in sanguinem calorem, & calefacit sanguinem: & ex hoc corpus accipit robur multa sustinendi, ut jejunare, abstinere, vigilare, frigus pati & asperitates. Hæc homo devotus potest super alios homines pati, cum à spiritu etiam corporaliter vigoratur.

Item

Item quia cor virile naturâ robustius est quam mulierum, inde est etiam, quòd mulieres devota faciliùs debilitantur in excessu devotionis, quàm viri.

Cogitavit quoque tunc de quodam suo amico, quomodo ei esset. Et responsum est ei: Quia etiam calore devotionis infunditur, unde & corporaliter roboratur, ut possit multa faciliter pati, vigilias & ceteras asperitates corporales. Ipse etiam sugit dulcedinem devotionis & robur ex consideratione devotionis devotarum personarum, & ex investigatione devotionis, quemadmodum si quis succum dulcem de uva vel alio dulci fructu sugeret.

Quod autem dixerat, quod calor ille divinitus infusus animæ etiam sanguinem calefaceret, & corpus vigoraret, hoc dixit, quando non est nimius. Nam cùm excessus est caloris, tunc vires corporis debilitantur.

Cap. LXXXI. & LXXXII.

De reprehensione hujus puellæ, quòd nollet vocem intra se audire, volens vacare aliis, & de tristitia, quæ implevit cor hujus puellæ a tempore Paschæ infra Ascensionem.

VIce quadam, cùm communicasset in Dominica quarta post Pascha, vox, quæ ei intus solita erat loqui, iterum loquebatur:

tur : ipsa verò loquentem attendere recubabat, volens vacare aliis, & cum magno certamine conabatur inde animum avertere. Cumque diu sic luctata fuisset, nec prævaleret, ait vox ad eam blandè & amicaliter : *Cur mihi es inimica ? Nihil tibi mali feci. Et quamvis sinu mentis dilatato multa videris, tamen incognitum est tibi, quid tecum Deus intendat.* Ipsa verò nec adhuc acquievit voci eam consolanti. Nam à tempore Paschæ infra Ascensionem tristitia implevit cor ejus. Et, licèt sapius visitationibus divinis & in benedictionibus dulcedinis eam Dominus visitaret, tamen cor non potuit à tristitia relevare.

Tunc vox iterum ad eam ait : *cor tuum tempori coaptatur. Tempus Adventus & Nativitatis erat plenum jocunditate, quando recitabantur dicta Prophetarum de Incarnatione DOMINI, sicut : Rorate cæli desuper, & nubes pluant justum, & similia. Similiter tempus Nativitatis plenum gaudio fuit. Et alia tempora Apostolis jocunda erant, quando Dominus cum eis corporaliter fuit. Sed, quia isto tempore Apostoli & Discipuli DOMINI præsentiam non habebant, nec adhuc Spiritu Paraclito repleti erant, consolari sufficienter non valebant, licèt modò Ecclesia gaudium resurrectionis celebret continuè.*

Cap.

Cap. LXXXIII.

De consolatione & afflictione animæ hujus puellæ.

NEC adhuc acquievit, ut valeret consolari, sed dubitando cogitavit: forsan ista non est causa tristitiæ. Tunc iterum vox ad eam: *Tu nescis, inquit, quæ sit tibi causa tristitiæ. Anima divino affecta desiderio plenè consolationem non recipit, quamdiu non accipit, quod desiderat.* His verbis acquievit cor ejus, affirmans in cogitatione ita esse. Et mox anima ejus languere cœpit desiderio maximo, & sitire ad Dominum. Et in isto languore desiderii ipsa dedit mihi intelligere, quòd anima ejus & consolabatur, & affligebatur. Consolabatur de pietate desiderii, sed affligebatur de dilatione. Unde dicebat: licèt affligar intus in anima, in tantum ut mihi videantur omnia membra mea exteriori languore foris languere, tamen vellem, ut iste languor nunquam cessaret, sed potius incrementum acciperet usque ad mortem.

Post hæc, modicùm cùm esset solitaria, cœpit cogitare, utrum ex tristitia, quæ est ex dilatione desiderati Dei & afflictione languentis desiderii post Deum, ab animali Deus elongetur, & minùs ei sit accepta anima taliter affecta, quàm cùm anima affici-

ficitur affluentia gaudii & consolatione spiritus. Ista ea cogitante, vox intra eam respondit: *Anima affluens spiritualibus consolationibus & delitiis internorum gaudiorum, his donatur à DEO, quantum hic capax potest esse, & asscuratur in hoc ipso à DEO de futuris sibi dandis gaudiis. Anima verò desiderio amoris Divini affecta, & languens post DEUM totis praeordiis, in hoc ipso gratissima est DEO, & vicissitudinem ei rependit, & respondet Domino de acceptis beneficiis.*

Cap. LXXXIV.

De redargutione sui ipsius, timens, quòd nimis arroganter orâisset, & placentia orationum Iustorum.

*Cod. oraret
ciborium,*

UNA die, cum oraret (ante) ciborium, * ubi Corpus DOMINI positum erat, recordata est de quodam amico suo, qui eam frequenter rogabat, ut pro se oraret. Orans igitur dixit: Domine, si est aliquid in me, de quo habeas aliquam placentiam, oro te, ut hunc amicum meum in eandem placentiam mecum ponas, ut æquè tibi placeat. Ut autem hoc orâisset, mox cor ejus triste efficitur, timens, nimis arroganter & præsumtuosè se orâsse, & se ipsam redarguit, eò quòd de se aliquid quasi DEO placitum sensisset, & se in oratione sua ami-
co

co suo prætulisset. Nec tamen ex deliberatione se ei præferens hæc orabat, sed æquè bonum amico suo sicut sibi ipsi cupiebat.

Tunc vox Dei ad eam: *Vult DEUS*, inquit, *ut exoretur etiam à peccatoribus, & placeat DEO pro eo, quòd peccator cognoscit se nihil posse habere nisi à DEO. Multo magis orationes justorum faciunt DEO immensum gaudium & jocunditatem: Quemadmodum magnus Princeps aliquis, si coram eo mimi & joculariores artes suas & ludos suos exerceant varios, unde DOMINUS jocundatur & gaudet: Sic DEUS gaudet & jocundatur de devotionibus variis, & devotis orationibus justorum. Ora igitur securè: quia DEUS magis est voluntarius homini ad dandum, quàm homo voluntarius sit ad petendum.*

Cap. LXXXV.

De portatione Domini in sinistro humero securim.

QUodam sero in Oratorio suo domi existente, apparuit sibi Dominus facta super eam manu Domini. Apparuit autem in vestibus lineis albis quasi in Alba sacerdotali & succinctus, facie quidem serenus & pulcher, sed seriosus. Diadema in capite ejus, non de alia materia quàm
de

sola luce erat : in sinistro quoque humero portabat securim. Et progrediens ait : *ego vado succidere arborem majorem , quæ est in terra.* Timuit igitur puella , ne forsitan Dominus Nicolaus Papa IV. esset, & optavit in corde suo : O si Papa est, si mihi tunc incuteret aliquem timorem ! Si autem esset aliquis Rex magnus infidelis, si mihi tunc immitteret aliquam spiritus dulcedinem ! & mox utrumque sensit, & timorem, & spiritualem consolationem.

Tunc una devota persona dixit Domino : O Domine , quid vultis facere ? Et Dominus ad eam ait : *Vos estis mirabiles, vos non finitis me percutere & facere ultionem : propter hoc nec homines me curant, nec timent, nec venerantur.* Tunc illa cogitavit in corde suo : modò, O Domine, tu tamen dixisti , quòd velis hominem salvare. Hæc ea cogitante, Dominus ait : *vos tenetis me.* Et accipiens securim Dominus de humero vibravit manu. Ipsa quoque intellexit in illa vibratione, quòd multi essent morte casuri, & maximè viri magni. * Et extendit Dominus partem

securis acutam dicens : *Si incepero percutere , faciam plagam magnam.*

*
inter hos
fuisse & Ru-
dolfum I.
Imp. patet
infra ex
cap. 169.

Cap.

Cap. LXXXVI.

De apparitione iterata Domini gestantis in manu gladium evaginatum, non levatum, sed demissum.

SEquenti die veniens manè ad Ecclesiam ante primam Fratrum, facta manu Domini super eam, vidit Dominum in vestibus albis, sicut priori die, vultu serioso & formoso, habentem in manu gladium evaginatum, non levatum, sed demissum. Et dixit : *ego volo percutere, terrere hominis super terram, & timorem eis incutere.* Videns illa hæc & audiens, tristis efficitur, & orabat Dominum, ut ab ea auferret visiones has terribiles, quia ipsa non esset idonea iram suam mitigare, sed prona augere. Cogitavit quoque amara & tristis, si forsitan totam regionem delere vellet. Et audivit vocem dicentem : *ego non faciam consumptionem.* Et mirabatur super eo, quòd vox, quæ solitò in ea loquebatur, modò de se in prima persona loquebatur dicens : *ego faciam, vel ego non faciam :* quæ antea semper in tertia persona loquebatur, sicut patet in superioribus revelationibus, & in anteproxima, ubi loquitur vox non quasi de se : *vult Deus, ut exoretur.* Tunc vox ad eam : *non habet, inquit, Angelus locum in*

in anima, ut in ea loquatur, sed solus Deus, qui olim loquebatur per Beatum Gregorium, cùm scriberet, & sacram scripturam exponeret: ego sum, qui loquor in te.

Cogitavit autem tunc: si omnia vera essent, quæ ei revelata sunt de his terribilibus. Et vox ad eam: *omnia, inquit, vera sunt, sed non omnia contingent: quia boni & devoti homines avertunt iram DEI, & propter hoc DEUS de sua pietate facit tibi hujusmodi revelationes, volens rogari, ut quiescat ab ira sua.*

Cap. LXXXVII.

De quodam libro Bernardi super Cantica, quem Confessor suus voluit facere conscribi pro Conventu.

MOx autem post hæc apparuit ei visio illa. Vidit enim Dominum in vestibus albis, sicut priùs, & fundamentum quasi pro fabrica struenda. Illa autem hora, quando fuit in hac visione, Frater, ejus Confessor, legebat Missam: & visum est ei, quòd dictus Frater habebat librum Beati Bernardi super Cantica, quem idem Frater voluit facere scribi pro Conventu. Et Dominus ait ad Fratrem: *tollens librum, divide eum in quinque partes, & pone in funda-*
da-

damento pro quinque lapidibus fundamenti: quod frater fecit. Et datum est ei intelligere, quòd fundamentum est ipse Deus.

Prima pars libri pro fundamento positi significat ipsum Fratrem, qui præ devotione intendebat facere scribi dictum librum ad usum Fratrum.

Secunda pars libri significat utilitatem inde hominibus futuram.

Tertia pars significat amorem Dei, qui de scriptura libri & usu debet excitari in cordibus devotis.


Quarta pars significat laudem Dei inde futuram, non solùm hìc, sed etiam in patria.

Quinta pars significat dulcedinem divinæ consolationis in cordibus devotis generandam.

Et dictum est ei, quòd non solùm scriptura hujus libri, sed & omnis sacra scriptura in fundamento hoc posita est pro ædificio spirituali construendo. Et dictum est ei, quòd incomparabiliter gratius est Domino hujusmodi ædificium spirituale in animabus devotis, quàm alicujus materialis templi structura.

G

Cap.



Cap. LXXXVIII.

*De verbosis solatiis & cachinnis
& aliis hujusmodi in reli-
giosis.*

Post hæc ad se reversa est, & recedente Fratre prædicto ab Altari, supervenit alius Frater volens Missam legere : & sub Missa iterum facta in spiritu, visum est ei, quòd ille Frater Missam legens haberet coronas de albis rosis, quas idem Frater fregit & dissipavit. Ipsa autem mirabatur, quid nam hoc esset. Et dictum est ei : *rosa alba significant sanctitatem vite hujus Fratris.*

Quòd autem rosas dissipat, significat verbosa solatia, cachinnos & risus excitantia, quæ in conspectu DEI multum nociva sunt suæ sanctitati. Et adiecit vox dicens: valde est reprehensibile, & displicent DEO in Religiosis hujusmodi levitates, quia in talibus multa proferuntur mendacia, quamvis jocosa.

Cap. LXXXIX.

*De duobus retibus, totum Orbem
tegentibus, * & eorum expo-
sitionibus.*

**
Cod. regentia,*

UNa die, cùm communicasset hæc virgo, & eam Dominus solito consolatus fuisset

fuiſſet guſtu ſpiritualis dulcedinis & etiam corporalis de corpore DOMINI, facta eſt ſuper eam manus DOMINI: & vidit duo retia totum orbem regentia. Unum erat totum nigrum, & ſub iſto erant concluſi omnes peccatores criminibus venialibus & mortalibus irretiti: & multi conabantur tranſire rete, quemadmodum avis incaveata nititur exire caveam, nec poteſt. Aliqui in iſto reti jacuerunt in dorſo omnino immobiles: & ſignificant homines deſperatos, nec voluntatem habentes emendandi vitam ſuam, ſed vitam ſuam in peccatis finire volentes.

Rete verò ſecundum erat quinquepartiti coloris. Alicubi erat rubeum, alicubi glaucum, alicubi nigrum, alicubi flavum, alicubi album. Hoc rete nullum incluſerat, ſed erant homines de ſuper ambulantes, ita tamen, quòd nullus erat, qui non impingeret in rete, modò pedes implicando, & cadentes modò manus, modò pedes rumpebant: modò caput aliquibus cadentibus de trunco quaſi amputatum ſeparabatur, ita tamen, ut in utroque vita remaneret, hoc eſt, in trunco & in capite amputato. Alii incedendo graviter ceſpitabant. Vidit quoque multos ſibi charos in Domino ſic cadentes: & triſtis facta eſt, nec adhuc viſionem intellexit.

Tunc vox divina solita ad eam, ei recte primum, sicut dictum est suprà, exposuit. Secundum recte dixit esse impedimenta vitæ præsentis, ita ut non sit homo, qui non offendat.

Qui ambulant in rubea parte retis, sunt illi, qui laboribus & fatigationibus corporalibus & sollicitudinibus mentis cruciati propter victus necessaria, se & suos sustentant. Quod autem cadunt frangendo pedes, hoc est, quod ipsi impediunt bonam voluntatem & bonum propositum, quod habent, ad actum perducere. Quod autem eis manus in casu franguntur, hoc est, quod ipsi modicitate operum bonorum sunt contenti: & quia eos oportet pro vitæ necessariis laborare, satis eis videtur, quantumcunque modicum se exercent piis exercitiis.

Pars retis glauca significat levitatem animi, tamen absque mortali peccato. Et in hac parte retis incedentes, cadentes sunt sicut primi.

Ambulantes in parte flavea retis sunt Prælati boni. Flaveus color est color cælestis, & significat intentionis rectitudinem, quam habent in corrigendo. Isti autem maximè cadendo, capite truncantur: quia nimio rigore, quem habent in regimine & prælatione contra subditos, offendunt: tamen, quia recta intentione
&

& Zelo justitiæ hoc faciunt, hinc est, quòd caput cum trunco remanet vivum, nec mortaliter peccant, licèt sic graviter sæpe offendant. Isti etiam videbantur foramina retis & laqueos contrahere, ut faciliùs desuper ambulantes non profundè in rete caderent, hoc est, quòd recta intentione excusantur, & Zelo justitiæ agantur, ut minus eis imputetur.

Ambulantes in parte nigra retis sunt, qui vexantur tentationibus carnis, & avaritiæ, & similibus.

Ambulantes in parte retis alba sunt personæ spirituales, quæ student sanctitati vitæ, prout possunt: & isti minùs impegerunt, & faciliùs transierunt: & tamen etiam impegerunt.

Sacerdotes devoti propter suffragium Sacræ Eucharistiæ, quam continuè sumunt devotè, minùs aliis bonis hominibus impegerunt, tamen etiam impegerunt: nam nullus mortalis, quantumcunque justus, super hoc rete incedere valet sine impedimento, & sine casu culpæ venialis.

Cap. XC. & XCI.

*De quodam Sacerdote , secundam
Missam celebrante , & de reprehensionem
sui ipsius , scilicet huius puella , & de suo
desiderio , & de instructione ejus orationis
& ejus cogitatione.*

UNa die audiens Missam horruit ipsum sacerdotem celebrantem, nesciens, ob quam causam. Tunc vox divina ad eam: *iste* , inquit, *Sacerdos legit hodie secundam Missam, nec gratiam percepit nec percipit Sacramenti.* Extunc instabat hora, quâ Sacerdos sumeret Corpus Domini, & hæc virgo percepit gustu corporali miram dulcedinem, sicut si sacramentaliter Corpus DOMINI percepisset: sensit nihilominus in anima indicibilem suavitatem spiritus.

Post Missam igitur quæsiuit, quis esset Sacerdos iste? Et dictum est ei à quadam persona Ecclesiæ illius, quòd esset unus Sacerdos, qui eadem die alibi etiam legisset Missam, & ista Missa esset secunda quam causâ victûs sui legisset. Tunc ipsa est miserta super miseria illius Sacerdotis. Et tandem ad cor reversa cœpit se ipsam reprehendere, dicens in corde suo: O paupercula, posses tu cogitare de te ipsa,
&

& sollicita esse, quomodo pertingeres ad desiderium tuum !

Erat autem desiderium suum, ut semper portaret Dominum memoriter cum amore in pectore suo. Hæc ea cogitante, vox divina ad eam: *Potes*, inquit, *obtinere, quod desideras, si feceris, quæ tibi dico.* Cum accedis ad cibum sumendum, antequam ponas cibum in os, sic ora DEUM in corde tuo: *Domine, oro te, sicut nobilior substantia hujus cibi corporaliter transit in corpus meum & sanguinem, & ejus nutrimentum, & ignobilior in secessum vadit: Sic dona optima, quæ à te sunt, transeant in nutrimentum spirituale animæ meæ, & quæcunque animæ meæ non expediunt, ab ipsa rejiciantur.* Item cum es in labore, eundo pro indulgentia & similibus, cogita laborem Salvatoris, quò pro te laboravit. Include eum tuis laboribus, sicut ipse includit laboribus (suis) omnes, qui suam erant facturæ voluntatem, bajulando quasi in brachiis amoris, quemadmodum mater puerum inter ulnas bajulat. In hoc recompensas DEO laborem & fatigationem, quam pertulit pro te.

Cum es in oratione, primò desidera tibi ipsi dulcedinem orationis & incendium, & ex hoc innotesceris omnibus sanctis, quòd sis filia Dei, & ipsi impetrabunt tibi augmentum gratiæ. Nam ipsi videntes ex hoc instaurationem civitatis supernæ accelerari & corporum suorum

innovationem, multum congaudent. Post hoc dilatare foras ad proximum tuum, sic desiderando in corde tuo, quod, si posses, libenter velles placare iram DEI. quam omnes peccatores merentur. Et in hoc respondes divina dignationi Filii DEI, qui ad hoc venit, ut peccatores Deo Patri reconciliaret. Item desidera in corde tuo omnibus salvandis gratiam DEI.

Nunquam enim frustratur tale desiderium ex corde sic affecto: quia semper aliquis DEO largiente percipit aliquam gratiam.

Cap. XCII.

*De quodam Fratre prædicante de
S. Francisco, qui nimis jactan-
ter eum commenda-
vit.*

QUadam vice prædicavit quidam Frater de Beato Francisco, & nimis jactanter eum commendavit, eum præferendo Beato Petro & aliis Apostolis & Sanctis, ita ut audientes scandalizarentur. Et hæc virgo etiam præsens fuit, sed multum de hoc doluit. Tunc vox interna ei dixit: ecce propter istam arrogantiam & jactantiam permittet Dominus maximum scandalum & ignominiosum evenire Ordini, eo quod talis jactantia & derogatio Sanctis facta displicet Deo.

Unus

Unus autem Prælatorum, scilicet Custos, interfuit prædicationi, cùm Frater ille prædicaret: & ipse Custos & alii Fratres multùm fuerunt turbati contra illum Fratrem propter illam prædicationem, ita quòd Custos vocatis senioribus Fratribus sufficienter reprehenderit eum, & fecit ei erubescentiam satis magnam, & punivit eum, dictà ab eo culpà sua. Et hoc factum fuit modico intervallo eadem die post illius prædicationem. Serò denique factò, cùm adhuc esset in ecclesia hæc virgo, facta est vox ad eam: *Placata est ira Dei, & placatus Dominus super malo, quod dixerat facere ordini propter excessum prædicantis.*

Tunc ipsa in corde impatiens cogitavit: quàm mutabilis es Domine! Manè autem factò, cùm communicasset, vox iterum intra eam loquebatur: *Cur irasceris super bonitate & benignitate DEI? Sic namque tibi erit placabilis, sicut aliis, tamen post offensam si culpam tuam agnoveris. Cùm enim Deus offenditur, si humiliter culpa cognoscitur à delinquente, Deus statim ignoscit, quemadmodum in David factum est, qui, cùm Angelus populum percuteret, culpam suam humiliter agnovit, mox Angelus, Domino parcente percutere cessavit. Et si aliquando delinquens delictum & culpam non recognoscit, & tamen ab aliis Domino satisfat, Dominus*

placatur, sicut factum est in filiis Job & amicis ejus, pro quibus Job satisfecit sacrificium offerendo.

Ipsa autem nescivit, quòd facta fuit justitia de jam dicto Fratris excessu, unde Dominus mutaverat sententiam tam citò. Et occurrit mihi in memoriam Jonas Propheta, & sententia Domini de Ninivitis, quam Dominus ita subito revocaverat, etsi Jonas irascebatur. Ego autem dixi ei, quomodo Custos effecisset justitiam de illo Fratre. Et tunc ipsa fuit consolata super bonitate Dei.

Cap. XCIII.

De offensione Domini de Ordine Minorum, quòd tam negligenter Fratres requirunt Dominum.

CUMQUE Dominus dixisset ei, sicut tactum est, quòd mox Dominus parceret & ignosceret, cum quis culpam suam recognosceret, adiecit dicens: *Cum indulgentia culpæ Dominus paratus est addere dona gratiæ, si est, qui requirat.* Addidit quoque Dominus dicens: *in hoc Dominus satis offenditur, & irreverentia ei exhibetur, cum Ordo iste sit in tanta sanctitate & in perfectione fundatus, quòd tam negligenter Fratres requirunt Dominum & gratiam Dei.*

Tunc

Tunc ipsa cogitans allegavit in corde suo pro Fratribus, quia ipsi essent in continua laude Dei, quomodo ergo non requirerent gratiam DEI? Et vox hæc respondit, verbum hoc intendere contra Fratres, non omnes, sed contra remissos, qui jura Ordinis custodiunt & coguntur servare, nihilominus jocis & trufis * va-^{i. e. nugis.} cant, & negligunt gratiam, quam Dominus paratus esset offerre eis, si ipsi requirerent devotè.

Et positus fuit ei unus frater juvenis in terminis, qui satis fuit sollicitus de cultu Dei in cantando & laudando DEUM, sed in privatis orationibus fuit lepidus & remissus. Et ait vox divina: *Frater N. laudat Deum satis jugiter cantando, sed quia negligens est orare Deum, ipse incidet in multas tribulationes, & quasi usque ad mortem tribulabitur, sed DOMINUS servabit eum à ruina.*

Cap. XCIV.

De sex generibus devotorum hominum.

INstantibus diebus Rogationum, in Dominica ante Ascensionem, cùm esset in ecclesia orans, & hora prandendi quasi transisset, intra se audivit vocem dicentem

tem sibi de sex generibus devotorum hominum, quibus Dominus diversimodè se & sua dona largitur. Quidam sunt, qui petunt, & statim accipiunt. Quidam petunt, & non statim accipiunt, & æquè tamen diligit eosdem, quantum primos.

Primi, qui petunt & accipiunt consolationem, sunt innocentes, quos Dominus tenerè diligit, qui nunquam peccaverunt mortaliter: quibus si DOMINUS differret consolationem, tepercerent, quia non haberent remorsum conscientiae de peccatis, quæ eos sollicitarent.

Secundi, qui non statim accipiunt consolationem, quam petunt, hi sunt verè poenitentes, quibus, quamvis eos Dominus æquè diligit, ut illos, ne tamen superbiant de donis Dei subito acceptis, Dominus aliquando differt dare.

Tertii quærunt Dominum, & statim inveniunt.

Quarti quærunt solliciti, nec tamen statim inveniunt. Qui quærunt, & mox inveniunt, sunt boni claustrales, segregati ab hominum conversatione, & quia humana destituuntur consolatione, Dominus non suspendit eos diu à consolatione, & se ipso eos consolatur, cum à Domino requirunt.

Qui autem quærunt, nec statim inveniunt, sunt boni Religiosi, qui tamen ex-
re-

terioribus occupationibus necesse habent occupari.

Illis se subtrahit Dominus & abscondit, ut ab exterioribus intus redeant, (&) quasi fastiditi divinam consolationem sollicitè requirant.

Quosdam Dominus expectat cum donis: quidam post Dominum vadunt continuè suis donis inhiando. Primi sunt boni Religiosi, quibus Dominus semper præstò est dare dona sua, quando ipsi à Domino postulaverint. Secundi sunt pauperes spiritu & devotæ personæ in sæculo Domino famulantes, sedulò ipsum Dominum sequentes de prædicatione ad prædicationem, de una ecclesia ad aliam, terentes Sanctorum limina pro indulgentia vel pro devotione, non valentes satiari: quantumcunque eis Dominus de liberalitate sua largitus fuerit consolationis & gratiæ, plus semper esuriunt Dominum. Unde illud: *qui me edunt, adhuc esuriunt.*

Cap. XCV.

De præventionibus diebus solemnibus in communione, & de anima cuiuslibet hominis devoti, quod sit sacramentum Domini & paxis Deo grata.

UNA vice stans in Ecclesia sollicitabatur de

de communione Corporis Christi. Timuit enim, quòd non posset quieto spiritu communicare in die pentecostes, qui erat in januis : quia ad locum alium ob aliquam causam erat meatura, ubi in die solemni familiarium & notorum frequentiam sibi timuit fore nimis infestam. Unde cogitavit, quòd forsan in vigilia, pentecostes sibi magis expediret communicare : Sed magis desiderabat fieri hoc in die missionis Spiritus Sancti.

Ipsa sic sollicita in cogitatione, vox interior dixit ei : *tu impediti es sensus*. Et ait, quòd *expediens esset in casu aliquando praevenire dies solemnes in Communione*. Nec DEUS est res consumptibilis, sed permanens in anima devota & DEUM amante : & corpus devotè communicantium est Domini sacramentum, & anima devota est pixis multum Deo grata, in qua se Dominus recipit. Et adjecit vox divina dicens, quòd *Sacerdos devotè celebrans est Domino hortus deliciarum, ubi Dominus delectatur quiescere*.

Cap. XCVI.

De ascensione Domini ad cælos.

IN die Ascensionis Domini communicavit Corpori Domini, & ante Communionem cœpit cogitare, quàm desolabile modò foret de recessu corporali Salvato-

RIS :

ris : & sæpe solita fuit affici mœstitia eo tempore, cùm talem recessum volveret in mente. Priusquam autem communicasset, facta est super eam manus Domini, & vidit in spiritu Ascensionem Domini, & quasi per totam diem usque ad vesperam erat in ista visione, interpolatim tamen : quia aliquando revertebatur ad se, non tamen plenè, sed quasi attonita.

Cùm autem mihi aliqua retulisset de ipsa visione, ipsa penè post triduum existente in ecclesia, sub Missa cœpit timore titillari : quòd forsitan non benè & præter veritatem mihi retulisset. Tunc facta super eam manu DOMINI, novo genere visionis eam Dominus visitare dignatus est. Nam cum peteret aliquas innovationes spiritus præambulas visioni ipsa geniculans, erecta oculos aperuit, &, cum esset ecclesia plena populo, apertis oculis nullum vidit. Et visum est ei, quòd oculi & visus in tantum dilatarentur, ut centuplum latiores & apertiores haberet oculos solitò : & quasi in momento vidit, & ostensa sunt sibi arcana immensa & incomprehensibilia. Et audivit vocem intra se dicentem sibi : *Ecce hæc sunt, quæ tibi prius ostensa sunt.*

Apparuit autem Dominus in forma humana amabili & decora, rutilo amictus
lu-

lumine sicut vestimento : & turba Discipulorum circa ipsum non nimis magna, Angelorum autem multitudo innumera-bilis.

Et audivit Dominum loquentem Discipulis : *ascendo ad patrem meum & patrem vestrum , & omnes desiderantes me in carne mea assumo mecum , desideria eorum præsentialiter habendo. Carnem meam in cœlestia fero ad decorem mei , & voluptatem , & ad pramium , ut pramietur de omnibus, quæ per-tulit : & omnes electi pramiabuntur in ea, sed diversimodè. Nam aliter Martyres , & , qui pro me passi sunt , intuentes eam delectabun-tur : aliter virgines , aliter alii electi.*

Addiditque Dominus loquens ad Discipulos : *Si non abiero, non mittam Spiritum Sanctum : si autem abiero, mittam vobis eum, ut maneat vobiscum in aeternum.*

Cap. XCVII.

De spiritu S. quem diversi diversis modis accipiunt.

Dictumque est ei , quod diversi diversi-modè accipiunt. Accipiunt pœniten-tes , & peccata deferentes. Item , ac-cipiunt eum , qui proponunt , & student in bono proficere , & hi plenius accipiunt. Accipiunt etiam Deum amantes. Item , qui-

quibus DEUS in omnibus suis operibus placet, suam voluntatem divinæ voluntati conformantes : & isti superabundantiùs accipiunt Spiritum Sanctum, ita ut alii ab ipsis inflammentur, & illustrentur. Sic datus est Spiritus Sanctus Discipulis, quo sibi totum mundum subdiderunt.

Cap. XCVIII.

De deceptione diaboli, qualiter animas decipit.

DIxitque ei vox interior, quòd aliquando igne divino anima intus, & foris omnia membra corporis suaviter inflammentur: & tunc Diabolus maximè studet superseminare Zizania, & decipere, quia potestatem habet à Domino (tentandi) aliquando hominem huiusmodi, quemadmodum Beatum Job, ut homo sit humilis, & non insolescat de gratia illa.

Accidit enim, si homo non timoratus & cautus, cum sic suaviter ardet in membris omnibus quòd diabolus sibi aliquando offert suavitatem fallacem, & inde homo aliquando incautus labitur in corruptionem. Et maximè ille nequam spiritus hoc facere conatur, qui tibi apparuit in luce quadam, & deprehensus à te dixit, quòd appellabatur fallax lux, sive decipiens lucem. Hic virus suæ fraudis talibus consolationibus conatur infundere.

H

Post

Post modicum ipsa cœpit quasi turbata cogitare: quia homo tunc non esset compos sui ad cavendum sibi intendens dulcedini consolationis, quâ tunc animâ perfunditur per devotionis incendium. Tunc vox intra ipsam valde decenti verborum urbanitate & honesta circulatione illud præcavere docuit, dicens: *imò caveri potest: sed caveatur omnis contactus, quò, si non caveatur, ruitur.* Et intelligenti satis dictum fuit. Item, dixit non illa de mulieribus habentibus muliebria, scilicet quòd cavendus eis esset à contactu nimio.

Cap. XCIX.

De Angelis in triplici differentia.

Sicut jam dictum est, quòd Dominus, velut ascensurus ei apparuit apertis oculis, sed immutatis luminibus, apparuit etiam ibi multitudo Angelorum innumerable. Vidit quoque radium immensæ claritatis per aëra de cœlo descendentem, quasi stratam spatiosam, in qua Angeli inexplicabili densitate descendebant, distincti tamen & absque compressione propter sui subtilitatem.

Dixitque, quòd Angeli erant in triplici differentia. Majores erant circa Dominum eo adhuc in terra stante, & ipso ascen-

ascendente semper ei viciniore, & ipsi toti ardebant in Domino, & erant habitu conformes Domino. Nam, sicut dictum est, Dominus erat amictus lumine rutilo vel rubente: sic & isti erant rubea luce amicti per totum ita ut sex alæ, & totum corpus ruberet. Ista vestis rubea non erat de aliqua materia, nisi de luce purissima, & terminabatur in DOMINO supra talos benè ad spatium unius manus, & in brachiis à manibus terminabatur similiter benè ad altitudinem manus unius. Similiter & in Angelis. Capilli Domini erant longi & lucidi.

Angeli secundæ differentiæ erant amicti luce alba, sed alæ erant varii coloris, mira claritate & pulchritudine fulgentes.

Angeli tertiæ differentiæ erant vestiti quasi aurea luce, habentes alas pulchra varietate fulgidas. Ipsa quidem intellexit, quòd isti essent Angeli, qui mittuntur in ministerium nostræ salutis.

Varietas in alis significat varietatem virtutum, quas operantur in nobis. Et omnes Angeli erant perlucidissimi.

Cap. C.

De ascensu DOMINI propriè.

Domino adhuc stante cum Discipulis, & majoribus Angelis luce ignea fulgentibus, & circa ipsum existentibus, audivit ipsa voces Angelorum in excelsis cantantium, sed eos (*non*) videbat. Postea omnes Angelos in aëre descendentes, & etiam eos, qui erant circa DOMINUM stantes in terra, audivit simul omnes cantare unanimiter. Et visum est ei, quòd psallerent illum Psalmum: *Omnes gentes plaudite manibus*, per totum, & aliquos versus de Psalmo: *Exurgat Deus, & dissipentur inimici ejus*. Psallebat autem sic, ut alternatim Chorus Choro responderet. Vidit quoque multitudinem animarum infinitam cum Domino. Et ait, quòd crederet plures ibi fuisse animas beatas cum Domino ascendentes, quàm modò sint Christiani viventes super terram. Et illæ omnes simul cum Angelis psallebant.

Cumque psallerent tam Angeli quàm animæ beatæ, Dominus manibus junctis devotè & sursum ante pectus erectis, & nubeculâ sub pedibus ejus, ascendit: & omnes beati simili modo junctis manibus cum Domino ascenderunt. Domino autem ascendente quidam chori Angelorum ipsum

ipsum præcedebant, quidam sequebantur, alii à dextris, alii à sinistris ipsum & cum ipso comitabantur simul cum beatis animabus. Nullus autem Angelorum ipsum contingebat.

Illis verò omnibus simul jubilantibus Dominus tacuit, quousque ascendisset aërem istum inferiorem, & tunc primò cœpit cum illis psallere. Ipsa quoque intellexit, hoc ideo Dominum fecisse, quia nunquam gaudere vel signa latitiæ exterioris voluit ostendere, quamdiu esset in hoc Mundo.

Post hanc visionem magnam ad se reversa, facta fuit valde debilis in omnibus membris suis, & vehementer toto corpore fatigata, sed corde vigorata fuit & confortata.

Cap. CI.

De primo adventu DOMINI & Angelis existentibus in Missa.

INfra Ascensionis Octavam, cùm audiret Missam, Corpus DOMINI cupiebat videre. Ad hoc enim magnam fidem habuit & ferventem devotionem. Tunc vox divina intra ipsam loquebatur ei dicens : *Ecce Dominus dixit discipulis suis in*

H 3

Ascen-

Ascensione, quòd iterum esset venturus, & ipsi eum essent visuri. Illud videre refertur ad diem judicii, quando eum videbunt omnes homines: illud autem venire refertur ad quotidianum adventum, quò venit in Mystério Altaris: & tot Angeli assistunt ei ibi, ubicunque peragitur hoc Mystèrium à quocunque Sacerdote, quot ei astiterunt in Ascensione sua.

Cap. CII.

De subtractione dulcedinis gratiæ Divinæ.

COntigit hanc puellam pro aliquo negotio migrare ad unam civitatem, & in die Pentecostes ibidem communicavit: &, quia modicum sensit ibi consolationis consuetæ, multùm fuit dejecta. Dominus autem consueverat eam quotidie consolari, ita ut sub Missis, quas audivit, sentiret indicibilem dulcedinem corporali gustu & spiritali. Si aliquando ei Dominus hanc refectionem subtraheret: (quod tamen rarò fiebat:) nimis desolabatur. Accidit tamen modò, quia erat in tumultu forensi & strepitu seculari, quòd Dominus ei subtraxit consolationem benè per quatuordecim dies, ita ut rarissimè & permodicum aliquando degustaret suavitatem divinæ dulcedinis solitam, &, sicut dixit, quasi qui modicum
ex-

extremitate linguæ attingit modicum mellis, licet nulla possit esse comparatio mellis ad illam dulcedinem, sicut etiam referebat.

Ex hujus igitur refectionis subtractione ipsa fuit facta quasi languida corpore & anima. Dixit quoque, quod palatum sibi quasi aruit, & linguæ gustus ita imminutus fuerit, ut omnia, quæ gustaret, quantumcunque delicata, forent omnia insipida sibi, sicut homini febricitanti.

Cap. CIII.

De mirabili communicatione corporis CHRISTI.

QUarta decima igitur die erat Beati Joannis Baptistæ solemnitas, & ipsa cogitaverat communicare. In nocte ergo, cum quiesceret, in somnis ipsa sensit miram spiritus suavitatem & immutationem subitam, in tantum ut de somno evigilaret. Et sic ebria spiritu & repleta immensa læticia exiliens, & manus ad cælum levans, cœpit gratias Deo agere dicendo: *Veni Sancte Spiritus.*

Putavit enim, quia foret dies sollemnis Pentecostes.

Deinde veniens ad Ecclesiam exhilarata in spiritu communicavit: & mox, ubi

locus vitia-
tus.

sumpsit Corpus Domini in os, sensit corporali gustu incomparabilem dulcedinem, nullamque panis proprietatem vel qualitatem sensit in sapore nec attractu: asperitate omni breviter * circumscripta qualitate ipsum quoque Manna vivum & verum, non masticatum, nec aliquo modo dentibus ab ea contrectatum, subito descendit usque ad præcordia cum immensa suavitate, facta circa ipsam immutatione tam in spiritu quàm in corpore. Et visum est ei, quòd cor & omnia præcordia dilatarentur ad faciendum locum salvatori suo: & in totis præcordiis nihil aliud sensit, quàm Mannæ illius suavitatem, quam nemo novit, nisi qui accipit.

Facta quoque ibi in extasi plura vidit, quæ enarrare nescivit: quia, ut puto, non placuit Domino ea alicui revelari. Dixit enim mihi aliquando, quòd sæpe accidit, ut ea, quæ in revelatione acceperat, quæ etiam enarrari difficillimum vel impossibile sibi videbatur, & jam elapsa erant ab imagine, tanta celeritate reddebantur ejus memoriæ, & tanta facilitate enarravit, quòd ipsa multum mirabatur, ex hoc intelligens, quòd esset voluntatis DEI, quòd mihi pauperi & peccatori indigno panderet sibi revelata: etiam, quod ei divina vox retulit, quæ solito in ea loquebatur.

Cap.

Cap. CIV.

De interrogatione DOMINI,
quare gratiam subtra-
hat?

PERduravit itaq; supradicta suavitas in ea benè usq; ad meridiem. Ante meridiem autem venit ad Ecclesiam S. Stephani* ante ^{Nunc Ca-} Ciborium, ubi Corpus Domini collocatur, ^{thedralis &} & ibi reverentiam faciens familiariter con- ^{Archiepisco-} fabulabatur in corde suo dicens: Domine, quare hoc facis? Cur te tantùm subtraxisti mihi? Tunc vox intra eam ait: *Quemadmodum famelico delicatus cibus sapit, & eum delectat: sic Deus delectatur in desiderio animæ ipsum sitientis, & eum quarentis.* Tunc illa: ita Domine, ergo tu delectando ita quæris, quæ tua sunt? Quid autem erit nobis? Nos quidem grave pondus portamus dilationis. Tunc vox ad eam: *propter hoc, inquit, Dominus subtrahit se ad horam amicis, ut ferventiùs quaratur. Et hoc lucrum reportant devotæ animæ, quibus sic subtrahitur Dominus.* Namq; Dominus rediens per visitationis gratiam, animam illam sponsam tradit spiritali connubio cælesti Sponso: & omnes sorores animæ, id est, virtutes animæ, quæ in baptismo infusæ sunt ei, innovantur, ita ut anima secundum singulas vir-

H 5

tutes

tutes innovata jocundetur. Quemadmodum si homo haberet decem filias, & unam ad nuptias traderet, reliqua filia & sorores illius cum sponsa & sorore convivantes jocundarentur. Sic agitur in anima, quia, cum Dominus eam post dilationem aliquam visitat, cum ea nuptias spirituales celebrat.

Cap. CV.

De decem filiabus animæ.

DIE altero, cum ipsa esset in loco apto devotioni, venit sibi in mentem de illis decem filiabus, & desiderabat scire, quid significabant. Cogitavit enim, quod non otiose ille numerus ibi positus esset. Tunc in continenti vox, quæ loquebatur in ea, dixit: *septem filia sunt septem Dona Spiritus Sancti: alia tres filia sunt tres potentia animæ, in quibus anima præfert imaginem DEI.*

Cap. CVI.

De devotione orationis.

IN die Sancti Johannis Baptistæ post Nonam, cum esset in ecclesia, cogitavit, quod devotum esset illa die solvere votum, quod fecerat.

Voverat

Voverat enim cuidam personæ dicere duo millia *Aue*, quæ jam dixerat ad ducenta. Erat autem valde debilis corpore. Nam frequenter post extasim & visiones sive revelationes viribus corporalibus destituebatur. Tunc vox loquebatur in ea, & dixit: *Deus non pensat multiplicationem orationis, sed devotionem. Unde aliquando unius devota oratio super aliqua re equiparatur magnæ multitudini orantium in conspectu Dei, sicut aliquando fiunt processiones, & portantur Reliquia à fidelibus, ut impetrent aliquid à Domino.* Tunc illa cogitavit: O Deus, qui sunt tales? Et revelati sunt ei nominetenus plures, quorum oratio & devotio pretiosa est in conspectu DOMINI.

Cap. CVII.

*De abjectione cujusdam Fratris,
qui hujusmodi causâ exivit
Ordinem.*

Accidit ita, ut unus Frater bonus & juvenis, sed valde devotus, suadente diabolo, una nocte ab Ordine recederet, non levitate carnis ductus, sed sub specie boni deceptus. Erat enim dictus Frater multum graciosus in conspectu omnium & dilectus. Ille autem timens favorem
ho-

hominum , ne fortè non posset salvare animam suam in isto favore, cogitavit se abjectum facere, & exivit. Qui mox poenitentia magna ductus , reversus est, veniam postulans. Rumor autem exierat inter vicinos Fratrum, quòd unus Frater exiisset Ordinem, & rediisset. Hoc ut innotuit virgini prædictæ, ipsa cœpit graviter dolere, & compati Fratribus & Ordini super scandalo, & etiam illi Fratri, nesciens tamen, quis esset. Tunc vox divina, quæ in ea loquebatur, dixit: *talis Frater est*, nominans eum. Ubi ipsa cognovit, quòd tam sanctus juvenis seductus esset, cœpit nimium flere. Et vox ad eam: *ipse*, inquit, *graviter peccavit & mortaliter, quia tam citò & faciliter vinci se permisit à diabolo, quòd pecuniam contra puritatem Regulae suæ attrectasset & habuisset.*

Ipsa quoque orans Deum, ut ei ignosceret, audivit vocem aliquam sibi indignantem & dicentem: *oportet eum adhuc mei carere, erog^{is} ei alienus.* At illa: usquequo, inquit, Domine, irasceris? & Dominus ad eam: *non usque in finem.*

Non post multos dies apparuit ei Dominus in magna luce, & in statura magna. & sphaera magna lucis erat in circuitu Domini, & iste, Frater de quo jam est sermo, in sphaera juxta Dominum, & Dominus ibat, &

& Frater sequens eum & veniam postulans apparuit pusillus apud Dominum: Dominus autem vadens videbatur non curare eum. Frater tamen non cessabat humiliter supplicare Domino, nec à tergo Domini recedebat. Tunc illa miserta hujus Fratris, ait ad Dominum: Eja benigne Domine miserere & porrige ei manum tuam. Cumque illa precareretur, & Frater Dominum insequeretur, extendit Dominus manum suam, & rapiens Fratrem per manum allevavit eum in altum dicens: *scito, quia amo te non derelinquam te.*

Cap. CVIII.

De majoritate Sancti Petri & S. Pauli.

IN festo Apostolorum Petri & Pauli, hora matutinali, cum oraret, venit in mentem hujus virginis, quis horum major & dilectior foret Domino? Tunc vox, quæ in ea loquebatur, dixit: *DOMINUS illud, quod tenerrimè & super omnia dilexit, hoc est, ecclesiam Beato Petro credidit, & commisit: maximum autem & dilectissimum in divinitate, hoc est, nomen suum, Beato Paulo ad portandum coram gentibus & Regibus dedit & commisit. Adverte ergo, quem DOMINUS plus diligat.*

Tunc

Tunc illa in corde suo hoc cogitavit: adhuc ego ignoro, quis plùs sit dilectus Domino: nec per hoc, quod mihi dicitur, scire possum.

Desideravit ergo adhuc scire, quis esset magis dilectus. Tunc iterum dixit ei vox: *Beatus Petrus fuit quasi magister exercitus Domini & multitudinis: Beatus Paulus quasi consiliarius familiaris Domini, ac puritate propinquus. Adverte igitur, quem plùs dilexerit.*

Ipsa autem cogitavit apud se, quis adhuc foret plùs Deo dilectus. Et vox iterum tertio ait: *Beatus Petrus habuit vehementem & festinatum amorem & impatientem amorem ad Dominum: Beatus verò Paulus habuit morosum & ordinatum amorem ad Deum. Adverte ergo, quem plùs Dominus dilexerit.*

Ipsa verò cogitavit sicut priùs: quia nec per hæc intelligere posset, quis esset plùs dilectus, & cessavit cogitare & sollicitari super his.

Manequè factò ivit ad ecclesiam. Cumque audiret Divina, vox subito in ea loquebatur: *Beatus Petrus magis est dilectus Domino, & maximus in cœtu sanctorum. Unde ipse Apostolatu primus & precipuus, imitatione passionis devotissimus. Semper enim patiendi desiderium pro Christo gerebat in pectore, & tandem morte & passione simili Salvatoris*

vatoris passioni, hoc est, crucis passus est. Item post Resurrectionem Salvatoris à Salvatore singulariter & solus proprio nomine est designatus. Hæc sunt tria argumenta dilectionis præcipua.

Eodem tempore, gravi dolore hæc virgo cœpit fatigari, ita ut nec ecclesiam visitare posset. Ipsa autem, cùm multas molestias corporalium infirmitatum perpessa foret in vita, hic dolor capitis cæteros, ut ait, excedebat, & tamen gratanter & lætabunda sustinebat rogans Dominum, ut ipsum dolorem prolongaret, desiderans vicissitudinem quantulamcunque reddere ejus passioni. Sæpe etiam mihi dixit, quòd pati pro Domino mortem ignominiosissimam ex intimis præcordiis desiderabat.

Cap. CIX.

De defensione & salvatione negationis S. Petri & aliorum discipulorum.

Cumque aliquot diebus domi decubuisset, una die Dominica manè vim sibi faciens ivit cum labore ad ecclesiam: ibique cruciata dolore capitis cœpit cogitare de Beato Petro: (festum Beati Petri nuper fuerat :) Cogitavit autem sic: quia,

fi

si Beatus Petrus talem dolorem habuisset, nunquam negasset Dominum, eò quòd in dolore positus homo magis ad Salvatoris auxilium confugiat. Sic ea cogitante, subito vox DOMINI in ea loquebatur dicens: *ne cogites sic. In passione enim Salvatoris & tempus, & aër, & omnia ita conturbata & confusa fuerunt, quòd præ humana infirmitate & Beatus Petrus & alii subsistere non valebant præ nimia perturbatione.* Et dixit, quòd Salvator magis doluit compatiendo de turbatione Discipulorum.

Cap. CX. CXI. & CXII.

De gaudio & utilitate, quam homo habere potest ex devota memoria passionis Jesu Christi, de excommunicatis, & de contemplatione cœlestium, & de contemplatione passionis Christi.

AIt quoque vox: *Salvator maximum amorem ad suam passionem (habuit,) & in hujus amoris signum, suæ passionis memoriale excellentissimum, scilicet Sacramentum corporis sui & sanguinis hominibus reliquit: & quòd homo continuè debeat in memoria habere Dominicam passionem.*

Tunc cogitavit ipsa: & quis posset sustinere, ut dolorem passionis continuè ver-

versaret in corde suo ? Tunc vox ait : Immo gaudium maximum haberi potest ex devota memoria passionis Salvatoris. Propter passionem enim & mortem Christi habetur Sacramentum Altaris , de quo habet anima devota maximum gaudium & utilitatem.

Primò ex intuitu hujus Sacramenti, quando quis devota fide illud intuetur , semper aliquid percipit gratiæ. Secundo propter participationem communionis , quam habent fideles de Altaris Sacramento , quando Sacerdos celebrat.

Hoc enim semper proficit universali Ecclesia. Percipiunt enim ex hujus hostia salutaris virtute robur contra tentationes peccatorum , ita quòd nemo possit resistere diabolo & propria pronitati , nisi adiutus gratia Sacramenti. Et dixit, quòd omnes fideles percipiunt gratiam in Communione , etiam ipsi peccatores in hoc, quòd impediuntur perficere mala, quæ vellent , vel ad quæ instigantur. Et posuit exemplum tale : quemadmodum duellantes in circulo interdum defensantur per suos tutores, (Grizwertil) qui perticas, quas portant manibus, interponentes, ictus ex adverso impediunt, & duellantes aliquantulum repausare faciunt. Dixit quoque quòd nulli excommunicati aliquid gratia percipiunt, cùm tamen alii peccatores percipiant, ut dictum est.

Secundò , quia anima percipiens Sacramentum hoc , primò accipit ibi fortitudinem resistendi peccato, & induit quandam sanctam superbiam & indignationem contra peccatum, & incipit ipsum contemnere : etiam cogitationes & motus primos dedignatur.

*Secundò induit quandam dignitatem & ingenuitatem, de qua Deus gaudet & gloria-
tur.*

Tertiò anima induit cœlestem & cœlestium amorem.

Quartò induit pulchritudinem & pulchritudinis innovationem quotidianam.

Quintò induit sapientiam duplicem : Prima, quia Deus plùs se ei innotescit & sapit : Secunda, quia Deus plùs quàm aliis sua arcana ei revelat. Hæc omnia dicta sunt ei, cùm esset in Ecclesia , & Missam audiret.

Dixit quoque vox , quòd anima contemplando cœlestia & divina maiorem potest percipere dulcedinem, sed contemplando passionem Christi maiorem inflammationem amoris.

Et posuit exemplum de Beato Francisco.

Cap.

Cap. CXIII.

De osculationibus vulnerum Christi, & eorum speculationibus.

EAdem die, cùm venisset domum, vox in ea loquebatur dicens: *anima diligens Deum, semper Dominum contemplari & osculari in suis vulneribus debet. Vulnera enim Salvatoris sunt claritatis tanta in Corpore Christi glorificato, quòd toti curia cœlesti præstant amantissimam & gaudium.*

Primò ergo contemplari debet devota anima Christum spinis coronatum. Hoc enim animam nobilitat, & dignam paternam hereditatem facit in cœlis cum Christo.

Secundò intueri debet vulnus manus dextræ: ex hoc habet liberationem, & libertatem, & donorum largitionem.

Tertiò intueatur vulnus sinistræ, ex hoc habet Clypeum & protectionem contra tentationes.

Quartò vulnus pedis dextri intueatur: ex hoc habet constantiam & virtutem patiendi.

*Quinto intueatur vulnus pedis sinistri: ex hoc habet delectationem, id est, * gelust ad spi-
ritualia bona & virtutes.* * vox Germanica.

Cap. CXIV.

*De narrationibus sanctarum virginum, quæ & quanta essent
passa propter Domi-
num.*

His diebus, quasi hora meridiana, facta est super eam manus DOMINI. Et apparuit sibi Dominus in veste, sicut Sol, refulgenti : & duæ turmæ Candidatorum à dextris & à sinistris ejus. Et ait DOMINUS ad eam : *Esse ne libenter cum his ?* Quæ ait : utique Domine. Cui Dominus : *interroga, inquit, ab eis, quæ & quanta passi sunt propter Dominum ?* Et primò Beata Katherina, deinde Beata Lucia, Beata Christina, Beata Agnes, Beata Agatha, & cæteræ Virgines & Martyres, quæ stabant à dextris DOMINI, narraverunt ei, quæ & qualia passæ essent, & eorum passionem coram se quasi in tabula depictas ferebant, & illa pictura quasi viva videbatur vel vitam habere.

Tunc ipsa cogitavit : DOMINE, non sum digna pro te talia pati.

Tunc DOMINUS ostendit ei Beatum Job in secunda turma à sinistris ejus, qui erant omnes miræ pulchritudinis. Et ait DOMINUS : *quia non potes pertingere ad Mar-*

Martyrium , eò quòd non sit Christianorum persecutio , patere tamen voluntariè corporales infirmitates & molestias cum Beato Job , qui libenter pro amore meo eas sustinuit. Ipsa quoque eodem tempore graves passa est corporales dolores.

Cap. CXV.

De perfectò præmio , quod consistit in patientia.

Addidit quoque Dominus dicens : *Non potest quis ad perfectum præmium pervenire , nisi voluntariè & patienter omnium juncturarum membrorum suorum perferat molestias.*

Tunc ipsa cogitavit : Domine , ego putabam perfectionem meriti & præmii consistere in amore. Cui Dominus respondit dicens : *Non posset quis voluntariè & patienter talia pati , nisi virtute amoris.* Tunc illa cogitavit : Domine , delectaris ergo in passionibus & pressuris tuorum ? Cui Dominus inquit : *in hoc declaratur & probatur amor , cum quis patitur voluntariè & libenter propter Dominum.*

Tunc illa cogitavit : Domine , diligis me ? Cui Dominus ait , *diligo : Nec unquam mater infantem uteri sui in tantum dilexit , sicut ego diligo. Argumentum hoc est , quia*
I 3
san-

sanguineum sudorem in agonia fudi, & in cruce, quidquid fuit residui sanguinis, effudi: & ad hoc me adduxit amor.

Tunc illa cogitavit: Domine, ista est communis dilectio, quâ omnes diligis Christianos. Ad quam Dominus ait: *etiam singulari dilectione diligo te: cujus signum est, quia in corporeis molestiis & infirmitatibus interius te visito & consolor.*

Cap. CXVI.

De strenuo servitio hominis, & de salutatione Ministri Fratrum & ejus instructione.

Tunc illa cogitavit de quodam amico suo: Domine, scio, quia diligit te: & tamen magis diligeret esse sanus, ut sic tibi servire melius posset. Et Dominus: *Quicumque strenuo servitio mihi continuè servit, in illius navicula ego sum, & eam gubernano, & duco, & quod ille non potest, ego perficio.*

Apparuit etiam ibi Fratrum cum magna maturitate stantium & expectantium salutari à Domino (turba.) Dominus autem conversus ad Ministrum Fratrum dixit: *Avete pater. Vos estis pater filiorum meorum, quos ego fidei vestræ commisi: quod, si incuria & negligentia regularis vita succre-*

creverint per vestram defidiam, va vobis. Tunc Minister procidens super genua dixit: Domine, tu nosti, quòd omnem diligentiam, quam possum, adhibeo. Tunc Dominus: cave, inquit, ab omni superbia in correctione & increpatione tua: ad subditos tuos sis exemplaris ita ut magis sis Fratribus tuis in choro. Ubicunque fueris apud Fratres, ad minus semel in die coram Fratribus exemplaris causa esse debes in horis & orationibus in choro. Sis communis in cibo, quantum plus poteris, & in aliis.

Et cùm hæc diceret, intuitus est omnes Prælatos (quia plures aderant) & ait: *Quanta habeo contra vos! Cave etiam, ne per duritiam tuam Fratres apostatantes evagentur, & alii Fratres propter austeritatem tuam à Domino separentur. Attende, quòd Dominus, qui dixit Petro, pasce oves meas, etiam ei dixit: non dixi tibi usque septies, sed usque ad septuagesies septies.*

Tunc Minister iterum humiliter procidens super genua dixit: Domine, ego volo libenter in his omnibus cavere mihi.

Cap. CXVII.

De custode Fratrum & Lectore & Gardiano.

DEinde ait Dominus ad Custodem factis durè: *Avete Domne. Vos benè*
I 4 *debe-*

deberetis esse magis humilis, & recogitare, unde te tulerim, & quò extulerim: & magis benignè loqui Fratribus, & corripere mansuetius, nec habere tam contemptibilia verba ad Fratres.

Deinde allocutus est Lectorem: avete Domne. Nimis estis piger, & tepescitis à servitio meo propter infirmitatem vestram.

Quam diu enim est, quòd non audistis Missam? Nimiam sollicitudinem habetis pro sanitate: & nimis estis sumptuosus de pauperum eleemosyna.

Post hoc salutavit Gardianum inclinando & duriter reprehendendo: Cum sis
s. e. nugati- Amicus Dei, multum offendis triumphatoriis &*
bns. ridiculosis verbis, dissolutionem & cachinnum
provocantibus. Facis, quemadmodum lotrix,
quæ lavans pannos, dealbat eos in Sole cum
magna diligentia, ac postea eosdem pannos in
lutum calcat.

Ultimò salutavit unum Fratrem dicens: Ave fili. Tibi etiam commisi aliquam curam meorum: & quoniam cum fide & sollicitudine eos informasti & nutristi mihi, meipsum eum amore in corde tuo dabo in præmium, & quidquid adificas exemplis bonis, tibi in præmium coram Patre meo & me reservabo.

Cap. CXVIII.

De anima devota in thalamo contemplationis, & matrefamilias, qua quinque in domo sua facit.

QUadam die legeram ei quædam Beati Bernhardi super Cantica, quomodo anima sponsa cunctis affectionibus renuncians aliis, soli & tota incumbat amor. Hoc ipsa mente pertractans mirabatur, quomodo honori non intenderet: quia hoc etiam ex dictis B. Bernhardi habetur, quòd *Deus, in quantum sponsus, non exigit nisi amari.*

Cumque ista mente volveret, audivit vocem intra se dicentem sibi: *Anima devota in thalamo contemplationis ut sponsa non intendit nisi amor: sed aliàs est tanquam hospita seu matrefamilias in domo & procuratrix. Nam matrefamilias procurando domum, cum timore mariti & ad honorem, quinque facit in domo.*

Primò *circumspecta est ad educandos filios & filias in moribus & disciplina. Sic anima sancta se interiùs sollicitiùs intuetur, & exteriùs sensibus custodiam adhibet, & interiores motus & exteriores mores componit.*

Secundò, *matrefamilias familiam regit,*

I 5

operi-

operibus debitis mancipando. Sic anima devota corpus debita subjecit servituti corporaliter operando.

Tertiò, materfamilias in se & in operibus & actibus suis est benè morigerata. Sic anima devota in omnibus suis vigiliis, jejuniis, orationibus & aliis est benè ordinata & modificata.

Quartò : Materfamilias est sollicita, quo modo marito placeat, & ejus voluntati deserviat. Et sic anima devota studet, quomodo placeat Deo, & ejus voluntatem adimpleat, & caveat, ne ipsum offendat.

Quintò : Materfamilias omnibus eam requiruntibus se exhibet misericordem & piam, satisfaciendo singulis pro posse. Sic anima devota suffragiis orationum, consiliis, consolationibus, & aliis, quibus potest, edificare vel consolari proximum parata est propter DEUM omnibus.

Et multi sunt in ista revelatione ostensi, in quibus quilibet abundaret, vel in quibus deficeret : dictumque est ei, quòd anima, prout est in thalamo contemplationis, tunc habet & gerit se ut sponsa, & ibi nihil nisi amare novit, & vacare amorì, illique vehementer intendere tanquam sponsa.

Cap. CXIX.

De retentionibus justorum, qui tenent iram Dei suis orationibus, & de protectione terra Australis.

QUadam die, cùm oraret pro pace terræ, facta est vox solito ad eam dicens : *Satis diu servavi terram in pace, irascens parti adversa : nec hoc cognoscunt homines, sed sunt ingrati. Unde volo eis nunc irasci.* Tunc instabat illa precibus, ut Dominus terram protegeret ab hostibus. Tunc vox ad eam : *tu non es, inquit, fidelis.*

Quare non rogasti pro illis in Ungaria, ubi multa mala malis acciderunt ? Tunc ait ipsa : Domine, illa mala ignoravi. Ad-diditque orare Dominum, ut terram defenderet. Cui DOMINUS ait : *ego semper detentus fui & detineor justorum orationibus.*

Tunc ipsa cogitavit : O Domine, qui sunt, qui te tenent orationibus suis, & placant iram tuam ? Cui Dominus ait : *patientes, qui patiando mala patienter sustinent, & mundo corde devotè orantes, & devoti Sacerdotis hostiam Altaris dignè immolantes.* Et dixit Dominus, quòd multos ha-

haberet tales Sacerdotes , sed non tam multos plenam confidentiam habentes. Tunc ipsa cogitavit : O Domine, vis tamen nos protegere ? Cui Dominus ait : *magis , quàm mihi confidatis.* Quod quidem factum est. Nam, cùm Ungari mox cum aliis Nationibus incumberent Austriæ , & timeretur terræ excidium, & homines jam essent in desperatione positi, nec esset consilium nec auxilium humanum , hostes recesserunt de terra, & legationem pacis mittunt , & ad beneplacitum Ducis Austriæ, & secundùm honorem suum, secum componunt. *

Chron. Mel-
lic. T. I.

script. Rev.
Austr. ad A.

1291. Un-
gari cum suo

rege Au-
striam ho-

stiler in-
vadunt &c.

Tandem Deo
disponente

Erugas cum
Duce Alber-

to incunt, &
cum pace ad

propria re-
vertuntur.

Cap. CXX.

De livoritate Corporis Christi in cruce, & de tribulatis quid petere & quomodo debeant, & de Missa de Sancta Cruce.

QUadam die existens in ecclesia respexit in Crucifixum, in quem solis radii reverberantes, oculos ipsius offenderunt. Et ipsa claudens oculos audivit vocem intra se dicentem sibi. *Nil timeas, & iteratò respicias Crucifixum, nec expavescas.* Tunc aperiens oculos, respexit Crucifixum Sole in ipso resplendente, & apparuit imago Crucifixi tota livida , & quam-

quamvis præmonita, ne timeret, expavit tamen aliququaliter. Cui vox ait: *sic fuit Dominus dispositus, in cruce mortuus pelle livida.* Et adjecit Dominus: *penſa, quantum dilectionem habuerit ibi Joſeph ad Dominum, quem ſic diſpoſitum deponens de cruce amplexatus eſt, & magno affectu & devotione involvit in ſindone, & ſepelivit.*

Et adjecit Dominus: *homines in tribulatione poſiti deberent rogare Dominum per illum affectum, & dilectionem, quam Joſeph habuit ad Dominum, & paſſionem Domini devotè venerari: tunc Dominus eis propitiaretur, quia magna & multa gratia eſt in paſſione Domini. Dominus enim majorem dilectionem & dignationem, quam unquam exhibuit homini, hanc exhibuit in paſſione.*

Et adjecit Dominus: *dic Confessori tuo, quòd omni ſeptimana legat unam Miſſam de Sancta Cruce pro tribulatione, qua in præſenti eſt: & alias perſonas devotas roga, ut per paſſionem Domini ipſum exorent, ut avertat iram ſuam à populo.*

Tunc ipſa cogitavit in corde ſuo: *ēja Domine propitiare nobis.* Et Dominus: *Salvabo, inquit, vos & propitius ero.*

Cap. CXXI.

De indumentis beatæ Virginis & de Assumptione.

IN die Assumptionis Beatæ Mariæ, facta super eam manu DOMINI, apparuit ei Beata Virgo, induta tunica candidissima, ita ut nullus candor ei in hoc Mundo posset comparari, habuitque super tunicale rubrum etiam incomparabiliter. Induta quoque fuit chlamyde lucidissima: intrinsecus chlamydis facies pulcherrimæ tanquam per vitrum resplendebant. Habebat quoque coronam in capite duodecim stellarum. Et dictum est ei, quod candida tunica significat castitatem virginalem, in qua assumpta fuit benedicta Virgo. Rubrum supertunicale significat Martyrium Virginis, quod passa est in passione Filii sui benedicti. Chlamys perlucida, quâ circumamicta fuit, significat charitatem DEI & proximi. Quod autem facies intrinsecus resplendebant, significat Sanctos in patria, qui ex amore Virginis & meritis habent, quod ipsi in amore DEI claruerunt.

Interior superficies chlamydis significat charitatem & amorem, quâ fulsit in conspectu DEI. Exterior superficies chlamy-

my-

mydis significat Virginis charitatem ad genus humanum , quâ ipsa semper nos protegit, & est quasi scutum contra iram DEI.

Et quoniam tunc , quando apparuit ei ista visio , irasci videbatur DOMINUS populo suo : (nam Rex Ungariæ cum Comanis & infidelibus aliis graviter incumbebat terræ Austriæ , & eam devastabat) dictum est ei, quòd Dominus vellet modicum irasci nobis, & postea consolari, quemadmodum si pater filium cum modica virgula percutiat, quem mox tenerè consolatur. Quod totum factum est. Nam subitò, quod nemo sperabat, facta est pax & amicitia inter Dominum Regem Ungariæ, & Ducem Austriæ.

Cap. CXXII.

De conquestionibus omnium elementorum de professoribus religionum.

QUadam vice, facta in spiritu vidit & audivit , & facta est vox ad eam dicens : *omnia elementa conqueruntur de professoribus Religionum. Ignis, hoc est, ignis divini amoris conqueritur, quòd quidam religiosi à se tripliciter repellunt ipsum ignem divini amoris.* Cumque hanc vocem audisset,

set, vidit, & apparuerunt ei tria significativa illius triplicis repulsionis. Vidit enim picem bullientem, & aquaticarum ranarum foetum vilissimum, & genus quoddam vermium, quod scorpio vocatur, quæ apparuerunt in medio ignis, ita tamen, quòd quædam tenebræ essent inter ipsa & ignem. Hæc significant occupationem exteriorem & secularia negotia, quibus se implicant aliquando aliqui religiosi: item spem super deposito, ad quod confugiunt, cùm volunt, inde fumentes sua solatia: item curam carnis in desideriiis gulæ.

Terra conqueritur: quia, ut dictum est ei, omnem honorem Dominus terræ exhibuit, scilicet, quòd corpus suum de terra sumpsit, quòd sacro sanguine suo eam perfudit, quia quotidie Corpus suum consecratur de terra, quia panis de terra nascitur. Hac omnia fecit Dominus propter terram illam, quæ animam portat, id est, corpus humanum. Natura humani corporis de terra sumpta est ad Deo serviendum, & ad exercendum se corporaliter in DEI servitio: & quia hoc non faciunt quidam Religiosi, ideo de hoc terra conqueritur.

Et vidit ibi iterum tria impedimenta, videlicet congeriem stercoreum, picem, plumbum & ceram simul liquatam, & lumen in laterna nigra & tenebrosa. Hæc:

ava-

avaritia, voluptas, & carnis commodum, quæ maculant animam : ut pix inflammant animam : ut plumbum liquatum, quod multum calet, flexibilem & mollem faciunt ad quæque levia, sicut cera flexibilis est : Laterna tenebrosa defectus supererogationis & difficultas debiti, eò quod difficiles & segnes sunt ad ea, ad quæ tenentur, & oportet eos stimulari ut boves, postea nihil erogant peculiaris exercitii vel devotionis.

Aër conqueritur, id est, verba, qua proferunt. Et vidit iterum tria, scilicet intemperiem aëris, scilicet ventum & nubem turbidam, coruscantem & fistulantem aliquid suave in fistula. Hæc sunt verba : item, multiloquia otiosa : item, verba jocularia & cachinnos excitantia.

Aqua conqueritur, id est, sanctificatio per Spiritum Sanctum facta. Vidit ibi tria, videlicet aquam turbulentam, Chrystallos candidas habentes nigras maculas, & mel cum aculeis apum sursum versis. Hæc significant violationem innocentiae baptismalis, incuriam * expiationis per lacrymas, & negligentiam dulcedinis devotionis propter sollicitudines.

De qualibet materia, dictorum vitiorum significativa, vox facta est, quæ singula, prout dicta sunt, exponebat. Hæc

K

autem

autem visio solas personas religiosas includebat, sive in Religione, sive in seculo, servitio divino mancipatas. In quolibet quoque elemento vidit multos diversorum Ordinum & Statuum, quos cognovit.

Cap. CXXIII.

De statu diversorum hominum, scilicet secularium, Religiosorum, Sacerdotum, laicorum bonorum & malorum.

Feria secunda post octavam Nativitatis Beatæ Virginis, cum esset in ecclesia, circa principium Missæ facta est in spiritu, & intus accensa divino igne, vidit in immenso lumine multitudinem magnam imaginum repræsentantium statum hominum & vitam tam secularium quam Religiosorum, Sacerdotum, Clericorum, Laicorum, bonorum & malorum, & in imagine cujuslibet exprimebantur multa bona & mala uniuscujusque: & hoc, ut retulit, fuit ita familiare videre & intelligere, quasi hæc assidue vidisset.

Quidam autem apparuerunt terribili aspectu, &, ut dixit, Sacerdotes mali cæteris peccatoribus horribiliores apparuerunt, ita ut etiam ipsa terreretur: & nisi
Do-

Dominus eam parùm antea consolatus fuisset, & mox etiam postea consolabatur blanda revelatione, ipsa nimis fuisset perterrita. Erant autem mali Sacerdotes toto corpore nudi & nigerrimi. Diadema rotundum habebant circa capita, quod significat Sacerdotum dignitatem vel auctoritatem. Nam omnes Sacerdotes diademata habebant rotunda, ut Sancti depinguntur, sed distincta sunt merita eorum. Diadema malorum Sacerdotum fuit nigrum in colore de materia picis, & capillis eorum intextum, facies eorum nigrae, oculi eorum eruti, dentes horribiles. Circa pectus eorum erant delibuti stercore humano, quod significat scditatem concupiscentiae cordis eorum. Manus eorum infectae sanguine, & distillabant* sanguinem. Et hoc significat, quòd *Cod. diffi-
liabant.* indignè tractant Corpus Domini, sicut ei post visionem hanc vocerentur expositum est, & etiam injurias & violentias, quas inferunt subditis in excommunicatione & Sacramentorum subtractione.

Sacerdotes verò boni, induti erant vestibus Sacris Sacerdotalibus albis, quae significant munditiam corporis & animae. Stola erat de auro puro, quòd significat charitatem eorum. Manipulus in manu sinistra erat intextus variis: hoc significat varietatem virtutum. Facies erat perfusa

sa colore rubeo & niveo, eratque perlucida. Diadema capitis rotundum erat quædam lux, quasi lux Solis rutila, quod, cum facies esset lucida & diadema similiter lucidum, tamen lux hæc & illa erant in claritate discretæ ab invicem. Et nullus habebat diadema, nisi soli Sacerdotes, quia significat Sacerdotalem dignitatem, ut dictum est. In pedibus habebant calceamenta de floribus, quod significat lenitatem spiritus, quemadmodum flores lenes sunt in tactu.

Similiter boni Diaconi & Subdiaconi in ornatu suo apparuerunt. Et similiter conjugati boni & mali distincti erant. Mali enim fœdi & turpes apparebant: Boni verò decenter ornati, & alii magis, alii minùs secundùm merita eorum. Et eorum merita vel demerita in imaginibus quorumlibet expressè cognoscebantur.

Nec aliquis adeò perfectus, vel decenter ornatus, in cujus vel facie vel vestitu non appareret aliquid indecentiæ.

Virgines erant omnes indutæ albis vestibus, quod munditiam significat & coronæ in capitis earum sine circulo, quod significat imperfectionem sanctitatis vitæ præsentis.

Cap. CXXIV.

De peculiari devotione hujus puellæ, quæ consueta erat dicere omni die sex Pater noster, & de pœnitentia, fide, amore, desiderio Dei, auxilio Beatae Mariæ, & passione Christi.

Consueta erat hæc virgo peculiari devotione dicere omni die sex *Pater noster*, & totidem *Ave Maria*. Quadam autem vice, cùm decumberet, apparuerunt sex milites stantes coram ea.

Primus miles erat indutus vestibus candidis, & vocabatur Pœnitentia. Hic habuit clypeum rubeum, quod significat contritionem & afflictionem cordis super peccatis. Fuit etiam stellatus, quod est multitudo innumerabilium peccatorum remissorum. Gladium manu tenuit, qui fuit cælestis coloris.

Secundus miles fuit, & vocabatur Fides, indutus vestibus deauratis, habens clypeum aurei coloris, quod significat pretiositatem fidei. In clypeo erat aquila viva, quæ significat Sacramentum Corporis Christi. Gladium de chalybe manu tenuit lucidiorem Sole, quod significat fortitudinem fidei, quâ omnia tentamenta vincuntur.

Tertius miles est & vocabatur Amor, eratque amictus Sole, gladium aureum habens, quod significat honestatem spirituales & religiositatem in verbis & moribus. Clypeus ejus erat lucis cœlestis claritatis, eratque in clypeo armatura, quæ vocabatur Vita perpetua, & erat formam habens modò pueri, modò juvenis, modò crucifixi, modò Agni. Et ait miles: *Ecce Agnus DEI, ecce qui tollit peccata Mundi.*

Quartus miles vocabatur Desiderium Dei, indutus veste varii coloris, gladium manu tenens, & clypeum lucentem ad modum faculæ lympidæ, in quo erat imago sive facies cum diademate, quod significat, quia anima devota semper desiderat conspectum & faciem Dei. Et hic minor erat in statura reliquis.

Quintus miles vocabatur Auxilium Beatæ Mariæ. Hic habuit clypeum, in quo erat Mater cum Puero. Et dixit miles: *quocunque clypeum hunc levavero, ibi de adversariis triumpho.*

Sextus miles vocabatur Passio Christi sive Mors Christi, cujus clypeus fuit perfusus sanguine, & lucidissimus fuit, in quo fuit Crucifixus. Et ait miles, *virtute hujus sanguinis Christianitas perdurat, nec aliter perdurare posset.* Gladius ejus crux fuit,
ve-

vestis ejus virgulata fuit , quæ significat
vestigia virgarum Christi flagellati.

Cap. CXXV.

*De quodam dæmone eam pertur-
bare volente.*

Cùm autem isti sex milites starent coram
ipsa: (quos ego puto sex Angelos fuisse:) & loquerentur virgini , ecce ex ad-
verso in angulo cubiculi Dæmon appa-
ruit , qui Virginem , ne intenderet illis sex
militibus , impedire conabatur , varia ver-
ba inferens sic: O quantum insultum mu-
res isti faciunt & strepitum ! Item ait : ec-
ce ostium non obfirmatum cum sera , &
jam fures intrabunt. Et similibus aliis
verbis ipsam perturbare volebat , sed non
potuit.

Ipsa enim mira consolatione spiritus
in hac visione repleta erat.

Cap. CXXVI.

*De quodam juvene , qui singulos
Fratres in introitu ostii hilariter
suscipiens introdu-
xit.*

UNA vice in spiritu vidit Fratres horâ
prandii congregatos , sicut mos erat,

ante Refectorium : ipsiusque ad campanellam refectorii intrantibus quidam juvenis decorus specie stabat in introitu ostii, qui singulos hilariter fuscipiens introduxit. Cumque se in mensa Fratres locassent, ille juvenis transiens ante eos singulis signo crucis benedixit. Tandem veniens ad unum Lectorem dixit : *Domicelle, quàm rarò vobis à me datur benedictio !* In hoc eum reprehendens, quòd rarò comederet in refectorio.

Cap. CXXVII.

De extinctione ignis in domo , & de stella apparente in firmamento.

QUadam vice in nocte Adventus Domini, ad quam Dominicam, scilicet primam, ipsa specialem habebat devotionem, & tunc consuevit communicare Corpus DOMINI : * hora igitur matutinali ipsa volebat legere Matutinum. Ignis autem erat extinctus in domo, ut non posset habere lumen, unde ipsa multum desolata fuit. Timuit enim, quòd non posset communicare, eò quòd officium nocturnum non posset legere. Et sic anxia aperuit fenestram stubæ respicientem versus terram sive stratam, si forsan aliquis

vi-

*
videtur
aliquid de-
esse.

vigilum civitatis ibi iret, qui ei ignem ab aliqua vicina domo postularet. Et aperta fenestrâ apparuit stella in firmamento versùs septentrionem juxta ursam majorem, de qua porrigebatur quasi una candelâ ardens, habens longitudinem vix unius digiti, quæ per fenestram stuebâ dabat ei lumen sufficientissimum. Aperto igitur libro, qui erat de valde minuta littera, & hoc magis declarat miraculum, quòd lux illa nusquam alibi lucebat, nisi super litteram & scripturam libri. Unde ipsa admirans, & volens aliquando probare, posuit manum super librum in illam lucem, & tunc manum non vidit, & tenebræ erant. Similiter in margine libri tenebræ erant : & solùm, ubi scriptura erat, ibi lux erat. Cumque perfecisset Matutinum, mox lux illa & lumen disparuit.

Cap. CXXVIII.

De resurrectione Domini, & de sepulchro clauso.

QUODAM tempore in nocte Paschæ hora matutinali manens in ecclesia, post Matutinum cœpit cogitare, quia non esset incredibile, quòd Homo-Deus natus exisset de Virgine : hoc autem valde esset

K 5

ad-

admirandum , quomodo homo magnus exisset & surrexisset de sepulchro clauso & lapide advoluto.

Erat Chorus ecclesiæ , in qua ipsa erat, clausus , & intrinsecus ostium repagulo obferatum, & cuneus ligneus magnus inter ostium & repagulum strictè incussus, ne posset repagulum amoveri. Murus medius , qui dividebat chorum & Ecclesiam , elevatus fuit & contiguus testudini chori , ut nusquam transitus vel modicus pateret. Cumque sic cogitasset, ut dictum est, ecce cuneus ille cum strepitu avulsus est de intermedio ostii & repaguli, & divina quadam virtute transiens de clauso ostio & choro ante faciem dictæ Virginis cecidit casu magno super lapides pavimenti, non tamen tangens eam , incussit ei repentinum & magnum terrorem. Ipsa autem ad cor reversa , oravit Dominum dicens : tu Domine satis hodie me terruisti : consolare me etiam nunc. Et mox accidit ei modicus somnus , & inclinata est super lapides pavimenti.

Apparuit quoque tunc ei Dominus , portans in manu scutellam , in qua fuit pars piscis assi cum favo mellis. Et dixit Dominus ei : *comede*. Cui illa : eja, inquit , Domine, si tu comederes, ego eò libentiùs comederem. Tunc Dominus frangens quasi modicum morsellum de pisce,

pisce, & intingens posuit in os, & gustavit : reliquam particulam porrexit in os virginis. Et ait Dominus : *Nunquid tibi videatur aliquid fore Deo difficile? Quia quidquid vult Deus, hoc est facillimum & possibile.* Unde ostendit ei Dominus, quod, quemadmodum sine impedimento illud corpus solidum transivit aliud corpus solidum, sic Corpus DOMINI resuscitatum transivit & exivit de sepulchro clauso. Dixit mihi hæc virgo, quòd à die illo Paschæ usque ad diem Ascensionis omnia, quæ gustavit & comedit, mellicum saporem habuerunt.

Cap. CXXIX.

De multitudine hominum & Angelorum.

ANno DOMINI MCCLXXXI. in festo Sancti Michaëlis facta in spiritu vidit infinitam hominum multitudinem, & infinitam Angelorum multitudinem de cœlo descendentem, ita quòd catervatim, per novas stratas satis amplas descende-
bant ad homines, & cooperabantur hominibus ad profectum novem donorum sive virtutum. Primum donum fuit cognitio sui. Secundum cognitio Dei. Tercium fuit augmentum gratiæ vel ele-
va-

vatio. Quartum fuit laus & honor Domini. Quintum fuit communis utilitas omnium fidelium, tam vivorum quàm mortuorum. Sextum innovatio gratiæ. Septimum fuit contemptus terrenorum, & elevatio seu expeditio desiderii ad superna. Octavum contuitus vel exhibitio divinæ præsentia. Nonum fuit elevata consummatio, vel consummata elevatio in Amore Dei.

Prima turba Angelorum parabant viam Domino ad hominem: & in hujus signum habebant instrumenta in manibus apta ad parandam viam, utpote palas & alia: & erant clara & lucida illa instrumenta de subtili materia.

Angeli secundæ viæ habebant luminaria, tota lucida & accensa.

Angeli tertii habebant, quasi saccos in manibus repletos, & hujusmodi sarcinulas portabant à Domino ad homines, & reportabant ab hominibus ad Dominum: sed ea, quæ portabant à Domino, videbantur longe cariora & pretiosiora.

Quarti habebant in manibus tubas, & canebant in eis. Erant autem tubæ sic dispositæ: longitudo tubæ candidior erat nive: nodus erat in modum auri: fistula tubæ, quæ ponebatur, erat rubea.

Quinti portabant in nolis quasi pretiosas margaritas, & distribuebant inter ho-

homines:& animabus in purgatorio de eisdem muneribus deferebant.

Sexti totaliter ardebant: quia per ignem fit innovatio, & ipsi cooperabantur ad innovationem gratiæ.

Septimi projiciebant quasi aliqua despicabilia de manibus cum conatu sursum trahendi.

Octavi habebant facies divinas, & quilibet eorum quasi faciem divinam exprimebat.

Noni erant dispositi in modum coronæ, ita quod multitudo magna in qualibet corona erat: & una corona super aliam erat ordinata usque ad cœlum ad conspectum Dei. Nec isti ad homines perveniebant, sed quasi homines expectabant in futura vita coronandos. Homines quoque diversimodè proficiebant ex istis visitationibus angelicis: Nam alii quibusdam supradictis donis proficiebant, & alii in pluribus, & alii plùs, & alii minus.

Cap. CXXX.

De quodam castro & ejus expositione.

Post aliquos dies facta iterum in spiritu vidit castrum rotundum & altum, ut ejus altitudinem visu non posset attingere.

gere. Et apparuit stella desuper lucidissima aureæ lucis, quæ Mundum illuminabat sicut Sol, & de stella radius quidam signanter fulgidus egrediebatur. Castrum istud erat in situ pulcherrimum. Nam ipsum erat in monte eminenti, & ante castrum in plano pratum virens & spatiosum, per quod decurrebat fluvius præceps, satis amplus, non profundus, ita ut vadari posset, eratque perspicuus & clarus valde. Juxta quem fluvium homines infinitæ multitudinis pausabant, quemadmodum homines in itinere positi & viatores ultra intendentes procedere solent. Et isti omnes videbantur ad ipsum castrum pertinere. Ipsa quoque omnes cognovit, quos etiam nunquam viderat. Hi autem erant omnes Religiosi in Ordinibus, vel religiosè in seculo viventes.

Murus castri erat de lapidibus quadris & sectis, qui erant in colore valde albi, admixta aliquantulum rubedine. In aliqua parte murus apparuit aliquantum subobscurus, in aliqua parte valde clarus & lucidus, & sic per diversas partes erat murus distinctus.

Aliquando etiam nebula satis densa circumdabat murum: aliquando luce stellæ superante nebulam stella illam fugabat, & tunc inmemnsa erat castri claritas.

In

In castro erant duæ portæ ferreæ, ambæ clausæ, & una juxta aliam sita. Hæc omnia ei exposita sunt à voce divina.

Castrum est quilibet justus, ad quem confugitur tanquam ad castrum in pressuris. Et posuit exemplum de Ducissa & populo Wienensi, qui ad suffragia justorum confugerunt in pressura Ungarorum & infidelium.

De stella quoque vox divina ait : *stella ista est via cognitionis divina bonitatis.* Hæc audiens multum ipsa gavisa est, quia multa fuerant ei in visione paulò ante ostensa, quæ non plenè capere poterat. Unde sperabat sibi ea in hac luce stellæ referari. Et ecce mox apparuit ei cumulus magnus gemmarum fulgidarum, in quas lux stellæ radians fulgorem duplicabat. Et ait vox ad eam : *respice gemmas has. Et earum claritas apparuit aspectui tuo, nomina verò & earum virtutes tibi ignota sunt, sicut omnia, quæ vidisti, edicere non vales ad notitiam alicujus.*

De radio quoque exeunte de stella dixit : *hic est lux & incendium divini amoris, in quo anima rapitur extra se, & elevatur supra se in primæ creationis originem. Et hoc fit propter tria.*

Primò quia Deus delectatur in hoc, quòd creatura sua imaginis in tam fragili corpore
&

& carcere manens sit idonea ad tam excellentem gratiam.

Secundò, quia Deus vult mirabilia sua & occulta sapientia sua manifestare de his, ^{God. factura} qua sunt facta & adhuc ^{*} facienda sunt.

Tertiò, quia Deus vult creaturam suam, scilicet rationalem animam, meliorari, ut-
^{Ab. us pote.} que, ^{*} qui tepidi sunt, divino amore incal-
 scant.

Primi sunt quasi filii dilecti à patre, & Dominus est eis familiaris: & isti nunquam possunt cadere per peccatum mortale. Sic sunt stabiliti in gratia: &, quidquid postulant, obtinent.

Secundi sunt homines pusillanimes in fiducia & confidentia, & in turbatione positi, quos Dominus sic consolatur & solidat. Et isti sunt momentanei, sicut Pralati Fratrum minorum, qui modò exaltantur, & modò destituuntur.

Tertii sunt tepidi, quos Dominus sic visitando emendat: Qui post tantam receptam gratiam ceciderint, vix vel nunquam resurgunt.

In castro jam dicto erant duae portae ferreae, ambae clausae, una juxta aliam sita. Una porta ferrea & clausa significat custodiam firmam sensuum exteriorum & interiorum in justis, ne pateat ad animam aditus alicujus peccati mortalis. Alia porta significat Custodiam proximi, quam muniunt bonis exemplis & do-

Tri-

Strina. Quòd autem murus castri alicubi erat subobscurus, & alicubi lucidus, significat, quòd, quantumcunque quis perfectus sit & clarus virtutibus, tamen habet obscuritatem imperfectionis admixtam in hac vita.

Quòd autem nebula densa aliquando castrum circumdabat, & aliquando lux stellæ fugabat illam nebulam, significat, quòdurbationes & tentationes justos sæpe circumdant, quas tamen superant & vincunt per adjutricem gratiam.

Cap. CXXXI.

De elevatione Corporis Christi à pluribus simul.

CUmque esset in hac visione, venit cogitatio in cor ejus de Corpore DOMINI, quod quandoque simul à pluribus elevatur. Ad quam cogitationem dixit ei vox divina: *Sicut Filius Dei in incarnatione de corde Patris venit in uterum Virginis carnem inducendo: sic in hora immolationis venit in manus cujuslibet Sacerdotis.*

Item cogitavit, si æquè potentialiter esset in cœlo & in Sacramento? Respondit vox divina: *Potentia sua magis relucet in cœlo: sed in Sacramento relucet ejus mansuetudo. Nam cum tanta mansuetudine est in Altaris Sacramento, quanta fuit coram bo-*

L

ve

ve & asino in praesepio. Et adjecit Dominus dicens : *his, qui cum non ut Deum venerantur nec honorant, ibi adest cum duritia.* Hæc sententia maximè involvebat malos Sacerdotes, qui ut plurimum dura morte & misero fine decedunt.

Et quia vox divina ei dixerat suprà, quòd anima rapitur aliquando extra se, hoc dictum declarabat ei, dicens : *Non omnes rapiuntur perfecto raptu, quemadmodum B. Paulus & B. Johannes rapiuntur : tamen alii in quendam fluxum lucis diem, ubi eis arcana sæpe, prout vult Dominus, panduntur.*

Tunc ipsa cogitavit de raptu suo & de revelatione primæ visionis hujus opusculi. Ad quam cogitationem respondit vox divina, dicens : *si per foramen tantillum, quantum est foramen acûs, visio Dei ad mentis aciem vel contuitum animæ perveniret, anima videret & cognosceret omnia, quæ sunt in Deo.*

Cap. CXXXII.

De Monachis nudis.

QUODAM mane post Matutinum facta est super eam manus DOMINI : & vidit in visione homines nudos omnino, & erant Religiosi. Et datum est ei intelligere,

ligere, quòd essent illi Religiosi, qui, cùm deberent ædificare suo exemplo proximum, eum suis levibus moribus deædificant. Et, ut ei datum est intelligere, isti erant, non criminosi, sed sic leves in jocis & triumphis, * quæ, licet aliquando *i. e. magis.* fiant absque mortali peccato, tamen in Religiosis sunt magis reprehensibilia, & expoliant eos gratia & merito, quæ talibus subtrahuntur. Ipsi enim eo ipso fiunt magis inhabiles ad gratiam.

Cap. CXXXIII.

De multitudine Religiosorum, aliis indignantium ob eorum defectus.

HÆc visio facta fuit domi in oratorio suo. Deinde veniens ad ecclesiam mane sub Missa facta in extasi vidit multitudinem Religiosorum in habitu valde pulchro & vario, qui circumdati erant lumine immenso, erantque lucidi, sed oculos habebant velatos & circumligatos bindis. * Ornatus quoque vestium, qui erat permaximus, paulatim decidebat. ** id est: fasciæ*

Et datum est ei intelligere, quòd erant Religiosi, qui bonæ vitæ existentes, aliorum defectibus, vel aliis ob eorum defectus vel peccata plus debito indignantur.

Et, quia in suis benè factis plus debito se ostentant, & innotescere hominibus currant, hinc in luce gratiæ & cognitionis divinæ impediuntur.

Cap. CXXXIV.

De meritis Ecclesiæ in communi.

DEinde eadem die contigit eam audire Missam unam ferè circa horam tertiam. Sub Missa quoque facta in spiritu vidit hos illos, id est, nudos, & velatos oculis, à sinistris Sacerdotis, qui legebat Missam: à dextris verò ejus vidit alios multos candidatos & lucidos. Et hi omnes quasi in commune operantes unum acervum faciebant, ita ut diversi diversa projicerent ad illum acervum, qui erat magnus & altus & præclarus: & ipse Sacerdos celebrans Missam etiam coacervabat ad illum acervum.

Quidam apportabant lapidem Crystalinum, in quo radiabat Sol immenso lumine. Alii apportabant manticam plenam mercibus, alii afferebant aurum purissimum, alii varios lapides pretiosos, alii pannos varios & pretiosos, alii lucem plenissimam, omnibus aliis lucem præstantem: alii manipulum in humeris afferebant, qui cæteros omnes juvabant mani-

ni-

nibus suis — Alii apparebant pleni oculis. In cacumine verò acervi stabat una persona præstantior & pulchrior omnibus in se existens, quæ in omnibus & singulis cæteris erat, & relucebat, & illorum pulchritudinem venustabat.

Hæc visio data est ei intelligere. *Acervus* sunt merita Ecclesiæ in communi. In *Crystallo* solari significatur humilitas, in *mantica* plena mercibus misericordia, in *auro purissimo* patientia contemptus, in *lapidibus pretiosis & variis* patientia incommodorum & miseriarum, in *pannis variis & pretiosis* patientia injuriarum sive violentiarum. Per *lucem plenissimam*, quæ aliis lucem præstabat, *munditia* significatur. Per *manipulum in humero portatum* significatur voluntaria paupertas. Per *illos, qui apparebant pleni oculis*, significatur lata obedientia, quia Dominus super illos. Per *illam singularem personam, pulchriorem cæteris, stantem in cacumine acervi*, significatur amor Dei, sive *charitas*, quæ est in omnibus aliis virtutibus ipsas informans.

Cap. CXXXV.

De gratia veniente in animam.

*
est Parthe-
non Ord.
Can. Reg.
S. Aug.

*
Cod. con-
fluens.

UNA vice, cùm in Ecclesia oraret, sensit innovationem spiritus & cordis immutationem, ita ut in incendiò devotionis sanguis præcordiorum ad cor se reciperet, & ea, quæ in corde habebat, tacere non poterat, quin ore personaret. Ipsa verò super hoc mirabatur. Deinde, sicut solita erat, visitavit limina diversarum ecclesiarum quotidie. Et cùm esset in ecclesia Sancti Jacobi, ^{*} audivit vocem intra se dicentem: *Gratia veniens in animam ipsam inflamat: anima inflammata influit in sanguinem, & eum inflamat, qui ad cor confluit, ^{*} in quo est vita: & sic sanguis quinque facit in corpore, scilicet confortat, calefacit, latificat, gustum ad sapiendum informat, suaviter dormire facit. Sic in anima spiritualiter gratia ista quinque facit & operatur.*

Nam primò animam confortat, ut ardua & magna possit in Dei servitio, etiam interdum cum imbecillo corpore.

Secundò animam calefacit & inflamat igne devotionis & amoris divini: qui aliquando calor spiritualis in anima, mediante anima in corpus agit & intendit.

Ter-

Tertiò animam latificat & rapit in gaudium spiritus, ut nec tristitia nec adversa, nec timorem sentiat nec dolorem: & sic suspensa & fixa manet in gaudio, quamd u placet datori gratia, ut nullo alio pro illo tempore anima afficiatur.

Quartò animam gustare facit, quàm dulcis & suavis est Dominus, ut etiam aliquando illa dulcedo & suavitas in corporeos sensus redundet.

Quintò dormire facit animam, cùm per occultam operationem divina gratia animam rapitur in extasim, foris dormiens & insensibilis, & intus vigilando quiescens. Unde illud: ego dormio, & cor meum vigilat.

Cap. CXXXVI.

De quodam lumine sphærico, in quo vidit Paradisum cum terra & cum purgatorio.

IN die Dominicæ Resurrectionis, cùm comunicasset, facta est super eam manus Domini: & tota illa die usque ad medium noctis sequentis fuit in spiritu, & rapta est anima ejus in quoddam lumen sphæricum, quod putabat esse Solem istum materialem, sed non erat. Nam, sicut postmodum edocta est, non fuit Sol, sed

quoddam lumen divinum , sicut dictum est ei. Fuit istud immensum lumen instar Solis clarissimum, movebaturque ita lumen istud versus orientem , & ipsa fixa in lumine & cum lumine ducebatur. Et venit in locum amœnum valde, arboribus consitum , plenis fructibus variis & delectabilibus. Qui locus fuit ille in quo Dominus locaverat primum hominem , sicut ipsa postea edocta est.

Deinde ducta in lumine illo subtrus terram vidit omnia Mundi climata , & centrum terræ & circumferentiam aperitissimè : & terra erat rotunda in modum globi , & respectu circumferentiæ videbatur terra vix instar pomi in quantitate : & videbatur obscura , nec intuitu delectabilis , sed potius despicabilis in comparatione claritatis circumferentiarum.

Ducta est itaque sub terra ad amœna satis , loca ubi apparuit multitudo magna hominum , qui erant luminosi faciebus decoris , & quasi muti nihilloquebantur. Isti homines erant defuncti , sicut ipsa postea edocta est , qui decesserant sine gravibus peccatis : nec habebant aliam pœnam , quàm carentiam visionis DEI , quæ tamen pœna , sicut ipsa dixit , fuit eis maxima.

Cap.

Cap. CXXXVII.

*De Trinitate, de vulneribus Christi
de Angelis & omni creatura, &
mansionibus sanctorum in
patria.*

DEinde in lumine illo ducta, vidit civitatem cælestem. Lumen quoque illud ei luminabat, * & omnia, quæ vidit, ^{Cod. illuminabat.} in lumine illo vidit. *Psalmus : in lumine tuo videbimus lumen.* Vidit itaque Dominum, & cognovit Beatissimam Trinitatem manifestius, quàm in aliqua visione. De qua mihi aliqua narrabat, quæ intellectu capere non potui : & ait, quòd plura haberet in intellectu & memoria, quæ non posset proferre in medium.

Dixit, quòd vulnera Salvatoris & ejus humanitas indicibile gaudium præstant omnibus in patria, tam Angelis quam hominibus : & quòd Salvator tam amabilem familiaritatem habet ad Sanctos, quòd explicare non posset.

Dixit quoque, quòd Sancti Angeli & animæ justorum tanto fervore Deum laudant, & laudare gestiunt, quòd satiari nequeunt : & quòd omnis creatura, etiam irrationalis, ut elementum & elementata, tantâ harmoniâ sui officii laudant Deum,

L 5

quòd

quòd etiam rationalis creatura magis afficiatur ad eum laudandum.

Vidit, & cognovit mansiones in patria singulorum, & omnium adhuc in carne mortali existentium: & in lumine jam dicto manens omnes homines cognovit.

Cap. CXXXVIII.

De patientia & duobus generibus devotorum.

Dixit quoque, quod pati in hoc mundo propter Deum, magni meriti est apud Deum.

Dixit quoque, quòd devotio trahit hominem ad Deum.

Vidit quoque duo genera hominum devotorum. Quidam devotioni sunt intenti, & frequentius otiosi, nec magna patiuntur iucommoda.

Alii sunt devotioni intenti, tamen sub laboribus piis & exercitiis in Domino factis, & passionibus propter Dominum toleratis. Primi sunt quasi jacentes, cum quibus nunc est Dominus, nunc quasi ab eis elongatur: quia continuè non possunt per devotionem conjuncti esse Domino. Alii vero continuè adhærent Domino, innixi eidem.

Pri-

Primi aliquando cadunt à Domino propter nimiam desidiam refrigerati : alii sunt magni exempli apud homines , & magni meriti apud Deum.

Cap. CXXXIX.

De quibusdam viduis.

Reverfa autem anima ad corpus reperit corpus totaliter defatigatum, ita ut per plures dies sentiret.

Simile mihi narravit quædam devota persona, quæ in visione rapta fuit ad mansionem amœnam : ubi erat multitudo fæminarum in vestibus albis. Et una inter cæteras dixit, quòd omnes fuissent olim viduæ. Ista verò persona etiam fuit vidua. Ipsa quoque postulante, ut ei liceret ibi remanere cum ipsis, dictum est ei: *Non adhuc hic nobiscum esse potes, sed oportet te redire ad corpus, & in eo multa pati: venies autem postea ad nos.* Illa continuò re-
versa est ad corpus, & invenit corpus adeò infirmatum, quòd per plures septimanas gravissimè languebat. Simile legitur in Daniele 10. *Vidi visionem grandem hanc, & non remansit in me fortitudo, sed species mea immutata est in me, & emarcui, nec habui quidquam virium.*

Cap.

Cap. CXL.

De vulnere laterali Christi & humilitate.

Feria quinta post *Quasi modò geniti*, cùm interesset divinis, apparuit sibi in visione unus pulcherrimus homo, juvenis benè adultus, totus nudus in immenso lumine, nec tamen quidquam horroris habuit, nec displicentiæ videndo omnium membrorum illius dispositionem & nuditatem, sed magis consolatione spiritus repleta est, sicut in aliis apparitionibus. Erat ille totus quidem desiderabilis in aspectu, habebat quoque manus cancellatas super pectus suum : & sub brachio dextro apparuit vulnus magnum & latum & apertum, in quo sanguis recens bulliebat, quemadmodum olla fervens cùm ad ignem bullit, nec tamen superebullit. Visio autem hujus plagæ & cruoris non ei præstabat pavorem, nec horrorem, ut fieri solet ad aspectum hominum mortalium cruentatorum, sed magis aspectus hujus vulneris ei gaudium spiritus ingerebat.

Dixit quoque Dominus : *Ego paratus sum propinare omnibus me cum humilitate desiderantibus & sustentibus.* Cùm autem hæc agerentur, quidam Sacerdos Missam

ce-

celebrans volebat Corpus DOMINI elevare. Tunc quædam persona devota, volens eam invitare ad videndum Corpus DOMINI, instigavit eam importunè, & sic evanuit Dominus ab aspectibus ejus. Dixit autem hæc puella mihi, quòd non esset neceſsè eam instigare ibi, cùm esset in aliqua visione infra Missam: quia Dominus dabat ei semper redire ad se, in tantum ut videret Corpus DOMINI.

Sequenti die, feria sexta, cùm quidam Religiosus prædicaret quibusdam Monialibus in Monasterio quodam, affuit etiam hæc puella. Cùmque intenderet in faciem prædicantis propter desiderium audiendi verbum DEI, facta super eam ibi manu DOMINI, apparuit ei iterum Dominus, sicut priori die, nudus & cancellatis manibus super pectus, bulliente sanguine in vulnere laterali: & se modò vertebat versùs puellam, modò versùs prædicantem Fratrem, & has vices pluries alternando, nihil tamen loquebatur.

Cap. CXLI.

De devota prædicatione, & de vulnere laterali.

POst hoc modicùm, in die videlicet Sancti Georgii, dum in eadem ecclesia
ite-

iterum audiret verbum DEI, facta est super eam manus DOMINI. Et apparuit ei Christus totus nudus, & cancellatis manibus super pectus, & vulnus sub brachio dextro apertum & latum, bulliens sanguine, sicut in prioribus visionibus, & omnia verba prædicatoris Dominus ipse loquebatur. Et modicùm perduravit hæc visio, & reversa est ad se adhuc Fratrem prædicantem. Cumque Frater illud verbum Cant. *introduxit me rex in cellaria sua*, prosequeretur, iterum mox fuit in spiritu, & apparuit Dominus ei, sicut prius, nudus & vulneratus. Et ait Dominus ad eam: *Quando prædicator verbum Dei ex devotione annunciat & ad laudem Dei, tunc Deus est in ore suo, & loquitur per os ejus: quoniam taliter prædicans assumitur in DEUM.* Inde fuit, quòd Dominus loquebatur verba prædicatoris.

Et, quamvis esset in spiritu, tamen omnia verba prædicatoris ipsa audivit, & in hac visione multa consolatione repleta est.



Cap.

Cap. CXLII. & CXLIII.

De quadam Benigna, in consolatione mundana existente, & de astutia diaboli.

HAbuit hæc virgo sodalem unam virginem etiam magnæ sanctitatis, quæ dif-
 famata est apud Dominam Ducissam * de *F. Elisabe-
 sanctitate sua, quam eadem Domina in do-
 mum suam assumpsit, & tenerrimè procu-
 ravit. Fuerat enim longo tempore infirma. Dictum quoque est huic virgini, quomodo Ducissa ejus sodali applauderet, & tota familia ejus captaret benevolentiam, & magnificè procuraretur.*

Item hæc puella habens hunc honorem suspectum & favorem, cum esset solitaria, cogitavit in corde suo: O Deus, quomodo est sodali? Quæ mox facta in spiritu audivit vocem intra se dicentem sibi: *Sicut Rex, qui triumphato hoste & interfecto Rege vexillum Sanctæ Crucis duxit cum gloria versùs Jerusalem, & cum venisset ad civitatem, prohibitus est intrare muro clauso & porta divino nutu: Sic porta & aditus gratiæ, quâ Dominus eam solitus est visitare, claudetur ante eam, si diutius permanserit in illa consolatione & gloria. Dominus enim in interiore homine ejus tam familiarem se ei exhibi-*

hibuit, & tantam teneritudinem consolationis & gratia ei infudit in omni tribulatione infirmitatis sua & penuria, & quia crucem tam diu & tam constanter portavit. Nunc quia se manibus talium commisit, ad quos non spectat scire arcana divina consolationis, ideo porta gratia ante eam claudentur.

*
Intellige:
grave, ex
capite seq.

Tunc expavens cogitavit: O Domine, cadetne ergo in peccatum? * Cui ait Dominus: Non, sed gratia solita ei subtrahetur. Et adjecit Dominus: Diabolus, quia non potuit impedire gratiam in ipsa in penuria & infirmitate, invidens ei de tanta gratia procuravit, quoad potuit, ut ad tantam consolationem & honorem temporaliter perveniret, ut, quod non potuit in adversis, faceret in prosperis.

Cap. CXLIV.

De humilitate & gratia & desiderio.

SEquenti die, cùm communicasset, cogitans de sodali sua, quòd sic esset circumventa ab astucia Sathanæ, ait in corde suo: O Deus, quid faciet homo? Cui Dominus: nihil, inquit, tantùm valet ad servandam gratiam, sicut quòd homo semper teneat se in humilitate, non solum interiùs, sed etiam exteriùs, scilicet ut lateat, quantum potest, in benefactis suis.

Co-

Cogitavit autem illa sic in corde : O Domine , homines adificantur in bonis exemplis. Cui Dominus : *quanto magis , inquit , se abscondunt , tanto magis adificantur.*

Dixit quoque Dominus , quòd homo non debet gaudere de spiritali consolatione , si non proficit ex hac in gratia. Et adjecit Dominus : *homo non potest corporali exercitio continuè laborare pro gratia , nec crescere. Unde debet semper esse mentetenus in desiderio augmenti gratia , & in hoc proficit : & quandocunque quiescit desiderium , tunc profectus gratia quiescit : & decrescente desiderio decrescit gratia.*

Item dictum fuit ei de sodali sua supradicta , quòd vestibus indueretur pretiosis ipsius Dominae Ducissæ , & in his multùm delectaretur , & in ornatu quolibet. Ipsa enim solita erat haurire devotionem interiùs de pulchritudine exteriori. Hæc ista virgo benè cognovit , & , cùm esset solitaria , cœpit revolvere in mente sua de sodali sua , quoniam ipsa hæc faceret magna sinceritate. Tunc vox interiùs dixit ei : *Diabolus eam in hoc excavavit : quia in his placentiam haberet.* Dixit quoque Deus , quòd super his non transiret impunita.

ta.

M

Cap.

Cap. CXLV.

*De Sancta Cruce & planitie
terrae.*

IN Inventionē Sanctæ Crucis hæc virgo communicavit, & facta super eam manu DOMINI fuit in spiritu in immenso lumine, & totus Mundus illustratus illo lumine, & terra videbatur redacta in planum, nec montes, nec colles, nec civitates, nec villæ super terram erant, terra alba, luminosa, aër serenissimus & indicibiliter illuminatus, firmamentum cœlestis coloris & serenum plùs quàm dici possit.

Apparuit autem ibi talis forma sive dispositio Crucis: lux in terra, & sursum diametraliter fuit apertum, & illa apertura lucis pervia, nec illius aperturæ & lucis finem videre potuit. A dextris erat infinita hominum multitudo, qui rapti & elevati erant in aëre. Et intellexit, quòd essent hi omnes, qui adhuc erant in corpore vivi, & in quibus passio Salvatoris & Mysterium redemptionis præstaret effectum, & non alii. A sinistris erant bona merita, figurata in lucida materia: & omnia sibi invicem cohærebant, sic disposita quasi in modum cochleæ, per quam ituri sursum ascendebant, &

& sic in altum usque procedebatur. Et lucidè & plenè meritâ à meritis distincta cognovit; & omnia, quæ vidit, in momento intellexit & cognovit familiariter.

Cap. CXLVI.

De gradibus misericordiæ.

Merita misericordiæ super omnia præminebant. Et dixit, quòd de his omnibus, si posset omnia sermone explicare, per septem dies crederet se posse differere. Tunc rogavi, ut mihi aliqua de meritis misericordiæ referret, quæ sic omnibus præminebat. Ipsa autem distinctit septem gradus misericordiæ.

Primus est compassio & miseratio super passione & morte Salvatoris, quomodo Salvator in paupertate natus in exilium fugatus, & ibi per laboritium manûs foret nutritus: & sic de passionibus & ærumnis Salvatoris plura pulchrè disseruit, prout in visione intellexerat.

Secundus gradus est, quia miserandum est super afflictionibus & laboribus Genitricis DEI: & super Apostolis & Martyribus, qui suo sanguine ecclesiam plantaverunt.

Tertius gradus est, quia miserandum est super miseriis animæ propriæ,

M 2

quòd

quòd eam involvimus peccatis & obligationibus.

Quartus est, quia miserandum est super peccatoribus & animabus: quoniam mors Christi in multis moritur, id est, frustratur. Et dixit, quòd ista compassio esset magni meriti: & comparatur iste misericordiæ gradus primò gradui, eò quòd Filius DEI venerit mori pro peccatoribus.

Quintus gradus est compassio super corporalibus & temporalibus miseriis proximi.

Sextus gradus est super iniqua potentia & oppressione tam in secularibus quàm in Religiosis potestatibus, qui saepe in tantum saviunt in subditos, ut eos à DEO compellant recedere.

Septimus gradus est compassio super animas in purgatorio existentes.

Cap. CXLVII. CXLVIII. & CXLIX.

De triplici gradu castitatis, de triplici gradu patientiæ, & de quintuplici via paupertatis.

INterrogavi etiam de merito castitatis. Et dixit triplicem esse gradum castitatis.

Pri-

Primus est virginitas , & hic est maximi meriti.

Et est ejus meritum magis videre & cognoscere Deum. Et in hoc gradu quidam sunt , qui tamen non sunt virgines , scilicet Martyres , qui pro amore Christi sanguinem suum fundunt : & etiam prædicatores , qui ex amore & sincera devotione verbum DEI prædicant. Hi computantur in gradu virginum quoad meritum , licet non sint virgines. Secundus gradus est Viduitas. Tertius gradus est castitas conjugalis.

Interrogavi etiam de patientia. Et dixit triplicem gradum esse patientiæ. Sunt enim , qui gaudent in adversitatibus. Sunt alii , qui pati propter Deum desiderant. Sunt alii , qui quamvis non gaudeant de adversitatibus , nec eas desiderent , tamen æquanimiter absque murmure illas sustinent.

De paupertate quoque mihi interroganti respondit , quòd esset quintuplex via paupertatis. Sunt enim pauperes sub obedientia degentes , qui contenti sunt his , quæ eis ministrantur. Sunt alii , qui in seculo degunt in paupertate & penuria patienter. Sunt tertii , qui abundantes rebus propter Deum sibi necessaria subtrahunt , & dant pauperibus. Quarti , qui quam-

vis pauperes sint, tamen nimium eis videtur, quidquid eis Deus ministrat in necessariis. Quinti sunt, qui se reputant pauperes & nullos in virtutibus.

Cap. CL.

De quatuor angulis Sanctæ Crucis.

DE angulis quatuor Sanctæ Crucis sic differuit, ut ei datum est intelligere. Ait enim, quod in Angulis quatuor Sanctæ Crucis sunt quatuor signa, quæ transierunt in præteritum: item alia quatuor, quæ sunt in præsentem: item quatuor alia de futuro, & sic in universum duodecim.

De primis quatuor sic ait: Angulo inferiori Sanctæ Crucis obstructus est aditus inferni.

In superiori Angulo significatur, quod aperta est janua regni cœlorum. In dextro facta est redemptio generis humani: in sinistro gratificata sunt Deo nostra merita & facta accepta.

Sequitur alius quaternarius. Angulo inferiori calcatur in cordibus nostris affectus terrenorum, in superiori elevatur affectus æternorum, in dextro datur virtus operandi & patiendi ardua, in sinistro amor ad quodlibet bonum.

Se-

Sequitur tertius quaternarius Sanctæ Crucis, qui est quasi effectus secundi quaternarii. In parte inferiori significantur filii DEI : & hoc respicit primum Angulum secundi quaternarii, scilicet ubi conculcatur affectus terrenorum. Nam in hoc, quòd affectus terrenorum conculcatur in cordibus nostris, probamur Filii esse DEI. Et sic de singulis redde Angulum singulum tertii quaternarii singulo Angulo secundi quaternarii. In parte seu Angulo superiori causatur in nobis pulchritudo & similitudo DEI. In dextro dantur spirituales divitiæ : in sinistro vero scilicet amore boni, rapimur in Deum, & appropriantur nobis omnia bona, quæ in proximis amamus.

Cap. CLI.

De unionibus Divinitatis & humanitatis, & animæ & Divinitatis.

IN octava die Sanctæ Crucis, cùm communicasset, subito facta in spiritu fuit in lumine divino : & venit ei in mentem illa dignatio Salvatoris, quòd tanta unionis unire dignatus est lumen nostrum in Incarnatione, ut, quidquid fecit DEUS, fecisse dicatur ille homo assumptus. Et

ecce cogitanti respondit Dominus : *multum laudabilis est illa dignatio & digna laude apud homines. Est enim fons & radix omnium gratiarum, ita quod nemo gratiam aliquam habeat, qui de ejus plenitudine non hauriat.* Et adjecit Dominus : *Non est tamen minus laude dignum & admiratione, quod divina Majestas ita dignatur se inclinare anima sancta & devota, ut unum velle & nolle cum Deo habeat, ejusq; votis & desideriis libenter Deus obtemperet.*

In lumine divino Deum vidit, & in Deo vidit omnes salvandos, & cognovit, & se ipsam vidit in Deo. Et, quanta familiaritate & amicitia in DEO conjuncti sunt Sancti, ibi vidit, & posuit exemplum. Sicut digiti in manu uniuntur & conjunguntur: sic electi & sancti invicem in Deo juncti sunt. Merita electorum aliquorum sibi familiarium ibi cognovit, &, quantum adhuc essent profecturi in meritis & gratia, ibi vidit.

Cap. CLII.

De meritis justorum.

DIxit quoque ei Dominus, quanti meriti sit vita justorum adhuc in carne existentium.

Primò, quia nunquam potest esse tanta

ta iniquitas malorum, quin DOMINUS propter merita justorum diffundat dona gratiæ suæ in corda hominum, etiam in homines peccatores, & sæpe in illos, qui gratiam DEI non quærunt.

Secundò, quia Dominus omnia bona, quæ fiunt in Ecclesia, etiam à malis, quæ ipsis etiam non profunt, conservat in commune bonum fidelibus.

Tertiò, quia ex merito bonorum in hac vita gaudium accrescit Sanctis, & gloria in cœlo.

Quartò, quia merita bonorum non faciunt Dominum percutere Mundum, sicut meretur.

Quintò, quia dant commune suffragium omnibus animabus in purgatorio.

Cap. CLIII.

De venefica tractatione Corporis CHRISTI.

SExtra feria post Ascensionem DOMINI, cùm esset in ecclesia post completorium, una foemina rurensis, ut videbatur, facie cooperta venit ad eam, dicens: quia Corpus DOMINI videretur jacere in Altari, & insistebat illa rurensis isti virgini, ut alicui Sacerdoti ostenderet. Habebatur quoq; eadem Rustica suspecta, ne fortè ipsa

illuc Corpus DOMINI posuisset. Veniens autem hæc devota, & videns quasi partem hostiæ multum expavit, fluctuare tamen in animo cœpit, utrum esset hostia consecrata, an non? Et flectens genua ibi coram altari sensit mox spiritus consolationem, & illa mentis conflictatio dimisit eam. Cumque surgeret, iterum dubitare cœpit, utrum esset Corpus DOMINI, an non? Et ista conflictatio mentis fuit valde pœnalis. Quotiescunque autem surgeret, illa tentatio invasit eam, & cum genua flecteret, dimisit eam.

Tandem supervenit Sacrista Frater quidam, cui ipsa ostendit hostiam, qui eam reservavit in crastinum sumendam cum reverentia propter dubium.

Cœpit quoque hæc devota cogitare de Corpore DOMINI, cum irreverenter tractatur à veneficis, utrum sit ibi & maneat Corpus DOMINI? Cui interiùs divina inspiratio respondit: *Si Corpus Domini cum pedibus conculcetur, non potest ipsum per vel calceus attingere, nec quidquam pati potest, etiamsi projiciatur in cloacam: Quia per passionem semel factum est impassibile.*

Cap. CLIV.

De agno carne humana vestito.

Cùm autem esset serò , illa in Oratorio suo domi post Completorium, facta est in spiritu : & ecce apparuit ei Agnus magnus ad modum vituli anni unius, carne humana vestitus, nudus, habens faciem humanam, & incedens quatuor pedibus, ut Agnus, facie versa ad terram, & diadema circa caput ejus. In hac apparitione turbata est in spiritu, & mox illa visio disparuit, & ad se reversa est. Et post modicum Agnus ille iterum apparuit, sicut priùs apparuerat, & iterum disparuit: & ibi recepit spiritus consolationem & amoris inflammationem.

Sequenti verò mane in Sabbato veniens ad Ecclesiam, cùm plures ibi Missæ simul legerentur, ad quas audiendas ipsa semper magnam habuit gratiam & devotionem, & vellet vacare devotioni: (nam hæc fuit ejus consuetudo , ut frequenter sub Missa contemplationi vacaret:) tunc facta in spiritu vidit Agnum candidum, ut nix, vestitum lana candidissima.

Fuit autem Agnus mediocriter magnus, qui circuibat omnia Altaria, ubi Missæ legébantur, & ore suo Casuales * omnium *i. e. casulas.*

Sa-

Sacerdotum deosculabatur incedens jocundus. Ipsa autem admiratione magna est perfusa. Et ecce subito reperit Agnum juxta se stantem, qui genas ejus ore suo deosculabatur, ex cujus contactu ipsa fuit suaviter inflammata etiam corporaliter.

Jam tunc quidam Sacerdos Missam celebrans volebat levare Corpus DOMINI : & ipsa instigata ad videndum Corpus DOMINI à quadam persona, sic perturbata est, & visio disparuit. Post Corporis verò DOMINI elevationem iterum se dedit quieti contemplationis, & subito facta in spiritu Agnum reperit juxta se, sicut prius, & visum est ei, quasi se ad Agnum : [*inclinaret :*] & in corde suo applaudens ei ait : *oja dilecte, venisti etiam ad nos ? Cui agniculus : Sacerdotibus inquit, me trado, & ipsi me offerunt Patri : odoratusque sum odorem suavitatis devotionis eorum circueiens per singulos.*

Alia quoque persona devotioni vacantes me ad se trahunt, & includunt apud se, ut exire non valeam, nec velim ab eis.

Cap.

Cap. CLV.

*Hic nota de agno & sortilegis
& veneficis.*

TUnc ipsa ait in corde suo. Eja Domine, quid est, quòd sub tristi aspectu mihi apparuisti? Cui Agniculus: *ut agnus, inquit, in quantitate vituli unius anni tibi bis apparui.*

Primò, quia *ut vitulus mactatus sum: nec sic faciliter moritur vitulus, ut agnus, eò quòd sit fortior vitulus agno. Sic gravi passione & dura morte mactatus sum, sed à multis mea mors modicum reputatur.*

Secundò, quia sicut pecus minatur, & in potestate est ejus, qui eam minat, nec reluctatur: sic ego sum in potestate omnium, tam peccatorum quàm justorum, qui me minant, quemadmodum pecus in stabulum. Hoc quidam faciunt peccatores. Minant, inquam ipsi me, quòd volunt, non quòd ego volo, sicut sacrilegi, venefici, & reliqui criminosi. Nunc vero jucundus appareo propter odorem devotionis bonorum. Hæc visio facta fuit manè, cùm Missæ legerentur in Ecclesia Fratrum.

Circa horam autem tertiam quidam Frater legebat Missam. Et ipsa præsens existens horâ immolationis fuit in spiritu, & vidit agniculum parvum, valde candi-

didum, stantem super patena coram Frat-
tre celebrante, qui intravit in Os Sacer-
dotis. Et hunc agniculum omnes boni
perceperunt, & etiam ipsa. Mirabatur
autem ipsa multum, quòd Sacerdotes,
qui per se celebrando hunc agnum per-
cipiunt, iterum non eò minus cum aliis
perciperent ipsum. Et ait, quòd Fratres,
qui illum comederunt, quidam forsan
erant exituri ad terminos, qui tunc erant
in prandio illâ horâ: illi simul cum Sa-
cerdote celebrante agnum illum benedi-
ctum perceperunt. Et dixit, quòd sic
nesciendo percipientes agnum percipiant
permagnam virtutem contra peccatum &
contra pronitatem peccati.

Cap. CLVI.

De Sacerdotibus non percipienti- bus Agnum.

INde dictâ Missâ ivit ad aliam ecclesiam:
[Hæc enim erat ejus consuetudo, ut vi-
sitaret ecclesias, quamdiu Missam aliquam
alicubi speraret celebrari:] & invenit unum
Sacerdotem legere Missam: & in horâ im-
molationis iterum fuit rapta in spiritu, &
iterum vidit agniculum stantem super pa-
tenam, sicut in priori Missâ viderat. Sed
illi Sacerdoti non est datum ibi agnum
per-

percipere, sed alii boni & dignè dispositi ad esum agni, qui scilicet fuerunt sine mortali, ipsum agniculum perceperunt. Et posuit illam parabolam Salvatoris in exemplum, ubi homo quidam fecit cœnam magnam, & invitavit multos, qui ad cœnam venire neglexerunt, & tunc Dominus fecit vocari alios ad cœnam. Sic, si Sacerdos negligens & indignus est, Dominus propter hoc non patitur perire illius Sacramenti cœnæ sanctissimæ fructum.

Cap. CLVII.

De tumultuantibus & præliantibus in Mundo.

IN die Pentecostes, cùm communicasset, quasi hora tertia, facta est super eam manus DOMINI, & vidit lumen, quasi lumen candelæ magnum valde, & in illo lumine totum Mundum, Reges & Principes & potentes seculi, tam Laicos quàm Clericos, contra se & invicem tumultuantes & præliantes. Et videbatur magna confusio, ita ut ipsa turbaretur hæc videns, & renuit, quantum potuit, in animo illam apparitionem. Intellexit quoque, quòd, sicut lux candelæ deficiens in favillam & cinerem redigitur, sic contendunt

dant homines seculi pro temporalibus, & pro honoribus, quæ favillæ & cineri comparantur.

Cap. CLVIII.

De Spiritu Sancto & Capitulo Parisiensi Fratrum.

Post hæc rapta est in lucem, & quasi claritatem cœlestem, & elevata est, ut aquila in altum, ita ut omnia, quæ in Mundo sunt, conspiceret. Tunc quoque celebrabatur Capitulum generale Fratrum Minorum Parisius, & ipsa vidit Fratres in unum congregatos, & multos in Choro ad Missam, dispositionem etiam Ecclesiæ & Altarium ipsa mihi descripsit, prout aliàs audiivi ab his, qui ibi fuerant. Sub Missa igitur, cùm cantaretur Missa de Sancto Spiritu, flamma magna descendit inter Fratres, & scintillæ dispertitæ copiosè apperuerunt super Fratres: & omnes, quotquot ibi præsentés fuerunt, acceperunt Spiritum Sanctum ita abunde, sicut ipsa intellexit, quòd omnes sint in gratia confirmati.

Sic ergo elevata in lumine vidit Orbem terrarum repleri Spiritu DOMINI, & Spiritum Sanctum varias virtutes operari hominibus, & alios locupletiores aliis in virtutu-

tutibus. Aliquas virtutes ipsa mihi enarravit, quas infra dicam. Omnes autem virtutes ipsa cognovit dicens, quòd quælibet virtus suo lumine ab alia distincta cognoscitur.

Cap. CLIX.

De charitate, quid mereri possit.

DE charitate quoque singulariter dixit: Quanquam omne lumen à Deo fluat, tamen ipsa charitas illi lumini, quod Deus est, præ cæteris assimilatur, & aliæ virtutes lumine charitatis illustrantur, & hanc supremam esse dixit: & motu charitatis dixit magis mereri, quàm luctu, tunctionibus, & similibus laboribus, eò quòd aliquod veniale dimittatur: etiam tunc, cum quis est in motu & actu charitatis, in igne charitatis purgatur.

Dixit, quòd devotas in amore DEI languentes & quasi deficientes Deus charitas quasi manibus sustentat, fovet & amplectitur, & ipsæ quidem animæ devotæ illi superinnituntur.

Dixit quoque, quòd si triginta annis deberet supervivere, ipsa vix sufficeret enarrare ea, quæ cognovit de virtutibus

N

&

& aliis, si tamen possent sermone explicari, vel ab intellectu humano capi. Quemadmodum enim cœcus natus non capit nec intelligit, si quis ei narrat de Solis dispositione & ejus pulchritudine: Sic intellectus humanus, nisi divino lumine illustratus, non capit illa verba arcana DEI, quæ in spiritu videntur & audiuntur.

Cap. CLX.

De castitate & recidivantibus.

DE castitate dixit, quòd est janua omnium virtutum & fundamentum, & quòd Deus illam tenerrimè diligit, & quòd est familiarissima Domino, & quòd refulget ejus claritas quasi lumine humanitatis Christi, sicut charitas lumine Divinitatis, & permaximè castitas virginalis.

Dixit quoque: Illis, qui suam castitatem virginalem illibatam custodierunt propter Deum, libenter & promptè obtemperat, & illorum vota quasi Domino
l. e. Domini important, * & ausum petendi eorum
interfunt. magis pro grato recipit, quàm illorum, qui suam innocentiam aliquando maculaverunt, licèt postea pœnituerint.

Et

Et dixit, quòd peccatum [*recidivantium*] permaximè à Spiritu Sancto efficit animam alienam, & difficilior est aditus Spiritus Sancti ad corda talium, quàm aliorum peccatorum. Et quia sæpe tales compunguntur, & iterum recidivant: &, quoties recidivant post gratiam com punctionis, toties quasi obice & repagulo januam gratiæ ante se claudunt & obstruunt, & plùs inhabiles ad gratiam fiunt.

Ait quoque, quòd rarò vel nunquam resipiscunt, qui in hoc peccato, scilicet incontinentiæ, se nesciunt: &, quòd etiam boni conjugati, absque mortali existentes, quamvis sint in gratia, tamen cùm sunt in actu conjugali, nunquam percipiunt novam gratiam.

Cap. CLXI. CLXII. CLXIII.
& CLXIV.

*De gradibus humilitatis, de patientia, de timore & obedientia,
& de opere Spiritus
Sancti.*

HUMILITAS est maxima negotiatrix gratiæ & meritorum, & ipsa lumen charitatis accendit, & charitas illi obsequitur in officiis suis.

Ad humilitatem pertinet *primò*, ut in se sit humilis, non altum sapiens de se.

Secundò, ut proximo sit exemplaris,

Tertiò, ut benignæ sit exhibitionis & mitis.

Quartò, ut proximo sit obsequiosa.

Quintò, ut Deo sit grata, & cum devota gratiarum actione à DEO beneficia recipiat, & cùm sentit beneficiari à DEO in aliqua gratia, eò plùs se deprimat, &, quid à se ipsa sit, recognoscat.

Compassio tanti est meriti, ut recompenfet DEO beneficium passionis & mortis.

Patientia in specie agniculi Dominum sequitur, multùm congregans fructum. Unde permaximè Dæmones gaudent, quando aliquos bonos possunt movere ad impatientiam. Hæc est quasi portitrix luminis, quod aufert & extinguit impatientia.

Timor est custos virtutum & gratiæ, & quasi ostiarius, non sinens aliquod perniciosum ingredi animam.

Obedientia plùs est meritoria, eò quòd propriam voluntatem abnegavit, & semper est in actu merendi: quod alteri non esset meritum aliquando, vel modicum meritum, hoc obedienti est majus meritum, & semper continuè quasi per gradus quosdam ascendit in Deum.

Huic

Huic tanquam fidelissimo DOMI-
NUS pretiosa Cleynodia *servanda com-^{i. e. cimelia.}
mittit.

Dixit, Spiritum Sanctum in omnibus baptizatis operari, etiam in peccatoribus, quia in baptismo sigillum Sancti Spiritus à se eis imprimitur. Unde non deserit eos usquequaque. Aut enim in peccatore operatur conversionem, aut tanquam clypeus peccatorem protegit, ne in omne malum, quod vult, diabolus ipsum præcipitet.

Infideles autem & non baptizatos vidit quasi in tenebroso carcere, & in uno acervo, nec vitam habere videbantur, expectantes, quando terra aperiat os suum, & eos absorbeat in profundum.

Vidit septupliciter bonos recipere Spiritum Sanctum. Quidam receperunt in igne per inflammationem amoris divini. Quidam in voce prædicationis verbi DEI. Quidam in vento vehementi per compunctionem & dolorem peccatorum. Quidam in suavi rore spiritualis consolationis, sive per spiritualem consolationem pusillanimum. Alii in quadam luce per internam revelationem, qua intus absorpti & rapti arcana DEI speculantur. Hoc quidem paucorum est. Alii in specie columbæ per mansuetudinem & lenitatem

spiritus, & per simplicitatem cordis. Alii in Manna absconditæ dulcedinis percepērunt Spiritum Sanctum.

Cap. CLXV.

De donatione Christi.

IN festo Sanctæ Trinitatis apparuit ei Christus indutus vestibus Sacerdotalibus præter casulam, veniens congregare electos omnes ad Patrem, ut, sicut Patri in Filio suo Unigenito & coæterno complacuit, ita ei complaceat in omnibus electis suis: & quidquid eis deest meriti ad hujus beneplacitum, ipse DEI filius supplet meritis suæ passionis & mortis.

**
f. l. conden-
satorum.*

Apparuit ibi quoque innumerabilis multitudo hominum in unum congregatorum & condensorum.* Christus autem singulis largitus est munera de manu sua. Quantumcunque dabat, dextera tamen ejus semper plena erat, nec eo minus habebat in manu ad dandum. Dabat autem dona varia, sed omnia lucida & varia claritate distincta. De quibus aliqua exposuit mihi.

Quædam refulgebant alba luce & hæc significant castitatem.

Quædam cœlesti colore splendebant, & hæc significant sanctitatem exemplaris vitæ.

vitæ. Et dixit, quòd majoris meriti est unum peccatorem convertere bono exemplo, quàm centum prædicatione.

Alia erant rubea, & significant castigationem & corporalem passionem. Alia erant viridia, & significant virorem devotionis & elevationem mentis per gratiam in Deum. Alia erant aureæ lucis, & significant amorem & charitatem.

Cap. CLXVI.

De negligentia.

IN die Beati Antonii, cùm vellet communicare, credens, quòd ejus Confessor, qui solitus erat eam communicare, vellet Missam dicere in Monasterio Sancti Jacobi: [nam ibi promiserat se in mane prædicaturum:] ipsa ivit ad dictum Monasterium. Hoc autem nescivit ejus Confessor, credens eam esse in ecclesia Fratrum, ibi legit Missam, & volens eam communicare illa non comparuit: & sic communionem neglecta nimis tristis efficitur. Tandem rediens ad ecclesiam Fratrum circa horam ... reperit unum volentem legere Missam. Et se recolligens in culpa sua dicta postulabat ab eo communicari; ibique sub Missa cœpit cogitare, quoniam peccato hanc turbationem me-

ruisset ? Et responsum accepit, quia Confessionem & Communionem propter levem causam tam diu distulisset. Confessor enim ejus defuerat benè per octo dies, & ipsa medio tempore neglexit alteri confiteri, nec communicavit, cùm tamen esset festum, quò cæteræ devotæ personæ communicaverunt. Istam negligentiam Dominus in ea punivit. Et ait Dominus ad eam : *Tuus Confessor etiam pœnam suam pertulit, videlicet subtractionem gratia & visitationis spiritualis : eò quòd se exponens laboribus itineris, & exterioribus occupationibus, se intus neglexit.*

Cap. CLXVII.

De manu dextra, vulnere oblongo perforata, & de patientia.

Post modicum sub eadem Missa in spiritu vidit manum in dextram vulnere oblongo perforatam : sensit quidem adesse Dominum, sed non vidit, nisi manum. Expandit quoque Dominus palmam per os ejus & faciem, ex cujus contactu sensit miram fragrantiam odoris, & incendium devotionis & amoris in corde : & tanto ardore desiderii æstuabat, ut vix sustinere posset. In facie quoque sensit corpora-
liter

liter incendium ex contactu vulneratæ manus : percepit nihilominus permaximam spiritus consolationem, & audivit vocem DOMINI dicentem sibi: *Disce patientiam in adversis : & vide, quanta passus sim in cruce pendens manibus, ut ex mole corporis deorsum trahentis clavus sic vulnus in longum laniaret.*

Hæc cùm mihi ista virgo Christi referret, vix præ lachrymis loqui potuit. Hæc acciderunt feriâ sextâ in die Sancti Antonii. * Secundâ autem feriâ, cùm esset confessa, & ista mihi retulisset, adhuc flamma divini desiderii in ejus pectore æstuabat. Et dixit mihi, quòd sequenti die tanta vis amoris in ejus pectore excreverat, quod ferre non valens ferè in clamorem eruperat : sed rogavit Dominum, ne permitteret eam sic divulgari, quod & Dominus fecit.

Sequenti die Sabbati, cùm audisset sermonem, & videret quasdam personas devotè Communionem Sacram accipere, magno incepit feryere desiderio ad Communionem. Sicque venit ad aliam ecclesiam, ubi quidam Monachus, devotus homo, post Communionem purificavit manus super calicem : & ipsa desiderans saltem de calice bibere accessit, & Monachus ejus devotionem amplectens ei de illa purificatione porrexit, in qua sibi vi-

N 5

deba-

A. 1292. in
Feriam sextam incidit
festum S.
Antonii de
Padua.

debatur esse quasi una mica de Corpore DOMINI, quam gaudens & exhilarata sumpsit. Quâ perceptâ, mox sensit tantam spiritus consolationem, ut raperetur in magnam admirationem super bonitate DEI.

Et audivit vocem intra se dicentem sibi ? *Quid admiraris de bonitate mea ? Ego plus possum dare, quam homo posset recipere : mea^q delitiæ sunt esse cum cordibus & animabus devotis, ex corde me desiderantibus.*

Cap. CLXVIII.

De subtracta gratia, per quid recuperari possit, & de quinque vulneribus.

DEinde veniens ad Ecclesiam Sancti Stephani voluit vacare contemplationi. Erat autem in corde suo talis cogitatio & sollicitudo, quomodo Deo adhæreret ? Et audivit vocem intra se replicantem sibi de manu vulnerata, quam viderat, & ait vox : *Homo in turbatione positus, vel cui subtracta est gratia, in nullo potest ita recuperare gratiam, & pacem cordis invenire, uti in devota memoria passionis Christi.* Et adjecit : *in dextra manu & vulnere quare & disce patientiam, & quam patienter sit passus Filius Dei, sicut vidisti manum ejus vulnere lacera-*
tam.

tam. In sinistra disce & quare humilitatem, & quàm humiliter passus est Filius Dei. In vulnere pedis dextri quare & hauri misericordiam, & quàm miseratione magna misertus est humano generi. In vulnere pedis sinistri disce voluntariè pati, & desiderium patiendi. In vulnere lateris disce charitatem, quam sponsus sponsa sua Ecclesia inde propinavit, & aperto latere cordis ei amorem aperuit.

Adverte etiam sanguinem bullientem & de latere fluentem, qui incendium devotionis in animabus devotis operatur. Adverte nihilominus aquam fluentem de latere, qua significat lachrymas, quibus devota anima lavantur & mundantur: & nihilominus fluxus illius aqua significat fluxum gratiae à DEO in animam.

Cap. CLXIX.

De querimonia Sanctorum Petri & Pauli de quodam Episcopo.

Octava die ante festum Apostolorum, in una Dominica, * apparuit ei Dominus, indutus vestibibus Sacerdotalibus, præter casulam, bajulans magnam securim in humero, multò majorem, quàm superiùs in visione alia: * minabatur autem
A. 1292. festum Petri & Pauli incidit in Dominicam.
Cap. 85,
 tem

tem Episcopo interitum. Nam Beatus Petrus & Beatus Paulus, quorum festum tunc instabat, moverunt querimoniam de Episcopo, quod turbâset plebem Dei, fulminando nimis indiscretè sententiam interdicti per totam Diœcesim. Affuit autem Beatus Stephanus, Patronus Ecclesiæ Pataviensis, & petivit, & obtinuit ei inducias usque ad festum Beatorum Petri & Pauli Apostolorum, quòd se emendaret. *

*Id factum
non dubito,
cum Bernh.
Episcop. de
quo hic ser-
mo, longè
ultra hunc
annum vi-
sam produ-
xerit.*

*

Cap. 85.

Virgo autem hæc mirabatur apud se, cur hæc securis, quam Dominus crexerat contra Dominum Episcopum, esset major illâ, quam suprâ * crexerat contra Regem Romanorum, qui jam eodem anno defunctus fuerat. Et datum est ei intelligere, quoniam spiritualis potestas major est quàm secularis, & ideo etiam sententia major & gravior.

Beatus Petrus indutus fuit vestibus pontificalibus, & infulatus, habens in manu sua baculum, casula indutus coccinea sive rubea. Beatus Paulus fuit indutus vestibus albis præter casulam. Beatus Stephanus indutus fuit tunica tota rubea usque ad pedes. Episcopus autem stabat à longe, cùm hæc agerentur.

Cap.

Cap. CLXX.

*De lectura in quinque vulneribus
CHRISTI.*

Item apparuit ei Crucifixus, & in quolibet vulnere, quasi in littera, scriptum legebatur. In vulnere dextræ manus legebatur: *ego vos redemi de morte aterna, & sum vobis clypeus contra omnes angustias.* In vulnere manus sinistræ legebatur: *ad me securè confugite, nec diffidatis: ego enim largiùs impendi me pro vobis.* Unde diffidentes de me graviùs peccant, quàm Judas me vendendo. In vulnere pedis dextri legebatur: *transite ad me omnes, qui concupiscitis me: ego enim paratior sum offerre, quàm vos accipere, vel capere gratiam.* In vulnere pedis sinistri legebatur: *ego ipse influxus sum gratia, & bonitatis origo.* In vulnere laterali erat scriptum: *intrate per hoc foramen omnes, qui quaritis videre faciem divinitatis: & quò profundius intratis, eò limpidius Divinitatem cognoscetis.*

Hæc autem scriptura quintuplex quinque vulnere indistinctè ad omnes Christianos referebatur. Nihilominus tamen in eisdem vulneribus Crucifixi singulariter quivis legebat, quod suum erat. Et
po-

posuit unum exemplum de una persona Religionis cujusdam, qui legebat in vulnere manus dextræ: *paratus sum ad mandatum obedientia*. In sinistra legebat studium se ipsum cognoscendi. In vulnere pedis dextri legebat, nihil aliud quærere nec concupiscere, quàm quòd posset ipsum promovere in Deum, & conjungere Deo. In vulnere pedis sinistri legebat ex corde desiderare pati mortem pro Christo. In vulnere laterali legerat semper desiderare internam dulcedinem & consolationem manentem in corde DEI.

Cap. CLXXI.

De subtractione gratiæ Confessoris hujus puellæ.

QUODAM tempore ego tristis incedebam propter subtractionem gratiæ. Nam languens spiritu non valebam cor meum elevare ad desideria cælestia, nec applicare ad devotas affectiones. Sed, quoniam hæc acceptabam quasi repulsam patiens, relinquebar mihi ipsi quasi lignum aridum. Ego quoque huic virgini meas miseras exposui. Ipsa enim sæpius subveniebat mihi orationum suarum suffragiis in similibus necessitatibus. Dictumque est ei à Domino, quòd hæc mihi

hi

hi accidisset desolatio propter peccata mea, videlicet, quòd me nimis ex corde & affectu dedissem ad placandam Dominam Ducissam super quadam turbatione, quâ ducebatur contra Fratres, & circa hoc nimis distractus fuissem propter solemnitatem suæ * & dignitatem. Aliud *Ita mendosè Cod.* quoque fuit peccatum, videlicet quòd, cum cantarem in choro, & debuissem fuisse intus cum Deo, respiciens aliqua vidi, de quibus nimiam displicentiam & indignationem habui. Primum peccatum ego ipse benè opinabar esse causam desolationis meæ. Secundum non adverteram : Sed postquam ipsa mihi hoc dixit, tunc benè adverti me infra horas habuisse indignationem, & impatienter quendam Novitium reprehendisse.

Cumque mihi hæc retulisset, ego videns paupertatem & miseriam meam, rogavi eam, ut rogaret pro me Dominum super miseriis meis, & ut faceret me bonum Fratrem.

Ipsa autem orans accepit responsum tale : *Quid postulas ? Si vult, ut nihil sibi noceat, tunc necesse est, ut ipse nihilum fiat.*

Hoc autem verbum ipsa non intellexit : & mirabatur, quidnam esset, vel quomodo deberet nihilum fieri. Cumque hæc tacita in corde revolveret, audivit vocem dicentem sibi. *Sic debet redigi in ni-*

nihilum, ut præ omnibus sui ipsius curam gerens, invigilet super emendatione sui: &, quidquid profectum vel emendationem impedit, recuset & caveat, id est, non amet. Ego hunc sensum convenire puto cum verbis Salvatoris in Evangelio: Qui voluerit animam suam salvam facere, perdet eam & qui perdiderit eam propter me, salvam eam faciet.

Adjecit quoque Dominus, dicens: *illa anima habet delitias, qua tristatur super damno suo, id est, anima damno.* Hoc quoque credo propter eam dictum. Nam ipsa tunc tristis etiam fuerat, eò quòd minùs solitò à Domino visitaretur. Super suis etiam defectibus, quantumlibet parvis, ipsa frequenter plurimum turbabatur.

Cap. CXXII.

*De duobus, quemnam illorum plus diligeret
Deus.*

CONTigit, ut tres Fratres, ad quos ipsa specialem habebat gratiam, una die successivè legerent Missas in uno altari, ubi illa die communicaverat. Et venit ei in cor, quemnam illorum plus diligeret Deus? Et mox ipsa se ipsam reprehendit, quo-

quoniam hæc esset otiosa cogitatio & supervacua: & sic quievit, & dedit se contemplationi. Et facta est super eam manus Domini, & fuit in spiritu, & audiuit: *ecce Dominus vult satisfacere voto tuo. Iste, qui tunc Missam legit, diligitur à Domino tenerè & dulciter, eò quòd innocentiam suam virginalem servaverit: nec patitur eum Dominus aliqua pati, quemadmodum mater infantem, quem tenerè amat, eiq; blanditur, & cavet à molestiis: & ipse contentus gratia, quam Dominus dare dignatur, sic quiescit in ejus amore.*

Deinde iterum Dominus ait: *Frater Nicolaus, qui ante eum legit Missam, diligitur à Domino forti dilectione. Et tales sunt in continua pugna contra: [carnem:] & frequenter triumphant, & sunt magni meriti apud DEUM, & de ipsorum meritis reponit Dominus in communes thesauros Ecclesia. Et perpauci sunt, qui non in cogitationibus cadant, aliquando non resistendo, nec detestando strenuè. Quandocunque per Angelos malos fit immissio malarum cogitationum, & eis non resistitur cum detestatione debita, tunc legio, id est, multitudo Demonum, exultant, sperantes se aliquid ex hoc plus proficere ex eo, quòd ampliùs impugnationes continuant.*

Inde fit, ut hac pugna in multis pro-
tenditur usque in se-
nium.

O

Cap.

Cap. CLXXIII.

Quid DEO gratissimum sit in homine.

FRater verò tertius, qui primò legit Missam diligitur à Domino ferventi dilectione. Unde ipse frequenter incenditur in devotione, & fervet ad Deum pro gratia & virtutibus amplius. Tales autem habent optimam partem dilectionis, eò quòd hoc Deo maximè placet, scilicet ut in amore Dei quis serveat, & ferventer Deum desideret & ejus dona: hoc enim gratissimum est Deo. Tales lucent exemplis bonis coram hominibus. Nam, quo frequenter intus sitiunt Deum & gratiam Dei, eò minùs foris admittunt aliquas levitates: sed semper seriosi & maturi bonum præbent exemplum proximis, & exemplo docent, unde participant [merita] prædicantium. Isti etiam fortem habent voluntatem sustinendi propter Deum, & in hoc merentur præmium Martyrum. Et, quoniam semper languent desiderio post Deum, ipsi admittuntur in abyssum divini luminis, id est, Dei cognitionem, & intromittentur in suavitatem divinæ dulcedinis præ ceteris.

Cap.

Cap. CLXXIV.

*De arcu cœli & de collationibus
de Deo.*

IN illis diebus iterum una vice, facta super eam manu DOMINI, fuit in spiritu : & apparuit ei arcus cœli, in quem Sol ex opposito refulgebat. Dictumque est ei à voce interna : *arcus significat humilitatem, quæ attrahit animæ gratiam, quemadmodum in illa parte arcus aquæ maxima attrahuntur. Viridis color significat virorem gratiæ, quâ anima virescit in Deo, & Deo locum facit in anima. Rubens color significat incendium divini amoris in anima. Niger sive terreus color significat voluntarium laborem actionum & passionum propter Deum.*

Et post hæc visum est ei, quòd arcus ille deponeretur ante eam super terram : & vidit in eo scriptum, & legit : *quando-
cunque estis in collationibus de Deo ; & hac
quatuor non sentitis in anima, tunc timete,
ne aliqua sitis locuti impertinentia, pro-
pter quæ gratiam non sen-
titis.*

Cap. CLXXV.

*De osculationibus altarium, & de
suavitate ad modum similæ
calidæ.*

HIS diebus accidit, ut oscularetur super altare, in quo illa die Missa fuerat celebrata : (hoc enim præ devotione solita erat facere omni die :) in quo osculo Dominus ejus devotioni reddidit hanc consolationem, ut semper, quando altare oscularetur, in quo illa die Missa fuisset dicta, ipsa sentiret miram suavitatem ad modum similæ calidæ. Tamen suavis istius incomparabiliter odorem vincebat similæ. Nam ex hujus odoris suavitate in spiritu sensit immutationem suavissimam.

Igitur disco operiens altare vidit quasi stillam, & reputans, quòd foret lachryma devotionis fusa à Sacerdote, qui tunc Missam ibi celebraverat, ad quem ipsa habuit gratiam specialem, hilaris facta super illam stillam osculabatur : sed nihil sensit de suavitate soliti odoris. Unde mox tristis facta ivit ad aliud altare, & illud deosculans percepit ibi suavitatem solitam, Mirabatur quoque, curnam hoc esset ? Et vox ad eam : *hoc*, inquit, *ideo est*

est, ut scias istud solius Dei donum esse: nec speres aliunde hanc consolationem, nec putate aliquid sentire propter celebrantis sanctitatem.

Cap. CLXXVI.

De inopinata gratia.

IN die Sancti Jacobi Dominus eam plus copiosiori gratia invisere dignatus est & consolatione, ut etiam miraretur, quod tam impræparata tantam abundantiam suavitatis perciperet, & sæpe magis laborans in studio devotionis minus perciperet. Et vox ad eam: *sicut nubes, inquit, repleta abundanter fundunt imbrem super terram: sic Dominus plenus gratia & bonitate abundantius dat gratiam, ut sua bonitas innotescat homini: & cum subtraxerit se homini ad horam, ut homo ferventiùs sitiat desiderare gratiam, quam priùs habuit tam abundanter. Et hujus suavitatis abundantiam Dominus sæpe ex insperato infundit, ut discat homo nihil suis attribuere viribus sed solum Dei gratuita bonitati.*

Cap. CLXXVII.

*De gratia obtenta cuidam Fratri,
& de anima, quæ tria reportat
post raptum.*

UNa die, cùm communicâsset, venit ad ecclesiam Sancti Stephani ante Ciborium, ubi Corpus DOMINI reponitur: & procidens in faciem suam adoravit. Moxque facta in spiritu, non modica consolatione divinitus perfusa est, & audivit vocem internam, dicentem sibi: *Pete, quod vis, & exaudieris.* Et mox venit sibi in cor de quodam * Fratre, qui eam rogaverat, ut ipsa intercederet pro se ad Dominum, ut Dominus eum faceret bonum Fratrem Minorem. Mox igitur ex corde & in corde oravit Dominum, ut ipse juxta ejus beneplacitum faceret hunc amicum suum bonum Fratrem Minorem. Cui Dominus: *postula*, inquit, *sibi adhuc pro uno, scilicet ut Dominus conservet eum in omni perfectione.* Hoc ipsum ipsa mox, non ore, sed cordis desiderio postulavit. Et accepit responsum, quòd exaudita esset.

Et adjecit Dominus: *hoc tibi signum, quòd exaudita sis: quoniam tribus vicibus, in quibus proximè communicabis, copiosius benedi-*

*
ex cap. 171.
videtur hoc
spectare
ipsum vir-
ginis Con-
fissarium.

dictione divina dulcedinis perfrueris, ita ut non solum Dominus donet se tibi, sed etiam secundum animam tota in Deum rapiaris.

Quod quidem factum est. Et ait: *tria reportat anima secum post hunc raptum.*

Primò quandam inclytam indignationem & contemptum ad omnia mundana, & fastidium ad omnia, quæ sunt, præter Deum. Et talis contemptus est ei quasi murus contra peccatum.

Secundum est quædam absconsa dulcedo.

Tertium est fervens desiderium & languor amoris post Deum. Primum animam nobilitat. Secundum animam in Deum profundat, ut eò profundius in Deum assumatur, quo plus gustat de hac dulcedine. Tertium animam clarificat, & claram reddit.

Cap. CLXXVIII.

De tristitia magna ob quandam calumniam.

PRiori die ante Inventionem Sancti Stephani accidit ei tristitia magna ob quandam calumniam & falsi impositionem ei factas.

Cum sic tristis & amara animo remane-

usque in mane diei Sancti Stephani, sensit tantam amaritudinem in ore, ut eam non lotione aquæ ullatenus posset amovere. Cumque Missas audiret, non percepit dulcedinem solitam, nisi in duabus Missis, ubi tunc dulcoratum fuit os ejus tempore communionis, quò Sacerdos Corpus DOMINI sumere solet. Post hæc mox reversa est amaritudo oris, quæ prius inerat, & per totam illam diem amaritudo illa in ore suo perduravit.

Puto autem istam amaritudinem miraculosam fuisse, ut amaritudini cordis responderet amaritudo oris. Sero autem factò, cùm ista turbatio cordis non quiesceret, ipsa statuit in corde suo, quòd nollet aliquam consolationem recipere, nisi Dominus se ipso eam consolaretur. Cumque ista meditaretur, sæpe præsensit præludia spiritualis consolationis, quæ semper renuit. Consolari enim renuit, nisi per divinam præsentiam.

Cap. CLXXIX.

Quomodo totaliter rapta fuit in Deum.

TAndem subitò absorpta est intus in lumen mirificum, & inflammata igne divino, ibique totaliter rapta est in Deum,
uc

ut nec se ipsam adverteret, nec aliquid aliud, quàm DEI infinitam suavitatem, bonitatem, & dulcedinem, quâ DEUM contuens fruebatur. Sicque inebriata est Deo, ut etiam si reditura esset ad esse proprium, vel si aliter esse haberet, quàm ibi habuit, non pensavit: Sicque se sensit Deo in Deo unitam, ut, quidquid desideraret, quæcunque scire cuperet, omnia ei præstò essent. Dixit quoque ineffabilia fore, quæ ibi cognovit: nec per se, nec per similitudinem aliquam explicari posse * *Cod. possent* paucis exceptis, quæ infrà subscripta sunt.

Cap. CLXXX.

De patientia quid mereatur.

IN explanatione hujus raptus primò de patientia sermonem exorsa est: quippe cui antea parumper in turbatione positæ patientia fuerat necessaria, idem forsan patientiam commendavit, sicut in visione intellexit. Dixit itaque, quòd patientia maximi meriti est apud Deum. Nam per patientiam super aliqua tribulatione homo aliquando plus meretur in modico tempore, quàm decem annis actitando & exercitando se in laboribus & servitiis Dei quibuslibet.

Ait quoque, quòd talis patientia debet
 O ; esse

esse multum humilis, videlicet, ut, cum quis patitur aliqua adversa, & patientiam habet, non multum cogitet de merito, quasi per illam patientiam magni existat meriti, sed cogitet, & reputet, se illam adversitatem, si non tunc & in illo casu, tamen aliàs meruisse.

Cap. CLXXXI.

*Ita Cod.**

*De visione omnium hominum distinctis * in duodecim divisionibus, & diversis eorum statibus.*

IN hac visione in DEO existens vidit omnes exercitus cœli, Angelos & Sanctos. Vidit etiam homines omnes super terram viventes, qui erant distincti in duodecim divisiones & partes.

In prima parte apparuerunt quasi trunci homines, nihil habentes de homine nisi faciem, quæ erat teterrima: & quasi mortui & immoti jacuerunt. Et isti sunt gentiles, in quibus sola imago Dei est, mutilati ab omni virtute & gratia.

In secunda parte homines erant habentes integram dispositionem humanam, sed nigri & cæci, jacentes quasi mortui: & isti sunt Judæi, cæci in fide & in scriptura sacre fidei.

Tertii

Tertii fuerunt vivi excoriati: & discurrerentes hinc inde sanguine suo alios inquinauerunt, quos tetigerunt. Isti sunt hæretici, qui discurrerentes per Mundum suis erroribus non cessant fœdare animas.

Quarti fuerunt Apostatæ, quorum magna multitudo est, qui in Ecclesia multum nocent.

Quinti fuerunt peccatores temerarii, absque fronte, & sine timore peccantes publicè, & studentes peccare, quantum possunt.

Sexti homines sunt seculares, qui peccatis quidem involuti, non tamen ita publicè, sed aliqua honestate conversationis in facie hominum ornati, fornicationibus tamen & adulteriis & usuris & similibus innodati, eleemosynas largiuntur pauperibus, ecclesias visitant, & similibus bonis operibus intendunt.

Septimi sunt hypocritæ, sub quibus comprehenduntur omnes mali Religiosi, omnes mali Prælati, omnes mali Sacerdotes. Isti septem ordines sunt omnes in statu damnationis, nisi convertantur.

Sunt aliæ quinque turbæ, quæ sunt in bono statu.

Primi sunt boni conjugati & vitæ activæ mancipati, qui juxta suam possibilitatem

tem Deo serviunt, abstinentes ab omni mortali peccato.

Secundi sunt devotæ viduæ & vi-duati, cœlibem vitam æsttantes in se-culo.

Tertii sunt Religiosi sub obedientia degentes : & isti sunt magni meriti apud Deum. Nam nihil est adeò modicum, quod sub obedientia faciunt, pro quo non remunerentur, etiam pro quolibet passu & vestigio pedis, longè plus aliis, qui pro sua voluntate illa faciunt vel di-mittunt, sicut eis placet. In laboriosis verò & arduis operibus, quæ explent ad mandatum obedientiæ, ipsi merentur con-formari Filio DEI, qui obediens Patri, la-bores subiit pro nobis : & in hoc recom-pensant Filio DEI, & respondent ejus obe-dientiæ : nec est aliud, quo plenius respon-deatur Filio DEI pro suis laboribus, quàm obedientia facta ex mera charitate. Un-de quidam habent dolosam obedientiam, illi scilicet, qui Prælati obediunt, captan-do eorum benivolentiam, & adulantur suâ obedientiâ.

Hos dixit ipsa similes esse ancillis, quæ facietenus dominabus suis applaudentes & servientes, clam furantur, quæcunque possunt. Sic isti defraudant veram obe-dientiam, quæ est efficacissima ad me-
ri-

ritum, & ad hoc homini data, ut mereatur in ea, & est maximè lucrativa.

Quarti sunt homines devotioni dedicati ex corde, & castigationi corporali pro DEI amore. Isti sunt magni meriti; Nam propter castigationem corporalem sunt Martyres, & isti castigatione ipsa triumphant de hoste & vitiis, sicut triumphaverunt alii Martyres sua passione. Et quoniam de istis magnam ædificationem habet ecclesia, totum computatur eis ad meritum, quidquid proximi eorum bonis exemplis ædificantur: unde tanquam boni negotiatores magnos thesauros meritum congregant.

Quinti sunt excellenter contemplativi & elevati mente in Deum, uniti Deo per amorem, dotati peculiariùs familiaritate cum Deo. Isti tantùm placent Deo, ut eorum vulgaris conversatio accepta sit DEO, quantum popularium hominum beatorum oratio. Isti nunquam fraudantur à desiderio suo, si quid ex corde desideraverint à Deo. Item, quibuscunque suis votis & desideriis, gratiam impetrant, hos non contingit finaliter à Deo separari. Item, Deus in talibus majores habet delicias, quàm in cœlo, in ea parte, quòd ipsi in fragili corpore degentes ad tantam perfectionem, promovente gratia, pervenerunt, & adhuc sunt in
con-

continuo conatu & studio proficiendi. Item, de ipsis rota cælestis curia lætatur, pro eò, quòd Dominus in terris tantum in his honorem & gloriam habeat.

Cap. CLXXXII.

*De chlamyde misericordiae, quam
Pater Deus dedit Beatæ
Virgini.*

IN assumptione Beatæ Mariæ Virginis, cum communicasset, mox fuit in spiritu, & vidit Matrem Virginem stantem à dextris Filii ejus, & ipsum Dominum stantem, & omnes Sancti Curia cælestis stabant. Apparebant quoque tam Filius, quàm Mater, benè personatæ. Pater Deus Virgini beatæ dedit chlamydem pulcherrimam, mira & delectabili varietate distinctam. Eratque chlamys illa amplissima, & est pallium misericordiae, sub quo omnes ipsa Mater Domini abscondit ab ira DEI, qui ad ipsam confugiunt. Hanc enim dignitatem ei contulit Pater misericordiarum Deus. Quantumcunque hæc chlamys infinitos caperet, tamen adhuc ampliùs restabat ejus latitudo ad capiendum plures: nec coarctabatur ejus capacitas propter multitudinem confugientium ad umbram ejus.

Sed

Sed & iusti omnes hac chlamyde operiebantur, non tanquam ab ira, sed confovebantur in gratia, & multiplex influxus gratiæ infundebantur iustis ipsius Virginis benedictæ meritis. Varietas chlamydis, quæ diversorum colorum erat, pulchritudine multipartita hoc significat, quòd varia dona & suffragia & iustis & peccatoribus, meritis Beatæ Virginis præstantur à Deo. Erat autem chlamys ista, non de materia corruptibili, sed de luce quadam cælesti claritatis indicibilis.

Cap. CLXXXIII.

*De corona, quatuor angulos habente, * quam Filius Matri ^{Cod. habens} dedit.*

Filius coronavit eam corona ineffabilis pulchritudinis, quæ in tantum oculos intuentium demulcebat, quòd circumscripta omni pulchritudine gloriæ, DE I visione excepta, sufficeret gaudium & delectatio in hujus Virginis & ejus coronæ aspectu. Nam ipsa corona repræsentabat & significabat Humanitatem Christi, quæ habebat quatuor Angulos.

Primus angulus in fronte significabat gaudium & gloriam Christi, quam habet de humanitate matris; & in hoc quasi in spe-

speculo omnes Sancti in patria vident & cognoscunt, quantum affectum & amorem DEUS habuit, & habet ad homines.

Secundus angulus coronæ à dextris exprimebat gaudium Matris Virginis & gloriam, quam habet de humanitate Filii assumpta ex se in unitatem divinæ Personæ.

Tertius angulus in latere sinistro exprimebat gaudium & gloriam, quam omnes Sancti habent per beatam Virginem.

*Ita Cod.**

Quartus sive ultimus angulus exprimebat suffragia peregrinantium adhuc in via, sive viventibus* super terram, sive in purgatorio existentibus, quæ ipsis præstantur meritis beatæ Virginis Matris Dei: & (ex) angulo quidam radius flammeus & præclarus descendere videbatur super terram.

Corona hæc non imminebat capiti ejus, ut caput ejus tangeret, sed sejuncta aliquantulum à capite, desuper eminebat sicut etiam dictum est in visione prima hujus opusculi de coronis sanctorum.

Spiritus Sanctus eam ut Sponsam miro affectu honorabat, sic ut omnia beneficia, quæ ad invocationem beatæ Virginis super terram hominibus præstantur, mi-

miraculum quoque, quæ per beatam Virginem dicuntur fieri, & etiam apparitiones, Spiritus Sanctus ad honorem Virginis operetur.

Cap. CLXXXIV.

De vestibus, quibus vestiuntur omnes ad DEUM pertinentes.

PRIMO die post Octavam Beatæ Virginis hæc virgo cum communicasset, facta est in spiritu: & ecce coram ea stetit imago puellæ pulcherrimæ, omnino ejusdem dispositionis & formæ, qualis apparuit Beata Virgo in die assumptionis, sicut jam dictum est in priori visione. Sed nunc sine chlamyde & sine corona apparens, ait ad hanc virginem: Me, & amictum meum & ornatum, sicut in patria & gloria vidisti, enarrasti & exposuisti: Nunc quoque adverte vestitum, in quo tibi modò appareo, in quo oportet omnes vestiri, qui ad Filium meum & ad me pertinebunt.

Fuit igitur vestitus ejus tunica viridis coloris; supertunicale rubri coloris, cingulum, quo cingebatur, cœlestis coloris, quasi serico contextum & coopertum aureis & argenteis laminis & lapidibus

P

pre-

pretiosis : fibula aurea in pectore quatuor angulos habens. In superiori augulo erat gemma rubea, in inferiori gemma subobscura, in dextro angulo gemma vario colore distincta, in sinistro gemma lucens, ut Sol.

*
Cod. lasci-
viis. Ita
etiam mox
infra.

Alba tunica viridis erat circumquaque clausa, & manicæ strictæ ad brachia, & clausæ. Et ait virgo beata : hæc tunica significat castitatem. Quòd autem manicæ strictæ sunt ad brachia & clausæ, ita ut nusquam valeat videri caro, & quòd ubique clausa est, ut nec in laciniis * aliqua sit apertura, significat duplicem honestatem, quam debent habere virgines, scilicet in verbis, & in moribus. Unde habentes manicas apertas, ut nuda brachia videri possint, & habentes dissuturam in laciniis, sunt procaces & inverecondæ in verbis, & moribus indisciplinatæ. Et tales ad me non pertinent.

Tunica rubea significat affectionem passionis Christi, & etiam castigationem in proprio corpore. Cingulum cœlestis coloris significat desideria cœlestia, quæ vestes has spirituales astringunt ad animam. Vermiculatura auri & argenti & gemmarum in cingulo significat ordinem virtutum variarum, ut in omnibus ordo servetur. Fibula aurea significat charitatem. Quæ fibula conjungit duas partes
ca-

capitis, id est, aperturæ illius, qua caput induitur. Sic charitas includit amorem Dei & proximi.

Superior gemma rubea in fibula significat patientiam, inferior subobscura significat displicentiam & contemptum sui ipsius & omnium factorum suorum, scilicet ut homo semper nec se, nec facta sua magni pendat, sed potius defectuosa reputet: & hæc est vera humilitas. In dextro angulo gemma varia significat variam misericordiam, & varia opera misericordiæ.

In sinistro angulo gemma alba significat promptitudinem ad opera bona. Et sic oportet vestiri eos, qui ad me pertinent.

Cap. CLXXXV.

De cervicali lato & quadrangulato.

ANte Nativitatem Beatæ Virginis hæc virgo tristabatur, nec poterat consolari, nesciens tamen, quare tristaretur. Et audiit vocem intra se dicentem sibi: *Animæ tuæ conformatur se Sanctæ Matri Ecclesiæ, quæ modò in desolatione est, quia caret Capite* Apostolico: & hi, qui habent provideri de Capite Apostolico, Simoniaci hæresi vitiiati sunt in eo, quòd quilibet in electione*

Nicolaus IV obiit An. 1292. mense Aprili, post cujus obitum Sedes Rom. vacavit annis duobus & ultra. Hinc quæ hic narratur, eodem anno acciderunt.

Apostolici ad suam respicit utilitatem, volens suum amicum praeferre, & non quarunt commune bonum, & sunt divisi. Propter quod Dominus iratus est adeò, ut omnia elementa pro Domino irasci videantur. Et hoc probat diuturna jam aëris intemperies, tempestates & pluvia contra solitum ordinem temporum & consuetudinem perdurantes; & fructus terra retardantes: hoc etiam innuunt bella & dissensiones, quae quasi per totam Ecclesiam deserviunt in homines.

Et tunc ipsa cogitavit, si forsan ipsa deberet orare pro tantis malis amovendis. Et ipsa in spiritu facta vidit quasi unum latum cervical quadrangulum, & quadrifario colore distinctum, scilicet rubeo, albo, caelesti, & glauco. Et dictum est ei, quod Praelati Ecclesiae, Episcopi, Abbates, Priores, & alii deberent iram Dei placare, sic ut elemosynas instituerent in pios usus. Et hoc maximè pertinet ad Episcopos, & hoc significat color caelestis. Secundò dictum est ei, afflictiones debere fieri in jeuniis, vigiliis, disciplinis, & similibus: & hoc maximè deberent facere, qui praesunt Collegiis, cum suis subditis, & hoc significat rubeus color. Tertiò castitatem debere amplius à Sacerdotibus custodiri, & hoc significat albus color. Quartò debere ab omnibus subveniri illis miseris, qui tunc propter guerras * essent spoliati & egeni

fa-

i. e. bella.

facti, & eorum miseriis compati : & hoc significat color glaucus.

Cap. CLXXXVI.

De oratione Matris Domini pro populo.

Post hanc visionem modicū, scilicet in die Nativitatis Virginis, facta est super eam manus DOMINI : & vidit in Spiritu Dominum & Matrem DOMINI beatam. Et vidit quasi omnem populum Christianum, quoslibet in suo statu & ordine simul. Et stabant omnes conglomerati & in unum compressi, timore percussi, quasi expectantes super se plagam DOMINI, nec se movebant, nec aliquid loquebantur. Tunc Mater DOMINI benedicta exhibuit se ad orandum pro populo. Cui Dominus ait : *Mater, tu vis orare pro istis. Modò adverte, si aliquis se moveat, & exhibeat ad orandum : modò agas, ut & ipsi orent, & ego propitiabor eis.* Et visum est ei, quòd de singulis statibus parabant se aliqui ad orandum pro statu Ecclesiæ.

Cap. CLXXXVII.

De speculo polito valde & terſo.

Cod. manus * **A**Lio quoque tempore factâ super eam manu * DOMINI, apparuit coram ea speculum politum valde & tersum, in quo vidit mirabilia DEI magna & multa, de quibus vix stillam enarravit, & sic ait, quia inenarrabilia forent. In intuitu hujus speculi spiritus & anima ejus ineffabili consolatione est repleta: & cognovit ibi, quòd, sicut anima est in omnibus membris corporis, & corpus sensificat, & quinque sensus corporales exercet in corpore: sic anima rapta in Deum, haurit quinque sensibus spiritualibus, unde in Deo quiescat, & sanctificetur, & vigoretur.

Visus animæ est contemplatio, quâ Deum speculatur, & ei incerta & occulta manifestantur. Auditus animæ est intelligentia, quâ anima intus recipit revelationes divinas, & eas absque interprete intelligit. Daniel vidit quædam, quæ non intellexit, sed Gabriel ei exposuit. Hic visum, & non auditum habuit, quando vidit manum scribentem: &, quando in-

intellexit, auditum habuit. Os animæ five gustus est gustare suavitatem DEI, & ejus dulcedinem percipere: & hic sensus maximè confert vires animæ. Tactus est innovatio & transmutatio animæ de gratia in gratiam. Odoratus est desiderium DEI & concupiscentia DEI. Et hic maximè viget in anima spirituali, & diuturnior est cæteris. Nam anima non semper speculatur Deum, non semper revelationes percipit divinas, non semper gustat suavitatem DEI, quamdiu est in hoc corpore mortali, sed semper potest esse in desiderio DEI. Et hoc significatum est in Jacob, in quo sensus odoratus magis vigit cæteris. Unde: *ecce odor filii mei, &c.*

In hoc speculo resplenduerunt infinita multitudo hominum, quos omnes ipsa cognovit, etiam quos nunquam viderat. Quidam plùs aliis resplenduerunt, & facie clariori, & alii minùs, secundùm quod plùs vel minùs erant præditi virtutibus. Quamvis autem omnes in hoc speculo existentes decora & splendida facie niterentur, tamen interdum quasi nebula quædam paululum obnubilabat aliquorum facies. Et hæc indignationem animi significabat super detestatione delictorum proximi. Quæ indignatio de ingenuitate animi nascitur, & tamen, cum

caret affectu piæ compassionis, oculos mentis obnubilat, & impedit à contemplatione divina.

Cap. CLXXXVIII.

De diabolo & speculo ejus.

Cumque hoc speculum esset ante faciem ejus, diabolus stabat à tergo aspectu terribilis, habens faciem quasi tauri silvestris cornutam & nigram, oculos arduos ut ignis, rostrum magnum, tenens speculum aliud in manu directè & ex opposito prioris speculi, ita ut ipsa in primo speculo, scilicet divino, diabolum & ejus speculum, & quæcunque erant in illius speculo, videret.

Ipsæ autem aspectus diaboli, licet in se esset horridus, nullum prorsus ei horrorem poterat immittere: & hoc propter nimium gaudium & consolationem divinam, & virtutem, quam senserat ex intuitu divini speculi.

Speculum diaboli erat triangulum, & in ipso diaboli speculo ipsa vidit radicem suæ tristitiæ. Nam sæpe cor ejus nimia tristitia gravabatur, & maximè ex eo, quod fatigantibus membris corporis nequibat pro suo desiderio Domino deservire. Fuit autem radix suæ tristitiæ nimia defatigatio

tio corporalis, quam inciderat sua culpa supra vires se exercendo in jejuniis, vigiliis, & aliis exercitiis corporalibus. De qua radice nascitur septuplex tentatio spiritualium vitiorum, sicut impatientiæ, iræ, &c. quibus diabolus etiam perfectos inquietat.

Dixit quoque, quòd diabolus armatus incedebat contra hominem ex nimia fatigatione corporali ipsius hominis. Fuit igitur diabolus indutus lorica de corio duro & nigro & hispido, de lana leni confitura in longum dependenti, id est, *Zoticht*, * quod significat nimiam austeri-^{*Germ.}ritatem corporalem: lana autem lenis si-^{nica}gnificat remissionem nimiam debiti rigoris, quæ nascitur ex nimietate & ex excessu rigoris superflui.

Dixit quoque, quòd diabolus nunquam cessat observare homines spirituales, eis insidiando: & quoniam non potest scire, quæ sunt in corde, ipse tamen per industriam ingenii, quod per naturam acutum habet, custodit exteriores motus & gestus hominis, ex quibus pendit interiores animi motus, & ibi sumit occasionem tentandi, conflans tentationem vel iræ, vel superbiæ, vel tristitiæ, &c.

Diabolus etiam magis lætatur super modica tentatione vel peccato veniali homi-

mi-

minis sancti, quàm super peccato mortali hominis peccatoris. Quantumcunque potest perturbare hominem justum, & eum impedire, quantumcunque parùm, in cultu DEI, tunc ipse saltat & tripudiat, eò quòd gloriam DEI videtur minuisse & impedivisse. Et, quos videt magis tre-nuos in DEI servitio & magis conari ad placendum DEO, illos magis nititur impedire.

Cap. CLXXXIX.

*De facie humana, in hostia appa-
rente, & de intuitu Salvatoris,
quo sibi peccatores attra-
hit.*

ANNO DOMINI MCCLXXXXI. * in die omnium sanctorum, cùm vellet communicare, & Missam audiret, Sacerdote elevante Corpus DOMINI, apparuit ei in hostia facies humana miræ pulchritudinis, quæ se vertebat primò versùs populum stantem ad dexteram Sacerdotis celebrantis, sive ad lævam illius faciei, & aliquàmduu illuc respiciebat : & unico & brevi intuitu se vertens ad sinistram Sacerdotis, id est, ad dexteram DOMINI, mox inde faciem avertit. Ipsa autem stabat à Sinistris Sacerdotis, & territa est,

ti-

timens, quòd fortè ex indignatione tam subito ab ipsa faciem avertisset. Cùm autem communicasset ab eodem Sacerdote, percepta consolatione solita, audivit vocem internam sibi dicentem, hoc est, intellexit Deo sibi inspirante, quòd Dominus diutius respexisset ad dexteram Sacerdotis, id est, ad sinistram Salvatoris, propter peccatores, quos solo intuitu sibi attrahit: & ideo quasi necesse est eos frequentius intueri. Quòd verò modicum respexit, & mox avertit ab ea faciem, significat, quòd justos faciliter tenet apud se, & trahit. Quòd autem cum indignatione aliqua visus est faciem avertisse, significat, quòd Deus eidem virgini, & Fratri, suorum secretorum conscio, aliquando fuit indignatus, pro eo quòd uterque in gratia visitationis sibi facta negligenter se haberet, & à desiderio divino repuissent per incuriam, & propter hoc uterque judicio DEI in aliam culpam corruisset, ipsa quidem in nimiam impatientiam lapsa est, ille verò à gradu humilitatis aliquando descenderat, & in occupationes superfluas seculares, ita ut interius consolationibus minus potiretur.

Cap.

Cap. CXC.

De plagatione Christi, & de quinque vulneribus, & de indulgentia.

ALio tempore in spiritu vidit multitudinem hominum, qui erant omnes in statu salutis : nullus hæreticus, nullus Judæus, nullus in mortali existens, est ei ostensus,

In cœlo quoque Salvator noster Christus apparuit plagatus, & de quinque vulneribus sanguis copiosè fluens recipiebatur in calices à circumstantibus : & hi calices cum sanguine mox positi videbantur super altaria singula in terra juxta homines. Et hæc videns intellexit apertissimè, quasi legeret in codice, quòd indulgentia peccatorum donatur hominibus super terram virtute sanguinis Salvatoris oblatis in sacrificio altaris : & longè illa est major indulgentia, quàm Papalis.

Item, intellexit, quòd indulgentia habetur aliis duabus de causis, ex merito scilicet passionis Martyrum, & ex merito electorum perfectorum, in Ecclesia militante DEO strenuè famulantium. Et ex his quidam sunt, qui nunquam peccaverunt

funt mortaliter : alii ceciderunt quidem per mortale peccatum , sed perfectè resipuerunt per pœnitentiam virtuosam.

Hoc quoque vidit in subjectis figuris , ita ut appareret unus acervus permaximus quasi cœlum contingens de favo mellis, de quo acervo fluebat liquor melleus in modum fluminis, & inde hausit, quicumque voluit, & gustavit. Hoc significat indulgentiam , quæ datur meritò sanctorum perfectorum. Et sicut favus mellis dulcedine sua gustantem delectat & confortat : Sic ex meritis Sanctorum fluit in Ecclesiam dulcedo devotionis & confortatio spiritalis.

Item, apparuit idem sanguis recenter fluidus in magna copia , & multi accedentes, & de illo sanguine sumentes, manibus se præliniebant, & ex hoc mutabantur in quandam miram pulchritudinem. In hoc significantur merita Martyrum, unde etiam Ecclesia gratiam percipit indulgentiæ, & pulchrificantur animæ DEO devotæ, & Martyres devoti,

Dixit quoque illos parum percipere indulgentiæ, qui cum parva devotione quarunt eam : item illos , qui habentes res non faciunt eleemosynam pauperibus.

Cap.

Cap. CXCI.

*De influxibus & inundationibus
a DEO in Sanctos & econtra,
& de triplici amo-
re.*

Elevata in spiritu vidit cœlum apertum, & Dominum in majestate & gloria sua, & omnes Sanctos cum eo, & influxus ac inundationes à Deo in sanctos, & refluxus & redundationes à sanctis in Deum. Hoc est abundans influentia Divinitatis in sanctos, & refluens gratiarum actio à Sanctis in Deum. Et aspiciens deorsum, visus est ei Mundus quasi unus globus, & infinita hominum multitudo erat super terram.

In patria cognovit triplicem amorem in electis.

Primus amor est amare Deum propter se, & vocatur unio amantis cum amato Deo.

Et hic amor est in electis in patria: & hic amor est tanti pretii apud DEUM, ut, quidquid fiducialiter postulat, accipit.

Secundus amor est amor proximi, id est, amare DEUM in proximo, ipsum pro-

promovendo ad amorem DEI. Et hic amor vocatur adhæſio amantis cum amato Deo: & hic amor valde de propinquo jungit Deum cum proximo.

Tertius amor eſt propter Deum proximis ſubvenire corporaliter. Et hic amor vocatur theſauri & divitiæ divinæ, cò quòd homo his operibus miſericordiæ theſaurizet ſibi apud Deum præmium magnum.

Et vidit ſecundùm has tres amoris differentias quaſi tres radios derivari à Deo in electos, tam in patria, quàm in illos, qui adhuc ſunt in via, & hos & illos recipere influentias à Deo ſecundùm plus & minus.

Cap. CXCII.

De largitate gratuita Chriſti.

IN nocte Nativitatis DOMINI, ante mediam noctem evigilans ſenſit divina viſitatione ſe præventam in ſomnis: & admirans bonitatem DEI, cogitavit, quia ipſa ſe non præparâſſet ad tantam gratiam. Et vox interna ad eam, quaſi eam reprehendens: *Tu paupercula, inquit, quid cogitas, quid putas, quòd Dominus propter tuam præparationem te viſitet? Ipſe Dominus ſua dona largitur gratuito, cui vult, quando vult.*

&

& sicut vult. In hoc ipso cœpit in ea augeri consolatio divina.

Tunc ipsa orabat in corde suo, ut ei Dominus dare vellet spatium persolvendi Deo debitum orationum suarum. Nam, quotienscunque perfundebatur divina consolatione, tunc nihil aliud fere valuit, quàm omnino vacare DEO, eratque ei pœnale, si pro aliqua spiritus consolatione omittere eam oporteret, eursum orationum suarum. Igitur Dominus complevit ejus desiderium. Expletis autem orationibus suis pro illa hora, mox cœpit cumulatius perfundi consolatione spirituali.

Ex tunc pulsabatur ad marutinum. & ipsa pervenit ad ecclesiam Fratrum. itaque ibi super eam manu DOMINI, intra se rapta in lumen mirificum, apparuit ei parvulus puerulus, intra ejus præcordia jacens verso capite ad dextrum latus ejus. & quoties puer se movit, tunc replebatur semper nova revelatione. Ab hora quoque illa, hoc est, à media nocte usque in sero sequentis diei in istis revelationibus et consolationibus tenebatur, ita ut nec verbum aliquod loqueretur, nec cibum sumeret, nisi in sero unum ovum sorberet. Fuerunt autem revelationes hujusmodi.

Cap.

Cap. CXCIH.

et

CXCIH.

De partu Beatae Virginis, quomodo de ea nasceretur Christus, & de Sodomitis.

IN illa luce, in quam assumpta fuerat, apparuit Beata Virgo, antequam pareret, & in ipsa hora partus. Ipsa quoque Beata Virgo faciem habuit valde devotam & plenam gratia: &, cum ipsa esset clara & lucida ante horam partus, in hora partus multum clarior apparebat. Sola fuit cum pareret, excepto, quod multitudo Angelorum innumerabilis eam & puerum circumdabat obstericum vice. Alii quidem canebant laudes Deo, alii ministrabant puero & matri ejus. Et, quanquam omnes Angeli luce splendida fulgerent, aliqui tamen tanto splendore radiabant, ut noctis tenebras fugarent. Omnes Angeli ipsum adorabant puerum. Instante hora partus Beata infusa est tanta suavitate divinæ consolationis super suam capacitatem, ut teneritudinem illius suavitatis ferre non valens deficeret in salutari suo, & impos virium corporis facta fuerit, non præ dolore, sed præ suavitatis excessu. Et

Q

id

id voluit Deus, ut ipse puer in partus editione, sicut ceteri pueri, super terram poneretur: quod non accidisset, si Virgo benedicta virium compos fuisset.

Præsepe fuit magnum, & Virgo Mater jacuit cum puero in præsepio super fœnum: & tandem superveniens Joseph, puerumque videns, procidit in faciem suam super terram in longum, & adoravit puerum.

In hac quoque revelatione vidit Magos ab Oriente venientes, &, ut ait, quibusdam equis, quales nunquam vidit: unde creduntur fuisse Dromedarii. Quilibet eorum habuit manticam magnam, & plenam post tergum in equo: ea quoque, quæ erant victui necessaria, secum deferrebant: & stella magna eos antecedebat in aëre satis prope terram. Incedebant autem coronati, & in tredecim diebus de loco suo usque ad puerum pervenerunt. Primus Rex & senior indutus erat per totum albis vestibus, tunica scilicet & super tunicali, & chlamyde, quam chlamydem circumdabat sibi, sicut depinguntur Apostoli. Eodem modo & alii induti erant, excepto, quod secundus sive medius habuit vestes bicolores, id est, colore Jacynthino & nigro permixto, & ultimus habuit vestes rubecas.

Vidit quoque Pastores quasi numero centum, pascentes greges suos, nec erant conducti, sed proprios greges pascebant. Ascenderant enim plures ex eis in Bethlehemi ad descriptionem, ut profiterentur secundum edictum Augusti Cæsaris. Duxerant quoque secum greges suos: nam pecunia eorum & divitiæ erant in pecudibus. Et multi eorum illa nocte manebant in campis, ut declinarent tumultum multitudinis, quæ convenerat ad civitatem: & erant omnes viri devoti illi Pastores & Deum timentes. Angelorum quoque multitudo in similitudinem circuli vel coronæ apparuerunt super eos in aëre canentes: *Gloria in excelsis DEO, &c.*

Dixit quoque, quod omnis creatura, id est, plures ex omnibus, senserunt naturam Salvatorem, præter illam creaturam, propter quam factus est homo, quæ non sensit. Hoc de infidelibus Judæis, qui eum ex Scripturæ testimonio agnoscere [noluerunt] intelligendum est. Aqua sensit, quæ in olei dulcedinem versa est. Terra sensit, quæ magis fructifera est facta ex radio stellæ, quæ apparuit: & hoc in partibus illis, ubi apparuit. Ignis agnovit, quia lucem ministravit, noctem illam illuminando. Aër agnovit, qui in illa ho-

ra Nativitatis suavi odore respersus est :
Cujus suavitatem non referentes homi-
nes pessimi , qui olim in Sodomis pe-
rierunt in fœtore sulphuris & igne , ta-
les, inquam, homines omnes extincti sunt
ex suavitate odoris. Hoc fuit primum
mirabilium DEI in Nativitate Salvatoris,
quòd statim , ut natus est Christus , illi
omnes mortui sunt , & omnes jacuerunt
proni in facies suas super terram , quasi
conantes faciem abscondere ab intoleran-
tia suavitatis.

Cap. CXC.

*De versiculo isto : Cor meum &c.
caro mea &c.*

Accidit quoque ei in sancta Nativitatis
nocte, quando eam Dominus prave-
nisset in benedictionibus dulcedinis suæ
in somnis , ut dictum est supra , accidit,
inquam, ut totum corpus ejus intumesce-
ret, & venæ turgerent, tantamque in ani-
ma sensit spiritus dulcedinem, & nihilo-
minus in carne sua tota non libidinosam
sed castam dulcorationem, ut illi utrique
delectationi , scilicet animæ & corporis,
nullam sciret prorsus delectationem su-
per terram posse comparari, nihilque ef-
se sub cœlo , quod sibi placere posset in
comparatione illius gaudii, quo repleba-
tur

tur in illa utraque suavitate animæ & carnis. Ego autem memor fui illius versiculi: *Cor meum & caro mea exultaverunt in Deum vivum.*

Habuit tamen per totum corpus in juncturis membrorum satis magnum dolorem: & tamen ille dolor, licet magnus, superabatur à magnitudine delectationis & consolationis jam dictæ. Hoc quoque accidit ei omni nocte à Nativitate Salvatoris usque ad octavam Epiphaniæ exclusivè. In sero etiam ultimæ diei ante octavam accidit ei quædam turbatio & impatience: & ex tunc tumor & dolor, gaudium & delectatio non evererunt ei.

Cap. CXCVI.

*De mutua familiaritate anime
huius puellæ & Christi, & de
patientia.*

* **S**uperveniente tumore mox fuit in extasi, & ibi habuit multas revelationes. Nam semper visum est ei, quod puerum Jesum haberet in præcordiis, sicut in nocte Nativitatis. In illa extasi manens tanta dulcedine & teneritudine amoris afficiebatur ad dilectum, ut ipsum brachiis stringere videretur. Et introrsus non vocaliter, sed spiritualiter intellectualiter sibi

*
Hinc videntur incipere visiones A. 1293

mutuò familiariter loquebantur, modo Dialogi, ipsa interrogante, & ipso respondente.

Ipse enim intellectualiter quasi ore ad os sibi loquens respondebat, & ea, quæ sibi revelabat, mox ut frequentius in visione spirituali, figuraliter pandebat.

Dixit quoque, quòd interrogationes, quibus interrogabat, ita faciliter & absque omni difficultate & labore meditandi sibi præstò erant, sicut si eas in libro legisset.

Secundum interrogationes suas habuit responsiones, & revelationes, quòd patientia est virtus Deo summè placens & perfecta. De qua tria dixit, scilicet quòd patientia habet aristas plenas frumento, & omnia opera, quæ facit, reddit Deo grata & fructu plena: & quòd patientia maximè triumphat de Diabolo et ejus tentationibus, & quòd Dominus patientes interna familiaritate & consolatione libenter visitat.

Cap. CXC VII.

*De humilitate & aliquibus ju-
stis, & de Sacerdo-
tibus.*

Humilitas est quasi murus circum-
dans & vallans civitates : quia vir-
tus humilitatis alia dona & virtutes custo-
dit.

Responsum quoque est ei, quod sunt
quidam boni, qui in labore corporali
propter Dominum exercentur, & isti
multum placent Deo : tamen, si interdum
vacarent internis devotionibus, tunc plùs
placerent Deo. Isti, quia non sperant se
interiùs visitari, negligunt vacare & gu-
stare, quàm suavis est Dominus. Do-
minus quoque talibus voluntarius esset
dare internas consolationes, si se ad hoc
habilitarent. Alii, qui parùm exteriùs
pro Domino laborant corporaliter, &
sunt segnes, illis Dominus, non de meri-
to, sed de gratuita bonitate sæpe infundit
consolationem spiritualem, ut eos sic ma-
nu teneat apud se. Primi plùs placent
DOMINO, & pro utroque statu de-
monstratæ sunt illi aliquæ personæ in vi-
sione.

Dixit quoque, quod Domino multum complaceret in Sacerdotibus devotè celebrantibus, & quod tales percipiunt augmentum gratiæ in communione Corporis DOMINI, & crescunt in Domino, et robur et vires eis donantur in perceptione sacratissimæ Eucharistiæ ad agendum fortia et ad patiendum. Et ait, quod inde est, quod personæ religiosæ multa possunt in servitio DEI, quæ hominibus secularibus, robustis secundum carnem impossibilia sunt. Et dictum est ei, quia tota ecclesia ex Missarum celebratione magnam percipit gratiam spiritualem, sed alius plus, alius minus secundum quod sunt dispositi.

Cap. CXCVIII.

*De maximo Sanctuario Ecclesiæ,
quod est os Sacerdotis.*

IN cogitationem quoque sibi venit, quod esset majus sanctuarium, quod haberet Ecclesia? Et unde etiam majus haberet suffragium? Et responsum est ei, quod hoc esset os Sacerdotis. Et causa est reddita: quia os Sacerdotis absolvit poenitentes, item consecrat os Sacerdotis sacram Eucharistiam, item, os Sacerdotis fre-

frequenter sumit Corpus Christi. Illi autem Sacerdotes, qui abutuntur ore proprio verbis impudicis et inhonestis, et quibuscunque, quæ non decent Sacerdotem, isti summè displicent Domino, et irritant contra se iram DEI.

Cap. CXCIX.

De iis, qui se jactant de bonis, et de mendacio quorundam.

Item dictum est ei de quibusdam Religiosis, qui solum sibi cavent à peccatis mortalibus, et Ordinem suum utcunque servant, et vacant solatiis, et truphiis, et verbis infructuosis, dictum, inquam, est ei, quòd modicum meliores sunt illo, de quo dictum est: *Quia nec calidus nec frigidus es, incipiam te evomere ex ore meo.*

Item isti, qui post Missam vacant aliquo tempore devotioni, nec statim se effundunt ad exteriora, multum Deo placent, contrarium verò facientes DEO displicent.

Dixit quoque, quòd, qui se jactant de bonis factis, multum de merito sui laboris perdunt.

Illi autem, qui ostentant verbis vel factis consolationes sibi divinitus factas,

Q

mul-

multum displicent DEO : et contra tales Diabolus accipit potestatem tentandi eos.

Item dictum est ei de mendacio Religiosorum , quantumcunque jocosum sit & leve , quòd maximum damnum facit eis , & præcipuè consuetudo mentiendi.

Tria autem sunt damna, quæ facit peccatum mendacii.

Primum est, quod privat gratia devotionis homines, & Dominus efficitur talibus Religiosis alienus.

Secundum est, quòd, sicut ærugo percutit spicas frumenti, & reddit inanes: sic mendacium in viro religioso perdit fructum laborum suorum.

Tertium, quòd Diabolus accipit robur & potestatem tentandi eos.

Cap. CC.

De daemonibus & confessione.

Vidit quoque Dæmones in tanta densitate & multitudine bonos circumdare Religiosos , sicut sunt atomi in radio Solis. Nec tamen ipsos attingunt, sed de propè volitantes , quasi ad unum cubitum observant , si aliquid dicant vel faciant , unde sumant materiam tentandi

cos :

eos: & cum perpendunt aliqua signa impatientiæ, vel superbiæ, vel alterius vitii in aliquo, mox exultantes illud suscipiunt, & in illud ad modum globi conglomerant.

Quasi lapis de machina projiciatur ad murum alicujus castri: sic in illum impingunt, frequentantes vices, sicut si lapis [post lapidem] projiciatur, continuata tentatione: & hoc modica habita actione. Sed mox, ut ille tentatus ad cor revertitur, & poenitet, ille globus Dæmonum dissolvitur, & quasi aquæ distillantæ cadunt super terram.

Dixit quoque, quòd multum valet assidua confessio. Sicut enim res aliqua in aquam projecta natans præterfluit & labitur cum aqua ab oculis intuentium: sic peccatum per confessionem à notitia dæmonum.

Cap. CCI.

De lumine veritatis & doctrinae.

ANte festum purificationis Beatæ Virginis ipsa communicavit, & facta in spiritu vidit totum Mundum illustrari immenso lumine: & multi erant quasi cæci in

in hoc lumine, non percipientes hoc lumen. Datumque est ei intelligere, quod hoc lumen est veritas doctrinæ, & doctrina veritatis, quæ jam totum Mundum perlustravit. Cæci autem non percipientes beneficium luminis sunt reprobi, qui non percipiunt verbum doctrinæ. Doctores verbi DEI fulgebant sicut Sol: aliqui lucebant luce unius Solis, alii duplicata luce Solis fulgebant, alii triplicata luce Solis rutilabant.

Primi sunt Doctores verbi & prædicatores absque opere;

Secundi sunt, qui verbo & opere docent.

Tertii sunt, qui verbo & opere docent, & corde elevato per gratiam Deum desiderant & ferventer amant.

Cap. CCII.

*De thesauro universalis matris
Ecclesiæ, & de misericordia.*

IN die Sanctæ Scholasticæ, cum audisset Missam, facta super eam manu Domini, fuit in luce magna, & vidit merita & thesaurum universalis Matris Ecclesiæ, ita ut quælibet virtutes & opera virtuosa appa-
rent in singulis acervis permaximis. Appa-

paruerunt etiam homines boni, qui ad acervos singulos apponebant.

De misericordia sic ait. Apparuit cumulus rubeus perlucidus, qui significat opera misericordiæ universalis Ecclesiæ. Et ait, quod hi, qui omnibus renuntiaverunt propter Deum, majorem partem habuerunt in hoc cumulo. Et ait, quod valde pretiosus est hic acervus, eo quod per opera misericordiæ homo mereatur sibi participium omnium meritorum: v.g. cum largitur devotis, meretur mercedem devotorum: cum dat patientibus, meretur mercedem patientium. Et sic de aliis.

Cap. CCIII.

De devota oratione, castigatione, humilitate, predicatione, charitate, castitate, amore & spe.

Alius [apparuit] acervus magnus & celestis coloris, perlucidus, & significat devotam orationem. Et ait, quod iste acervus est maximi meriti & pretiositatis, eo quod ipsa oratio facit orantem magis Deo devotum, & efficacius impetrat divina beneficia.

Alius

Alius quoque cumulus apparuit perlucidus et varii coloris, & significat castigationem corporalem, quæ fit per abstinentionem, sive quocunque modo carnem affligendo, & solatia carni, quamvis licita, subtrahendo per violentiam.

Alius apparuit cumulus perlucidus & albus, qui volubiliter circuibat cæteros cumulos, & significat humilitatem, quæ custodit cæteras virtutes.

Alius quoque apparuit cumulus flammeus, qui quotidie crescebat, & significat prædicationem verbi DEI. Et ait, quod cumulus iste maximè erat utilis Ecclesiæ DEI.

Alius acervus apparuit aureus, & quasi Sole desuper irradiante in aurum resplendebat. Ille acervus significat charitatem.

Alius apparuit acervus quasi permixtus variis coloribus & floribus, puta rosis, liliis, violis, & aliis, & significat castitatem. Ad hunc acervum multi peribant aditus & viæ. Et hoc significat multiplices impugnationes & insidias, quas patitur castitas.

Quilibet enim sensus corporis viam habet, & exponit castitatem tentare. Deus verò habebat magnam complacentiam de isto acervo.

Alius

Alius cumulus major omnibus apparuit gemmis & lapidibus pretiosis, intextis auro purissimo, ita ut viderentur cley-nodia & jocalia pretiosa, puta, coronæ, fibulæ, annuli, & similia omnia de auro. Corona æternitatem significat, quæ debetur homini ex merito fidei. Fibula significat amorem, quia connectit duo simul, scilicet Deum & hominem, sicut fibula duas partes aperturæ in capitiō.

Annulus significat spem, quæ expectat sponsalia consummari. Aurum, in quo erant gemmæ intextæ, significat ipsum Deum.

Cap. CCIV.

*De palatio aureo, suspenso in aëre,
& de duabus puellis, scilicet,
Justitia & Misericor-
dia.*

ANNO DOMINI MCCLXXXII. * in die Perpetuæ & Felicitatis sub Missa facta est in spiritu; & vidit quasi palatium & quasi totum aureum, & satis magnum, elevatum, & suspensum in aëre. Erat autem perlucidum & clarum, ita ut, quidquid esset intra palatium, limpidè videretur. Viditque in palatio duas puellas, virgines speciosas valde, quæ erant de au-

*Legē: A no
MCCXCIII
cūm Nico-
laus IV. ob-
jerit in Apr.
A. 1292.*

ro fulgido & perlucido induta: & uno earum habuit duos gladios evaginatos, quos acuebat. Quos cum acuisset, reliqua puella semper rapiebat gladios secutos de manu illius, & eos frangebat. Quibus fractis iterum prior puella habuit duos gladios, quos acuebat: quibus acutis iterum secunda puella eos rapuit, & fregit. Istas vices etiam alternabant sine cessatione, ut ista semper duos gladios acueret, quos alia frangeret, & quotiens illa frangeret, illa iterum duos acueret.

Vidit quoque à terra sursum ad illud palatium dirigi multas vias ex omni parte, & multos & diversos homines ambulantes per vias illas, appropinquantes domum, quæ excipiebat illa puella, quæ gladios frangebat, & ex his ipsa juvabatur, ut prævaleret sodali suæ, quæ gladios acuebat.

Puella gladios acuens fuit vultu ferocino, sed serioso: et hæc est DEI Iustitia. Altera vero fuit pulchra facie et blanda, et hæc est divina misericordia. Duo gladii acuti sunt severitas divina vindictæ, videlicet gladius materialis guerrarum, et pestilentia mortis corporalis, quam Dominus intentant tam Clericis quam laicis, propter negligentiam Ecclesiæ in eligendo Pastore et Apostolico. Diversæ viæ

et

et homines ambulantes versus palatium
sunt diversi status bonorum, quorum me-
rita suspiciens divina misericordia frangit
iram. Unde Psalmus: *Cum iratus fueris,
misericordia recordaberis.*

Cap. CCV.

De confessione.

ANNO DOMINI MCCLXXXII. * in ^{fore & hic}
prima Dominica Quadragesimæ cum ^{reponendus}
communicasset, facta in spiritu vidit quasi ^{Annus}
universam multitudinem Christianorum. ^{MCCXCIII}

Et multi ex his nigri velut Æthiopes, alii
lippi oculis, alii velata facie, alii clavis
oculis & pulchra facie apparuerunt. Ibant
autem ad confessionem, & confitebantur
peccata sua Sacerdotibus, tam seculari-
bus quam Religiosis. Confessores autem
boni erant lucidi, & facies eorum lucidio-
res erant Sole.

Et dictum est ei: *Hi nigri ut Æthiopes,
sunt peccatores, in peccatis & in proposito pec-
candi perseverantes. Lippi oculis & cæci
existentes sunt illi, qui quasi titubant, habent-
es quidem bonum propositum, sed infirmum,
quasi dicerent: libenter volo dimittere peccata,
si poterō. Hi, ante quorum faciem erat quasi
velum, sunt, qui velamine perfectionis exte-
rioris, ut puta, frequenti confessione & aliis*

signis

R

signis religiositates, velant interioram imperfectionem, & minus habent intus quàm foris de religiositate. Sunt tamen in numero bonorum. Qui autem claris oculis & pulchra facie apparuerunt, sunt illi, qui semper sunt in bono & firmo proposito, non minus post Pascha, quàm in Quadragesima, & in omni tempore student Deo placere, quorum conscientia semper est nitida.

Hanc quoque visionem, sicut vidit in spiritu, eodem modo per omnia vidit exterius oculis, ita ut quidam hominum apparerent in facie nigri, quidam lippis oculis, quidam velum habentes in facie, quidam decora & pulchra facie. Et hanc apparitionem habuit per totam Quadragesimam: & saepe abscondit faciem suam, habens radium videre tot facies deformes, sciens, quòd hæc deformitas repræsenteret interioram deformitatem animæ. Doluit quoque de hac visione, dicens in corde suo: O Domine, quid mihi prodest ista videre? Cui Dominus: ut cognoscas, in quot & in quantis Deus molestatur, & ei compatiar.

Cap. CCVI.

De impatientia & laude humana
& Simonia spirituali.

Una die cum apparuit ei in spiritu Christus albis indutus, & omnibus quasi

religiosis existentibus coram se in campo
ameno & lato. Et habentibus ante se
proventus operum suorum, clama-
vit voce alta dicens: Obsecro vos, cavete
frugibus vestris à grandine, & ab arugine, &
ab adulterinis messoribus, hoc est, ab impatien-
tia, à laude humana, & à Simonia spirituali,
scilicet ne preces vestras & devotiones pro pre-
tio offeratis hominibus. Et ait: O vos fideles
laboratores mei & conservatores fructuum meo-
rum, omnia mea vestra sunt. O vos veri di-
lectores mei, vos estis lux in me: &, si-
cuti Pater complacuit in me, ita mihi com-
placet in vobis. O veri dilectores mei, quo-
rum amor semper currit pro majori gratia ha-
benda sursum, ego me ipsum do vobis. O veri
dilectores proximi, ipsum convertendo, vobis
communico & communicabo mecum meam po-
testatem. O veri dilectores proximi, ipsi cor-
poraliter subveniundo, vos constituo super bo-
na & divitias meas.

Cap. CCVII.

De annuntiatione JESU

Christi.

ANNO DOMINI MCCIXXXIII. in
annuntiatione Dominicae Incarnatio-
nis in festo Beatae Virginis, cum commu-
nicaf-

nicasset, rapta introitus in spiritu vidit eos dilatari, & illustrari luce mirifica, & in illa luce cognovit, quoniam, sicut quique magna acciderunt Beata Virgini quando concepit Filium DEI, videlicet

Primò, quod Filius DEI formam hominis accepit de sanguine Virginis, & anima devota, accipiens dignè Sacram Eucharistiam Dominici corporis, transformatur in imaginem & similitudinem divinæ charitatis.

Secundo, sicut Beata Virgo in conceptione Filii DEI fuit firmata in gratia, ut non posset deinceps peccare. Sic anima devota, communicans dignè Corpori Domini, percipit majus robur & displicentiam contra peccatum.

Tertiò, Beata Virgo in conceptione Filii DEI magnum divini amoris [affectum] habuit. A simili anima devota, recipiendo devotè Corpus DOMINI, inflammatur amore divino.

Quartò, Beata Virgo voluntatem suam divinæ voluntati subdidit omnino & univit, ita ut quidquid deinceps Deus voluit, & ejus, id est, Virginis voluntati beneplacitum fuit. Similiter & anima devota, virtute Sacramenti, per voluntatem unitur Deo, & cum eo concordat.

Quintò, in conceptione Filii DEI plures Angeli deputati sunt ad custodiam Virgi-

am Beatam. Sic anima devota, & digne
communicanti; propter gratiam & reve-
rentiam Sacramenti plures Angeli assistunt,
& eam custodiunt; qui omnes gratulan-
tur super fructibus devotionis ejusdem
anima; eam divino conspectui præsenti-
antes.

Item sicut Beata virgo peperit Filium
DEI, fructum salutis nostræ: sic anima de-
vota parit fructum boni operis: & quem-
admodum præstolabantur Angeli [partum
Beata Virginis. Ita præstolantur] partum
animæ devotæ, fructum nempe boni ope-
ris & devotionis, ipsum offerentes ante
DEUM.

Cap. CCVIII. & CCIX.

[De orationibus hujus puellæ, & de
vexatione carnis hujus puellæ a spiri-
tu fornicationis, & de vehementi dolore
corporis ejus.

Consuevit hæc virgo per omnem Qua-
dragesimam dicere quinque millia Pa-
ter noster & totidem Ave Maria cum toti-
dem venis * in faciem procidendo, ita
quod in die Parasceve complevit nume-
rum illius orationis: & tunc obrulit sa-
crificium orationum illarum Salvatori pro
gratiarum actione Dominice passionis. Et

*
i. e. genuum
inflexioni-
bus.

ecce Angelus Diabolus hoc moleste ferens, quadam die, cum his orationibus DEO gratias illa ageret super tanto beneficio, memorans contumelias & ludibria, dolores & angustias passionis Salvatoris affuit. Ille hostis antiquus, transfiguratus in Angelum lucis, & dixit: Quid est, quod agis? Quis est, qui non turberetur, si confusiones, quas olim passus est, in faciem ei obijciantur? Cur ergo ei contumelias obijcis quotidie? Illa verò cognoscens diaboli fallaciam, accensa animo in fervore spiritus, ait: O nequam, & maligne! Ex hoc nunc amplius & ferventius volo redemptori meo gratias agere super tanta sua dignatione. Quod & fecit. Et mox diabolus quasi in faciem percussus & confusus abscessit, relinquens vestigium suæ nequitiae. Nam mox cœpit vexari caro ejus spiritu fornicationis, qualem nunquam est perpessa, sed DEI gratiâ citò evasit illam passionem.

Cùm autem per plures Quadragesimas pro gratiarum actione hujusmodi sacrificium orationum Domino obtulisset, accidit tandem anno Domini MCCLXXXIII quòd hæc virgo in die Parasceves post Matutinum Fratrum, cui interfuerat, iret ad Sanctum Michaëlem: * ibique etiam interfuit Matutino, & coram altari quodam in ecclesia geniculans, completum numerum

*
est Ecclesia
Parochialis
in urbe
Wiennensi.

rum supradictarum orationum Domino
obtulit : & se & quosdam suos amicos, sibi
devotione conjunctos, Domino supplici-
ter commendabat, desiderans in corde
suo, & orans ad Dominum, ut, si Domi-
nus exaudisset eam super his, pro quibus
ipsa deprecata fuit, ipse Dominus ei da-
ret tale signum, videlicet quod passionis
dolorem & acerbiterem, qualem Dominus
ipsa die passionis sustinuisset, ipsa quoque
sentiret. Moxque facta est vox ad eam :
cito propera post altare. Veniens autem re-
tro altare statim coepit sentire dolorem ve-
hementissimum per totum corpus suum
in membris, & in juncturis membrorum
per omnem carnem suam, ita ut non va-
lens se sustentare procideret in terram.
Nec eò minus in corde cruciabatur : im-
mò tantus fuit dolor & acerbitas passionis
tam in carnem quam in corde, ut ferventer
crederet, quòd deberet spiritum exhalare.
Nec reputavit dolorem mortis huic dolori
posse comparari. Et, quamvis ejus crucia-
tus esset maximus tam cordis quam car-
nis, non tamen eò minus in corde & ani-
ma suavitate mirifica & inenarrabili reple-
batur, & lachrymarum devotarum imbre
uberimè et incessanter perfundebatur.
Cumque sic expectaret mortem, nec mors
ei daretur, ipsa cogitavit de Beata Clara,
quemodo illa à Paresceve die usque . . .

FINI

R 4

ja-

factuſſe quali exanimis et immobilis. Ce-
pit dolere, quod ipſa non eſſet domi-
loco abſiſſe et ſibi compatiſſe.

Non enim ſe poterat aliquo modo mor-
vere de loco, in quo jacebat. Unde an-
corde ſuo orabat Dominum, quod ſi mori
non deberet ex tanta acerbitate doloris, ut
Dominus redderet ei tantas vires, ut poſſet
abire de illo loco, et orationes ſuas con-
ſuetas perſolvere.

Valde enim ſollicita et diligens ſemper
erat de horis ſuis dicendis. Et ecce mira-
bitoſe in continenti ſumpſit vires, et ſor-
rexit, et abiit, non tamen dolor ulquam
ceſſit.

Cap. CCX.

De invocatione ſanguinis Chriſti.

*Et de demone eam tra-
hente &c.*

IN die Reſurrectionis, cum dixiſſet Ma-
tutinas, coram lecto reſedit ſic aliqua-
ter volens requieſcere, ſed multum tenta-
batur intrare lectum ad quieſcendum, ipſa
autem renitebatur, dicens ſibi ipſi: non in-
trabis lectum tuum, niſi prius Dominus
reſurgat.

Exiſtimabat enim, quod adhuc eſſet
ante horam reſurrectionis. A feria enim
uſque ad illam horam non intraverat ſuum

festum ad dormiendum. Cumque jam
 neller quiescere sic sedendo, tunc affuit
 Dæmon corporalem ei vim inferens, &
 trahens, vel portans de loco, in quo sede-
 bat, usque ad ostium camerae suae, quasi
 eam asportare volens. Tunc ipsa coepit
 invocare Dominum per resurrectionem &
 per alias obsecrationes, ut eam eriperet ab
 inimico. Et audivit vocem dicentem: *dic:*
Domine Jesu Christe, propter tuum amorem,
*sequebamur sanguinem, id est, ** *Min heize bluet,* *verba Ger*
adjuva me. Et statim in eadem verba cum *manica.*
 magna devotione prorupit, dicens: *Domi-*
ne Jesu Christe, &c. Moxque ad hanc obse-
 crationem hostis discessit, relinquens eam
 intrò ante ostium camerae.

Tunc ipsa quasi reverenter impatiens
 ait ad Dominum: O Domine: quid est,
 quòd post tot justificationes tuas, quibus
 me his diebus tam largiter consolari di-
 gnatus es, inimico in me tantam licen-
 tiam indulxisti? Et vox interna ad ipsam:
hoc, inquit, *dispensativè factum est, ut in-*
potesceret tibi Dominus, & experimento di-
sceres, quanta virtutis esset sanguis Christi, &
invocatio facta per sanguinem Domini
Jesu Christi.

esse omnia bona
 mine erat A
 multas reverentia non inveniuntur
 -ol R 5 Cap.

Cap. CCXI

De fide tripudiante.

Post aliquot dies accidit, ut secum fer-
mocinaret de fide Catholica. Cumque
ab invicem recessissemus, ipsa coepit pie
cogitare de fide.

Habuit enim magnam devotionem &
complacentiam in fide Christi. Eodem
die sub Completorio Fratrum in ecclesia
non longe ab altari Beatæ Virginis facta
est super eam manus DOMINI. Et ecce
apparuit una puella juvenis, pulcherrima
facie, coronam auream habens, induta
vestitu valde albo, & quasi de serico sub-
tili & longo, & plaudens manibus tripu-
diabat in gradu superiori circa altare Bea-
tæ Virginis incedendo versus hanc virgini-
nem more pomposo & hilari vultu. Erant
quoque circumfusa immenso lumine varii
coloris.

Hæc autem virgo mirabatur, quænam
esset hæc puella sic exultans & tripudians,
& tam superbè incedens. Tunc ei ait puella
ego sum fides tua. Ceteræ virtutes sibi
humilitatem conjunctam habent: ego ve-
rò singulariter superbiam & gloriam mihi
usurpo, quia mea est. Hæc autem non in-
te exit, quomodo ejus esset superbia.
Tunc illa ait: ego superbo & glorior super
omnes sectas & errores, quæ putrida sunt

in

in conspectu Dei : Sola ego veritate gaudeo, eamque habeo.

Ex hac apparitione ista virgo, cum prius fuisset desolata & tristis, & corporaliter debilis, mox nimium consolata est & exhilarata, & corporaliter confortata.

Cap. CCXII.

De judicio & datione spatii pœnitentiæ.

ALio tempore facta in spiritu vidit Dominum sedentem in throno judicii, & sceptrum aureum in manu ejus, quod in suprema parte præacutum erat. Multitudo quoque Religiosorum diversorum statum erant coram eo : & habuit inquisitionem super statu Christianorum. Tunc omnes una voce responderunt : quia omnes simul declinaverunt, & rebelles facti sunt divinis mandatis. Tunc Dominus : *quid consulitis, inquit, mihi, quod faciam eis?* Tunc omnes procidentes in facies rogaverunt Dominum, ut miseretur eorum, & daret eis spatium pœnitentiæ. Quibus Dominus surgens ait : *exaudi vi vestras preces, eisque tribuo spatium pœnitentiæ, ut revertantur à via sua mala. Cogitavi quidem graviter percutere omnem terram, præcipue Clericam, & potestates seculares, opprimendo* ab inferioribus. Tamen aliquid faciam, ut omnes ab inferioribus habeant occasionem me invocandi. Similiter & tribus.*

Re-

Religionis probatas cogitantes affligere & premere per leues personas.

Cap. CCXIII.

De Spiritu Sancto & viis eius ad hominem.

ANNO DOMINI MCCLXXXIII. in die Pentecostes, quando communicasset, repente repleta est tanta dulcedine spiritus, ut redundaret in carnem eius, ita ut per totum corpus eius non esset locus, ubi non sentiret corporaliter inestimabilem suauitatem. Et in hac suauitate tam corporali quam spirituali permansit per totum diem illum deliciis affluens & gaudio spiritus. Aliquando rapiebatur extra se, aliquando autem erat compos sui. & sic peregit illum diem, nihil aliud faciens, nec manducans, nec bibens, nec verbum aliquod loquens.

Cumque miraretur Dei bonitatem super tanta dulcedine diuinitus infusa animae suae, & diffusa in carne sua, accepit modicum mellis, quod habebat penes se in domo, & misit super linguam. Et ait, quod videbatur mel ei amarum in comparatione illius dulcedinis.

Cogitavit quoque in corde suo: O Deus, si scirem vias Spiritus Sancti, quibus venit ad hominem! Tunc facta in spiritu

in-

intellexit, quod in omnibus bonis operibus purè propter Deum factis venit & est Spiritus Sanctus, specialiter tamen venit in melle, in oleo, in aqua, & in igne.

In melle tripliciter, primò, cum anima infunditur tanta dulcedine, ut redundet in corpus, & caro sentiat inauditam quandam suavitatem.

Secundò, cum oratio sapit homini, & dulcescit, & verbum DEI, & Missa, & similia, & spiritualia, exercitia.

Tertiò, cum anima rapitur in extasum præ teneritudine spiritualis dulcedinis, exterioribus sopitis sensibus.

In oleo tripliciter, primò, cum anima delinita Spiritus Sancti unctione fit partiens in se, & miscet in adversis, & erga proximum.

Secundò, cum suave fit ei jugum Domini, & facilius tolerat labores & exercitia corporalia * propter Deum.

Tertiò, cum anima fit misericors super miseris proximi.

In aqua tripliciter, primò in lachrymis compunctionis, secundo in lachrymis celestis desiderii & amoris.

In igne tripliciter, primò cum anima anhelat & fervet ad quavis bona opera, Secundo cum anima in se accenditur in amore divino. Tertiò cum illustratur divinitus Spiritus Sancti revelatione.

* Cod. corporaliter.

Cap.

Cap. CCXIV. & CCXV.

*De negligentia & punitione illius,
& de flamma a Salvatore
egrediente.*

Tertia feria Pentecostes impedita fuit aliquibus casibus, quod non poterat implere ritum suæ devotionis: & in sero tristis cœpit revolvere in animo, quam infructuose illum diem transisset, & multum super hoc desolabatur, & subito dolor corporalis immensus pervasit omnia membra ejus: De quo non parum consolabatur, congaudens judicio divino, quasi Dominus puniret in ea illam negligentiam, & ait: Benedictus es, Domine, quia optime facis sumens de me vindictam. Et statim super eam manus DOMINI, & fuit in spiritu: & vidit desursum descendere ante eam turbam magnam hominum, qui erant omnes vestitu aurato amicti, & cooperti capite quasi humeralibus aureis, ita ut nihil in eis appareret nudum, nisi facies, erantque facie decori valde, sed feriosi & maturi.

Hac turba disparente, secuta est alia similiter descendens de cœlo ante faciem suam.

Hi erant omnes amicti vestibus candidis, ferta rubea de rosis in capicibus eorum,

rum, facie pulcherrimi & jocundi lætiti-
 am mentis facie prætendebant. His di-
 sparentibus subsecuta est tertia turba ma-
 gna. Qui omnes erant amicti vestibus
 rubris & fulgidis, & lucidioribus super
 Solem : & in circuitu hujus turbæ appa-
 ruerunt multi de duabus præcedentibus
 turbis, videlicet alii aureis vestibus, & alii
 candidis induti. In medio autem hujus
 turbæ apparuit Salvator noster JESUS
 CHRISTUS, pulcherrimus & amœnissi-
 mus aspectu, et omnino nudus, manibus
 mediocriter elevatis et palmis extensis in
 similitudinem Sacerdotis stantis in altari;
 et cicatrices vulnerum parentes, et apertæ
 et lucidissimæ, maximam jucunditatem
 intuentibus ingerebant.

Erat quoque ipse totus pulcherrimus
 et ambilis aspectu, ut omnium pulchritu-
 dinem vinceret ipsius aspectus.

Egrediebatur quoque in circuitu et
 per gyrum de ipso Salvatore flamma au-
 rea in modum radiorum acutorum: et hi
 radii dispergebantur, ita ut aliqui dirige-
 rentur sursum in cœlum, alii deorsum per
 centrum terræ, et alii diffundebantur su-
 per terram in homines. Ipsa autem de
 his omnibus nihil intellexit, donec radio-
 lus flammæ pectus ejus penetrans inflama-
 vit cor ejus inæstimabiliter in amo-
 re divino, & illustravit. Tunc primum

visa

vifa intellexit, & dilatato mentis sinu vidit omnes fines Orbis terræ, & homines innumerabiles, sed non nisi Christianos. Illi quoque radii flammarum penetrabant homines, ita ut multi uno radio penetrarentur, & aliquando singuli de multis radiis pluribus. Ita quoque flamma dispersa diffundebatur in homines quadriformiter, scilicet per verticem capitis, per os, per aures, per pectus. Et aliqui homines omnibus his quatuor modis recipiebant illam flammam, aliqui verò aliquibus modis & non omnibus, aliqui verò nullo modo recipiebant illam.

Intellexit, quoque, quod hæc flamma est gratia Spiritus Sancti, sive Spiritus Sanctus, qui à Filio procedit. Flamma sursum ascendens significat gratiam, quæ replentur omnes electi in patria. Flamma terram penetrans significat gratiam, quæ est visitans in purgatorio electos, Flamma diffusa super terram in homines significat gratiam diffusam in bonos homines adhuc degentes super terram. Flamma ingrediens per verticem significat gratiam, elevantem mentem ad superna, & animam dulcorantem dulcedine divinæ consolationis. Flamma per aures transiens significat gratiam Sancti Spiritus per verbum prædicationis infusam homini, & animam consolantem. Flamma

ma

ita vero per os infusa significat gratiam
infusam homini per orationem, quae sa-
pidam facit orationem, & devotionem
generat. Flamma penetrans per pectus
significat gratiam Spiritus Sancti inflam-
mantem cor hominis ad amorem DEI, &
illuminantem intellectum. Ipsa enim ni-
hil horum, quae vidit, intellexit, ante-
quam ipsa acciperet hanc flammam per
pectus ingredientem, quae percepta ante
illa mox clare omnia novit.

Intellexit quoque, quod non suis me-
ritis tam Dominus visitasset: nam prae-
cedenti die minus diligenter expleverat ser-
vitium divinum.

Intellexit quoque, quod multum pla-
ceret Domino, & preparat animam ad di-
vinam consolationem humiliatio & con-
fessio spiritus; nam ipsa multum se affli-
xerat in animo super negligentia dici pra-
terita infructuose.

Cap. CCXVI.

*De nativitate Beati Johannis Ba-
ptistae & de statu ejus in
deserto.*

IN nocte Sancti Johannis Baptistae facta
in spiritu vidit Beatum Johannem Bapti-
stam, ut recenser natum, & Beatam Ma-
riam

riam Virginem flexis genibus ante Sanctam Elizabeth, & suscipientem puerum in manibus, obstetricis vice. Quæ surgens stetit ante Sanctam Elizabeth matrem pueri, & ait : ecce puer tuus. Ista quoque virgo stabat juxta virginem Matrem DOMINI, & statim hæc visio disparuit.

Et post modicum, cum veller vacare iterum contemplationi, facta in spiritu vidit B. Johannem Baptistam in deserto, ut jam adultum, flexis genibus & junctis palmis orantem. Erat autem Johannes robusti corporis, capillos habens fuscis & hispidos, faciem seriosam, sed amabilem & formosam, barbam habens densam sed non longam, tunica unica indutus brevi modicum infra genua, manicæ erant ei amplæ sed breves, ita ut bene in latitudine unius palmi brachia nuda essent. Tunica erat hispida & colorata quasi fusco & rubeo colore, similis mixtis. De eadem manerie fuit circumdatus alia veste super tunicam : pedes & crura nuda erant.

f. pilis mixtis.

i. e. ejusdem generis seu modi.

Cap. CCXVII.

*De arboribus, in quibus exprime-
bantur merita cujuslibet.*

Apparuerunt quoque in deserto arbo-
res generosæ, circa quas ibat S. Jo-
hannes, in quibus merita & virtutes ipsius
significantur.

Ex opposito deserti apparuit campus
spatiosus valde, in quo fuit multitudo
hominum, etiam eorum, quos ipsa co-
gnovit: quorum quilibet habuit easdem *i. e. arbores*
iuxta se pertinentes, quas habuit B. Jo-
hannes: in quibus arboribus exprimeban-
tur merita cujuslibet.

Erat ibi cedrus proceræ altitudinis,
quæ significat intensum studium & serium
ad qualibet bona exercitia virtutum cum
intentione pura: hoc enim hominem mul-
tùm exaltat apud Dominum & imputri-
bilem facit. Fuit ibi quoque palma, quæ
significat castitatem: quæ palma diu est
sterilis, & tandem post multos dies vel
annos parit dulces fructus. Sic est de
castitate, quæ sterilis est carne, & dulcem
fructum parit in æternitate.

Fuerunt ibi rosæ, quæ significant ope-
ra pietatis: quæ tamen non sunt subleva-

tæ à terra, & significant homines quidem bonos, sed adhuc circa terrenos actus occupatos, de quibus tanquam de spinis faciunt opera pietatis, tanquam rosæ bonum odorem spargentes. Fuerunt etiam ibi violæ, quæ juxta terram & versùs terram vultu demisso significant humilitatem cum timore.

Cap. CCXVIII.

De ecclesia quadam, in qua Beatus Johannes Evangelista prædicavit.

E regione quoque hujus apparitionis apparuit una ecclesia, quam frequentabat multitudo hominum. Hæc quoque Virgo cum cæteris ad eandem ecclesiam pergebat. Cumque intrasset, vidit B. Johannem Evangelistam pontificalibus indutum et infulatum stantem in altari cum Ministris, Diacono scilicet & Subdiacono, & Missam celebrantem. Jamque processum erat in Missa usque post Evangelium, quando hæc virgo Ecclesiam intravit, & Beatus Johannes prædicabat. Inter cætera hæc docuit: *Amici Dei debent habere magnam fiduciam in Domino, & complacentiam super omnibus operibus Dei: & si Dominus totum mundum abysaret, non deberet Deo devotus super hoc contra Deum moveri,*

ri, quemadmodum Beati in patria. Item : Dominus & Salvator meus dixit mihi & fratribus meis : ite in mundum, in quo pressuram habebitis.

Ego autem dico vobis, fugite Mundum & conversationem secularium : quia eorum conversatio est impedimentum gratia. Item : gratiam Dei non accipiat in vacuum, & ne otiemini, sed secundum gratiam acceptam operemini. Nam multa aufert otiositas bonorum, qui sunt in gratia. Nam honor Deo subtrahitur, & gaudium electis in patria, ab his, qui gratiam acceptam negligunt : & ipsi etiam gratia propter negligentiam suam subtrahitur & profectus gratia.

Cap. CCXIX.

De diversis Sacerdotibus celebrantibus.

UNa die communicavit hæc virgo cum timore magno. Timuit enim, ne nimis sæpe communicaret. Et cogitavit in corde, si Dominus eam non consolaretur more solito, quòd tunc nolleret ita sæpe communicare. Communicavit quidem omni septimana semel : & solita erat miraconsolatione spiritus infundi. Cumque communicasset, mox spiritus & anima ejus accensa est divino igne suaviter urente, ut corpus ejus totum inardesceret.

Repleta itaque inestimabili consolati-

tione cogitavit, si deberet abstinere à communione tam frequenti? Et ecce mox facta est in extasi, & in immenso lumine, & vidit multos Religiosos Sacerdotes indutos ad Missas celebrandas. Et quosdam vidit circumdari nube obscura, & intellexit, quòd isti celebrabant mala conscientia: quia, cum essent in aliquibus foeditatibus peccatorum, ob hoc celebrabant, ne tollerent aliis de suis cordibus suspicionem malam, ne de peccato suspecti haberentur. Et hinc magis sic celebrando peccabant, quàm priora peccata committendo.

Alios vidit luce circumfundi. Et hi fuerunt, qui pura conscientia & dispositione congrua præcedente celebrabant, & merebantur sibi augmentum gratiæ, & non solum sibi, verùm etiam omnibus, qui sunt in Ecclesia DEI absque mortali. Illis quoque Religiosis, qui ad palliandum sua peccata celebrabant circumdati nube obscura, illis, inquam, erat istorum bonorum Sacerdotum Sacrificium pro clypeo contra iram DEI, quam meruerant. Ista itaque vidit in lumine subito disparente, & quasi in transitu brevi.

Cap. CCXX.

De quinque pertitis hominibus, corpus Dominicum sumen-
tibus.

Post hæc in se quiescens, non dormiens, *audivit vocem quasi legentis & dicentis: in quinque pertita differentia sunt homines boni Corpus Dominicum sumentes.*

Primi, qui semel in anno secundum statuta Ecclesie jejunantes & confitentes peccata sua communicant, scilicet in Paschate: & hi sunt membra Ecclesie.

Alii sunt, qui communicant ex affectu quidem devotionis sæpius, sed non se laboribus & exercitiis spiritualibus, puta jejuniis, orationibus, genuflexionibus & vigiliis, uti expediret, ad tantum Sacramentum preparaverunt: illi quoque de hoc fuerunt reprehensi.

Alii sunt, qui non ex affectu sufficientis devotionis, sed exemplo aliorum, qui sæpe communicant, ipsi cogitant apud se: ista persona communicat tam sæpe, ego quoque etiam volo & possum communicare: nec se sufficienter preparant, confitentes, quod æquè sæpe possint communicare, nescientes, quanto studio & diligentia illi se preparaverint ad Communionem. Isti fuerunt reprehensi, quòd essent tanquam officiales vel coloni, offerentes fructum non tempestivum Domino suo.

Alii saepe communicant cum omni civitate
 & cum studio & exercitiis omnium membra-
 rum suorum se preparant pro viribus suis; oca-
 los lachrymis rigantes; auribus audientes ver-
 bum Dei & devotionis, & ea ad memoriam re-
 vocantes ad devotionem excitandam: manibus
 & pedibus & toto corpore in faciem super humum
 se sternentes, & ore & lingua misericordiam
 Dei invocantes, student se preparare ad tan-
 tum Sacramentum.

Nam ita debet fieri. Hi sunt filii, & mo-
 rentur in illius sacrosancti Corporis perceptione
 a Domino mirabiliter consolari.
 Et dixit, quod præcipuum esset in præ-
 paratione ad tantum Sacramentum timor,

videlicet, ut, quantumcunque in aliis ex-
 citiis quis se præparaverit, tamen semper
 cum timore accedat.

Cap. CCXXI. & CCXXII.

De assumptione animæ & corporis
 Beate Virginis, & de indulgentia Ec-
 clesie, & de turba distincta in septem
 ordines Beatorum.

IN festo Assumptionis Virginis gloriose
 hæc Virgo communicavit, & facta in spi-
 ritu vidit animam Beate Virginis assumi
 in gloriam magnam à Deo Patre sibi ipsi in ho-
 norem, & cum ea erat turba magna candi-
 datorum. Et intellexit, quod omnes hi sunt,
 qui

qui nunquam mortaliter peccaverunt, & cum magno studio servierunt Domino. Eorum meritis Sancta Mater ecclesia habet thesaurum indulgentiæ.

Secundò apparuit Beata Virgo, assumpto corpore, superinduta tunica rubra & pallio immensa amplitudinis, subtus quòd habebant omnes salvandi refugium.

Filius ejus, Christus Dominus, cum magna reverentia suscipiens levavit eam à dextris ejus in folio miræ pulchritudinis, & coronam super caput ejus posuit. Apparuit quoque cum ea turba longè major, quàm prima, utriusque sexus. Et hi sunt, qui olim in mortali fuerunt, sed conversi in strenua poenitentia Domino serviunt. Et omnes hos adoptavit sibi Dominus in filios. Et hæc turba distincta fuit in septem ordines.

Primi fuerunt omnes virgines, qui licet aliquibus peccatis fuissent aliquando involuti mortalibus, tamen virginitatem carnis servaverant incorruptam.

Secundi erant excellenter poenitentes, de quibus Dominus magnam habuit complacentiam, & coram omni frequentia cœlestis curiæ gloriabatur de ipsis, dicens: *Eccce hi quondam adversarii mei, quàm longè sunt, quàm prope modò!* Domino quoque adeò beneplacitum est in eis, ut eorum peccata non solum dimissa sunt eis, verùm

ilp

S 5

etiam

etiam in gloriam & decorem eis cedant, eò quòd ferventer poenituerint, & post suam conversionem in amore DEI profecerint.

Tertii sunt prædicatores verbi DEI. Viditque ibi quendam suum amicum Religiosum, qui habebat officium prædicationis, sed modicum fructum faciebat propter ariditatem linguæ, libenter tamen & ferventer prædicabat. De hoc intellexit hæc virgo, quòd deberet habere præmium de sua prædicatione cum Beato Jacobo, qui paucos in vita sua prædicando convertit, & tamen multum circuivit prædicando verbum DEI.

Quarta turba fuit bonorum Prælatorum, qui in iustitia præsunt: & hi sunt magni meriti apud Dominum.

Quinti fuerunt devoti, contemplationi & devotioni vacantes, & Deo continue intendentes.

Sexti sunt patientes in adversis.

Septimi sunt ferventes in omni bono opere, & avidi ad omne bonum, &, quantumcunque boni fecerint, parum eis esse videtur.

Hi omnes simul in modum coronæ & choreæ circuibant quasi tripudiantes thronum Beatæ Virginis armato modo nunc introeuntes, nunc exeuntes, ita ut modò illi, modò isti, magis appropinquarent Beatæ Virgini. Tunc ille suus amicus, quotiescunque appropinquabat Filio & Matri ejus,

ejus, alloquebatur Dominum, dicens *primò* sic: O Domine cognitor cordium & occultorum, tu scis, si possem omnes homines verbo & opere ad tuum amorem convertere, ego libenter facerem. *Secundo* ait: Domine, quid me vis facere? Cui Dominus: *Maneas*, inquit, *sicut tu es*: *Sis quoque patiens*, & *humilia te*, quantum vales: & *quoties te per patientiam presseris & humiliaveris*, tantum meriti habebis: & *quoties te patientia viceris*, tantum meriti habes, ac si *unam animam converteres*. *Tertio* ait: O Domine, tu nosti: quòd libenter *optimam* haberem; hoc est, gratiam contemplationis & tuæ peculiaris dilectionis. Cui Dominus: *ad hanc partem perungere non poteris, nisi te ipsum obliviscaris*.

Tertio suscepta fuit Beata Virgo tanquam sponsa a Spiritu Sancto, & cum ea turba copiosa, expectantes dona recipere tanquam in nuptiis regalibus. Et hi erant afflicti semicinetiis & vilibus indumentis, & significant eos, qui erant in peccatis, sed aliqua obsequia Beatae Virgini facientes sperabant ipsius meritis DEI gratiam se percepturos.

Cap. CCXXIII.

De Angelis.

ANNO DOMINI MCCLXXXII. * in festo S. Michaelis, cum communicasset, *rapta*

* in festo S. Michaelis, cum communicasset, *rapta*
Videtur leg.
1293.

rapta in spiritu in mirificum lumen fuit, in quo apparuit una sphaera magna, luminosa per omnia, & pervia lucis: in qua sphaera omnes Angeli beati, & animæ justorum in patria videbantur ei esse: & major videbatur esse numerus Angelorum quam animarum. Merita quoque justorum, adhuc in corpore viventium, apparuerunt omnia in Domino, quasi quoddam depositum, & eorundem hominum similitudines.

De illa sphaera descendebat quidam radius luminosus magnus ad modum stratae regiae, benè trita. Quæ quidem strata erant quadripartita, videlicet colore aureo, albo, rubeo, & jacinthino distincta, eratque illa strata miræ pulchritudinis. In quo radio seu strata Angeli descendebant ad homines, & ascendebant ad Deum. Incedebant autem in quatuor turbis quasi in quadivio secundum distinctionem stratae. Igitur alii in via aurea, alii in parte alba, alii in parte rubea, alii in parte jacinthina, sed major multitudo in parte rubea erat.

Intellexit quoque hæc virgo, quod Angeli, qui descendebant in semita aurea, mittebantur ad homines in amore DEI ferventes excellenter. Qui in alba semita, mittebantur ad homines propter Deum patientes adversa, & castigantes semetipsos.

in

in poenitentia laboribus. Qui in jacinthina semita, mittebantur ad homines contemplativos, & vacantes coelestium contemplationi.

Offerebant quoque puritatem conscientiae & alia opera facta ex pura conscientia ante conspectum Dei.

Hoc Quadrivium non pertingebat ad illos, qui erant in mortali peccato constituti, sed supra ante ipsos Angeli praeerant. Dixit etiam, quod Angeli, custodes hominum peccatorum, desuper ipsos in aere erant in modum circuli vel coronae, ipsos eingentes vel protegentes ab incurfu Daemonum.

Cap. CCXXIV.

De Sacramento Altaris.

Intellexit quoque de Sacramento Altaris, quomodo gratissimum est Deo, & quantae virtutis sit, & quomodo divina influenza operatur in ipsis Sacerdotibus & gratiam gratiae, & non solum ipsis, sed etiam omnibus Christi fidelibus.

De Angelis quoque dixit, quod, qui mittebantur ad homines, erant alati candidissimis & perlucidis alis.

Quidam

Quidam verò non mittebantur, sed in Deo semper & Deo astiterunt, & hi non erant alati.

Post istam sphaeram vidit locum poenarum horribilem: unde ignis rater valde erumpebat.

De se quoque ait, quòd hæc vidit tam familiariter, ac si præsens ibi foret in anima, nec advertit, nec sensit aliquo modo se alligatam corpori.

Dixit quoque, quia intellexit, tanquam ei indubitanter promitteretur, ut, quid quid ibi à Domino postulasset, impetraret: & quæcunque tunc ibi desideravit anima ejus, postea implera sunt.

Hunc quoque raptum & excessum dixit sibi rarò accidere, nisi in Festivitatibus: & quando communionem Sacri Corporis Dominici acciperet, tunc saepe rapiebat in extasim, ita quòd nesciebat, utrum esset in corpore, an extra corpus. Aliis autem temporibus rarò fuit dies naturalis, quæ non visitaretur aliquo excessu excitata, sed tamen sensit benè in corpore se manere, & intrinsecus dilatato mentis sinu illuminabatur, & arcana ei pandebantur.

Cap.

Cap. CCXXV.

*De sessionibus pauperum & divi-
tum, & predicatorum di-
versorum.*

Post Octavam Beati Francisci audivimus sermonem, & facta est ibi manus DOMINI super eam in lumine magno, & vidit pauperes & divites intrare locum paratum convivio. Pauperes autem sederunt in loco eminentiori & digniori super divites: nec de hoc aliquis habuit displicentiam, sed potius placitum fuit omnibus, quoniam sic requirebat justitia, quam omnes diligebant. Disparente illa visione ad se reversa est. Et post modicum tempus iterum facta in extasi vidit iterum quasi convivium paratum, in quo erat multitudo prædicantium. Et erant induti vestibus pretiosis, alii candidis, alii aureis, alii rubeis, & aliqui his omnibus induti erant: & sederunt alii in eminentiori loco, alii in inferiori, secundum cujuslibet dignitatem. Et vidit & intellexit, multos simplices prædicatores & parvæ reputationis præferri solemnibus prædicatoribus: & hoc ideo, quia in fervore magno & pura in-
ten-

rentione verbum DEI prædicant, quamvis tantum non faciunt fructum in prædicatione.

Dixit quoque, quòd boatus & gestulationes aliquorum prædicatorum nullius reputationis apud Deum sint, quia cum vanitate fiunt. Et dixit, quòd plerique famosi prædicatores ex hac vanitate merentur ruinam, & cadunt à Domino: quia adulterantur verbum DEI, propter vanitatem & laudem hominum prædicantes, & gloriantes in prædicatione sua.

Deinde iterum reversa est ad se: & hoc totum sub eodem sermone. Et post pusillum iterum facta in spiritu vidit iterum convivium paratum permagnificum, & majus prioribus duobus.

Eratque ibi multitudo hominum, qui erant omnes induti uniformi veste fulgida & perlucida: & Dominus erat etiam indutus eadem veste, qui erant inter eos & Dominus locavit singulos secundum dignitatem suam. Et intellexit, quòd hi erant, qui propter Deum tolerant voluntarie passiones, & incommoda temporaliter cum Domino.

Cap. CCXXVI.

De prædicatione Domini.

UNa vice, facta in extasi & rapta in lumen immensum, vidit Dominum indutum pontificalibus. Casula erat de auro purissimo, & insula mira varietate decorata, & coram ipso erant Religiosi sedentes de qualibet professione. Et Dominus ipsis prædicabat dicens: *Qui perfecti omnia derelinquunt, solatia terrena & consolationes, solum mihi inhaerentes, ego his præ cæteris dabo quinque.*

Primò securitatem de mea misericordia, ut secure, quidquid volunt, petant, & ego exaudiam.

*Secundò utiliores eos faciam Ecclesia mea, & reconciliatores, id est, Suæner * inter Deum ^{vox Ger-} & peccatores. ^{manica} Schner.*

Tertio dabo eis quotidianam innovationem gratia & consolationem spiritualis dulcedinis.

Quartò, quod in omni bono radium non habebunt, & volabunt in fervore & in bono opere.

Quintò Angeli & tota Curia cælestis in ipsis habet complacentiam præ cæteris.

Et Dominus de quolibet vocavit aliquos, locans illos in altiori gradu præ aliis.

T

Nam

Nam alii omnes residebant in terra. Et isti fuerunt, qui his quinque donis erant digni.

Tunc surrexit unus ex aliis, & ait : Domine, quid autem dabis illis, qui tibi serviunt, licet omnino consolationes terrenas non deserant? Ad quem Dominus : *Cum fuerint levitates, quas sic contrahunt, purgata per ignem, suscipiam eos.* Et tandem Dominus sermonem suum benigne conclusit, dicens : *Filii, nolite turbari, & non diffidatis propter duritiam verborum meorum : quoniam, quandoque vos ex corde ingemueritis super vestris defectibus, ego ignosco vobis.*

Cap. CCXXVII.

&

CCXXVIII.

De quodam Fratre diligente Sanctam Agnetem, & de lachryma fusa in charitate.

*Hinc videntur incipere visiones
A. 1394.*

IN die Sanctæ Agnetis accidit, ut unus bonus Frater, nomine Erlolfus moretetur, qui fuit famosus & notus in sanctitate, qui in singulari reverentia & devotione venerabatur Beatam Agnetem. Fer-
tur

rum enim, quòd in die Agnetis fuit natus, & in ipsius die intravit Ordinem Fratrum Minorum, & tandem in ipsius Beatæ Virginis festo manè, cùm esset incepta Missa publicâ, migravit ad Dominum.

Hunc Fratrem hæc virgo, quæ supradictas revelationes habuit, propter ipsius Fratris dicti Erlolfi devotionem & sanctitatem multùm in Domino dilexit. Hæc virgo statim audita morte Fratris hujus, cœpit amarè flere, & per totam diem dolore & lachrymis se afflixit, nec se valuit continere usque ad noctem. Cumque post tantam defatigationem requiescere vellet, sensit quasi manum se tangentem, & Vocem dicentem sibi : *dilecta mea, respice.*

Cumque illa respiceret, vidit dictum Fratrem Erlolfum cum ingenti turba virginum quasi choream ducentem, & in manu & latere ipsius Fratris Beatam Agnetem, quam in vita mortali adhuc existens tantùm dilexerat, ut semper in sermonibus suis vel communibus collationibus de ipsa fermocinaretur. Et post hanc virgines vidit innumeras cum dicto Fratre Erlolfo, quæ erant omnes coronis aureis coronatæ, sed nudæ: & ipse unà cum illis etiam nudus & coronatus apparuit. Illa quoque nuditas non solum non erat indecens, vel fastidium intulit oculis in-

tuentis, sed magnam placentiam, decen-
tiam & læticiam cordi ipsius virginis præ-
buit.

Tunc ait Frater ad virginem, cui ap-
paruit : ego sum Frater *Erenvol*, * & nunc
non dicor Erlolfus, sed *Erenvol*.
*
vox Germanica, signi-
ficans ple-
num bono-
ribus.

Tunc quæsit dicta virgo, si in aliqua
pœna fuisset ? Cui Frater ait : ab illa hora,
quâ egressa est anima mea de corpore,
fui usque ad horam tertiam in quodam
igne tam claro & lucido, ut, si omnes stel-
læ & singulæ Firmamenti micarent sicut
Sol, non vincerent hujus ignis clarita-
tem.

Fuit quoque idem ignis ita fervens, si-
cut si omnis ignis super terram fuisset in
unum congregatus : eratque ita spatiosus,
sicut viridarium quadrangulum, quod est
in ambitu claustrum Fratrum. Et adjecit :
Fratres, inquires, me valenter juverunt in
Missis & orationibus suis, quòd evasi lo-
cum pœnarum. Et tu, dilecta mea, tuis
lachrymis præstitisti mihi refrigerium
contra incendium ignis. Nam una lachryma
fusa ex fervida charitate, tantum
præstat indulgentiam pœnarum & am-
plius, quàm decem annorum pœnæ * te-
stante Beato Augustino, qui dicit : O la-
chryma, quanta est tua potentia ? Vincis in-
vincibilem, ligas omnipotentem, plus valet,
quàm decem anni purgatoriales.

*
Cod. pan-
rum.

Tunc

Tunc hæc virgo ait : ubi erat Beata Agnes cum suis sodalibus medio tempore, quò eratis in pœna? Cui ait : circumdederant locum pœnarum, me expectantes.

Tunc hæc virgo : quomodo poterant, inquit, sustinere, in ipsarum præsentia vos sic torqueri? Cui ille : absque turbatione, inquit, me viderunt puniri, quia hoc exigebat DEI justitia. In illo igne, tanquam piscis in lacu fluit & refluit, ita ego natabam, nec valebam exire, divina justitia me detinente. Nunc verò in societate sum harum omnium, & cum potioribus sublimiori potior dignitate. Cui virgo : quomodo, inquit, hoc factum est, cum istæ sunt Martyres? Cui ille : quid dicis, inquit.

Ego triginta septem annis passus sum Martyrium, vivens sub obedientia : hæc autem una die, vel modicum plùs, suum Martyrium compleverunt.

Tunc hæc virgo interrogavit de statu Ordinis & merito, cujus videlicet meriti esset Ordo suus, in quo ipse Deo servierat? Cui Frater ait : in sublimiori dignitate, inquit, sunt apud Deum & honore omnes Fratres minores, qui servant in vivendo Ordinem & Regulam Minorum, præsertim propter paupertatem & obedientiam hujus Ordinis.

T 3

Tunc

Tunc interrogavit de Fratre Syfrido Coufario, qui fuerat collega dicti Fratris Erlolfi in infirmitate. Cui dixit: ipse in brevi me sequetur, & transibit absque pœna, si tamen recognoverit culpam suam in hoc, quòd per impatientiam molestavit suos servitores. Sed non pervenit ad tantam gloriam, ad quantam ego perveni, eò quòd non tam diu laboravit in servitio, sicut ego.

Ista virgo dixit mihi de Fratre Erlolfo, cùm adhuc ipse viveret, quòd ipsa semper impetrâset apud B. Agnetem, de quocunque peteretur illud per Fratrem Erlolfum.

Cap. CCXXIX.

De duobus impedimentis in religionibus.

UNa vice, facta in spiritu vidit Dominum Jesum Christum albis indutum vestibus, scilicet Sacerdotalibus præter casulam: stabatque ipse Dominus in uno colle, quam ambiebant duo fossata. * Apparuitque coram eo in planitie multitudo Religiosorum.

id est: fossa.

Dominus autem utraque manu extensa vocabat eos, & innuebat, ut festinarent

rent venire ad se. Cumque illi festinare in veniendo, & ad fossata venissent, ruebant in fossata, alii profundius, alii minus profundè, & alii se facilius explicaverunt de fossatis, alii verò difficulter, ita ut plures super eos transirent.

Intellexit autem, quòd hæc duo fossata significant duo in religiosis impedimenta, quæ impediunt expeditum processum ad DOMINUM, scilicet torporem & negligentiam in servitio Dei, & linguæ laxationem. In his omnes offendunt, sed alii plùs, alii minùs. Ad se autem venientibus utraque manu largitus est Dominus munera, scilicet augmentum gratiæ in se, & gratiam ædificandi proximum, & securitatem.

Cap. CCXXX.

De displicentia DEI in hominibus.

IN Purificatione communicavit se, & percepta consueta consolatione spiritus, post Missam publicam Fratrum desiderabat ire & visitare Ecclesias per civitatem propter indulgentiam, propter quam semper fuit sollicita. Unde accidit, ut sic eundo corporaliter fatigata, minùs spiritualem sentiret consolationem, quam

Cap. 4.

abundanter ei Dominus dabat in die, quando communicavit. Reversa tandem ad ecclesiam Fratrum visitavit altaria singula more solito ea deosculando, nec percepit ibi suavitatem odoris, quam semper Dominus ei solitus erat dare de illis altaribus, in quibus illa die Missa fuisset celebrata, sicut superius * scriptum est.

Sensit verò loco illius suavissimi odoris quendam odorem vel foetorem adustionis, tanquam si altare esset combustum, de quo multum desolata fuit. Talis adustionis odor semper refusus est in naribus suis, quoties oscularetur altaria: & hoc duravit ei à festo purificationis usque ad Quinquagesimam.

*
Cod. oscula-
tur.

Tunc iterum communicavit, & tunc illa die iterum visitans altaria, osculabatur * ea, sicut prius, & tunc recepit suavitatem prius perditam.

Ipsa verò multum mirabatur, cur Dominus ei prius subtraxisset suavitatem solitam,

Tunc dictum est ei: *sicut odor adustionis olfactum non delectat, sed potius molestat: sic displicet in conspectu Dei in hominibus devotis, quando se eis Dominus communicat spiritali consolatione, quòd tunc se foras communicant, & distrahuntur: quod tu quidem se-*

*fecisti egrediendo per civitatem & ecclesias,
licet pro pia causa ires, scilicet pro indul-
gentia.*

Cap. CCXXXI.

QUadam die in ecclesia facta in spiritu
vidit unum Sacerdotem secularem
accedere ad altare.*

*
*Cetera defi-
derantur in
Codice.*

Cap. CCXXXII.

*Quarenti delicias tria sunt
necessaria.*

ANNO DOMINI MCCLXXXIII. in
Parasceve, cum legeretur passio Do-
mini, hæc virgo cœpit piè revolvere pas-
sionem & tantam dignationem DOMINI
in mente, & piè affici ad Dominum. Et
audivit vocem intra se dicentem sibi: *Qui
vult habere spirituales delicias cum Domino,
tria sunt ei necessaria.*

*Primum est, ut habeat cor liberum à cu-
ris & ab occupationibus exterioribus.*

*Secundum est, ut habeat cor sursum jugiter
per desiderium ad Dominum.*

*Tertium est, ut laudet Dominum in omni-
bus operibus suis, ita ut nullam displicentiam
habeat de his, qua Dominus facit, vel
sinit fieri.*

T 5

Cap.

Cap. CCXXXIII.

*De virtute quinque vulnerum
CHRISTI.*

Post hæc virgo statim facta in spiritu, vidit in immenso lumine Dominum Jesum Christum albo panno quasi syndone circumdatum, quasi illo syndone, quo fuerat involutus à Joseph ab Arimathia. Dominus autem stabat festivo vultu & jocundo, & plagæ quinque vulnerum apparuerunt discoopertæ & recentes. Circa Dominum autem erant quinque turbæ hominum in multitudine copiosa.

Prima procumbebat ad pedes Salvatoris: & hæc turba hominum major erat reliquis singulis: & quanquam infiniti essent, tamen omnes simul habebant spatium sufficiens apud pedes DOMINI. Hi sunt omnes pœnitentes, qui habere ibi meruerunt veniam peccatorum omnium, & firmati sunt in pœnitentia vera.

Secunda turba stabat ad manus Salvatoris, accipientes singuli de manu DOMINI munera: hoc est, augmentum gratiæ.

Tertia turba excipiebat in os suum sanguinem & aquam scaturientem de latere Salvatoris, & inde reficiebantur. Isti sunt, qui in orationibus seu meditationibus hau-

hauriunt affectum amoris & lachrymas devotionis.

Illi de *quarta* turba omnes brachiis suis amplexabuntur Dominum, & sic ei semper adhæserunt, nec divellebantur aliquatenus ab eo. Hi sunt, qui Dominum amant in omnibus suis operibus, & complacentiam habent super omnibus ejus judiciis.

Isti de *quinta* turba recipiebant pacis osculum ab ore Salvatoris, & sic quiescebant. Isti sunt, qui interdum rapiuntur in extasim, & admittuntur ad osculum internæ contemplationis.

Cap. CCXXXIV.

De vilificatione hujus puellæ.

ANNO DOMINI MCCLXXXVIII. communicans Corpori & sanguini Salvatoris, facta est in spiritu, & repleta est magna consolatione divinitus, ita ut admiraretur, quòd ei tam indignæ & pauperculæ Dominus dignaretur tot & tanta consolationis suæ præstare beneficia. Ad hanc cogitationem intra se habuit responsum, quòd hoc faceret Dominus propter ejus humilitatem.

Hoc verò omnino illa renuit, in nullo se humilem reputans, sed vilem & omnino indignam,

Hoc

Hoc quidem semper inveni in ea, quòd mirabiliter ipsi viluit: & in omnibus donis DEI, quibus eam Dominus largiter cumulaverat, semper timuit, ne fortè eam Dominus judicaret graviter & puniret, quòd ejus dona tot & tanta perciperet indigna.

Cumque in anima reluctaretur illi responso de humilitate, ut supra dictum est, audivit vocem intra se dicentem: *Ad veram humilitatem quinque concurrunt.*

Primum est, ut omnium bonorum Dominum solum semper cognoscat homo largitorem, nihil sibi arrogans.

Secundum est, ut, cum omnia fecerit bona, qua potest, omnino reputet se inutilem, & modicum vel nihil fecisse.

Tertium est, ut semper suspicetur se defectuosum in gratia: & propter hoc semper magis & magis sitiatur & quarat gratiam DEI.

*
Locus mend.
in Cod.

*Quartum est, ut se corporaliter finis * in omnibus humiliter habeat.*

Quintum est, ut nunquam eum conscientia remordeat de verbo superbia vel cordis tumore.



Cap.

Cap. CCXXV.

Quinque modis partita est dilectio DEI.

INfra Purificationis Octavam infra Missam cogitavit de corpore DOMINI magna fide, & fervebat ad hoc salutare Sacramentum, & admiratione magna repleta est super tanta dignatione Salvatoris, & quasi seipsam in cogitatione reprehenderet, dixit: si verè diligerem, quanta ego dilectione ad ipsum deberem affici: Cumque hæc tacita secum loqueretur, accipit intra se Divinum responsum tale: *quinque modis partita est dilectio Dei.*

Primò ut propter amorem Dei quis caveat peccare.

Secundò ut ex amore Dei habeat quis complacentiam in Deo & delectamentum. Et in hoc amore assimilatur Deo.

Tertiò ut propter amorem Dei studeat quis verbo & exemplo ad adificationem proximi. Et hic amor respondet Salvatori, & ei vicissitudinem rependit, quia ex amore per passionem eum Deo Patri reconciliavit.

Quartò ut absque omni perturbatione, sed in pace cordis in Deo quiescat. Et ex hoc ipse in Deo & Deus in eo manet.

Quintò ut serveat desiderio post Deum.

Et

Et in hoc illam animam Deus coronat in misericordia & in miserationibus, hic videlicet oblectando spiritualibus consolationibus, & in futuro glorificando aternaliter.

*
Cod. quorum aliqui
&c.

*In hac revelatione multa persona sunt ei nominetenus specificata, quarum * aliqua habebant omnes has differentias amoris, aliqua quatuor, aliqua tres, aliqua duas.*


*
Cod. exterius,

*Dixit mihi, quod cum esset in hac revelatione, nihil omnino exterius corporaliter sensit, sed interius * inæstimabili delectatione spiritus replebatur, &c.*

Hoc qui scribebat, Ermenricus nomen habebat.

*
Sequentia
addita sunt
ab alia manu,
seculi
tamen XIV.

*Anno Domini MCCCXVIII. minùs tribus annis obiit hac Virgo in X. Kal. Maji, * Agnes Blannbekin, filia cujusdam rustici, & morabatur Vienna, & erat de confessione Minoris cujusdam sancti Fratris.*



POTHONIS

Presbyteri & Monachi
Prunveningensis
Ord. S. Ben.

LIBER
DE MIRACULIS
SANCTÆ DEI
GENITRICIS
MARIÆ.



Prologus in Miracula Sanctæ DEI Genitricis; semperque Virgi- nis MARIAE.

AD omnipotentis DEI laudem cùm sæpè recitantur miracula Sancto-
rum, quæ per eos egit divina po-
tentia, multò magis Sanctæ DEI Genitri-
cis Mariæ debent referri præconia, quæ
& * sunt omni melle dulciora. Ergo ad ^{Cod. Mellic.}
roborandas in ejus amorem mentes fide- ^{E. 81. quæ sunt.}
lium, & exercitanda corda pigritantium,
ea, quæ fideliter narrari audivimus, lar-
gente Domino recitare studeamus.

Incipiunt Miracula.

Cap. I.

De Hldefonso Episcopo Toletano.

FUIT in Toletana urbe quidam Archie-
piscopus, qui vocabatur Hldefonsus,

U 2

re-

religiosus valde, & bonis moribus ornatus, & inter cetera operum studia Sanctam DEI Genitricem Mariam multum diligebat, & ut poterat, omni reuerentiâ eam honorabat, in cujus laudem *volamen insigne de ejus sanctissima Virginitate* stilo eleganti composuit, quod & eidem Sanctæ DEI Genitrici complacuit, ut illi ipsum librum manu tenens appareret, & pro tali opere ei gratias referret.

Ille verò cupiens eam altius honorare constituit, ut celebraretur solemnitas ejus octavo die ante Festivitatem Dominici natalis, ita videlicet, ut si solemnitas annuntiationis Dominicæ circa passionem Domini, vel resurrectionem evenerit, in prædicta die sub eadem solemnitate congruè restitui possit. Quod sibi satis videbatur justum, ut prius Sanctæ DEI Genitricis ageretur festum, ex quâ Dominus homo natus venit in mundum. Quæ solemnitas Concilio confirmata per multarum celebratur Ecclesiarum loca. Ergo Sancta DEI Genitrix ei rursus apparuit sedens in cathedra, propè altare posita, & vestimentum Sacerdotale, quod nos albam vocamus, attulit ei, dicens illi: *Hoc vestimentum de paradiso DEI Filii mei attuli tibi, quò vestieris in Domini, & mea solemnitate, & in hac cathedra sedebis, quando te libuerit insidere. Sed scito certissime.*
quod

*quod præter te nemo in cathedra hac impune
sedebit, vel hoc vestimentum valebit in-
duere.*

*Quod si quis præsumpserit, Domino iudice
non carebit.*

His dictis Sancta Maria Virgo ab illo
recessit, eique vestimentum, quod attu-
lerat, reliquit. Quò ille valde reveren-
ter utens, in Domini, & Matris ejus ser-
vitio quotidie crescebat in boni operis
exercitio. Post hæc feliciter migravit ad
Dominum relinquens posteris ad hono-
randam DEI Genitricem pulcherrimum
exemplum.

Post cujus obitum quidam Clericus,
vocabulo Siagrius, jam prælibatæ Urbis
factus est Archiepiscopus, qui parvipen-
dens devotionem prædecessoris sui, imò
deceptus astutiis inimici in prædicta cā-
thedra contra prohibitionem Sanctæ Vir-
ginis Mariæ confedit, sacrumque vesti-
mentum induere volens dixit: *Sicuti ego
homo sum, & hominem scio fuisse prædecesso-
rem meum, quare ergo non vestiar eò, quò
induebatur vestimento, cum eodem, quò
ipse functus erat, fungar Præsularis officio?*
Hæc dicens illo sacro vestimento se induit,
sed Deo statim ulciscente præsumptionem
ejus in terram eodem vestimento acrius
constrictus, mortuus * cecidit.

Quod videntes illi, qui aderant ma-

U 3

gno

*
Cod. Mellic.
cit. omittit:
mortuus.

gno timore potestatem, sacrum vestimen-
tum, quod ille indignè acceperat, tuler-
unt, & in thesauro Ecclesiæ ubi hæc omnia
servatur, reposuerunt. Sic Sancta Dei
Genitrix beatum Hildefontem honoravit,
Siagrium verò pro sua præsumptione
morte multavit, ostendens, quia quis-
quis eam honoraverit, gratiam Dei suam-
que habebit.

Cap. II.

De Sacrista cujusdam Cœnobii.

IN quodam cœnobio erat quidam Mo-
nachus, Secretarii officio functus. Hic
erat valde lubricus, & demoniaco instinctu
alioquotiens urebatur libidinis æstibus. Ta-
men Sanctam Dei Genitricem non modicè
diligebar, & transiens sanctum ejus altare
dicendo *Ave Maria gratia plena, Dominus
tecum*, eam cum reverentia salutabat. Ad-
jacebat autem ipsi Cœnobio fluvius, quem
prædictus Frater transibat, quando ad ex-
plendam concupiscentiam suam perge-
bat. Quadam ergo nocte volens ire ad
scelus, alluetum coram Altare, ut solitus
erat, Sanctam Mariam salutavit, ac deinde
Ecclesiæ januas aperiens ad prædictum flu-
vium pervenit. Quem dum vellet tran-
sire a Diabolo impulsus in eundem ceci-
dit,

dit, & mox demersus ibidem interiit. Cuius animam mox rapuit multitudo Dæmonum, cupiens eam deferre in barathrum.

Sed pietate Domini affuerunt Angeli, si forte possent illi aliquid ferre solatii. Quibus venientibus dixerunt demones verbis mendacibus: Ut quid huc venistis? Nihil in hac animâ habetis, quoniam propter mala opera, quæ fecit, jure concessa est nobis. Ad hoc valde tristes Sancti Angeli, dum non sufficienter haberent, quod proferrent operis boni, ecce subito advenit Sancta DEI Genitrix, & libera auctoritate dixit demonibus illis: *Cur o nequissimi spiritus animam hanc rapuistis? Qui responderunt: quia invenimus consummasse vitam in operibus malis.* At contra illa: *falsa sunt, inquit, quæ profertis. Scio enim, quomodo alicubi pergens me salutando, à me licentiam accipiebat, & rediens similiter faciebat.* Quod si dixeritis, quia vim facimus vobis, ecce ponemus in iudicio summi regis.

Cumque ex his altercarentur, placuit. Altissimo Domino pro meritis suæ Sanctissimæ Matris, ut anima Fratris rediret ad corpus, quatenus poenitentiam ageret de suis reatibus. Interea advenit tempus, quo Fratres ad cantandos hymnos convocarentur.

In eodem hora fieret ad pulsandum fi-
 gnum, surgentes aliqui ex Fratribus Secord-
 carum prædictum quæsierunt: Et eum non
 invenissent, ad fluvium perexerunt, &
 eum jam demersum in aquâ reperierunt.
 Cujus corpus ab aquâ exorahentes mira-
 bantur cogitantes, qua occasione hoc ei
 contigisset. Cumque plura opinantes inter se fer-
 uocinarentur, ecce mirum in modum il-
 le frater exurgens à morte inter eos effi-
 git vivus, & narravit Fratribus, quæ con-
 tingerant sibi, & quomodo evaserit succur-
 rente Genitrice Dei.

Post hæc non solum illud vitium, quo
 delectari solebat, deseruit, sed etiam Do-
 mino, & Sanctæ Mariæ Matri ejus ferven-
 tius servivit, & in bonis actibus vitam
 suam consummans, in pace animam red-
 didit.

Cap. III.

De quodam Clerico Carnotensis Civitatis.

Quidam Clericus in Carnotensi Civi-
 tate degebat, qui levis erat moribus,
 & curis sæculi deditus, carnalibus deside-
 riis etiam ultra modum subjectus: hic ta-
 men Sanctam DEI Genitricem nimis in
 memoria habebat, & eam sæpissimè an-
 ge-

gelosa salutatione salutabat. Qui dum, ut
 -tactus, ab inimicis suis peremptus esset,
 -fuerat cum irreligiosam vitam duxisset,
 -decreverunt eum extra cimiterium ^{sed} se-
 -peliri debere, quod etiam ita fecerunt. ^{cod. Moll.}
 -Nam extra atrium, non in talem virum ^{extra civi-}
 -indebatur, sepelire. ^{tatem sepel.} Et dum illic per
 dies triginta jacuisset, Sancta Maria illius
 -miserta, apparuit cuidam Gletico dicens
 -leu, cur ita injustè egistis erga meum cancel-
 -larium, ut poneretis eum extra vestram ci-
 -meterium? Cui interroganti, quisnam esset
 -illo Cancellarius: ille, inquit Sancta Vir-
 -go, qui ante dies triginta à vobis est tumu-
 -latus extra atrium.
 -O Nam mihi devotissimè serviebat, & coram
 -meo altari meo sepius salutabat. Citiùs er-
 -go pergit, & eum de indecenti loco auferen-
 -tes, in atria reponite.

Hac cum dixisset, vehementer admi-
 rantes tumulum ejus aperuerunt, flo-
 remque pulcherrimum in ore ejus inve-
 -perunt, & linguam ejus integram, & sa-
 nam quasi ad laudandum Dominum pa-
 ratam.

-ivi Intellexerunt itaque cuncti, qui ade-
 -rant, propterea hoc ei accidisse, quia DEI
 -Gentricem ex suo ore dilexit: quod sibi
 -valde placuit. Et relato corpore ejus ad
 -cimiterium, cum Domini laudibus de-
 -center eum sepelierunt. Quod non fo-

lum pro illo ; sed etiam pro nobis credamus hoc fecisse Sanctam DEI Genitricem, quatenus omnes hoc audientes accendantur in Domini & ejus amorem.

Cap. IV.

Item de alio Clerico.

Alter quoque Clericus in quodam loco commorabatur, qui & ipse Deo & ejus almæ Genitrici satis erat devotus : qui inter cetera bonorum actuum studia, quibus placere eidem Genitrici curabat, hanc antiphonam in ejus honorem devota mente sæpe decantabat : *Gaude Dei Genitrix Virgo immaculata. Gaude, quæ gaudium ab Angelo suscepisti. Gaude, quæ genuisti æterni luminis claritatem. Gaude Mater, Gaude Sancta Dei Genitrix Virgo. Tu sola Mater innupta, te laudat omnis factura Genitricem lucis. Sis pro nobis, quæ sumus, perpetua interventrix.*

In hac autem Antiphona Sanctæ DEI Genitrici à Christi Ecclesia quinquies gaudium prædicatur, quia gladius enormis doloris ejus animam pertransiit, quando unigenitus Filius ejus Dominus noster Jesus Christus in cruce pro salute humani generis positus, quinque vulnera in corpore suo sustinuit, ut per eadem totius Mundi

di.

dilueret crimina, à quinque sensibus humani generis commissa. Nempe propter hæc benedicta vulnera etiam à Spiritu Sancto in fine Psalmorum jam olim quinque illi versus sunt editi, in quibus undecies Dominum laudare jubemur, quatenus per hanc laudem veniam transgressionis divinæ legis mereamur.

Sed ut ad narrationis ordinem redeamus, prædictus Clericus, cum languore correptus ad extrema pervenisset, cœpit anxius, & pavore nimio perturbari. Cui apparuit Sancta Maria Virgo, dixitque ei: *Cur tanto timore trepidas, qui totiens gaudium mihi annuntiasti? Ne paveas, quoniam nihil mali patieris, sed gaudii, quod mihi sæpe præcinebas, modo mecum particeps eris.*

Audiens hoc ille putavit se sanitati restitutum, & dum se cum lætitiâ erigere vellet, anima ejus è corpore egrediens paradisi gaudia petiit, ubi, sicut ei promiserat Sancta DEI genitrix, lætabitur per æterna sæcula. Ergo pensandum est, quantum debeat mente retineri, quæ sibi servientibus non desinit auxiliari.

Cap. V.

De quodam Viro Paupere.

Vir quidam pauper degebat in quadam villa, qui, cum egeret stipe quotidiana,

na, per plura loca pergebat, & tam ex largitione bonorum Virorum, quam ex labore manuum suarum victum acquirerebat. (Hic) ita Sanctam Dei Genitricem Mariam, prout poterat & sciebat, ex toto corde suo honorabat, ut etiam de elemosynis, quæ ei dabantur, pro ejus amore aliis pauperibus sapissimè largiretur. Hic ergo, cum moreretur, cœpit deprecari Sanctam Dei Genitricem, ut ei misereri dignaretur, & precibus suis ei felicitatem paradisi largiretur. Tunc Sancta Maria, Mater misericordiae, ei assistens dixit: *Veni, & sicut peristi, perfruaris requie paradisi.* Hanc vocem audierunt multi, qui in illa domo erant, quod & mox effectus ostendit. Denique statim anima ejus egressa à corpore perducta est ab Angelis in paradysum, & sicut ei promiserat Sancta Dei Genitrix, laetatur cum justis sine fine.

Cap. VI.

Item de quodam fure.

Sicut exposuit Beatus Gregorius Papa de septem stellis Pleiadibus, quod se quidem non contingunt, & tamen lucis suæ radium pariter ostendunt: Sic plures in Mundo religiosi viri diversis extiterunt temporibus, qui Domino, & ejus Sanctissimæ

simæ Genitrici simili devotione in una ca-
desseque virtute placere studuerant. Quos
alii militantes meritis multò inferiores, me-
ritis ejusdem Sanctæ Virginis sapius crepu-
fuit à poënis tam animæ, quàm corporis.
Unde nulli sit onerosum, quod referimus
diversis non dissimile miraculum.

Erat quidam, qui vocabatur Eppo, mul-
tociens res alienas rapiebat, aliorumque
substantiis furtim ablatis tam se, quàm
suas alebat. Attamen Sanctam Domini
Matrem venerabatur ex corde, quàm-
ctiam, dum ad latrocinandum pergebat,
exorando salutabat devotissime.

Contigit quadam die, dum quadam
foraretur, ut subito pervasus ab inimicis
suis comprehenderetur. Qui dum se a-
reatu purgare nequireret, iudiciò arbitrum
decretum, ut laqueo appensus vitam fi-
niret.

Ductus est namque ad laqueum, & su-
spensus est absque mora.

Cumque eo suspenso jam pedes ejus
in aëre penderent, ecce Sancta Dei Geni-
trix in auxilium ei veniens per biduum, ut
sibi videbatur, suis sanctis manibus susten-
tavit, nec aliquam læsionem pati permi-
sit.

Illi verò, qui eum suspenderant, cum
ad locum, unde paulò ante discesserant,
ubi pendebat, rediit, & vidissent eum

viventem & vultu hilari quasi nihil mali patientem, putaverunt eum non plene saqueo innexum, & protinus accedentes guttur ejus, dum transfigere vellent, Sancta Virgo manus suas gutturi ejus apposuit, nec transfigi permisit. Cognoscentes verò illi eo referente, quod Sancta Maria ei auxiliaretur, valde mirati sunt, & dimiserunt eum pro amore Dei. Quia abiens factus est Monachus, qui postea quoad vixit, servivit Domino, & Sanctissimæ Matri ejus.

Cap. VII.

De quodam Fratre Colonienfi.

IN Monasterio S. Petri, quod est apud Coloniam Urbem, erat quidam Frater, cujus vita, & mores nimis ab habitu Monachi discrepabant.

Nam leviter se agens in pluribus actibus suis, etiam filium contra propositum Monachi habebat, & saculari actu se in multis tradiderat. Hic aliquando pro corporis salute cum Fratribus portionem accipiens, irruente languore nimis afflictus sine confessione, vel Christi Corporis sacra communione repente est defunctus. Cujus anima mox ab antiquo hoste arrepta ducebatur ad infernalium claustra. Quod

cer-

cernens S. Petrus, cujus erat Monachus, accessit ad benignum Dominum, & pro anima Fratris deprecabatur.

Cui DOMINUS: Ignoras Petre, quod *Propheta me inspirante dixerit: Domine qui habitabit in tabernaculo tuo, aut quis requiescat in monte sancto tuo? Subjiciens: qui ingreditur sine macula, & operatur justitiam? Quomodo hic potest salvus fieri, cum neque sine macula sit ingressus, nec justitiam sit operatus?* Hæc audiens Sanctus Petrus iterum Sanctos Angelos, & deinde singulos ordines sanctorum precatus est, ut orarent pro animâ Fratris. Quibus singulis se deprecantibus, ea, quæ supra retulimus, respondit Dominus.

Novissimè venit ad Sanctam Dei Genitricem, cæterasque Sanctas Virgines, sciens illarum citissimè exaudiri preces. Ob quam rem, cum surrexisset Sancta Dei Genitrix, precata suum Filium cum Sanctis Virginibus statim assurrexit eis Christus, & dixit suæ Sanctæ Matri, cæterisque Virginibus: *Quid à me poscis dulcissima Mater cum meis charissimis sororibus?* Cui cum Sancta Virgo respondisset, quod pro animâ Fratris pulsaret, Salvator Mundi ait illi: *Licet per Prophetam dixerim neminem posse in meo tabernaculo habitare, nisi qui sine macula ingreditur & operatur justitiam: tamen quia tibi placet, ut indulgentiam consequatur.*

con-

concedo, ut anima ejus ad corpus revertatur, ut de malis actibus penitentiam agat, & tandem requie perfruatur.

Hæc ut S. Dei Genitrix S. Petro innouit, confestim S. Petrus magna clave, quam tenebat manu, Diabolum terrenis in fugam convertit, & animam Fratris, quam tenebat, eripuit. Quam duobus speciosis pueris commendavit, & ipsi nihilominus, ut reduceret ad corpus, commendaverunt eum cuidam Fratri, qui fuerat Monachus præfati monasterii.

Qui reducens eam rogavit quasi pro mercede, ut singulis diebus pro eo diceret *miserere mei Deus*, & persæpe mundaret corporis sepulchrum.

At frater ille de morte resurgens, quæ sibi contigerant, vel quæ viderat, narravit, & quomodo à Diaboli potestate fuisset ereptus suffragiis Sanctæ DEI Genitricis, atque S. Petri Apostoli.

Sanè si hoc, quod narravimus, miraculum alicui videtur incredibile, cogitet, quantum possit Sancta Dei Genitrix super omnes ordines sanctorum apud Filium suum, cœli & terræ Regem & Dominum, & deponat omne incredulitatis ambiguum.

Si verò objicit de clave Sancti Petri, quæ terruit inimicum, meminerit, quia incorporalia corporeis nisi per corporalia

nar-

narrari non possunt. Veruntamen Dominus nihil est impossibile: Cui est gloria, & benedictio in sæcula sæculorum Amen.

Cap. VIII.

De quodam peregrino.

NEC hoc filere debemus, quod beata memoria Dominus Hugo Abbas Cluniacensis solebat narrare de quodam Fratře sui monasterii, qui dicebatur Giraldus, qui dum adhuc laicus esset, desiderabat ad Sancti Jacobi limina pergere. Paratis itaque itineri necessariis sub luce diei, quā iter aggredi debebat cum focis, cum sua conjuge dormivit, devictus voluptate carnis.

Cumque paululum in itinere cum focis suis processisset, antiquus eum hostis decipere cupiens, qui aliquando transfigurat se in Angelum lucis, in similitudine Sancti Jacobi Apostoli se ostendens dixit ei: Scias, quoniam pro malis operibus, quæ gessisti, jam non potes salutem consequi, nisi feceris, quæ dixerō tibi. Abscinde ergo primum tua genitalia membra, & deinde interfice temetipsum, & ob hoc habebis à Domino præmium sempiternum.

At ille putans veraciter eum esse Sanctum

Etum Jacobum, qui talia juberet, arrepto ferro membra virilia abscidit, ac postea per guttur ferrum trahens semetipsum ad mortem vulneravit. Quem jam morti proximum audientes socii ejus, & extremum jam spiritum vix trahentem, ut viderent eum sanguine cruentatum, cuncti cum fugierunt, metuentes, ne forte dicerentur vel cupiditate pecunia, vel aliqua occasione peremisse illum.

Porro cum fuisset defunctus, rapuit animam ejus hostis antiquus, qui eum deceperat, cum suis satellitibus, ac se ita prædam cepisse non modice gavisus est. Nutu vero DOMINI dum transiret secus Ecclesiam Sancti Petri, venit eis obviam S. Jacobus assumptus secum Sancto Petro, & dixit demoniacæ cohorti: cur cumitis animam peregrini mei? Illi vero cum proferrent, quidquid mali poterant, & quod ad extremum se peremisset, dixit eis S. Jacobus Apostolus: Sciatis verè, quia non gaudebitis de illius perditione. Nam sub mei specie decepistis eum, & hoc, quod fecit, quasi mihi obediens simpliciter egit.

Quod si contra hoc reluctamini, eamus ad judicium Sanctæ DEI Genitricis Mariæ.

Igitur cum ante eandem Sanctam Dei Matrem venissent, & quod de hac re sibi pla-

placere, inquirerent; ipsa Virgo Sancta plena pietate iudicavit animam debere ad corpus reverti, ut de malis, quæ gesserat, posset poenitendo purgari. Sic itaque meritis Sanctæ Mariæ Virginis, & Sancti Jacobi Apostoli anima ad corpus regressa est.

Homo itaque reviviscens invenit se sanum, & tantummodo cicatricem pro testimonio remansisse ubi guttur fuerat vulnueratum.

Porro virilia membra, quæ sibi demperat, non sunt sibi restituta, præter unum foramen parvum, per quod urinam projiciebat exigente naturâ. Hic denique Monachus in supradicto Monasterio Cluniacensi factus, multis diebus super vixit devotus in servicio DEI.

Cap. IX.

De quodam Presbytero.

Sacerdos quidam erat parochiæ cujusdam devotè Domino serviens, ac honestè vivens, & optimis studiis præditus, sed litterarum scientia non plene imbutus. Etenim unam tantum Missam sciebat, quam devotissimè in honorem DOMINI, & sanctissimæ Genitricis ejus omnibus penè diebus decantabat. Est

autem Missæ ipsius Introitus: *Salve sancta parens.*

Ob hoc à Clericis apud Episcopum accusatus est, & eodem iubente coram adductus. Quem corripiciens Episcopus interrogabat, si verum esset, quod de eo audierat? Qui respondit ei, verum esse, & se aliam Missam nec scire, nec dicere. Ad hoc Episcopus furore commotus, dicens eum seductorem hominum esse, officio Missæ privavit.

Reversus verò Presbyter ad domum suam tristabatur propter Missæ privationem.

Nocte autem sequenti apparuit sancta DEI Genitrix Episcopo in visione, dicens ei aliquantulum severa voce: *Ut quid ita Cancellarium meum tractasti, ut prohiberes servitium Domini & meum ab eo fieri? Pro certo ergo noveris, quia nisi citius, ut agat divinum officium sicut solet, jusseris, die tricesimo morieris.*

Hac visione tremefactus Episcopus surrexit concitus, & mittens ad Presbyterum mandavit, ut ad se veniret quantocius.

Qui dum venisset, Episcopus ad pedes ejus procidit, ut sibi indulgeret humiliter poposcit. Deinde præcepit, ut nunquam alteram Missam cantaret, nisi eam,

eam, quam de Sancta Maria cantare solitus erat.

Ex tunc vero Presbyterum magnifice honorabat, quem etiam pro DEI amore, & sanctæ genitricis quamdiu vixit, & vestivit, & aluit. Sic Beata DEI Genitrix Sacerdotem sibi servientem ab injuria protegens, quæ necessaria erant, præberi fecit, & postea defunctum ad vitam æternam suis meritis introduxit.

Cap. X.

De duobus Fratribus.

ERANT duo Fratres in urbe Roma, quorum unus vocabatur Petrus, admodum prudens & strenuus Ecclesiæ Sancti Petri Archidiaconus, sed avarus, alter vero Stephanus, qui iudex in eadem urbe constitutus sæpè munera accipiendo iudicium pervertebat, & aliis debita non reddendo, aliis sua auferendo multos injustè judicabat. Nam etiam tres domos Ecclesiæ Sancti Laurentii, & Sanctæ Agnæ horum unum injustè habuit.

Accidit autem, ut Frater ejus Petrus moreretur, & in pœnas purgatorias in suis culpis duceretur. Post paucos quoque dies defunctus est Stephanus, & ad iudicium DOMINI perductus. Quem

cernens Sanctus Laurentius, qui tres de-
mos subtraxerat, quasi cum indignatione
approximans ei, certio brachium ejus ar-
ctius strinxit, & non minimo dolore cru-
ciavit.

Sancta quoque Agnes cum suis virgi-
nibus pro horro sibi subtrahito faciem suam
avertit ab eo. Tunc Dominus, coeli &
terra, qui est iudex justus, dans iudicium
super eum dixit: *Quoniam multos inter aliena
abstulit, & munera accipiendo, prave iudicans
veritatem vendidit, dignum est, ut loco Jude
traditoris debeat poni.*

Quid plura? Sine mora impletur iudi-
cium DOMINI.

At vero Stephanus, dum adhuc vive-
ret, valde diligebat Sanctum Projectam
Episcopum & Martyrem, & singulis annis
Clericos pascendo, & multas elemosynas
pauperibus erogando, honeste agebat ejus
solennitatem. Dixerat ergo Sancto Pro-
jecto: *Sancte Projecte, cur non succurris Ste-
phano, qui tam devotus extitit in tuo servi-
tio?* Accede ergo confidenter ad miseri-
cordem & benignum Dominum, ut sua
potenti pietate largiatur ei aliquod reme-
dium.

Tunc S. Projectus primò accedens ad
S. Laurentium, & ad Sanctam Agnetem,
in quos ille deliquerat, precabatur, ut ei

ve-

veniam darent. Illi verò pro ejus amore
indulserunt.

-16 Deinde exoravit Dominum pro eo,
& cooperante Sancta DEI Genitrice Ma-
ria mox obtinuit ut anima ejus rediret ad
corpus, quatenus, quod rapuerat, redde-
ret, & de peccatis suis pœnitentiam ageret
vivens triginta diebus.

Interca dum duceretur idem Stepha-
nus ad locum Judæ traditoris, ut judica-
verat Dominus, audivit à longe quasi vo-
ces plangentium animarum in pœnis po-
sitarum, inter quas agnovit Petrum Fra-
trem suum, ad quem approximans dixit:
quomodo Frater in pœnas istas adductus
es, quem virum justum putabamus? At
ille, deo, inquit, sum huc adductus,
quoquam aliquantulum fui avarus. Cui
Stephanus: speras, ait, ultra consequi sa-
lutem? Cui ille: spero, inquit, quoniam
etsi fui avarus, tamen bona multa erga
ecclesias facere studui. Et si Dominus
Apostolicus pro me Missam cantaret cum
suis Cardinalibus, largiente Domino con-
sequeretur veniam, & solveret ab his, quas
patior pœnis. Post hæc dum Stephanus
Domino judicante, ut supra dictum est,
in locum, ubi Judas torquebatur, qui erat
quasi puteus clavis acutis circumquaque
præfixus, mersus fuisset, venit jussio
Omnipotentis DOMINI, ut anima ejus

rediret ad corpus. Reductus ergo, cum
venisset ante Sanctam DEI Genitricem
Virginem Mariam, iussit ei ipsa Virgo
piissima, ut singulis diebus vitæ suæ can-
taret Psalmum: *Beati immaculati*. Ergo
revixit Stephanus, & quæ sibi consige-
rant, narravit Apostolico, & his, qui cum
eo erant: & quæ audierat à fratre suo Pe-
tro, & ostendit ei etiam brachium suum,
quod constrinxerat S. Laurentius, quod
mirum in modum ita lividum erat, ac si
vivens in corpore hoc fuisset passus. Ad-
didit etiam: in hoc sciatis, quoniam ve-
ra sunt ista, quæ refero vobis, dum mori vi-
deritis ex hac vita migrare triginta diebus
transactis.

His verbis fidem faciens audientibus
quod injustè abstulerat, reddidit. Post
de peracta de reatibus poenitentia trice-
sima Die feliciter à sæculo migravit.

Cap. XI.

De quodam rustico.

ERat quidam vir sæcularis, rurali ope-
ri deditus, & aliis mundanis curis oc-
cupatus, qui dum multis pravis actibus
esset intentus, etiam dum terram suam exa-
raret, quantum poterat terræ, vicinis suis
subripiebat, & metas suas transgrediens,

ju-

jugiter suis terram aliorum furtim sociabat: tamen Sanctam DEI Genitricem sæpius in mente habebat, & plerumque eam, sicut de quibusdam supra scripsimus, sicut sciebat, devote salutabat. Itaque ergo, cum esset defunctus, conveniunt daemones animam ejus rapere confidenter.

Affuerunt etiam Angeli, qui cum proferrent pauca bona ab ipso facta, coeperunt daemones econtra proferre innumera mala.

Cumque ob hoc exultantes putarent se vicisse, intulit unus ex Angelis, quod cum devotione solitus esset salutare Sanctam DEI Genitricem. Hæc audientes spiritus immundi confestim relicta animâ recesserunt confusi. Sicque factum est, ut illa anima erepta ab adversariorum potestate perpetuam damnationem evaderet largiente Domino per suæ Sanctæ Genitricis merita.

Cap. XII.

De quodam Priore.

Apod civitatem, quæ vocatur Papia, in monasterio Sancti Salvatoris fuit quidam Monachus, qui erat Prior ipsius monasterii constitutus.

Hic levis in eloquio erat, & pravis moribus, malisque actibus deditus erat, sed tamen, quamvis ita videretur irreligiosus, Sanctam Mariam Matrem Domini non parum diligens singulis horis laudes DOMINI Matrisque ejus canebat, & dum eas caneret semper stabat, nec ullatenus sedere volebat. Expleto denique vitæ suæ termino, defunctus, ac sepultus est.

Post anni verò circulum apparuit cuidam Secretario monasterii, qui vocabatur Humbertus. Is autem Humbertus, ut mos est Secretariis, ante matutinos Hymnos surrexerat quadam nocte, & lampadum lumina refovebat, stans ante altare. Et ecce, præfatus defunctus Frater coepit eum vocare aperta voce: Frater Humberte, Frater Humberte. At ille hoc audiens valde perterritus est, & ignorans, quid hoc sibi vellet, ad privatas mansiones, quæ erant in domo inferiorum, quoniam viciniore erat monasterio, accurrit. Ibi quoque defunctus Frater coepit clamare: Frater Humberte, Frater Humberte.

Ille autem non ausus est ei respondere, sed ad stratum suum cum timore recessit. Et cum obdormisset, astitit ei ille Frater memoratus, & dixit ei: Quare dum te vocarem, respondere noluisti? Quem ille

re-

recognoscens requisivit dicens: quomodo habes Frater? Respondit ille: Usque nunc male fui exilium passus in regione quadam. Ubi dum degerem multis tribulationibus oppressus, accidit, ut transiret per locum illum Regina Veneranda, magni Regis potentissima, cui, dum viverem, solitus eram singulis horis angelica ferre nuntia. Quæ videns me agnovit, & inde educens me secum abduxit, & in locum bonum misit. Hoc audiens ille Frater Humbertus ceteris Fratribus innotuit, quod defunctus, sicut ille referebat, per Sanctam DEI Genitricem supplicium evaserit.

Unde colligitur quantam spem evadendi totius periculi possint percipere, si qui devotè dulcissimas horas tam clementissimæ Domine jugiter personantes studuerint servire. Ipse autem Humbertus, postquam hoc vidit & enarravit, inter paucos dies defunctus est.

Cap. XIII.

De quodam Clerico.

IN supradicta civitate Papia fuit quidam Clericus, qui dicebatur Jeronimus, morum probitate decoratus, qui Sanctæ DEI Genitrici valde studebat placere vel salutando,

rando, vel ejus horas canendo, vel etiam multis modis servitium agendo.

Accidit autem ut civitatis ejusdem Antistes obiret & Ecclesia sine rectore remaneret. Quamobrem collecti Clerici cum senioribus urbis statuerunt triduum jejunium celebrari, ut ostenderet Dominus, quem vellet Episcopum fieri. Interea SANCTAE DEI Genitrix cuidam viro sancto apparuit, eique dixit: *Vade, & dic populo, ut meum accipiant Cancellarium; & constituant sibi eum Episcopum.*

At ille, dum percontaretur, quis ejus esset Cancellarius? Respondit, hunc esse, qui vocatur Jeronimus. Quique esset in suo Dominique servitio die ac nocte strenuus. Evigilans ille narravit hoc senioribus urbis, qui requirentes ipsum Jeronimum cum magno honore fecerunt ordinari Episcopum. Sicque idem Jeronimus favente DEI Genitrice Maria Episcopali honore sublimatus, in DEI servitio & ipsius Genitricis omnibus diebus vitæ suæ studuit servire. Et post hoc feliciter obiens ad caelestia regna migravit.

Cap. XIV.

Item de alio Clerico.

SANCTI Michaelis Archangeli nomine consecrata est quædam Ecclesia, quæ Chlu-

Chiusa ab incolis est nominata, ubi degit multitudo Monachorum sub regula Domini A. servientium. Porro in regione illa habetur vinum, quod quasi sanguis valde est rubicundum, de quo vino Missam cantari consuetudo est ipsius Ecclesiæ. Cavent enim de claro vino Missam cantare, ne fortè negligentia contingat pro vino aquam offerre, quæ plerumque decipit similitudinis specie. Illud verò vinum, quod est sanguinei coloris tantæ est virtutis, ut si effundatur supra aliquod lintamen, ita ejus inficiatur colore, ut jam aboleri non queat ulla ablutione. Habentur quoque in præfata Ecclesia capsulæ, intrinsecus panno lineo circumseptæ, unde corporalia post Evangelium accipiuntur, dum Missa cantatur, & ea peracta ibidem reponuntur.

Erat etiam in ipsa ecclesia quidam juvenis, nomine Anshelmus, Sanctæ DEI Genitricis servitio tota mente deditus. Hic, dum quadam die Missa celebraretur, functus officio servitoris, ablata corporali palla de capsula post Evangelium, ut moris erat, casu effudit vinum, de quo Missa cantari debuerat, intra capsulam, & statim linteolum, quod intrinsecus erat, ita intinctum est vino, quòd, ut diximus, fieret rubei coloris, quasi esset sanguine infectum.

Hoc

Hoc eventum ipse juvenis valde perturbatus ignorabat quid ageret, præsertim in conventu Fratrum positus. Neque enim suppetebat hora, ut posset quoque modo ablui, & si ablueretur, non citius posset exsiccari.

Itaque cantato *Sanctus*, ut mos est, post præfationem Missæ, toto corde convertit se ad Sanctam DEI Genitricem, exorans, sicut ei placeret, de hac re sibi daret consolationem. Oratione vero peracta, antequam Sacerdos diceret Dominicam orationem, respiciens juvenis in capsulam, vidit lintheolum, quod infusione vini paulo ante colore sanguineo fuerat tinctum, præfectum candidum, ut nulla unquam candidatrix aliqua ablutione, vel canditione sic posset efficere fulgidum. Quod præfatus juvenis cernens gavisus est gaudio magno, & ex tunc ardentius Sanctam DEI Genitricem dilexit, totoque ei animo servivit, omnesque, quos potuit, in ejus amorem succendit. Hoc vero miraculum, dum à fratribus fuisset cognitum, cum grandi lætitia Dominum, & S. Mariam magnis laudibus, ut decet, pro tam re glorificaverunt, & ei deinceps devotius servierunt.

Cap. XV.

De Imagine S. Mariæ.

Est autem quædam Ecclesia in honorem S. Michaelis constituta in monte, qui dicitur Tumba in periculo maris. In hac Monachorum multitudo sub regulari institutione famulabatur Domino. Contigit autem quodam tempore, ut succendebatur ipsa ecclesia divino iudicio, fulgure de celo in ea cadente. Erat autem ibi imago quædam decenter ex ligno fabricata in sanctæ DEI Genitricis Mariæ veneratione habens super caput suum in modum mitræ candidum velamen. Igitur cum pervenisset ignis ad locum, ubi erat imago illa, omnia, quæ circa erant, combussit, ipsam vero imaginem quasi expavescens omnino intactam reliquit, ita etiam ut velamen candidum, quod capite gestabat, odore fumi non valeret aliquatenus obscurari. Evasisse etiam ab igne una scopa de pennis pavonis, quoniam erat innixa ipsi imagini,

Digna prorsus ostensio miraculi fuit, quia illius imaginem tangere non valuit, quæ corpore & mente Virgo permanens carnis concupiscentiam nullatenus scivit. Sic Sancta DEI Genitrix imaginem suam, ut diximus, ab igne defendit, ostendens;

.q50

quod

quod sibi servientes ab igne inferni liberare facillimè possit.

Cap. XVI.

De quodam Clerico.

IN territorio civitatis, quæ dicitur Pisa, erat quidam Clericus, ecclesiæ S. Cassiani Canonicus. Hic sicut de pluribus retulimus, Sanctæ Virgini Mariæ, Mundi Reginae servitium devota mente reddebat, horasque diei, quæ tunc temporis a paucissimis dicebantur, in ejus honorem sedule decantabat. Cujus genitores cum morte interveniente ex hac luce migrassent, quoniam valde nobiles, & divites fuerant, dimiserunt ei magnam hæreditatem, & præter illum nullum alium habebant hæredem. Venientes autem ad eum amici ejus insistebant, ut rediret ad domum, quam parentes ei reliquerant, & uxorem ducens gubernaret suam familiam & hæreditatem. Qui præbens ei assensum cum illis abiit, ut veniens ad possessionem patrum suorum duceret uxorem. Inter hæc vero cœpit segnior esse in servitio, quod solebat reddere S. Mariæ.

Quadam die cum ad celebrandas nuptias conjugis, quam sibi elegerat, tenderet, in itinere devenit ad quandam ecclesiam,

stant, & recordatus fervitii soliti S. Mariæ, rogavit socios, ut se paululum expectarent, dicens se velle in Ecclesiam orandi gratiâ pergere. Cumque focii ejus admonerent eum, ut acceleraret, nequaquam inde gressum movere voluit, donec omnes horas S. Mariæ cœpit intenta mente cantare.

Adhuc eo in Ecclesia persistente, apparuit ei S. DEI Genitrix Virgo Maria dicens ei severa voce: O iniquissime, & stultissime! Cur me dereliquisti, cum tua amica essem, & declinasti in alterius amorem? Nunquid alteram invenisti me meliorem? Moneo te, ne dimittas me, nec me contempta conjugem ducas. His nimis ille perterritus verbis ad socios rediit, & simulans se veraciter uxorem ducere velle, ex more nuptias celebravit cum grandi gloriâ. Nocte verò sequenti ingressus cubiculum, quasi cum uxore pausaturus, cunctis ignorantibus clâm domum egressus, tam uxorem, quam cuncta, quæ habere poterat, reliquit, &, ut creditur, locum DOMINI servitio & ejus Sanctæ Genitrici aptum, quærens, quò abierit, vel quomodo vitæ cursum peregerit, hæcenus nullus scire potuit. Nemo tamen ambigere debet, quin ipse Sanctæ Cœli Regina sit protectus munimine usque in finem, pro qua ipsa hortante totum Mundum studuit relinquere DOMINO

opitulante, cui est gloria sine fine
Amen.

Cap. XVII.

De quodam milite.

Miraculum me referre non piget, mini-
mum quidem, quantum ad grande
Sancta DEI Genitricis meritum, sed ta-
men & magna, & minima referri miracula
ad laudem ejus cumulandam nulli debet
esse onerosum, quæ est refugium misero-
rum, & recuperatio perditorum. Qua-
dam mulier, nomine Mericeldis, cujusdam
militis conjunx, vocabulo Rogerii, filii
Wimundi, manens propè Fiscannum, vi-
dit quadam nocte in somnis se portare
quoddam vexillum, quod colore sangui-
neo erat tinctum. Hoc autem vidit, cum
esset gravida pignore filii, quem postea
habuit. Evigilans itaque à somno sensum
perdidit continuo, & cœpit aliena loqui
valde mirante viro suo. Post paululum
autem videbatur sibi Christianam fidem,
quam hactenus habuerat, inter mamillas
suas esse, & inde denuo exire. Sic ludifi-
cabat eam Diabolus, cujus animam venari
cupiebat.

Amici igitur ejus consternati magno
timore pro tanto infortunio, quod vide-
bant ei accidisse, assumptes eam duxerunt

per loca Sanctorum, si fortè obtinerent ei sanitatis gaudium. Pernoctavit etiam in Ecclesia S. Trinitatis, in qua adorat tribus in Personis unus Deus. Sed necdum voluit ei tribuere sanitatem, quia salutis ejus donum reservatum fuerat Sanctæ Regine cœli, Beatæ DEI Genitrici. Post hæc benedicta est aqua, à pluribus Presbyteris multis exorcismis adjurata, multis benedictionibus roborata, in qua dum fuisset immersa, ita est de infirmitate deterior facta, ut multò magis laboraret magna infantiâ capitis. Peraçto autem anni circulo, postquam in infirmitatem deciderat, appropinquante solemnitate Purificationis Sanctæ Mariæ perducta est ad Ecclesiam, in honorem ipsius Sanctæ DEI Genitricis MARIÆ conditam, quæ in medio grandis sylvæ olim, ut ferrur, constructa à Græcis. Dissimilis enim valde [est] aliis Ecclesiis, satis congrua ad habitandum Eremitis. Ibi ergo cum pernoctasset in jam dicta solemnitate, meritis ejusdem Sanctæ DEI Genitricis ita sana effecta est, ac si nunquam aliquid mali habuisset. Nam & sensus, quem amiserat, ex integro ei rediit, & sanitas capitis plenissimè recuperata est.

Unde tam ipsa quàm vir ejus, & cæteri amici ejus laudem retulerunt Domino & Sanctæ DEI Genitrici.

Nunc itaque Charissimi, deprecemur piissimam Matrem Domini nostri JESU

Christi, ut nobis peccatoribus tam præclara ejus merita ex animo venerantibus dignetur obtinere criminum omnium veniam, quæ in prædictis miraculis multis servis suis efficacem ostendit misericordiam. Adsit nobis ipsa in omnibus vitæ nostræ periculis protectrix, omnibusque suum dulcissimum nomen invocantibus: illa, quæ est Mater misericordiæ, sit in hora exitus nostri festina auxiliatrix, & in die Judicii contra omnes impetus inimici potentissima defensatrix, præstante Domino nostro Jesu Christo.

Cap. XVIII.

De quodam infirmo.

SACROSANCTA S. Mariæ DEI Matris præconia quæ referre pronis intentionibus non arrogantia temeritatibus, & licentiosis præsumptionibus [proposui,] sponsa Christi Catholica suscipiat Ecclesia, percujus misericordissima, & gloriosa patrocinia Filius suus, Dominus noster JESUS Christus, infirmorum languoribus præstat remedia.

Cum diversis gentibus, & plurimis nationibus innumerabilium locorum in urbe Vivaria gratiâ sanitatis recuperanda, Beatæ Virginis Mariæ basilica frequenter,

ret, & medela sanitatis à Christo JESU per suae Matris sancta suffragia quam pluribus impertiretur, fortuito quidam languidus & ardens uno pede ad ecclesiam praedictam advenit, qui sanitatis promerenda gratiam toto conatu mentis efflagitare cupiebat. Cumque per plurimorum dierum circulum diutius ibi moraretur, nec sui desiderii magnum quid, vel modicum impetrasset, pedem ardentem à cruce separavit: quia maluit eo carere, quam omnibus vitae suae diebus in ardoris languore sic esse.

Post non multum verò temporis cum praedictus infirmus in Ecclesia Beatae Mariae semper Virginis esset, & pra tristitia lacrymaretur, lacrymans conquereretur, conquerendo piam Matrem deprecaretur, peprecando voce lacrymabili verbis subscriptis usus est: *ô Domina piissima, perennis Virgo Maria, cur ego solus homuncio confidens in tuo patrocinio à te Matre misericordiarum dejectus sum? Alii gratiam sanitatis promeruerunt, & ego solus abjectus sum? Heu me miserum, quae me lascivia errantem à recto tramite traxit ad devia! Doleo, doleo, quod factus sum advena à beatissima DEI Genitrice Maria protectrice misericordissima & salvatrice piissima.*

Cumque talia & his similia fuissent prolata, naturali deditus somno requievit. Cui sic in visione quædam pulcherrima quasi fœmina, terrenis corporibus incomparabilis, apparuit, quam confidenter credimus ipsam Salvatoris Matrem fuisse, quæ leniter per cruris inferiorem partem, & ejus incisionem manum suam deducebat.

Eo deinde evigilante, pedem, quem præ dolore à cruris compage separaverat, sanitati pristinæ per misericordiam DEI Marris restitutum invenit. Quo viso gratulabundus exultavit, suis incedendo pedibus Salvatorem, ejusque Matrem benedixit.

Cap. XIX.

De Conceptione Sanctæ

MARIÆ.

Tempore illo, quo Divinæ placuit bonitati, Anglorum gentem de malis suis corrigere, & suæ servitutis officiis arctius astringere, gloriosissimo Nortmannorum Duci Wilhelmo eandem patriam debellando subegit, ejusque virtute, & industria totius Ecclesiasticæ dignitatis statum immelius reformavit.

Cu-

Cujus piæ intentionis operibus invadens ille bonorum omnium inimicus Diabolus, cum familiarium fraudibus, cum extraneorum incursibus multotiens conatus est ejus obsistere successibus. Sed Domino protegente, & timentem se Regem glorificante ad nihilum deductus est malignus.

Audientes autem Daci * Angliam subiectam esse Nortmannis, graviter indignati sunt, se suo quasi hæreditario jure privari, arma præparant, classem aptant, ut eos adeuntes à data sibi divinitus patria expellant. Hoc comperto rex prudentissimus Hælsinum quendam religiosum Abbatem Ramifiensis Cœnobii accersitum in Daciam dirigit, ut inquirat hujus rei veritatem.

At ille vir admodum sagacis ingenii strenuè Regis negotium exequitur. Quo fideliter peracto Angliam reverti cupiens mare ingreditur. Et jam maximam partem maris prospero cursu transierat, tunc subito densis surgentibus undique ventis horrida tempestas cœlum commovit & undas. Fatigatis ergo nautis, nec ultra obniti valentibus, fractis remis, ruptis funibus, cadentibus velis, spes salutis amittitur, nihil nisi submersionis indicium miserabiliter expectatur. Cumque de salute corporum desperati, animarum curam

solummodo Creatori suo magnis clamoribus commendarent & Beatam DEI Genitricem Mariam, miserorum scilicet refugium, & desperatorum Spem devotè inclamarent, ecce subitò conspiciunt quendam reverendi habitûs virum, pontificali infulâ decoratum, quasi super undas stantem navi proximum. Qui advocans ad se Abbatem Helsinum, his verbis cœpit compellare dicens: Vis, inquit, periculum maris evadere, & in patriam redire? Cumque ille cum fletu se id toto corde desiderare, id solum expetere respondederet, tum ille: Scias, inquit, me ad te à Domina nostra Genitrice DEI Maria, quam tam dulciter inclamasti, directum; & dictis meis si obedire volueris, sanus cum comitibus evades imminens periculum maris.

Spondet illico ille se ei in omnibus obtemperaturum, si hoc evaderet periculum. Promitte, inquit ille, Domino & mihi, quòd diem Conceptionis Matris Jesu Christi solemniter annuatim celebrabis, & celebrandum prædicabis. At ille, ut erat vir prudentissimus: Et quis, inquit, dies mihi hoc festo erit celebrandus? Sexto, ait, Idus Decembris hoc festum solemnizandum tenebis. Et quo, inquit Abbas, servitio utemur in Ecclesiastico officio? Omne, inquit, servitium, quod

di-

dicatur in Nativitate ejus, dicetur & in Conceptione, excepto quod nomen Nativitatis mutabitur nomine Conceptionis. His dictis ille disparuit, & citius dictu sedata tempestate Abbas cum suis incolumis concito ventu applicuit Anglicis litoribus, & quæ viderat & audierat, quibuscunque potuit, notificavit, statuitque in Ramisiensi Cœnobio idem festum solemner celebrari, & ipse, quoad vixit, devotis obsequiis celebravit.

Et nos, Fratres dilectissimi, si portum salutis volumus apprehendere, DEI Genitricis Conceptionem dignis obsequiis celebremus, ut ab ejus Filio & Ipsa digna mercede remuneremur. Qui cum &c.

Cap. XX.

De Imagine S. Mariæ.

IN Lidda civitate, quæ proxima est civitati, quæ vocatur Diospolis, est imago Sanctæ DEI Genitricis, semperque Virginis Mariæ, quæ non est facta manu hominum, sed quasi piæta super lapidem marmoreum, in figura quasi viva in carne sit, vestimenta autem ejus quasi purpurea sunt. Quæ imago est in ecclesia, quam Sancti Apostoli pretio emerunt à Judæis & à synagoga, qui in ea habitabant, & in

honorē Sanctæ DEI Genitricis dedicaverunt, quæ est domus Episcopi. Invidentes autem Judæi, quod Sancti Apostoli de Synagoga eandem domum emerunt, & DEI templum fecissent, & Christum in ea prædicarent, venerunt ad Cæsarem, qui tunc temporis præerat, volentes pretium reddere Apostolis, & recipere ipsam domum, ut reedificarent Synagogam.

Vocatis autem Apostolis à Cæsare, ut venerunt, interrogavit eos, propter quam causam hoc fecissent, Apostoli verò respondentes dixerunt: Nos benè fecimus ædificantes domum, quam emimus in honorem Salvatoris nostri, & Sanctæ Genitricis ejus. Tunc Cæsar præcepit Apostolis, & Judæis, ut sigillarent uterque hanc domum, & observarent dies quadraginta, ut Dominus ostenderet, cujus esse deberet. Ascendentes autem Apostoli in montem Sion, ubi B. V. Maria adhuc vivens semper morabatur, rogaverunt eam dicentes: O tu Beata Virgo, obsecra Christum Filium DEI, quem tu benignissima Mater secundum carnem genuisti, ut secundum suam magnam misericordiam hanc domum, quam suo nomini, & in tuo honore dedicare curavimus, ad prædicandum verbum ipsius nobis concedere dignetur. Respondens ergo Beata Virgo Petro Apostolo ait: Ite, & nolite

life turbati, quia ego vobiscum sum in ipsa Ecclesia in adiutorium.

Transactis autem diebus quadraginta convenerunt simul Apostoli & Judæi in prædictam ecclesiam, & invenerunt signatam, ut reliquerant. Statim Beatus Petrus coepit eandem scopis mundare. Tunc unus ex Judæis aspiciens in parietem, vidit imaginem in occidente positam respicientem contra orientem. Attentiùs autem considerans imaginem Judæus dixit: Verè mulier est in hac domo. Hæc verba alii Judæi audientes, & ipsam imaginem respicientes dixerunt: Verè hæc est ipsa Maria, DEI Genitrix. Quod audientes Judæi turbati sunt, & præ timore abierunt inde dicentes: Jam quia Maria est in hac domo, nequaquam intrare audeamus.

Postea verò Julianus, qui persecutor Ecclesiæ fuerat, inter cetera mala quæ faciebat, præcepit Judæis, ut venientes tollerent ipsam imaginem, & projicerent ipsam imaginem de ipso marmore, atque sibi offerre studerent. Qui abeuntes voluerunt facere, sicut eis præceptum fuerat. Et accedentes, ut figuram separarent de marmore, ut viderunt faciem ipsius imaginis, magno timore perterriti sunt, & ea dimissa abierunt. Quæ usque in hodiernum diem ibi venerabiliter perseverat.

Cap.

Cap. XXI.

Item de Imagine.

IN Sancta Getsemana, quæ est inter Hierusalem & montem Oliveti in medio posita, ubi monumentum Beatæ Mariæ adest, in quo sepulta fuit, sunt columnæ quatuor virides. Super unam verò de his columnis in sinistro latere posita est imago, quasi Christum, Filium DEI in manibus portans. Quæ tantam habet claritatem sicut speculum, quæ manibus hominum non facta, neque depicta, sed primum apparuit in ipso lapide picta, & valde ibi præ amore Sanctæ Mariæ veneratur.

Cap. XXII.

De quadam muliere.

Puissimæ DEI Genitricis miraculo, in ipsis aëreis spiritibus patrato, nostro pro posse jam pralibato, quid in aquoso etiam elemento ipsius misericordia exercuerit, paucis aperiendum videtur. In loco qui Tumba dicitur, quædam Ecclesia in honorem S. Michaelis Archangeli honorifice admodum constructa est. Ille verò locus Oceano undique cinctus, ipso aestu, qui

qui Græcè *Rheuma* dicitur, nimis terribilis, & propter accessum maris *Marina* nuncupatur, & propter recessum *Ledonocui*, omnibus advenientibus, & limina Sancti Archangeli petere desiderantibus bis in die sinum prætendens: Non autem, ut cætera maria, paulatim accedens, sed præcipiti cursu cum magno fremitu ac strepitu terrificoque sonitu accurrens, sæpè intercipit iter agentes, & ideo locus iste *Periculum maris* appellatur. Omnium itaque terrarum populi hunc locum in solemnitate S. Michælis Archangeli jugi devotione frequentant, Angelica suffragia per hoc se posse adipisci sperantes. Ea igitur festivitate ipsius Archangeli turbis ad ejus limina properantibus, ecce jam in medio arenæ maris positæ affuit quædam mulier paupercula, vicino partu omnimodis gravida. Et ecce subito sonitus maris terribilis intonat, & cunctis præpeti cursu modò amentium fugientibus, solemnitate tamen peracta, ipsa miserrima mulier nihil humani auxilii habens, sola remansit, usu etiam pedum præ nimio timore, dolore, & labore destituta. Irruerant enim in eam, ut alia quædam divina pagina narrat, dolores persubiti. Quid ageret, quo se verteret ignorabat. Clamabat ejulato magno, miserabiliter auxilium petens. Sed unusquisque se ipsum
cu.

cupiens tueri, audire dissimulabat. Quod
 forte non casu, sed magis divina gestum
 constat voluntate, quatenus ex hoc Chri-
 sti bonitas, maxime etiam Genitricis ejus
 misericordia omnibus claresceret.

Igitur absente humano auxilio recur-
 rit ad divinum, Dominum lacrymabili
 voce invocans, & ejus Genitricem, san-
 ctumque Michaelē Archangelum. Po-
 pulus autem omnis in littore consistens
 manus ad Sydera tendebat, Domini, &
 ejus misericordissimæ Matris auxilium fle-
 biliter invocabat. Universis ergo Christi
 adjutorium implorantibus advenit Domi-
 na nostra Dei Genitrix semper Virgo Ma-
 ria ultra omnem Angelicam & humanam
 naturam pia, &, ut ipsi mulieri videba-
 tur, manica super eam projecta ita in-
 etam à terrifono impetu maris reddidit,
 ut nec minima etiam gutta totius abyssi
 illius vestimenta contingeret. Ibi quasi in
 tutissimo habitaculo posita peperit filium,
 sine timore illic permanens, donec iterum
 mare suos fluctus in se retrahens liberam
 iter eundi mulieri præberet. O mira vir-
 tus DEI! Servavit enim olim Prophetam
 Jonam tribus diebus & tribus noctibus in
 ventre ceti, istam autem mulierculam in
 medio aquarum reservavit per Stellam
 maris Mariam, magnam parentem DEI.
 Erant quondam aque antiquo populo Dei
 pro

pro muro à dextris, & à sinistris: huic autem pauperculæ ad instar domus per Reginam celi existerunt in necessitatibus suis.

Refertur à quibusdam, Sanctum Michaëlem Archangelum quendam peregrinum per sublevationem aquarum liberasse à periculo maris: sed hanc mulierem Domina Mundi in ipsis fluctibus liberavit à periculo mortis. Quis tantam DEI Genitricis pietatem enarrare sufficit? Quis tantam Reginam celi & terræ pauperculæ mulieri tam citò in necessitate tanta succurrentem non miretur? Venit itaque cum puero ad littus, quæ sola in mari relicta erat, miraculi spectaculum omni populo præbens. Estimabant autem eam in Ponto necatam.

Hic revera quilibet sapiens illam veridicam sententiam prætereptare potest: *Ubi deest humanum auxilium sine dubio adest divinum.* Cerneret namque super tam mirabili facto unumquemque ultra, quàm fas sit, gratulari, mirari, & quasi incognitum referri alteri. Omnes in commune piissimam misericordiam DEI Genitricis semper Virginis prædicare. Denique pergit mulier turba comitante ad Ecclesiam S. Michaëlis. Fiunt nota Fratribus loci Sancti DEI Genitricis miracula, pulsantur signa, cum maximo tripudio clamatur:

Quàm

Quàm pia est Domina nostra Sancta Maria! Succurre ergo DEI Genitrix, & nobis miseris peccatoribus famulis tuis in tuam misericordiam sperantibus, ut non nos demergat tempestas aqua, neque absorbeat nos profundum, neque urgeat super nos puteus os suum: sed tua misericordissima pietate, & sanctissima intercessione adjuti ac confortati serviamus Filio tuo, vero regi, qui vivit, & regnat &c.

Cap. XXIII.

De quodam Celerario.

Olim fuit quidam Monachus in quadam congregatione, quem Domina nostra suum familiarissimum esse tali modo dignata est ostendere. Contigit aliquando instigante diabolo illum in cellario tantum bibisse, ut putaretur fere omnino sine sensu esse. Cum autem advesperascente die ita ebrius de cellario exiret, ac versùs ecclesiam per claustrum tenderet, visus est ei Diabolus in specie cujusdam miræ magnitudinis tauri occurrere, ipsum quæ cornibus transfodere. Tunc ecce subito vidit quandam puellam decora facie venientem, ac super humeros diffusa cæsaries, & manu tenentem niveam virgam, qua increpans, & cædens, ipsum diabolum, cur ergo suum famulum talia præsumeret,

meret, iussit, ut citò discederet, nec ei quicquam mali amplius faceret. His dictis disparuit terror dæmonis. Denique cum caput iter ageret, & Ecclesiæ propinquaret, Dæmon quasi canis vehemens, & nimis terribilis ex improvviso contrailum profiliit, & iterum prædicta puella, quæ antè ei apparuerat, præsens affuit, ipsumque dæmonem procul ab illo repellens liberum ire fecit. Sicque discessit diaboli phantasia, & puellæ visio pulcherrima. Tandem Ecclesiam, quam petebat pro dæmonis expulsionem, & per Virginis consolationem securus intrat. Quo intrante adest iterum humani generis inimicus terribilior, quàm prius, velut Leo inhumanissimus adversus eum rugiens, & imperum faciens, quasi eadem hora eum esse devoraturus. At verò puella, quæ eum primò & secundò liberaverat, prius, quàm ei aliquid mali faceret, accurrit, & virga, quam manu tenebat, ipsum diabolum acriter verberabat dicens: Quia mihi obedire noluisti, hæc ad præsens recipere meruisti: sed si ad eum redire amplius ausus fueris, hæc & in æternum maiora sustinebis.

Itaque diabolus sic tribus vicibus devictus immò verberibus affectus statim ut fumus evanuit, nec ultra comparuit.

Z

Postea

Postea quidem puella monachum per
manum sumpsit, & ille illicò convaluit,
& quasi nihil bibisset, in suum sensum re-
diit. Ipsa verò tenens manum ejus cum
ipso pedetenus perrexit, & usque ad lectu-
m suum eum adduxit. Ubi ambo per-
venientes puella lectum sibi discoopertit,
monachum intus collocavit, caput illius
suaviter reclinavit, ac crucis signum in
ejus frontem impressit, & ait: Crastinâ
die illum tali nomine vocitatum, tibi be-
nè notum ut socium, mihi autem ob suum
obsequium amicum veracissimum te jubeo
requirere, atque ei puram confessionem
facere, & quacunque ille te jusserit facere,
vide, ne differas adimplere. Tunc
monachus valde jam exhilatatus satis hu-
militer suæ, ut ita dicam, nutrici respon-
dit: O Dōmina dulcissima, tibi amodo
toto corde obedire desidero: sed quæ so-
si placet, ut tuo etiam servulo prius indi-
ces, quàm à me discedas, quænam es tu,
quæ mihi impendis tanta servitia. Ad hæc
illa se Mariam matrem DOMINI Salvatoris
nominat, à quo facta est, dum non
erat, sicut & cuncta fuerant, per quem
ipsa suos servos sic adjuvare poterat. Quæ
ille vocè audita, cum magna cordis lati-
tia medullitus labiis charitatis illius totus
in fervorem dulcedinis ipsius gloriosæ Ma-
tris DOMINI succensus, manus in altum
cum

cum ardore fidei concitus elevat, eamque tenere, & ei pedes osculando congaudere, atque ut suam salvatricem, & DOMINI sui Matrem adorare nititur, & amplecti. Sed Mater DOMINI casta, Mater videlicet misericordiæ & pietatis, spes humilium, & consolatio miserorum, quæ eidem magnum jam per se impenderat servitium, dum ab illo teneri creditur, repente altius evolat, rubicundiorque rosa inter cœli lucifera lucidior ipsa se recepit palatia.

Ille verò quæ viderat & audierat, pro tantis sibi collatis beneficiis Domino, ejusque almæ Matri grates reddidit innumeras, & deinceps eam modis omnibus cœpit amare ferventiùs, & ei servire devotiùs. Similiter & ille, qui ejus confessionem recepit, cum omnibus, ad quos istud miraculum pervenire potuit. Quod & nos, Fratres charissimi, ad quos ipsum pervenit miraculum vera relatione, cum magna hilaritate, omni seposita excusatione, ei debemus confidere ut in omnibus nostris necessitatibus, ipsius Dominae nostræ protectionem mereamur hîc, & in æternum habere, quod nobis Filius ejus concedere dignetur, qui vivit, & regnat &c.

Cap. XXIV.

De puero suscitato.

IN Gallia partibus est quoddam Monasterium in honore & nomine Sanctæ Mariæ perpetuæ Virginis dedicatum, & ad illud confluunt multi in necessitatibus suis, gloriosæ Dominae suffragia postulantes. Inter quos uxor cujusdam militis prædicti Monasterii limina frequentius terere solebat, ibique vigilas, & orationes celebrare studebat. Misera erat mulier illa mœrens, & mœrore confecta, quia sterilitatis macula notabatur. Ista miseriæ erat causa, ista summa doloris, pro ista & precum instantia: Ad te, inquit, confugio pia Mater misericordiæ, tuam in hac ærumna clementissimam exoro bonitatem. Nôsti Domina, quid deprecetur cordis contriti affectus, quid profundiores singultus, quid lacrymæ postulent largiores. Nimis infelix mulier ego sum, quæ fructu ventris mei privata, ac per hoc confusionis & opprobrii plena inter vicinos & notos apparere erubesco. Vita hæc radio mihi est, lux ipsa, quam sustineo, fastidium, amica nox, amabiles tenebræ, amaritudini animæ meæ congruæ & mœrore,

Has

Has lacrymabiles voces benigna Mater DOMINI exaudi, opprobrium hujus maculae dele Origine pietatis melle dulcior. Domina pia, distilla stillicidium gratiae tuae in animam meam, & dulcora amaritudines ejus. Consolare lugentem Consolatio moerentium. O Virgo foecunda piissima, atque benignissima, sterilitatis meae remove maculam. Obtine precibus tuis apud Filium tuum Jesum Christum Dominum nostrum, qui nihil negans tibi, te semper honorat, quatenus munus foecunditatis mihi sterili sua gratia largiatur, qui olim annosam & sterilem Saram inopinato germine foecundavit. Haec, & his similia corde potius quam voce ante oculos gloriosae Virginis assistens juxter & sine intermissione foemina illa perorabat.

Verum misericordiae Mater tantis, & tam crebris pulsata precibus nequaquam diutius illi distulit dare suae petitionis effectum.

Concepit ergo illa mulier, & juxta votum filium parit. Ineffabili verò tripudiat gaudio, tum quia sterilitatis infamiae nota deterfa est, tum quia meritis Beatæ DEI Genitricis dato sibi masculo & vocari & esse meruit filii mater. Sed inopinato & repente irruens lata nata primordia tenebrosus finis obscurat. Corruptus nam-

que acutis febribus infans in cunabulis acerbâ morte defungitur. Cujus mortem tanquam lethali vulnere sauciata mater arrepto defuncti corpore has precarias, & lamentabiles dedit voces: Ad te iterum confugio, rursus ante oculos tuos lacrymas fundo, iterumque pietatis tuæ januam importunis, & necessariis precibus pulso meum solum post Dominum refugium, meumque solatium & infinita misericordiæ Mater. Heu mihi miseræ quid accidit! O Domina, quid est quod facere voluisti? Cur tanti doloris gladio matris animam perforasti? Cur acceptum nomen matris tam citò subtrahi decrevisti? Sed quia potes suscitare mortuum, quæ eum, cum non esset, dedisti, indubitanter credo, spero, & confido. Orbatæ ergo, & miseræ Genitrici redde filium, iterum, ut mater nuncuper, quæ letho unicæ prolis perdidit felicis nominis omen.

Illâ autem talia prosequente, & noctem illam continuante in prece, vitalis calor atræ mortis frigus depellens, gelidis membris pueri repentinè infusus est. Recepto ergo spiritu defunctus infans, quibus valebat, motibus significabat se vivere, quod sentiens mater, & accedens propius, quatenus, utrùm verum esset, quod sentiebat, probaret cernens filium suum vivere, primo

mo nimio mentis stupore arripitur; deinde lacrymans præ gaudio, lamentabiles voces in voces exultationis commutat. Fama itaque tanti miraculi per vicina loca, remotasque volat per turbas, multos de sedibus suis excitat ad videndam, probandamque miraculi veritatem: Accurrit populus hominem à morte suscitatum videre desiderans. Mirantur omnes, & gaudent, auctorem vitæ prædicant, & collaudant, super omnia autem Genitricem DEI immensis laudum præconiis extollunt, quæ omnibus in quibuslibet necessitatibus vel pressuris eam invocantibus patrocinari non desinit. Mulier verò illa cum reddito sibi filio gratulabunda domum reversa est.

Cap. XXV.

De Sancto Dunstano.

MORIS erat Sancto Dunstano loca sancta, quando Cantuariæ morabatur, uno tantum fideli socio comitatus nocte peragere, & se inibi per compunctionem & contritionem cordis mactare. Quadam ergo vice ad Monasterium beatissimorum Apostolorum Petri & Pauli, in quo Beatus Augustinus & alii nonnulli de patribus Ecclesiæ Christi Cantuariensis

tumulati sunt, ex more circa mediæ noctis silentia perrexit, ac se domino ibidem diutius in oratione prostravit. Egressus verò inde ad oratorium Beatæ DEI Genitricis & semper Virginis Mariæ facturus eadem divertit. Cui appropinquans, audivit voces intus psallentium atque dicentium: *Gaudent in cælis anima sanctorum*, & cætera. Ad hoc stupefactus astitit ostio, ac per rimas introspiciens: [erat enim obferatum:] intuetur oratorium totum imensa luce splendescere, & quendam candidarum personarum globum ipsam antiphonam lætis vocibus personare.

Cap. XXVI.

De Eodem.

ALio item tempore præfata Pastorum Ecclesiæ limina simili hora pari voto requirens, postquam peracta oratione inde discessit, memoratam sanctissimæ Virginis Mariæ Ecclesiam preces illic Domino & ejus Genitrici fusurus adire cœpit. Ecce autem ipsa beatissima Virgo virginum comitata universo virginum choro venienti Viro occurrit, & summo cum honore susceptum ad suam Ecclesiam, quò tendebat, ducebat, præcedentibus duabus puellis cantantibus, atque dicentibus.

25

25

Can-

Cantemus DOMINO sociæ cantemus honorem.

Dulcis amor CHRISTI consonet ore pio.

Quos versus chorus Virginum resumendo per canticum, binæ cantantes binos, qui sequuntur in ordine versus, subsequutæ sunt.

Primus ad ima ruit magna de luce superbas.

Sic homo cum tumuit, primus ad ima ruit.

Sicque, donec vir DEI in oratorium perductus esset, Virgineus chorus binos, & Virgines binæ binos, juxta quod series hymni fesse habet, versus modulatæ sunt.

Cap. XXVII.

De quodam verso.

DUO Beatae Mariae DEI Genitricis miracula narrare disposui, quorum unum unius, aliud alterius cujusdam Religiosi Abbatis relatione agnovi.

Horum autem utrorumque singularis & perpetua Virgo Maria, & verè misericors Mater DOMINI patratrix agnoscitur, & verè maris Stella indicibus evidentissimis comprobatur. Erat enim navis in medio maris Mediterranei peregrinis

onusta, quorum devotio gratiâ orationum partes Hierosolymitanas adibat. Hi ergò cum prospero cursu maris multa percurrissent spatia, sensit nauta subitò inferiùs descendere, aquas irumpere, se subvenire nullatenus posse, præsentem omnibus mortem adesse. Festinus ergo cimbam, quam magnarum navium more intrùs ferebat, exponit, ipse cum Episcopo quodam & quibusdam nobilioribus in eam descendit. Unus verò eandem cimbam intrare volens in mare decidit, raptusque pelago nusquam comparuit. Nauta verò illos, quos in navi reliquerat, allocutus mortis omnibus imminere discrimen non evitandum innotuit, & ut sua peccata confitentes suas devotè animas Domino commendarent, admonuit. Fit ergo intolerabilis omnibus timor, fit immensus ad sydera clamor, fit pura de præteritis malis confessio, fit pro æternis bonis recipiendis ad Dominum oratio. Nauta verò admonitione completa, cum his, quos in schapham transtulerat, recedere longius festinabat, ne maris hiatu cum magna absorberetur & parva, longiusque remotus expectabat servorum DEI exitum. Nec mora, navis aquis intrantibus absorpta est. Episcopus verò cum cæteris lacrymosa fundens suspiria sociorum animas DOMINO commendabat, quorum corpora
tam

ram horrendo mortis discrimine perire videbatur.

Interea æquoreas diligentius circumspiciens undas, si saltem submersorum corporum indicia videret, & ecce marinis fluctibus columbas speciosas, alibi quidem unam, alibi plures vel plures vidit emergere coelique secreta celeri volatu penetrare. Quas videlicet columbas cum sociorum animas adverteret esse, ô quantus dolor tunc eum invadens penetravit, quia cum sociis non meruerat mergi! Et qui antea, quia socios viderat suffocari, fiebat, magis tristabatur, quia cum ipsis non interierat. Qui cum tandem cimba defensus terræ cum sociis applicuisset, ecce mirum dictu! Socium, quem in mari interdus naves diximus decidisse, de mari subito vivum & incolumem vident exire. O quatuor stupor tunc omnes invasit, ô quanta de socio recepto læticia omnium corda perfudit? Quærent ergo stupentes, quid ei acciderit, quomodo à marinis fluctibus liberari potuerit. At ille, leuquid, inquit, socii me admiramini salvum, quem illa salvare dignata est, per quam salus omnium venit. Beatæ quippe DEI Genitricis Mariæ nomen, cum in aquam cecidissem, inclamavi, & sic ejus memoriam habendo, & nomen inclamando pelagi ad ima deveni. At ipsa Mater mi-

misericordiæ, quæ memorum suorum im-
 memor nullatenus esse potest, hac hora
 etiam sub undis astitit pallio suo me clem-
 enter contexit, & intactum sub aquis us-
 que ad litus perduxit. Hæc eo dicente
 laudes immensæ Dominæ nostræ referun-
 tur, & Beata DEI Genitrix Mater miseri-
 cordiæ ab omnibus prædicatur. Cujus
 verè pallium amplissimum Mundo super-
 extenditur, quo certè genus humanum
 contegitur, quo frigidus obvolvitur ut ca-
 leseat, quo calidus operitur ut frigescat,
 quo peccator fovetur, ne desperatione læ-
 datur, quo reus defenditur, ne animad-
 versione divina feriat. O pallium mi-
 serorum! ô omnium desolatorum confu-
 gium! ô securum in omni adversitate la-
 tibulum! ô quilibet peccator ferire te vul-
 pro culpa Filius ejus judex justus? Fuge
 sub pallium misericordissimæ MARIE
 Matris illius. Circumdate undique il-
 lius pallio, nè ulla parte feriaris ab il-
 lo. Parcet enim ei misericorditer, quem
 protegere voluerit misericordiæ Mater.
 Lædere te quærit antiquus hostis? Abcon-
 de te in sinu illius, quò accedere non au-
 det hostis ille malignus. Naufragaris ad-
 versitate mundana? Clama & exclama no-
 men misericordissimæ Mariæ, quæ vultu
 suo repellit omnia adversa. Ecce enim
 naufragus iste nominandum omnibus no-
 men invocavit in sua adversitate, nec in
 ma-

maris profundo eam, quam invocaverat, subvenire potuit desperare. Deducitur siquidem illæsus ad littus, ea deducente, quæ Mundo naufrago facta est portus.

Cap. XXVIII.

De quodam Abbate.

Aliud quoque Sanctæ Dei Genitricis Mariæ miraculum narro, quod ab ipso didici Abbate, qui hoc idem, quod scribo expertus est in semetipso.

Fuit enim aliquando in medio maris Brittanici nimiam cum aliis multis oppressus tempestate, adeo ut de vita omnes desperarent. Alii verò istos, alii verò illos, ut liberari mererentur, cum magno gemitu invocabant Sanctos. Alii namque Beatum Nicolaum declamarunt, isti verò pium Andream, vel quemlibet alium inclamabant ceteri. Unusquisque siquidem quem Sanctum familiarem habuerat, cum illa magna necessitate familiarius invocabat. Deinde aliqui offerebant munuscula, ut est moris deprehensis tempestate marina. Cum ergo Abbas videret omnes istos vel illos minus potentes Sanctos invocare, neminem autem Matrem misericordiæ, ceteris omnibus miserendi potentior, inclamare: Quid, inquit, est fratres, quod geritis? Quid

Quid ceteros, qui minùs possunt, invocatis, & ipsam Matrem misericordiae, quae plus omnibus potest, non invocatis? Bonum quidem est, quod agitis, sed multò melius esset, si omnes una voce Genitricem Domini acclamaretis. Quo illi audito, omnes una voce Dei Genitricem nominant, omnes Matrem misericordiae iterant, omnes ut sui misereatur, proclamant. Sancta, inquit, pia, & perpetua Virgo Maria succurre miseris, subveni jam morituris, sentiamus omnes tuum levamen, qui tuam in nostra tribulatione deprecamur consolationem. Tu Dei Mater alma, tu coeli potens Regina, tu semper in misericordia prompta, tu desolatorum solamen, tu oppressorum juvamen, tu destitutorum munimen.

Ipse quoque Abbas, qui per duos dies & duas noctes ita afflictus erat, quòd nihil prater unum pomum comedit, illud responsorium: *Felix namque* ejusque versum: *ora pro populo*, devotissimè cum his Monachis coepit decantare. Mirum dictum, sed DEI Genitrici nihil impossibile scimus: vix ea utriq̃ue finierant, & populus precem cum lamentatione, & ecce in summitate mali lux magna ad instar cerei apparuit, quae noctis tenebras fugans, omnes qui aderant in navi sua claritate perfudit. Jam enim se invicem agnoscere poterant,
qui

qui se prius tenebrarum densitate videre nequiverant. Tota quidem Pelagi cessavit tempestas, coelique Regina iubente facta est tranquillitas magna. Non multo post dies serenus illuxit, & terræ ad quam tendebant, navis applicuit. O ergo stella maris cunctis lucidior, cunctis ad subveniendum potentior! Ecce enim stellas minores attendunt, & non illustrantur: Syduſ respiciunt marinum, & salvantur. Vocant Sanctos minores, nec juvantur: Invocant Sanctorum sanctissimam, & salvantur. Offerunt dona sanctis aliis, & non cessat tempestas: offerunt preces Matri misericordiæ, & redit tranquillitas. Cessat pius Andreas à pietatis opere, quia in exhibenda pietate piarum cedit piissimæ. Cessat Nicolaus Sanctus, terra marique ad subveniendum promptissimus, quia cedit ei, quæ cunctis est potentior Sanctis. Quicumque ergo huius maris magni, & spatioſi aliqua deprimeris tempeſtate, eam voca præ cæteris, quæ hoc magnum & spatioſum mare, à quacunque voluerit, perturbatione facillimè potest sedare.

Cap.

Cap. XXIX.

De quodam Fratre.

FUIT quidam Religiosus Frater, qui Sanctam DEI Genitricem valde diligebat, & ejus servitium præter Completorium devotè quotidie decantabat. Quadam verò nocte per visionem ipsa Mater misericordiæ ei apparens, quid ageret suus Capellanus, inquisivit. Ille verò non parùm tremens, ac stupens facis humiliter respondit dicens: Quis est mea, de quo dicis, Domina. At illa inquit: te ipsum esse scito, quem mihi servire non abnego. Sed aliquantulum mihi negligens videris existere, qui Completorium meum non vis cantare. Quibus ille auditis, nimio percussus terrore, se culpabilem esse clamat ac deinde supplex veniam petens dixit: O Clarissima Domina, tuis præceptis libentissimè volo obedire, &, quod dicis me neglexisse, devotissimè cupio adimplere, si tantummodo pro tua dulcissima pietate me velis docere, quo ordine hoc secundùm voluntatem tuam possim complere. Ad hæc illa: imprimis, inquit, versum, ut mos est: *Converte nos Deus: Antiph. Completi sunt dies Mariae. Post: Cum invocarem: In te Domine speravi: Qui habitat: Ecce nunc benedicite. Capitulum:*

Ecce

Ecce virgo concipiet. Responsorium: Sancta DEI Genitrix Virgo. Hymnus: Virgo singularis. Vitam presta puram: Sit laus Deo Patri. Vers: Ave Maria. Ant. Ecce completa. Nunc dimittis. Oremus: Deus qui de Beata Maria Virginis.

Cap. XXX.

Item de quodam Fratre.

FRATER quidam erat; qui in Cœnobio quodam militabat cœlorum Domino, Dominiq̃ue Matri tanquam filius decreverat servire sedulo. Dum Conventus illa finierat, quæ nocte cantare consueverat, hic solus ante aram gloriosissimæ Virginis aderat, solvens quod voverat. Item post expletas Canonicas Diei Domina dulcissimæ proprias decantabat laudes & gratias. Multo quidem hoc egio tempore non negligenter, sed devotissimè, donec quadam centus ægritudine, non valebat debitum reddere. Morbus quippe nimium affluens, ora, guttur exteriùs interiùsque sic occupaverat, ut neque vocibus, neque cibus pateret aditus, sed in toto corpore brevi spatio temporis factus est quasi exanimis, tanta erat vis ægritudinis. Prævalente enim dolore febrium vin DEI laborabat nimium, ut dicerent

Aa

qui-

quidam astantium: Iste jam reddit spiritum. Cujus rei auditione totus Convēntus adest continuò, & pro fratre morti proximo flent, & orant ungentes eum oleo. Expletis ergo his cœperunt psallere, ut in tali discrimine mos est, admirantes tamdiu vivere, quem nec videbant spirare. Visus enim defecerat, palpebræ moveri desierant: jam pallore infecta facie, membra mortis rigeant frigore. Interea cinis aspergitur, cilicium aptatur, in quo morientis corpus collocari festinatur.

Cunctis itaque flentibus, & pro boni Fratris excessu preces fundentibus, ecce causa universalis pietatis, Beata scilicet Virgo Maria, gloriosa Mater misericordiæ, sui Capellani est mota suspiriis, indignè ferens illum tali diutiùs languore vexari, & nullo vidente excepto eo, qui mori videbatur, collocat se juxta lectum Fratris speciosa nimis in veste candida, &, ut sibi videbatur, suæ admota dexteræ auri loquebatur ei talia: Mi dilecte, quid facis? nimia attritus es diu molestia. Injustum est enim, ut his doloribus te patiar vexari diutiùs, quem ego, & Filius meus tam devotum in nostro servitio conspeximus. Ego Mater misericordiæ Capellano meo succurrere huc adveni, ad me respice, evades optime. Res miranda, & cunctis sæculis inaudita, ut sibi videbatur, ipsa Ma-

Mater pia , quæ est miserorum juvamen ,
uberum suorum sanctissimo lacte ægri li-
niebat dolores. Quo facto quasi tumultu-
tum Fratrum ferre non sustinens , stelli-
gera repetit palatia , prius tamen ægrum
per hæc verba consolans: Hoc , inquit ,
nunc habeto ob impensum mihi servi-
tium , possessurus non post multum per-
enne gaudium.

Nam qui meo filio , & mihi servire
studuerint sedulò , securi sint de facti præ-
mio : vitâ vivent , quæ caret termino.

Nunc tam admirandæ rei audito nun-
cio animus pavore percellitur , obstupe-
scit auditus , & hoc verum esse mens in-
considerata trepidat , eò quòd misericor-
diæ Altissimi Matrem sui Capellani ulcera
sacro lacte rigâsse dixi : quia nec tantæ di-
gnitatis persona , nec tantæ philosophiæ ,
vel precum accedit eloquentia , quæ ab
excellentissima DEI Matre tale quid debe-
bat promereri. Sed si ad memoriam de-
ducimus , quomodo altissimus DEI Filius
virgineum descendere dignatus est in ute-
rum , & postea nasci , circumcidi , tenta-
ri , à Phariseorum insidiis persequi , ac de-
mum pro peccatoribus crucifigi , deinde
sepeliri , resurgere à mortuis , atque ad
dexteram Patris ascendendo ibi collocare
formam nostræ mortalitatis , omne disce-

dit ambiguum, cum pro peccatoribus tanta fecisse recolimus Dominum.

Verum sub nomine lactis aliquando misericordia, aut aliquando dulcedo supernæ contemplationis solet exprimi. Unde & Paulus ait : *Tanquam parvis in Christo vobis potum dedi, non escam*, id est, misericordiæ leviora præcepta indulgi. Quid ergo mirum si gloriosa Maria, Mater omnis pietatis & misericordiæ per similitudinem lactis ex ubere suo, ita misericordiam devoto famulo impendit, cujus sacro lacte tenera ipsius fontis misericordiæ, JESU CHRISTI scilicet DOMINI nostri, nutritur infantia, qui etiam postea dignatus est pro peccatoribus misericorditer crucis ferre supplicia?

Fertur quoque in gestis Beati Dionysii Martyris, Atheniensis quidem prius, postea vero Domino donante Parisiorum Præfulis, ipso Beato Dionysio in suis epistolis referente, quia dum à quibusdam perfidis Sanctæ Ecclesiæ fide violata Beatus Carpus Presbyter benignum JESUM precaretur, ut suæ potestatis vindictam in illos fibraret, apparuit ei Dominus JESUS soporato in orationibus cum multitudine Angelorum, & manum suæ misericordiæ ipsis miseris, quasi in profunda caverna jacentibus porrigens, atque Angelorum

mi-

ministerium sustentans eos ait Beato Carpo :
*Carpe manu in istos misericorditer constituta,
 & non per misericordiam retracta, percutere
 adversum me. Nam paratus sum pro homi-
 nibus resalvandis iterum pati, & complaceo su-
 per his magis, quam super aliis, qui non pecca-
 verunt.*

Et cum hæc dicta sint, quid ergo du-
 bitat miserrimus homo, gloriosam Ma-
 trem misericordiæ misericordiam in simi-
 litudinem lactis præbere suis, cum ipsa Mi-
 sericordia, benignus scilicet JESUS Domi-
 nus noster, qui sedet ad dexteram Patris,
 qui mortem vicit, nec jam amplius mori
 posse probatur, mori velle se assereret pro
 perfidis? Verum hoc dixisse sufficiat ad
 comprobanda DOMINI nostri & suæ San-
 ctæ Genitricis magnalia.

Nunc ergo redeamus ad narrationem
 nostram, ubi gloriosam Mariam diximus
 post visitationem sui famuli se recepisse in
 æthera.

Æger verò plurimum confortatus à
 Matre DOMINI mox caput erigit, nec
 jam æger à lecto profilit, & Medicam dum-
 nusquam respicit, ejulans hæc Fratribus re-
 tulit dicens: Hic astitit Regina gloriæ me-
 servum suum sanare & vos nihili reveren-
 tiæ exhibentes peccastis utique, dum vidi-
 stis, quid gratiæ faceret, & neglexistis para-
 re ei, ubi recumberet. Et putans, quod ipsi

similiter, sicut ille viderat visionem, vidissent, ait: Heu me miserum, quia non fui valens salvatrici meæ parare aliquod sedile pulcherrimum, quæ mihi immerito sospitatis impendit solatium! Si enim tumultus vester non fieret, forsitan tam citò non recessisset. Fratres verò hoc visio terror ingens occupat, ignorantes, quod factum fuerat. Et quoniam stupor hos invaserat, verba illius nullus perpendit, psalmodiæ vox nulla resonat, & qui miserè flebant, flere permoti trepidant. Interea recuperata virtute æger in se redit, & quod factum sit erga se, cognoscit, atque Fratribus recitat per ordinem, sicut viderat, sicque mentes eorum revocat. Superfluum est nobis quærere, quas laudes tantæ Virgini tunc studuerunt exhibere hi, qui videbant dilectum Fratrem, quem mortuum putaverunt, sanis membris vivere. Benedicta sit ergo hæc Domina, quæ suis fert sic medicamina, quæ & nobis fiat propitia, donans nobis vitæ remedia. Nati sui suosque servulos, nosque per cunctorum dierum curricula conservet gaudentes in sæcula, cujus ope, cujus antidoto Mundo salus rediit perdita. Ipse laus unà cum Filio suo glorioso, honor, virtus, atque jubilatio per omnia sæcula sæculorum,

Amen.

Cap.

Cap. XXXI.

De puero Judæo.

COntigit res quondam mira in civitate Bituricensi, quam solebat narrare quidam Monachus S. Michaëlis de Clusa, nomine Petrus, dicens, se eo tempore illic fuisse. Die ergo solemnitatis Paschæ cum Christiani pueri in quandam Ecclesiam accederent ad percipiendum corpus & sanguinem DOMINI nostri JESU CHRISTI, quidam puer de gente Judaica, qui cum eis litteris instruebatur, inter reliquos accessit ad altare, & Corpus Dominicum ignorante Presbytero accepit. Erat autem super altare quædam imago S. Mariæ, velamen super caput suum habens, de qua videbatur ipsi puero Judaico, quod ipsis venerando habitu foemina accedentibus ad communionem unicuique cum Sacerdotis manu distribueret Eucharistiæ partem. Reversus ergo ad paternam domum prædictus puer, cum interrogaretur, unde veniret, respondit, se cum sociis suis ad Ecclesiam isse, & eis communionem percipientibus & se similiter communicasse. Hæc audiens Pater ejus graviter iratus eum cum furore arripuit, & videns non longè fornacem ignis ardentem, illuc rapido cursu perveniens eum in ignem jactavit.

Etavit. Statim ipsi puero Sancta DEI Genitrix in specie imaginis, quam super altare viderat, apparuit, eumque ab igne defendens, nec etiam parum doloris sentire permisit. Mater verò pueri nimio dolore constricta ejulando clamare cœpit, multosque tam Christianorum, quam Judæorum ad lacrymas commovit. Diligentiùs verò ad fornacem respicientes viderunt puerum in medio ignis viventem, & nullam læsionem habentem. Accurrunt, gaudentem educunt sciscitantes, quomodo ignis incendium evasisset. At ille respondit: Quoniam venerabilis Domina, quæ super altare stabat, & nobis communicantibus particulas porrigebat, mihi auxilium præbuit, & incendium omne à me depulit, nec etiam dolorem fumi sentire permisit. Hoc audientes Christiani intellexerunt Sanctam DEI Genitricem ejus fuisse protectricem, & Judæum, patrem pueri, qui eum in fornacem miserat, in eandem fornacem iniecerunt. Qui statim ab igne consumptus est. Quod videntes Judæi, quia Christiani Dominum & sanctam ejus Genitricem collaudaverunt, & [ipsi] ex illa die in Domini fide ferventiores extiterunt.

Cap. XXXII.

De quadam Sanctimoniali.

FERTUR fuisse apud S. Cadowardum Cestione quædam sanctimonialis fæmina super omnes, quæ ibi habitabant, sanctitate & religione famosissima. Hæc cui-dam Monacho S. Mariæ Becci, valde religioso sub persona alterius de se manifestavit hoc modo ea, quæ referre aggredior.

Scio mi Domine Pater in hoc Monasterio quandam DEI famulam habitare, quæ, ut tu illam, ita te ipsa diligit sincera dilectione, cui pro certo scias absque dubitatione tale quid contigisse. Quadam ergo nocte, dum in lecto quiescere vellet, vidit subitò apertâ visione ante se Sanctam Mariam, Reginam cœli & terræ astare, ipsamque se vocantem proprio nomine & alloquentem tali affamine: Dormisne inquit, Eulalia? dormis o Filia? Cui illa DOMINI famula, quia ipsam Dei Genitricem esse recognovit, cui nocte ac die devotissimè serviebat, verbis hujusmodi respondit: Non dormio, Domina mea Charissima, sed scire desidero tua humillima ancilla, cur ad me peccatricem atque indignam venire dignata es ô Mundi Regina. Ad hæc ait Beatissima Maria:

Aa 5

Ne

Ne timeas, inquit, piam Matrem ò Filia, cui omni diemente humillima quàm plurima reddis servitia: sed moneo te, ut si illa, quæ mihi impendis servitia, tibi vis proficere, morosiùs studeas dicere, quia quando me salutas angelica salutatione, percipere me scias magnum gaudium, & maximè dum mihi *Dominus tecum* prolixius dicitur, gaudii, quod tunc habeo, magnitudo nullis potest enarrari verbis. Videtur enim mihi, quòd in me sit Filius meus, sicut fuit, cùm de me nasci dignatus est DEUS & homo pro peccatoribus, & tunc ineffabile gaudium in Angelica salutatione accepi, ita & nunc recipio, cum dicitur *Dominus tecum*.

Hæc audiens illa CHRISTI ancilla repleta est ingenti lætitia, atque, ut ita dicam, matri dulcissimæ, quæ eam filiam vocaverat, cum supplicatione reddidit gratias innumeras pro tam pia admonitione, quam ei attulerat. Sicque Mater totius misericordiæ discedens ab illa cum magna claritate rediit ad cœlestia regna, ubi, sicut credimus, cum Filio manet per sæcula. Denique soror illa non immemor, quæ viderat, immo audierat, orationes, quas solebat facere, ut nostræ Dominæ magis placerent, & sibi proficerent, illico studuit abbreviare. Habebat namque consuetudinem, quòd sine ulla inter-

mis-

missione præ amore illius omni die, *Ave Maria gratia plena, Dominus tecum* centum quinquaginta vicibus dicebat, & idcirco ut istum numerum omni die posset complere, videbatur illud Angelicum Ave velocius, quàm deberet, pronuntiare: sed cum Matris admonitione roborata duas partes dimisit, tertiam autem cum magna dilectione cantare deinceps morosius instituit.

Et nos Fratres Charissimi, qui digni non sumus, ut illius servi vocemur, si ejus servitiùm post hanc admonitionem juxta ejus voluntatem celebrare studuerimus, credo, quòd istius Sanctimonialis foeminae fratres nos esse in æterna beatitudine dignabitur facere. Quod ille, quem ipsa genuit, Virgo castissima nobis peccatoribus concedat per infinita sæcula sæculorum Amen.

Cap. XXXIII.

De Judeo & Christiano.

FUIT quidam religiosus Archidiaconus Ecclesiæ Leodicensis, qui orationis studio sanctorumque locorum visendorum gratiâ multa peragrans loca Byzanzenam tandem devenit urbem. Ubi, cùm Ecclesiam intraret, vota inibi precum Domino reddere, tanto eam tripudiantium
&

& exultantium strepitu atque plausu tangentium tympana & cytharas, omnisque generis musicorum sonitu resultantem invenit, ut non tam studiosè orantium, quàm domus esse jocularoriè videretur ludentium. Miratur ergo rei novitatem, Græcorum quendam linguam Latinam minùs intelligentem Latinè alloquitur: novitatis hujus causam curiosè sciscitatur. At ille inquit: *Testimonium, testimonium*. Archidiaconus verò, quid diceret, non intelligens, alium quendam celerius adit, rei ejusdem causas exquirat. Ille autem linguam plenè Latinam intelligens hanc stupenti narratione evolvere cœpit.

Fuit enim civium quidam, qui nominis sui famam volens extendere, largas quas habebat opes, largos in sumptus expendere cœpit. Verùm postremò magnitudine sumptuum magnitudinem superans opum, largiendo defecit opibus, cùm ei dandi non deficeret animus. Sumpto ergo ab amicis mutuo àre alieno magnum nomen, quod sibi fecerat propria largiendo, retinere conatur aliena expendendo. Sed cùm omnino, quòd mutuo acceperat, jam & ipsum deficeret, nec etiam amicum, à quo mutuaetur, immò Christianum invenire valeret, Judæum quendam prodeuntem adiit, &, ut ei aliquid

quid mutuò daret, obnixè oravit. At ille: faciam, inquit, quod petis, si mihi vadem condignum attuleris. Vadem, inquit, certè condignum non habeo, sed quidquid mihi præstiteris, me tibi redditurum die constituto verissimè spondeo. Sine vade, inquit, nihil omnino tibi præstare volo, quia à te falli timeo. Ille autem: quia vadem alium invenire nequeo, vellesne Dominum meum Jesum Christum, quem colo, pro vade accipere? At ille: Jesum, ait, Christum Dominum esse non credo, Sed quia cum hominem justum & Prophetam fuisse non dubito, hunc si mihi pro vade dederis, indubitanter accipio. Ille ergo: Eamus ergo in Ecclesiam in honorem Sanctæ DEI Genitricis constructam, & quia Jesum Christum præsentem tibi pro vade reddere nequeo, ipsius imaginem vice illius, immo ipsum per imaginem suam tibi vadem, & pro me fidejussorem tribuo: Quòd si diem à te constitutum præterierò, servus tuus certè in posterum ero: nihilominus tamen tibi pecuniam tuam post terminum reddam. At Judæus: fiat, inquit, ut dicis, præcede, sequor te, quò vadis.

Ambo ergo, amborumque amici pariter cum eis ad hanc venientes Ecclesiam, astiterunt Sanctæ DEI Genitricis venerandæ imagini, Filium suum in gremio tenenti.

ti. Manum verò ipsius imaginis Christianus tenens & ipsam pariter imaginem tenendam Judæo illi tradens, vadem pro pecunia dedit, ac deinde genu coram imagine humiliter flexo cunctis audientibus ait: Domine Jesu Christe, quem pro pecunia ista vadem dedi, pro me quoque huic Judæo fidejussorem tradidi, te suppliciter exoro, ut, si casu præpeditus fuero, & pecuniam istam die statuto reddere huic ipso nequivero, tibi que illam tradidero, tu eam pro me redde, quomodo, vel quo ordine placuerit. Tanto itaque vade, tanto que fidejussore dato & accepto Judæus cum Christiano à templo discedit, domum vadit, pecuniæ quantum postulat, Christiano tradit, diem reddendæ illi constituit. Quid plura? Christianus accepta pecunia varia mercimonia comparat, navim parat, merce multiplici onerat, vela ventis committit, varia per æquora fertur, ad barbaras regiones prospero cursu longè à Byzantia efficitur. Venditis ergo suis ibi mercimoniis ditatur mercibus novis, naves multiplicat, opibus peregrinis onustat. Dies transeunt plurimi, dies per singulos negotia meditantur, dies reddendæ pecuniæ à memoria elabitur.

Verùm cum jam non nisi unus dies superesset, repentè in memoriam venit, quia postera lux dies esset termini à Judæo consti-

sti-

stituti. Nec mora stupore perculsus terræ collabitur, exanimis ferè, pro eò quòd acciderat, redditur. Concurrunt famuli, consternuntur cuncti, causas doloris requirunt, responsum nullum accipiunt. Tandem verò velut à morte resurgens sensum recipit, meditatur, quid agat, sit incertus, quid faciat. Vidit diem reddendi debiti propè instare, vidit locum ejusdem reddendi longiùs distare. Ad se tandem reversus ait: Quid meditaris inania? Nonne Dominum tuum Jesum Christum & ejus Genitricem pro te fidejussorem dedisti? Ipsis ergo pecuniam trade, & ut eam tuo creditori, quomodo velint, restituant committe.

Confestim ergo scrinium comparavit, pecuniam Judæo debitam justo pondere appensam includit, & ei, qui mare & aridam fecit, gubernandam committit. Mirum dictu, sed Domino nihil difficile. Nocte enim sub una per multa æquoris spatia scrinium Byzanzæ urbi allabitur, Judæi super mare habitantis manè astitit domui. Ex qua videlicet domo manè mancipium, fortuitò egressum, mare attendit, scrinium inter undas natare conspicit, manu attingere nititur, sed ejus manui scrinium se ipsum subtrahere sibi videtur. Mancipium verò domum currit, domino narrat, quid foris viderit. Adest statim & ipse Judæus litro-

reis

reis inhiat fluctibus, scrinium conspectum manu extenta arripit, delatum secum ad domum aperit, vacuatumque pecuniâ lecto suo subponit.

Post aliquantum verò temporis Christianus peracto negotio, Byzanziam revertitur ad urbem, eique ab amicis civibusque magna cum exultatione occurritur. Audiens vero Judæus, quia is, cui suam præstiterat pecuniam, regressus fuerat, & quia sibi Domino favente peregrinis eam mercibus admodum multiplicaverat, valde impatiens ad eum accessit, & præmissis aliquibus gratulabundis verbis hæc improperando intulit dicens: O, inquit, Christiane, ò veraces Christiani! At Christianus ait: cur ista prosequeris? Quia, ille inquit, pecuniam mutuò à me accepisti, & eam minimè reddidisti. Tunc ille ait: Certè quod mihi præstiteras, jam die constituto reddidi, nec quicquam jam debeo tibi. At ille: habeo, inquit ille, ego testes multos præstitæ pecuniæ, tu verò nullum redditæ. Ille autem: ipsum habeo testem, quem & fidejussorem dedi, cujus tu testimonium agnoscere poteris, quia præstitum omne jam tibi reddidi. Mecum ergo veni, & ejus ipse testimonium audi. Ambo itaque Ecclesiam adeunt imagini nostri Salvatoris cum multis assistunt Christianis. Et dixit: Domine Jesu Christe, servum tuum exaudi,

&

& sicut DEI, & hominis verus es Filius, testimonium exhibe veritati, utrum huic Judæo reddiderim, quidquid mihi præstitit. His ille peroratis, voce clara audientibus cunctis mirabile dictu! imago respondit: *Testimonium perhibeo tibi, quia præstitum omne illi reddidisti die constituto, his indicis, quia scrinium, quo pecunia fuerat clausa, ipsius jacet sub lecto.*

Audiens hæc Judæus stupet, signa recognoscit, & horret. Quid plura? Judæum errorem agnoscit, & fidei Christianæ cum omni domo sua colla submittit. Propter testimonium ergo Salvatoris, Christiano attestantis, *martyrium*, id est, testimonium vocatur tam Ecclesia, quàm hujus diei solemnitas. Et hæc est maxima hujus tantæ lætitiæ causa. Tanto itaque miraculo Græci illius narratione Archidiaconus agnito in laudem prorupit, qui nullum in se sperantem deserit, & omnibus suam Genitricem verè colentibus in omnibus angustiis subvenit.

Cap. XXXIV.

De quodam Clerico.

QUoniam cogitatio sancta mentem contra illicita munit humanam dicente Scriptura: *quoniam cogitatio sancta custodiet te: & sapientis esse didicimus sen-*

Bb

ten-

tentiam, non posse fieri, ut habeat facta mala, qui habet cogitationes bonas, oportet nos studio ferventiori cogitationes intendere, & oculos cordis, quo Deus videndus est, necessaria puritate exornare. Bonarum ergo cogitationum materiam cum Sanctorum memoria copiosè administret tunc nostra recordatio maximè ad hanc dirigenda erit, quæ est Sancta Sanctorum, & ad fructus perducit omnium bonorum. Hæc est, inquam, post Dominum omnium cœlestium virtutum Domina, piissima, & gloriosa, pretiosa DEI Genitrix, meriti singularis, Virgo Maria, de qua dulciter cogitare, Domino salubriter est ministrare: quia qui dignè laudes ejus celebrat, efficaciter se Domino sociat. Hæc namque est innocentium forma, doctrina justorum, refugium peccatorum. Quantam namque peccatores in eam fiduciam habere debeant, si servire ei non negligent, subscripto potest sciri, exemplo.

Quidam namque religiosi studii Clericus, ut religiosorum prodit relatio, sancta loca orandi gratiâ peragrans, ad Cameraensis regionis vicina eadem pervenit devotione, ubi quosdam religiosa districtione Domino servientes inveniens se eis hospitali jure sociavit eorum sancto proposito & laudabilibus caritatis officiis delectatus. A quibus humanè susceptus, & magnæ
be-

benignitatis ministeriis recreatus servorum DOMINI sancta consortia invenisse gavissus est. Cùm autem nocturnis excubiis debitas Creatori laudes cum illis persolvere surrexisset, audivit eos primò synaxis officia in honorem beatissimæ DEI Genitricis semper Virginis MARIÆ ritu solemni honorificè complere, deinde nocturnas imminentis temporis laudes mediocri modulatione perficere. Quod cùm stupefactus hoc fieri miraretur, præsertim cùm nulla eodem tempore Beatæ MARIÆ festivitas fuerit, quare tam solemne tunc officium de ea celebrandum judicarent, ad præsens siluit, opportuno tempore causam sibi ejusdem negotii insoliti diligentius inquisiturus.

Factò ergo manè illum, qui principalem curam gerebat, convenit, & contra usitatum aliarum Ecclesiarum morem, cur ab eis solis iste divini servitii ordo teneretur, sciscitatus est. Cui ille: quocunque modo, inquit, alii sua in cœlestibus obsequiis ordinent ministeria, ego singulari debito constringor in glorioso DEI Genitricis, perpetuæ Virginis MARIÆ ministerio totum vitæ meo conatum expendere. Ejus namque ineffabili clementia & iram supremi judicis evasi, & misericordiæ ejus auxilio jam mihi ferè denegatam indulgentiam consecutus sum. Quod ut tibi

pleniùs manifestem, periculi mei ærumham
& remedii gratiam, quia tibi id gratum esse
non dubito, paucis aperio verbis.

Dum enim vitam meam in sæcularis
delectationis amore per divisa vitiorum
præcipitia ducerem, & me ipsum quotidie
flenda insania collidens, vitam beatam fu-
giebam, & amorem sempiternæ miseriæ
cursu impigro festinabam, duos habui so-
cios simili mecum perditionis itinere gra-
dientes.

Itaque tres eramus, à summæ Trinitatis
gratia longo exilio, quò nostra mala nos
constrinxerant, peregrinantes, & unitatis
damnosæ acta sectantes. Cum ergo mise-
ratori omnium placuit, mortiferum vitæ
meæ cursum pio salutiferæ correctionis ob-
staculo revocare, tali visione dignatus est
detertere.

Videbam ergo, & ecce Dominus judi-
ciaria sede sublimis Anglicis agminibus, &
Sanctorum choris circumseptus apparebat,
velut de vindictâ cujuslibet illatæ injuriæ
tractaturus. Territus ergo tantæ præsen-
tiæ majestatis, quæ ibi dicebantur, trepi-
dus audire cupiebam. Dominus itaque de
me & sociis meis sermonem sumens, tali
præsentis voce alloquitur dicens : *De ista,*
qui præsens nos aspicit, & ejus duobus sociis,
quo judicio digni sint, volo, ut discernatis :
quia nullo timoris mei respectu perversitatibus
fi-

finem imponere, nulloque mei amoris affectu ad aliqua bona se volunt convertere. Sape illos, ut ad me redirent, diversis monitis visitavi, diu illorum pertinaciam toleravi, nullum in eis emendationis effectum inveni. Ad hæc districti judicis verba præsentium Sanctorum responsa sunt reddita, & nostræ damnationis sententia est prolata. Stabam trepidus, & ecce gloriosam perpetuam Virginem Mariam thronum Filii sui adire conspexi, & his pro me apud eum verbis intervenientem audiui: Pro isto, inquit, Filie, clementiam tuam exoro, ut hanc erga eum sententiam damnationis mitiges: quia licet peccaverit, tamen laudibus, horas meas dicendo, studio quotidiano vacavit. Lege etenim tua sanctissima sanxisti, nullum omnino bonum, quamlibet parvum, irremuneratum perire. Hic autem, licet peccator, tamen tanti boni, quo mihi servivit, necdum aliquid mercedis recepit. Vivat ergo gratiâ mei, qui per propria merita addicitur morti. Statim ergo iudex benigno annuens vultu: Fiat, inquit, dulcissima Mater, tibi ut placet. Tuis enim petitionibus annuens promitto & salutem perpetuam largiturum, si vel modo ejus correctionem conspexero.

His dictis Mater salutis ad me conversa ait: vade, & amplius noli peccare, ne deterius tibi aliquid contingat.

Postquam verò senatus ille cœlestis solutus est, & ego terribili visione sublata mihi sum redditus, præteritam vitam meam celeri conversione mutavi, & residuum vitæ meæ tempus huic, quam in nobis vides, conversationi dicavi. Porro tamen socii mei, qui mecum damnationis sententiæ sunt addicti, ut ipse post comperi, deterioribus studiis sunt involuti, usurariis lucris pertinaciter inhiantes ad perditionis discrimina miserabili cursu rapiuntur. Non ergo mirum si laudibus hujus piissimæ Dominae cum omni sollicitudine curam impendo, per quam perpetuæ morti me subtractum, & æternæ vitæ restitutum esse cognosco. Sex autem servitii ejus, quod apud nos invenisti, executores sumus, ex quibus unus contra generalem Sanctæ Ecclesiæ ritum nostra nos divinæ servitutis officia disposuisse conquestus est, & ordinem consuetudinis nostræ cœpit velut invitus sequi. Cui eadem Domina nostra clementer apparens taliter eum allocuta est: Si meo, inquit, servitio juxta morem Fratrum tuorum tibi non placeat intendere, noli saltem mihi devotos inde revocare. Hac autem idem Frater correctione compunctus jam eidem servitio studiosius aliis intendit, & per hoc ejusdem Dominae gratiam consequi modis omnibus contendit.

Hæc

Hæc audiens memoratus Clericus Domino Christo in mirabili pietate Beatæ Virginis, ejus Genitricis Mariæ, gratias egit, & ad laudes ejus frequentandas devotius se deinceps accendit.

Cap. XXXV.

Item de Clerico.

HUc venite, & audite omnes servi Domini. Volo namque narrare, quod à quodam didici, ut MARIA, DOMINI sponsa, deinceps ab omnibus sit amplius amanda & laudanda.

Præsul quidam erat, qui quendam habebat Clericum, quem amabat valde, & fovebat sicut natum proprium: quia & ipse ei sicut suo patri multum erat subditus, immo Christo serviebat, ut debebat, funditus, & S. Mariæ Matri suæ diebus ac noctibus decantabat horas suas dulciter cum fletibus. Sed antiquus inimicus, qui vocatur Sathanas, hoc, ut vidit, invidit, & mox parat insidias, quibus illum posset secum ducere ad Tartara, ut cum eo toleraret æterna supplicia. Hic ergo in ejus corde mittit, ut sponsam accipiat, ex quo more solito liberos acquirat. Sic ergo diabolica suasionem deceptus adamare coepit quandam virginem, quam desponsatam habe-

bat quidam vir dives, & satis nobilis. Verum, quia ille e contra erat ignobilis, quærebat artem, per quam illi fieret amabilis: quia metuebat, si eam aperte requireret, ne pater puellæ eum turpiter contemneret.

Quadam verò die cum arderet in amore virginis, fieretque propter illam exanimis, quærit locum secretum, & cœpit legere in libello, quem tunc portabat secum absconditè, in quo parum erat scriptum arte nigromantica, per quam fecit antè se adesse dæmonia, orans eos supplicando, ut ei succurrerent, & ut puellam eum sine mora habere facerent. Cui tale dant responsum spiritus diabolici, quòd libenter perpetrarent, quidquid vellet fieri, si eum, cui adhareret, DEI Filium, & Mariam matrem ejus relinqueret servitiumque suum. At hæc ille: quamvis, inquit, crudelissime uror, tamen hæc non possum neque volo nullo modò facere, sed quæcunque præter ista jubetis, facio, & me servum domini adoptivum deinceps habebitis. His auditis inimici iterum responderunt, quòd libenter adimplerent suum desiderium, si quod ore promittebat, non differret facere, & juraret eis hoc, quòd nollit eos de hoc fallere: quia multi Christiani sic eos deceperant, quorum vota ipsi sæpe impleverant. Tunc illos facit firmos, ut antè promiserat, tantum ut illam haberet, pro qua

qua sic arserat. Mox ergo inimici egressi invaserunt puellam, & cor ejus accenderunt in amorem Clerici in tantum, ut clamaret cunctis audientibus, aut daretur statim à suis parentibus, sicut mos esset, cum honore illi tali Clerico, aut ipsa abiret sua spontè in ejus amplexus. Hæc audientes parentes ejus nimium contristantur, quia volebant eam dare nobili sponso. Sed ejus minas timentes, ne fieret meretrix, datur viro, quem petebat, per manum Pontificis, qui invitus desponsavit eam illi more solito, quia diligebat eum corde perfecto. Post hæc autem, sicut ordo matrimonii postulat, requirit, ubi Missas audiat. Quas dum audiret, etiam horas S. MARIÆ psallere cœpit, ut solebat, devotissimè: sed finitur Missa, priusquam Nonam incipiat. Unde valde tristis fuit, si Nona non dicta discederet. Sed illico discessit cum omnibus, qui cum illo ad has Missas venerant, atque tendunt ad domum, in qua erant plurima præparata, & ornata, ut mos est, convivia, ubi simul venientes, cum manus abluerent, dum mensa paratur, antequam discumberet, sponsus Mariæ memor & Nonæ, quam non dixerat, rogat illos, ut expectent se, donec redeat, sciens, quia tota die non haberet spatium, quo cantaret illam nisi ante prandium. Mox itaque Capellam quandam intrat, & ibi cœpit psallere Nonam ante aram prostra-

tus toto corpore : quam dum jacens cantaret, obdormivit fortiter, & ecce in visionem desuper in aëre Mater DOMINI apparuit quasi tristis & indignans erga illum, & cum eam cognoscat, imperat, ut indicet. Cui ille respondit, quod eam non cognosceret. Ad hæc illa se MARIAM illam esse se indicat, de qua Nonna erat, quam modo incœperat. Et adjecit: Verum, inquit, quia mihi facta est injuria; sum confusa & turbata præ magnitudine tristitiæ: quia quondam virgo eram desponsata cuidam, qui spernens, & relinquens me nunc accipit alteram, & me tenet ut rivalem & siccut adulteram. Sed quia mihi tantam fecit injuriam, hic magnam luet pœnam jure sibi debitam, & me perdet atque meam simul amicitiam. Tunc hæc cuncta de se dicta ille jacens miser intelligens, nimis tremefactus, licet dormiens, ingemuit, & affirmans & lacrymans plurimum culpabilem, & implorat, atque supplicat sibi dari veniam dicens: Miserere mei, inquit, ô Mater Altissimi. Nondum feci, quod promisi. Adjuva Domina pia, & subveni; Non negare, sed amare Dominum & te cupio & servire, & laudare semper, immò illam nuptam, quam accepi, relinquere & te meam primam, & bonam Dominam, si placet, recipere. Tunc pia Virgo mota his fletibus, & precibus ait illi dormienti:

Istis

Istis parce vocibus, & quod modò promittis, fac; de portis citius. Quod si agas, intuebor te, misericorditer atque meus. Filius, fontesque in hoc nostrum adesse auxilium modò tibi profuturum atque in perpetuum. Sic locuta Virgo Sancta confestim disparuit, & vir memor, quæ viderat, clatus in se rediit, & de responso sibi dato à beata Virgine credebat, & liberum se esse à commisso scelere.

Mox ergo suffroxit & perrexerit ad suum Pontificem, pandens ei cum suspirio totum rei ordinem, quomodo cum inimici seduxerant, & quæ per piissimam Mariam sibi revelata fuerant, atque orat, ut puellam ab eo disjungeret, & ut pater ejus Virginem reciperet (nam Mariam propter eam volebat dimittere, quam ut Dominam matrem solebat diligere) & ut sibi magnam poenitentiam daret, quæ tanti peccati possit promereri veniam, postulat.

Praesul autem audivit suum Clericum, quem ut dixi, diligebat sicut pater filium, tam perfectè poenitentem & veniam poscentem paternè corripuit, poenitentiam, quam voluit, dedit, monens illum, ut deinceps viriliter ageret, & ut justè, atque piè & castè viveret, & quæ dæmon suaderet, omnia contemneret, quia ita promerendo veniam reciperet, atque semper sine fine cum Maria viveret.

Post

Post hoc verò omnes, qui ad illud vocati sunt convivium, jubet Præsul, ut ad sua redeant hospitia: nam ille Clericus volebat hanc puellam sibi datam tenere ulterius. Jubet ergo illud parentibus puellæ, ut hanc darent cum honore, ut volebant primitus, qui quondam sponsam adamaverat dudum, quæ & illum, ut creditur, amplius dilexerat. Nimis namque contristata erga illum fuerat, quia sponsam aliam præter illam dilexerat, atque ipsam ut rivalem indignanter spreverat, & hoc ei in visione revelaverat. Cunctis verò sciscitantibus, quæ esset illa? Præsul ait. Hæc est, inquit, Maria Virgo, sacratissima, quæ ut luna est decora, & ut Sol pulcherrima, de qua pro nobis carnem suscepit, qui est ante sæcula.

Hæc audientes puellæ parentes acque omnes alii discesserunt laudantes Genitricem DOMINI, quæ, quos amat, sic defendit à tantis periculis. Et nos Fratres laudemus eam sicut servuli, ut per eam mereamur immortales fieri. Amen dicat omnis, qui vult salvus fieri.

His ergo finitis ad prædictum redeamus Clericum enarrantes, quàm devotum deinceps servitium impendebat suæ Primæ Dominæ Sanctissimæ MARIE, per quam ita liberatus est à prædicta puella. Accepit ergo magnam poenitentiam, & dum

dum vixit, valde se afflixit jejunando juxta verbum Pfæfulis, cui erat confessus modum sceleris, ut veniam promereri posset. Nam & Beata MARIÆ, suæ Dominæ, dulciter & intentè & devotissimè die ac nocte plus, quàm solitus erat, serviebat cum lacrymis & gemitibus orans, ut post finem animam suam defenderet, ne in illam inimicus manum mitteret. Timebat enim hostis antiqui insidias, & ne migrantem saperet, atque ad tormenta secum duceret. O quàm pia, & quàm magna DOMINI clementia erga justa & sancta desideria, sicut modò in hoc facto possumus cognoscere, in quo iste non indignè visus est hoc petere! Nam post breve tempus in languorem decidit, quo defectus & depressus mortem suam obiit, & regnum æternum accepit, quod quæsivit, quodque ipse petiit. Fertur enim, quòd ad illum visibiliter venerit sua pia Domina, Mater CHRISTI, quam amabat dulciter, & accepit animam ejus, & duxit secum, ut creditur, ad vitam æternam. O quàm felix esse potuit, qui Mariam Dominam habere meruit!

Et nos dilectissimi, si felices semper esse velimus, hanc ex corde diligamus, sicut & hic dilexit Clericus, & per illam cum Filio suo vitam æternam obtinebimus. Ergo ipsa sit benedicta per omnia sæcula, detque
no-

nobis sempiterna gaudia unà secum & cum Nato suo, Redemptore omnium, qui in fine judicabit omnia, reddens bonis & malis juxta sua merita, cui laus, & potestas in sæcula Amen.

Cap.. XXXVI.

De quadam Abbatissa.

Celebre est dilectissimi ad illum medicum currere languentes, quem in arte sua tam potentem cognoverit, ut morbis omnibus idoneus sit subvenire, cujus etiam peritiam si pia quoque voluntas ornaverit, ut, quod sapienter potest, misericorditer omnibus velit impendere, nemini dubium, quin ejus præsentiam omnes alacriùs optent, & expectant efficaciam, suffragium requirant. Et hanc quidem devotionem languentium erga se ipsi experiuntur, qui corporum tantum incommodis occurrere noverint. Si autem intelligitur, quis sit, qui in hac potentia sit sublimis, qui non inferiore gratia valeat tam animabus, quàm corporibus subvenire, ferventiùs desideratur, dulciùs diligitur. Sed in hoc munere cum præstante gratia superna plures Sanctorum vigere manifestum sit, Mater utique Sancti Sanctorum hac potentia post Dominum privilegio
spe-

speciali præ omnibus sublimatur, ad cujus clementiam omnis fideliter confugiens ab omni ægritudine liberatur, & vera sanitate firmatur. Quod cum modò facillimum sic probare multipliciter, subjectis breviter demonstrare placet exemplis.

Fuit ergo, ut veracium fideli relatione virorum fertur, quædam sanctimonialium spiritalis Mater, quæ officium hoc & nomine & actione tenebat, strenuè curam regiminis sancti exequens, & spiritali Zelo subjectam sibi congregationem ad sacri custodiam ordinis pro rigore constringens. Sed cum bonorum profectus pravis animis tabescentis livoris ingerit pœnas, cœperunt sanctimoniales, quas ad disciplinæ salutaris custodiam admonebat, pro bonis mala impendere, & pro immensa vivifici curâ regiminis odiorum studia exercere. Injusto ergo prosequerantur odio, quam justè diligere debuerant: & eam, quæ illas æternis honoribus dignas reddere laborabat, omni nudare honore cupiebant. Sociavit se livori eorum antiqui insidiatoris infesta malignitas, & eam, per quam sua vasa sibi eripi dolebat, à sanctitatis arce dejicere modis omnibus festinabat. Invasit ergo coelestem thesaurum latronis invidi versuta malicia, & occulto judicio DEI prævalens pretiosum sigillum castitatis confregit cunctis Mundi opibus præferendum. Hujus enim

enim supplantata fraudibus præfata sanctimonialis mater cum dapifero suo incestum incurrit. Sed cum de occulto peccato diutius exultaret, disponente Domino, qui de malis nostris suas laudes operatur, ingrato conceptu gravidatur. Nec tamen destitit regulari rigore subditum sibi forum gregem observantiâ sancti ordinis coaptare, & inutiles vagandi licentias singulis denegare. Unde factum est, ut contra eam acriori livore murmurarent, & si quid in ea, quod accusatione dignum esset, invenire possent, sollicitius explorarent. Jam tempus instabat, quo conceptus illius, quod studiosè celaverat, onus deponeret, cum ecce tam per incestum, quàm per cibum à sanctimonialium muliebri sagacitate imprægnata deprehenditur, resque singularum relatu dispersa in notitiam omnium perducitur. Fit speciale gaudium universis, exultantes se in eam justam causam accusationis invenisse, quam suis voluntatibus adversam judicabant. Scribuntur litteræ, deprehensi criminis accusatrices causæ notabilis, & ut sese res habet odientium, consertis mendaciis signantur, & Episcopo, in cujus locus ille diæcesi erat, criminatrices epistolæ deferuntur. Imminet illi nescienti Pontificis adventus, & ipso onereseu osibitmet ipsi gravis, quid ageret, ignorabat.

Erat

Erat ei privata capella, ubi quotidiano studio beatissimæ DEI Genitricis Mariæ, perpetuæ Virginis, solebat horas dulciori, quò potuit, affectu decantare. In hanc verò Ecclesiam semetipsam graviter promovens gloriosæ DEI Genitricis semperque Virginis Mariæ laudes solitas persolvebat. Finitis horis immanitatem peccati sui & publicæ confusionis, quam instare sentiebat, horrorem altius animo infixit, & totam mentem dolore concutiens intimè inter amaras lacrymas singultus acerbos emisit, & gemitus profundos ingeminavit. Affuit ei superno collato munere econtra spes misericordiæ DEI, deficere nescientis, & ejus misericordissimæ matris, totius creaturæ DEI potentissimæ atque dignissimæ Mariæ.

Ad tantæ ac tam piæ Virginis implorandum suffragium dolentem animum integra devotione convertit.

Toto ergo corde & corpore se in oratione prosternens: ad te, inquit, Clementissima Domina mea sancta, summæ pietatis ineffabilis Mater, & incomparabilis Virgo Maria confugio, singulare post Dominum & unicum refugium miserorum, ad te inæstimabile pietatis æternæ reclinatorium in angustiis meis lacrymosis suspiriis clamo, a te desiderans, te interveniente, per inexhaustam miserationem singularis Filii

C c

tui

tui DOMINI nostri JESU CHRISTI, & reatus mei veniam obtinere, & horrenda opprobria imminentis confusionis evadere. Hujusce modi precum lacrymosis suspiriis mœrentium singulare solamen beatissimam Mariam flebiliter invocabat, & ab ea suis calamitatibus levamen instantissimè efflagitabat.

Dum ergo anxie cum contritione cordis insistendo lacrymis & ejulatibus mixtas orationes effunderet, subitaneo depressa somno quievit in silentio. Et ecce ei Beatissima Maria comitantibus Angelis clementer apparuit, mœstam misericorditer alloquens, primò de tanta visione trepidæ & hæsitanti, quia Mater misericordiæ esset, quæ apparuit, & ob tanti solatii verba adjunxit: *Audivi, ait, orationem tuam, vidi lacrymas, & me à benignissimo Filio meo, qui est pœnitentiæ susceptor, noveris peccati veniam tibi, & ab infamia & confusione, quam times, plenissimam liberationem impetrâsse.* Dixit & duobus Angelis, quemadmodum sibi videbatur, ut eam prolis onere, qua gravabatur, exonerarent, præcepit, & cuidam eremitæ, ut per annos septem ejus curam gereret, mandavit deferri, qui fuit septimo milliario in vicina positus eremo. Quò factò liberatam fœminam pio admonens sermone ait: Ecce
op-

opprobrium , quod timebas , evasisti ! Peccati laqueum deinceps cave , & sanctis studiis ardentius intende. Proinde scias te ab Episcopo plurimis verbis & improperiis fatigandam , nec tamen expavescas , sed fiducialiter age , quia omnia facile transibis. His verbis finitis visio disparuit , & sanctimonialis ejulans , & evigilans omni , quo prius cruciabatur , onere carere se sentit , & Domino ac liberatrici suæ , sanctissimæ Genitrici MARIÆ semperque Virgini incessabiles gratias egit.

Interim ergo à sororibus invitatus Antistes veniens Capitulum intravit , Abbatissam requisivit , eamque ad se vocari præcepit. Qua diu quæsita tandem in suo , quo B. Mariæ familiariter serviebat , oratorio reperitur , & ad Episcopum venire juberetur. Surgit ergo , Capitulum ingreditur , & in loco sibi solito Præfuli considere festinabat. Accedentem ergo eam opprobriis antistes aggreditur , & injuriis fatigatam citius exire compellit. Illa vero ad memoriam reducens verba Beatæ DEI Genitricis ac perpetuæ Virginis fiduciam sumit , & foris egressa interrita mansit. Mittuntur etiam post eam duo Clerici pontificali jussu , qui divulgatum de ea crimen explorarent. Accedunt , diligenter attendunt , & nullum in ea uteri

fæcundi signumprehendunt. Mulieris itaque innocentiam Præsuli renuntiant. Sed illos Episcopus pecunia corruptos existimans per semetipsum curiosius explorat. Itaque nullum in ea criminis objecti vestigium cernens ejus ad pedes corruit, veniam de illatis injuriis exposcit. Illa verò expavescens tantam Pontificis humilitatem, terra coram eo procumbit, indignam se clamans, pro qua tam sublimis persona tanta se humilitate deiciat.

Tum demum antistes omnibus, qui crimen objecerant, vehementer iratus, ut de Monasterio citius exirent, præcepit. Abbatissa verò eas, malevolo licet animo, tam vera dixisse perpendens, ad honorem Beatæ DEI Genitricis, benignæ liberatricis suæ, peccatum, quod fecerat, maluit Episcopo revelare quam criminatrices suas adversa pati permetteret se prosterrens, ei omnem rei ordinem pandit. Hoc ille audito miraculo, dum in gloriosæ Virginis & Beatæ DEI Genitricis Mariæ immensa pietate benedicens, statim duos clericos ad Eremitam pro hac causa, sollicitius inquirenda, transmittit. Veniunt ergo illi, de puero sciscitantes, & ab homine edocti puerum ea die natum, & à duobus juvenibus ad eum paulò antè delatum, & mihi datum ex parte B. Mariæ

Vir-

Virginis ibi conspiciunt, & revertentes omnia Pontifici referunt.

Lætus ergo Pontifex puerum, ut Mater DOMINI præceperat, cum homine Dei nutriendum septem annos permisit, quem post in suam curam susceptam ad litteras posuit, religione, ac scientia clarum successorem sibi idoneum educavit. Nam ipso vitæ suæ peracto cursu in Domino quiescente, ipse ei in Episcopatu successit, & Beatæ DEI Genitricis ac semper nominandæ Virginis Mariæ merita vitâ & verbis magnificis prædicavit. Accedant itaque ad tam potentis medicinæ Dominam, omnes ægroti veniant, ut sanentur, sancti beatam Mariam correctis moribus studiosis laudibus venerentur. Nescit ergo miseris deficere pietas ejus, quæ nos omnes misericordiæ dulcissimi Filii sui commendat. Qui &c.

Cap. XXXVII.

Visio cujusdam Sacerdotis.

INter cætera miracula, quæ de beata & gloriosa semper Virgine DEI Genitrice Mariæ referuntur, & veraci stylo scripta esse videntur, illud silentio non est prætereundum, quod in Monasterio Bruviningensi constat fuisse declaratum.

Quidam Presbyter, qui in divinis scripturis studebat, & dictandi scribendique usum habebat, cum reliquo cursu, quem in divinis horis de S. Maria frequentabat, etiam Completorium de illa quotidie cantare solebat. Qui cum quadam die Completorio se in lectulo collocasset, Homiliam super illud Evangelium: *Exurgens Maria abiit in montana*, dictare coepit. Sed cum attentius meditationi insisteret, inter meditandum obdormivit, & Completorium, quod de Sancta Maria dicere debuit, oblivioni tradidit. Gravatus ergo somno putabat se stare in Ecclesia ante principale altare, ubi accedentem ad se Dominam reverendo vultu aspexit: quasi faciem matris suæ videret, cum admiratione nimia gaudebat. Quam cum salutasset, illa subridens: nolite, inquit, mirari, quod hac hora venerim ad vos. Veni enim ut Completorium à vobis audiam, quod nondum audivi. Et cum ille jam Completorium se cantasse affirmaret, illa subjunxit: Unum quidem Completorium, quod est regulare, dixistis, sed alterum neglexistis. At ille in se reversus, recordatus est Completorium Sanctæ Mariæ se oblivioni tradidisse.

Tunc pia Mater cum assumpsit, & secum ducens ad altare S. Johannis Baptistæ, quod juxta principale altare ad septentrionalem

nalem plagam fitum est, divertit. Ibi lux immensa refulsit, quæ altare illud, & ea, quæ in circuitu altaris sunt, perfudit. Sedile positum erat juxta altare, ubi sedere secum Presbyterum Beata Maria faciens, ut Completorium cantaret, admonuit. Illa sessio jucunda erat, in qua tanta dulcedine mentis delectabatur ille, qui Completorium cum Beata Maria cantabat, ut se in paradiso DEI esse sentiret. Finito Completorio ipsa cœlestis Regina visio disparuit, & Presbyter evigilans signum ad vigiliis matutinas pulsare audivit. Hac visione omnes adoptivi Sanctæ Matris Mariæ filii admonentur, ut nihil negligendum ducant in omnibus, quæ ad obsequium & venerationem Reginae Cœlestis pertinere noscuntur.

Ego scilicet Boto, qui hanc visionem jam senex de S. MARIA vidi, & quasi de alieno scripsi, plura de ipsa Matre Misericordiæ, & de ejus beneficiis, quæ ante annos quadraginta circa me gerebantur, referre dignum duxi. Tunc ætate Juvenis, officio Subdiaconus eram, cum supra vires ingenii mei meditandi ac dictandi studio fervere cœpi, ita ut hujus exercitii gratiâ sæpius insomnem ducerem noctem. Quo circa infirmitatem maximam capitis incurrebam, & in lectum decidens totis viribus corporis destitutus eram. In illa

tam diutina ægritudine mea fastidio eram Fratribus nostris, qui me custodiebant, & ideo à me recedebant, nec curam mei gerabant. Solus ille beaæ memoriæ *Heinricus* Elemosynarius ex affectu charitatis merefovebat, & me tunc penè ad exitum propinquantem diligenter custodiebat. In quo statu corporis, & mentis tunc essem, nec verbis perfectè explicare possum. Exteriore hominem meum flagellis suis Dominus cinxerat, interiorem verò hominem manu sua tenebat, & ducebat, quo volebat. A terra sursum elevabar, ad divinas mansiones, lucidas, lucidiores, lucidissimas, ubi requiescunt animæ Sanctorum, spiritura piebar, & miranda videbam, quæ dicere non licet, quia nec dicenti aliquis fortè crederet. Sed & sub terra dimissum me sentiebam, & in pœnis infernalibus horrenda videbam.

Inter hæc lecto velut exanimis jacebam, & nihil horum, quæ videbam in locis & ædificiis, agnoscebam. Corporei oculi mei sic obscurati erant, ut nullum ex Fratribus nostris facie vel nomine cognoscerem. In alio enim sæculo me esse putabam, Antichristum tunc temporis in sæculo regnare æstimabam, cum quo me pugnaturum fore formidabam. Quid plura? Ego, qui à Magistris aliquando instru-

structus litteratus esse putabar, nunc flagellantis DOMINI manu tactus in infirmitate, non cognovi litteraturam, quia introivi in potentias DOMINI. O quanta est potentia, quam terribilis est in sua potentia ille, qui aufert etiam spiritum principum! Ipse communem hominum sensum mihi abstulit, & alios, quos voluit, sensus super me induxit. Quis non miretur, quis non stupeat, quod de tota scientia mea nihil mihi remansit, sed totum simul amisi, quidquid unquam didici. Si librum inspiciebam, legere vel cantare aliquid nesciebam. Si orare volebam, nec psalmum, nec *Pater noster*, nec *Credo in Deum*, nec aliquam orationem ad memoriam revocare poteram. De tota scriptura veteris ac novi Testamenti nihil aliud memoriter retinebam, nisi illam Antiphonam: *Sancta Maria succurre miseris*. Et Hymnum: *Ave maris stella*, quæ jugiter repetebam, terebam, & hac voce inclamabam: O Sancta Maria, spes & solamen miserorum, exaudi me clamantem ad te. Adhuc quatuor anguli in capella tua sunt: da mihi locum in domo tua ut requiescam.

Dum hæc clamarem, matutina laus à Fratribus in choro cantabatur.

Interea ego in domo infirmorum jaccens in lecto soporatus sum. Et ecce video in ecclesia S. Mariæ ante altare thronum positum, & in throno sedentem Dominum Jesum, & ante faciem ejus stantem beatam illius Genitricem, quæ flexis genibus sic orabat : Domine Clementissime, miserere illi, qui ad me jugiter clamat. Da ei per gratiam tuam, ut de infirmitate convalescat, & amodo in tuo servitio proficiat. His visis & auditis statim evigilavi, & Conventum cum processione intrantem in capellam audiui, & pristino sensu mihi reddito intelligebam, & cum psallentibus psallebam. Mirantibus cunctis diluculo surrexi de lecto, convaleui de infirmitate. Ex tunc per Domini misericordiam, & Sanctæ DEI Genitricis intercessionem scientiam percepi amplio-rem, & perspicaciorē in divinis scripturis intelligentiam.

Eo tempore quo Ecclesia S. Mariæ pictura decoraretur, in ipso picturæ opere decentissimè ordinabatur materia per quinque distinctas festivitates, quarum prima est nativitas sacratissimæ Virginis Mariæ : Secunda Annuntiatio Dominica : Tertia Incarnatio DOMINI : Quarta Purificatio Sanctæ Mariæ : Quinta assumptio ipsius Reginae cœlestis. Et quam gratum, & acceptum fuerit hoc opus DEI Genitrici,

ci, quod ad ornatum domus ejus fiebat, ipsa gloriosa Virgo per suam præsentiam ostendere dignata est. Nam nocturno tempore, quando Cursus Sanctæ Mariæ in capella cantabatur, dormitanti mihi visa est gloriosa Virgo ibidem deambulare, & picturam diligenter considerare, & alacri vultu Conventui gratias agere pro impenso tantæ venerationis obsequio.

Cap. XXXVIII.

De Episcopo Bono.

PRæsul erat quidam Domino gratus,
Ex Francorum genere natus.

Bonus erat ei nomen,

Quod designat bonum omen.

Iste juxta Domini legem

Custodivit suum gregem:

Sanctitatis dans exemplum,

Sancti Michaëlis petiit templum.

Solus in obscuro loco orat,

Dominumque puro corde rogat,

Planctus agit, pectus tundit,

Inter fletus preces fundit.

Quò cum veniens plebs abscedit,

Et ad sua quisque redit.

Ille solus ibi jacet,

Ut Divinæ laudi vacet.

Custos

Custos loca perscrutatur,
Ne quis ibi relinquatur.
Hic manere solus audet,
Nec se posse capi gaudet:
Dum ex corde Domino psallit,
Perscrutantes servos fallit.
Hi recedunt, isti orat,
Et culparum memor plorat.
Horâ noctis intempestâ,
Dum revolvit sua gesta,
Dum amaros agit planctus,
Angelorum audit cantus,
Oblectatur dulci melo,
Descendente quasi e cœlo.
Namque verba vocum audit,
Memorique corde claudit:
Admiratur tanto sono,
Tam suâvi gaudet tono.
Dum precatur Dei Numen,
Videt latè fustum lumen,
Et cœlestis adest cœtus,
Unde virum subit metus.
Angelorum chorus petit,
Et vexilla sua vehit:
Subsequuntur Sancti Dei,
Quos precamur omnes rei,
Inceditque sic festiva
Virgo Mater, sicut Diva.
Quæ rogata, quis cantaret,
Vel qui Missam celebraret,

Bono

Bono, inquit, hoc concedo:
Illum enim dignum credo.

Verba præsul audiebat,
Seque tremens retrahebat.
Ipse lapis cedens ei
Servat signum hujus rei.
Statim Sancti Bonum quærunt,
Et quæsitum invenerunt.
Quem indutus vestem præclaram
Ducebant contra aram.
Sic cœlesti veste dives
Cœli stabat inter cives.
Patriarchæ hunc ducebant,
Et Prophetæ præcinebant.
Incedebat sic deductus,
Memor tamen sui luctus,
Et accedens aram petit,
Quam cum Sanctis ante stetit.
Hinc suscepta manu pura
Ipse offert Deo thura.
Resonabant dulces meli
Præcinente turba cœli.

Ut divinum opus dignè
Vix peregit, & benignè
Virgo Mater ei vestem
Pro mercede dat cœlestem,
Agit grates, reddit vota,
Laudat Deum mente tota:
Et quam sibi Virgo dedit,
Sumit vestem, & abscedit,

His

His occultè ita gestis
 Crevit fama datæ vestis:
 Et nihil ille celat,
 Quod viderat, hoc revelat.
 Alius quidam credens malè,
 Se mereri quidquam tale,
 Præcessoris ad exemplum
 Illud idem petit templum.
 Intrat solus valde serò,
 Et hebetatus velut mero
 Jacet fessus,
 Et quasi gravi somno pressus.
 Sed ut Aurora lucem dedit,
 Et nox cum somno recedit,
 Ipse capite vix erecto
 In suo se videt lecto.
 Exterritus signo crucis se munit,
 A thalamo procedit:
 Occurrentes sibi ministros salutat,
 Et errare se putat.
 Tandem ad se Præsul reversus confedit,
 Et, quæ sibi acciderant, suis cum stupore
 patefecit.
 O quàm pia & quàm benigna,
 Omniq̃ue laudè est digna
 Mater Christi intacta,
 O quàm mira, quàm pia ejus facta,
 Quæ sic parcens negligenti
 Sanum reddidit suæ genti,

Ma-

Malens illum pœnitere,
 Quàm pro culpa mox delere:
 Benè autem vigilantem,
 Et se devotiùs exorantem
 In tantum dilexit, ut vestem
 Ei largiretur cœlestem
 Volens eum celebrare
 Opus Dei salutare!

Et ne quis incredulus hoc putet falsò
 inventum,

Hujus veritatis cognoscat argumentum.

Nam adhuc durat idem vestimentum,

Nullum ferens detrimentum.

Aleupnensis * urbs prædiyes, Orienti tota
 patens,

Occidenti partim latens,

Fama clara,

Belli non ignara,

Clarus Mons nuncupatur,

Apud quem conservatur

Illa bona Boni vestis,

Rarò visa nisi diebus festis.

Est autem eadem vestis suavissimi odoris,

Et nitentis coloris,

Miræ lenitatis,

Et levitatis.

Modus autem contexturæ,

Vel cujus sic creaturæ,

Prorsus ignoratur.

*
*Videtur in-
 nui Aleppo,
 celebris Sy-
 ria urbs,
 Turcis &
 Arabibus
 nunc Halap
 dicta.*

Do-

Dominus quidem Herbertus Norwicensis se hanc vidisse, se contrectasse dicebat, nec qualitatibus ejus aliquod indicium invenire poterat. Ergo qui istam non credis verè, ut dico, ita esse, yade, & sag tibi fidem: vestem hanc illic invenies. Vide, & laudes Domino referre memineris. Ne obliviscaris manè Stellæ maris, cujus donis non privatur, quisquis ei devotè famulatur. Ipsi & ejus Nato honor, laus & virtus in secula amen.

Cap. XXXIX.

De quodam Monacho.

Quàm dulcis, & quàm pia sit S. Maria, DOMINI nostri JESU Christi Mater, erga eos, qui eam diligunt, & venerantur, & in quantum possunt, ejus auxilium & gratiam semper requirunt, ex quadam re, quæ quondam accidit, apertè potest intelligi. Prior enim Certosia, venerabilis Vir, Leuricus nomine, mihi hoc, quod scribo, retulit, & quod refero, se vidisse, & audisse asseruit.

Quidam Monachus fuit Westmonasterio Leuricus nomine, qui Abbatiam Certosia, dum abbatia sine rectore esset, multis modis, ut illam haberet, quasi vic Sed hoc totum absque voluntate sui Abbatis fie-

fiebat omniumque Monachorum ejusdem loci. Sed quamvis hi omnes voluissent contrarii ejus esse voluntati, tamen per virtutem Regis, qui tum temporis regnavit, ibi positus est. Postquam autem Rex cognovit, quod Abbati suo & monachis omnibus ejusdem loci displicebat, eum de eodem loco abstulit, & misit eum ad aliam Abbatiam, quæ longe ab eodem loco distabat, & ibi aliquamdiu mansit. Postea verò rediit ad locum Certosiae, & iterum ibi manere coepit. Non multò verò tempore, postquam ibi reversus est, invaluit eum quædam gravis infirmitas, quæ & mortuus est.

Quamvis autem iste Leuricus ferè in cunctis, quæ agebat, valde esset reprehensibilis, tamen S. Mariam multùm diligebat. Sæpius quoque in ejus veneratione bis vel ter in hebdomada Missam celebrabat. Cùm autem ab eadem infirmitate, quæ eum ceperat, vehementer esset afflctus, morique timeret, mandavit suo Abbati, ut ad eum venire dignaretur, eumque sibi, antequam moreretur, reconciliaretur, timens, ne, si, antequam reconciliatus fuisset, moreretur, propter peccata sua damnaretur. Hac itaque infirmitate gravatus, dum se huc illucque verteret in loco, ubi jacebat, nesciens, quid potissimùm faceret, quod eum adjuvaret,

rogavit monachos, qui ibi erant, ut pro DEI amore & sancta charitate ei misericordiam facerent, & euntes in monasterio pro ejus angustiis DEI misericordiam, & S. Mariam Matrem misericordiae exorarent, quatenus ei subveniret, & animam ejus à pœnis, quas timebat, liberaret.

Interim dum suum Abbatem expectaret, & Fratres Litanias & orationes pro eo facerent, loquelam amisit & obmutuit, similisque mortuo fuit. Monachi verò, qui in Monasterio erant, & pro eo orationes ibi faciebant, ut hoc audierunt, statim ad eum cucurrunt tristes & dolentes, quod, antequam moreretur, unctus non fuisset, & communionem corporis & sanguinis DOMINI non percepisset. Cumque ante eum steterint, viderintque quia omnino nihil loqui poterat, sed sicut mortuus jacebat, ignorabant, quid ei facerent.

Cœpit ager interim spumam non modicam emittere, subitoque respirans sese plangere cœpit, & manu contracta dicere: Domina S. Maria, Domina S. Maria, ubi gratias ago de hoc, quod me in hac die liberatum habes, quod ego damnationem, quam promerueram, non incurri: quia damnatio citius advenisset mihi, nisi tua misericordia, tuumque auxilium protinus succurrisset. Domina Sancta Maria, gratias

tias immensas tibi refero, quia hodie Filium tuum Dominum nostrum pro me rogasti, quatenus eius corpus & sanguinem dignus essem accipere, & gratiam, quam Christianus debet habere, non amitterem.

Post hæc verba rogavit Priorem & ceteros Fratres, qui ibi aderant, ut, quam citius possent, corpus & sanguinem Domini offerrent, eumque communicarent. Cum itaque sacra communio corporis & sanguinis Christi, sicut rogaverat, ante eum allata fuisset, coepit cum lacrymis dicere, se veraciter corde credere & ore confiteri, quod hoc corpus veraciter esset DOMINI, quod de Virgine sumpsit, & pro peccatoribus in cruce pendit, & sanguis, qui de latere eius fluxit. Deinde communicatus est, sicut rogaverat. Quo peracto, ut oleo sancto ungeretur, obtinuit. His autem omnibus peractis confessione facta Fratres salutavit, & ab eis benedictus indulgentiam accepit, impositusque, ut mos est, circumlatus & hilaris spiritum reddidit. Cujus animam ut credimus sancta & piissima Virgo Maria, quam semper inclamavit, suscepit, & in beata requie collocavit. Sepe-lierunt deinde eum in suo Capitulo benedicentes Dominum ejusque Genitricem, Sanctam Mariam, quæ ei tantam gratiam à DOMINI misericordia impetravit. Quam gratiam ipse Dominus noster nobis con-

cedere intercessione ipsius Matris dignetur, qui vivit, & regnat, &c.

Cap. XL.

De quodam Sacrista.

In Gallica regione, Burgundionum finibus, res gesta esse perhibetur, quam narrare volo. Fuit in illa regione congregatio Monachorum districtè sub regulari norma degens, cui præerat Abbas, vir prudens & insignis vitæ, exhibensque sese dignum tali appellatione: quia gregi commisso plus prodesse studebat, quam præesse. Itaque sicut sano capite cætera membra sana vigent, bonitas, quæ in Prælato firmiter coaluerat, ab eo in subjectos passim transfundebatur. Ex quibus ille silentii, ille doctrinæ luce radiabat; hic in legendo præstabat, assiduus alter in orando sine intermissione apparebat præcipuus: ille forinsecus necessitatibus proximorum obedienter ac sollicitè prodesse amplius gaudebat, mirabantur huius studium in scribendis libris, illius in emendandis solertiam commendabant; efferebant illius humilitatem, alterius patientiam & modestiam, illius abstinenciam venerabantur, in alio dulcedinem mentis, & præcipuam discretionem. Velut ergo quidam paradysus innumeris

flo-

florescunt varietatibus, ita illud Cœnobium illustrabatur distributis à Domino per singulos variis virtutum charismatibus.

Erat ergo inter illos quidam Frater, Sacristæ ministerio principaliter deputatus, magnæ religionis, ut arbitrabantur cæteri. Nempe plurima laudabilia in illo videbantur. Nam in horis pulsandis competenter sollicitus, in altaribus & luminaribus & cæteris præparandis strenuus videbatur, & in ornamentis ædificiisque ecclesiæ conservandis & augendis unice commodus erat, Junioribus verò quibusdam blandè affabilis erat, & in claustrali necessitate benignus consultor. Sed post, ut in fine patuit, nec hæc ab eo tam sincere gerebantur, quàm putabatur. Proh dolor! Nullus in hac carne degens, quantumcunque profecerit in virtutibus ab hoste antiquo potest fieri securus, qui semper circuit quærens, quem devoret, cuius esca electa, cui quisque tanto odiosior est, quanto sanctior: quem juvat potissimum, quorum peior est casus, a quo sicut inter Angelos principium peccandi est admissum in cœlo, ita eorum gaudet ruinis maximè, qui Angelicam vitam proponunt agere in claustro. Sic seductus est ab eo sacrista ille. Quid enim viribus suis homo faciat, dum contra prin-

cipium viarum DOMINI, contra summum Archangelum pulvis pugnare.

Ille miser sacrista corrupto per unum crimen vasculo suae animae, acidum coram Domino exhibebat, quidquid boni videbatur agere. Arrepta ergo opportunitate de facilitate crebri exitus (nam in ecclesia jacebat, & quasi pro utilitate conobii suppeditabat ei, quotiens vellet, exeundi à monasterio licentia) & ex hac occasione in rure vicino cum quadam muliercula fornicandi clanculo habebat consuetudinem. Latebat autem omnes hoc flagitium diebus multis, Abbatem præcipue, ac monachorum Conventum, quibus vel cogitare de illo tale aliquod scelus videbatur permagnum, tantam in eo frugalitatem tantam pensabant in moribus honestatem. At profecto, verum est, quod de fama dicitur.

*Ipsa, quid in Cælo rerum pelagoque geratur,
Et tellure videt, totumque inquirat in orbem.*

Mixtaque cum veris passim commenta vagantur.

Viva rumorum.

Ecce namque cum Frater ille magnæ à toto Conventu æstimationis haberetur, à rudi plebecula undique foris cantabatur. Et cum ille miser neminem crederet sui criminis conscium præter solam peccati ejus confortem, fama illa porten-

tuosa

tuosa publicè sem divulgabat omnem. Crescunt in dies de monacho rumusculi, dubii susurri auctores, & semper auditis aliquid novi adjecit auctor, atque ut vili- bus homunculis vitioque naturæ malevo- lis magno tripudio est latenter bonos la- dere, occultè bonorum clandestina de- tractione dignitati gloriæque derogare, pro posse obfistere, culpa unius Monachi juxta arbitrium illorum diffunditur in ceteros monachos. Culpæ verò occa- sione, quam committebat ille solus, to- tus incusatur Conventus, totus addicitur ordo Monasticus. Qua agnoscentes ali- qui laici vicini, honesti ac religiosi, præ- sati Cenobii sincerè atque constanter amici, satis ægro tulerunt animo. Nem- pe diversis de causis erga illum locum multi servabant non diversum affectum. Alii enim prædia sua pro suis illic anima- bus contulerant, alii suas devore soboles ad serviendum regulariter Domino illuc obrulerant, aliqui sese inibi quoque ha- bitum religionis assumpturos polliciti fuerant. Singuli verò variis rationibus obnixi, Monasterio faventes, ad se sanè censebant omnem ejus pervenire infamiam, nitebanturque pro viribus lacera- toribus religiosi ordinis piè reluctari. Quos cum sedare non possent: (est enim pravis ingeniis innatum, prava semper li-

benter dicere & audire: in coſtiſcondito inter ſe die ad monaſterium conveniunt vocatoque Abbate ſeorſum ſicuti arguti & diſcreti viri prudenter illum appellam. Ajunt enim primò, rem grandem ſeſtraſſere, rem à ſenioribus Cœnobii non diſſimulandam, rem perfectò ipſi Abbati non ferendam: poſtulantque, ne quod dicerent ſtudio charitatis puræ, aliquatenus illis in vitium verteretur malevolentia.

Itaque Abbate vehementer ſtupente, ſacriſtæ flagitium, quod in ore totius vulgi, quotidie verſari audiunt, manifeſtant.

Deinde aſtruunt ſuſpicionem, tum peccandi opportunitatem, tum nonnullis aliis argumentis ſatis veriſimilibus. Poſtea verò reprehendunt acriter ſimulatam diu Religionem, exaggerant non ſacriſtæ, immò ſacrilegi, actum ſædiſſimum, indignantur, quòd ille monachus, vel potiùs monſtrum, tam ſacro Monachoſum ordini feciſſet opprobrium. Poſtremò autem quaſti ſunt lugubriter de priori Eccleſiæ gloria, deque præſenti ejus infamia: orant, obſecrant, ut quoquo modo tandem aliquando proſpiciat, & proptarum flagitium diutiùs incorrectum regnare minimè ſinat.

Quid

ofor. Quid ad hoc Abbas dicere? quo se
 verteret? negaret crimen? At videbat il-
 lis quidem persuaderi hoc non posse. An
 probaret? At necdum satis inde certus
 erat. Diu ergo anxius id tandem potis-
 simum iudicavit, ut primo quidem gra-
 tias ageret religioso eorum studio, ut be-
 nevolentiam, quam in eis erga coenobium
 intelligebat, augerent. Ait ergo, mul-
 tum sibi nec displicere auditum flagitium,
 & eò magis, quia quidquid à discipulis
 delinquitur, pertinet ad magistrum. Ve-
 runtamen experientia quotidiana constare,
 instabilis rumusculos vulgi ad condem-
 nationem personæ, in qua tot invenirentur
 laude digna, minimè sufficere. Sub-
 texuit etiam ut eruditus exempla quàm
 plurima. Memoravit enim Eustadium,
 litteratissimum Antiochiæ Patriarcham sub
 Constantini primi temporibus, qui præ-
 cipuus rectæ fidei & signifer in Concilio
 Nicæno contra pestilentium complices
 obstitit, ac deinde ab ipsis est Patriarcha-
 cus officio dejectus composita calumniâ
 per quandam conductam mulierculam,
 quæ perjurio sese quoque firmarat de Epi-
 scopo peperisse. Subdidit etiam & de
 Alexandrino Athanasio, quem similiter
 machinantibus Arrianis fœmina in Con-
 cilio de sui violatione accusaverat. Deni-
 que cùm exemplis & rationibus congruis

bino

D d ;

osten-

ostendisset periclitatam saepe inter impro-
bos innocentiam, congestis copiose au-
ctoritatibus Patrum contra temerarios au-
ctores & iudices sacrorum ordinum palam
fecit canonicè convictos. Afferuit etiam,
& pro incerta culpa non debere certam
pœnam irrogari: id magis esse paternum
comprobavit, de fonte filio potius bona,
quàm de infonte mala opinari. Ad ultimum
verò blanditiis piis, & rationum dul-
cedine lætos eosdem laicos per DEI timo-
rem & amorem, per diuturnam pollici-
tamque saepe amicitiam obsecrat, quate-
nus, ut caperant, sacri Ordinis blasphematores
pro viribus retundant, pollicens
de re sibi maximè curam futuram, ac sic
à se viros domum redire permisit de ipsius
affabilitate, prudentia, rectitudine admo-
dum gratulantes.

Abbas verò pensans, quod dicitur:
qui dimittit aquam, caput est iurgiorum, rem
compressit, sed à Domino interim preci-
bus obnixis ad investigandam corrigen-
damque rem tantam petere opem non de-
stitit. Itaque die quadam ipse sacrista ve-
nit ad Abbatem ad confessionem. Id enim
semper faciebat vel gratiâ dissimulandi
clandestini flagitii, vel quia, ut est prædi-
ctum, religiosus erat in multis. Finito ita-
que de illis, pro quibus venerat, sermo-
ne Abbas reperta opportunitate indagare
cen-

tentans de his, quæ audierat, primò memo-
 rat inter se habitam diu familiaritatis fidem
 constantiamque in amicitia, subpressis quo-
 testibus indicatum sibi vitium pandens,
 excusansque mox ipsum Samsonis & Da-
 vid comparatione, plurimisque aliis mo-
 dis obsecrat per DEI Judicium, ne huma-
 nitatem familiari amatori erubescat con-
 fiteri. Spondet, si fateatur, eum non amo-
 ris, non honoris, non officii, nec cujus-
 quam rei, præterquam solius peccati con-
 demnationis diminutionem subiturum.
 Monachus verò hæc audiens vi con-
 scientiæ graviter sanè urebatur, sed quia
 sæpe ac multum præmeditatus erat, quod
 esset venturum, suspiciones constanter in-
 ficiendo diluit. O quantæ sunt humani
 generis cordis latebræ! Ipse enim sese per
 juramenta, per execrationes, per plurimas
 etiam rationes purgatò, immò gravius in-
 quinatò, insuper in Abbatem retorta cau-
 sa illatione incusat, quod nimis faciles
 præberet aures susurrionibus. Censens
 itaque Abbas plenè sibi satisfactum, gra-
 tulatus est admodum, at Monachus jam
 semper quidem detegere metuebat. Ve-
 runtamen quia, qui facit peccatum, servus
 est peccati, desistere nequibat à voluptate
 criminis usitati. Consueverat ergo primò
 silentiò pausantibus cæteris clam de lecto
 surgere, Ecclesiam, in qua jacebat, egredi,
 &

& ad nefas patrandum pergere. Quo perpetrato revertebatur nocte intempeſta, Et quò minus foret ſuſpectus, ad Marutinos quibuſque noctibus ipſe pulſabat manu propria.

Sed annis præterfluebat idem Cœnobium, qui tranſvadari oportebat ab eo in eundo & redeundo. Quem una nocte ſolito more à perpetrato flagitio rediens cum ſecurè putaret tranſire, contigit ei illud, quod à Salomone dicitur : *qui ſepe male agit, corruit ſemel*. Nempe aquis plu- vialibus aucto torrente ille miſer ſe ignarus immiſit, ibique per inevitabile DEI iudicium nullo mortalium conſcio ſubmersus eſt. Inſtabat ergo hora matutinalis officii. Surrexere ergò in dormitorio Fratres, præſtolabantur ſignum præter- eunte hora, veniunt denique ad lectum Sacriſtæ comites, qui in Eccleſia jacebant, coque non reperto mirantur & ſtupent, ſed exigente tempore ipſi pulſant. Aliquot ergo diebus tranſactis cum ſtupentes de illo quærerent nec aliquid agnoſcere poſſent, contigit rem ignotam taliter palam fieri.

Contracto amne poſt inundationes priores tranſiens illum quidam eques comperit monachum jacentem ſub fluctibus : ſuſpicatusque, ne de proximo eſſet cœnobio, illuc properat, Abbatem in-
qui-

quirit, eique rem indicat, qui mox pro
sacrista amissione valde suspectus est red-
ditus. Mittit statim de clientibus, mit-
tit de Fratribus, qui sollicite inquirant.
Qui recognito Monacho cum renuntiassent
Abbati, hunc esse sacristam, mittit ad
mulierem, quæ infamata erat de confor-
tio flagitii, callidos investigatores. Illa
verò his, quæ Monacho contigerant, au-
ditis admodum consternata est, & ut
est mulieris inconstancia, sciscitantibus il-
lis rem omnem diu tectam detegit: insu-
per qua nocte postremo die apud eam fue-
rit, quave hora discesserit, non tacet. Nox
illa & hora palam cognoscitur, qua ille
pullandis Matutinis absens fuerat. Unde
Abbas plene colligens, quod submersus
fuisset in redeundo, ac peracto crimine,
desperavit animo de ejus salute, & vo-
cata, ut in talibus rebus fieri solet, omni
congregationi miserabiliter est conque-
stus, quod tam publica turpitudine con-
tingente defecisset honor monasterii pri-
stinus, Fratresque lacrymose consuluit, ut
communitè deliberent, quid in tanta re
optimum factu sit. Tunc illi, quia nul-
lus audebat sperare salutem hominis, in
tanta iniquitate intercepti, pariter id ca-
piunt consilii, ut pro illo nec Missam di-
cant, nec preces fundant, nec saltem cor-
pus ejus de aqua levant. Nam licet idem
fuis-

fuiſſet olim dilectus à quam plurimis, hoc tamen eis videbatur & rationi congruum, & auctoritati Canonum conveniens, videbaturque eis, dum hoc vulgatum foret inter laicos, honori proficere Monasteriū. Videbatur etiam ad cæterorum cautelam terroremque hanc promulgationem fore loco utile exemplum. Quid multa! Habito diu consilio placuit communiter hæc definitio.

Erat autem quidam Frater adolescens inter cæteros defuncto illi quondam familiaris & dilectus, qui præ cæteris effigat ferventissimus in ordine monastico, & studiosissimus in servicio S. Mariæ, cupis gratiâ replicamus hæc omnia. Isdem vero Frater sui dulcis amici morte audita nimio mærore angebatur, quem sibi in errorem damnatio illius animæ geminabat. Ergo tactus compassione per maxima, fiduciamque habens non exiguam in DEI misericordia, definitionem Capituli nimis ægrè tulit, judicansque hanc prorsus sententiam sibi intolerabilem, manante fletu ab oculis, dedecoratus misero vultu, præ dolore mentis procedit in medium, humi prostratus toto corpore ante Abbatis Fratrumque omnium pedes orat, obsecrat cum singultu & gemitu, quatenus liceat sibi saltem pro amici anima piissimæ DEI Genitricis clementiam deprecari.

autem est aliquibus temeraria hac petitio,
 sed ante omnes Amarius, id est, Cantor
 Ecclesie gravissima in eum commotus est
 indignatione. Namque is erga præfatum
 sacrilegam aliquid simultatis habere in ani-
 mo consueverat, prout lues hæc etiam
 quorumque perfectorum præcordia ma-
 culat. Incipit itaque Juvenem, redar-
 guens, amare, atque contumeliose illius
 præsumptionem. Sed ille nec Abbatis
 monitis, nec pro exhortationibus Fratrum,
 nec pro convitiis Armarii, qui maximè ur-
 gebat, compesci à sua petitione poterat.
 38. Igitur magis ac magis instantem non
 desicens Abbas, pia importunitate ad ulti-
 mum devictus est. Quippe haud nescius,
 quam pio ille Frater DEO serviret studio,
 amplius illum verebatur contristare, &
 dolorem ei apponere. Annuic ei itaque
 dicens: etsi ad defuncti animam nullum
 perveniret ex Fratrum orationibus auxi-
 lium, saltem viventi, ut Patres dicunt, ef-
 fect inde aliquod solatium. Impetrato er-
 go, quod exoraverat ille Frater, non otio
 tempus consumpsit oscitando segniter,
 sed in claustro sub aliqua columna vel in
 aliquo angulo sedens, & codicem ex more,
 aut manu aut gremio tenens, dum forsitan
 aliò videbatur intendere, nullâ horâ, nullo
 festo momento suam Dominam suumque
 singulare refugium desinebat animi cla-
 more.

more. Quoties, verò furtiva ei faculcas ad-
venerat ingrediendi Ecclesiam, sacris altari-
bus cum magnis suspiriis adolvebatur, ac
ante sacram crucifixi DOMINI imaginem
lacrymans miserabiliter conquerebatur,
specialiter verò ante piissimæ Dominæ no-
stræ memoriam volutabatur. Ipsum cum
gemitu, ipsam cum fletibus uberrimis in-
vocabat. Sed quid hæc? quid nitor dicere,
quod nequeo enarrare? Ut ait, Apосто-
lus, interpellare studebat gemitibus inen-
narrabilibus. Exitus itaque rei docuit,
quàm se inennarabiliter habuerit. Nam
piissima DEI Genitrix, pietate victa, ex
more excitata sui servuli vociferationibus
interminatis & jugi mœrore illum conso-
lari dedignata non est.

Apparuit ergo flenti anxie, alienatæ pe-
nitens à sæculo præsentis mentis ejus aciei
dulcis Angelorum Regina. Qua insolita
visione illi tremefactus est oppidò. Si-
quidem cum tanta claritate, cum tanti
luminis circumfusione apparuerat, quan-
tâ Imperatricem totius conditæ universita-
tis decebat. Stetit tamen, & Frater mox
ipsam recognovit eadem dante manum,
eadem illustrante intellectum. Blande ita-
que stupentem monachum compellans il-
la, dum piè sciscitatur, quæ illi esset causa
tanti doloris, dedit audaciam trepido, ut
fideliter explicaret desiderium suæ depre-

ca-

carionis: Dilote, inquit, fili, quid agis? quid adeo te affligis? quid in fontem de corpore tuo animam violenter extrudis? Hic gaudens, hic tam continuus, hic tam gravia suspiria, hæ lacrymæ infinitæ quid intendunt, quid à me petunt?

Mox ille sui unanimis amici mortem replicat, peccatum fatetur, veniam summo nisu obsecrat. Ad quæ cum Domina misericordissima respondisset, quod is, pro quo peteret, certissime in cruciatus infernales addictus esset: non esse preces persequendas [pro eo,] quem definita damnatio (a) teneret, ille totus in lacrymas effluens, dolore transverberatus, in corde sensum vix capiens, in mediis, quas iterare conabatur, precibus ab ea derelictus est. Nempe exorsus erat dicere, quod ejus, utpote summæ Imperatricis interminabili potentie nec ullius, quamlibet flagitiosum, facilius præponderaret, nec vires inferni resisterent, neque Christi Filii sui sententia obflaret. Sed necdum sermonem finierat,

Ec

su-

(a) Subintellige: finalis, ejusmodi non fuit damnatio animæ hujus sacristæ, qui haud dubie saltem ad momentum resuscitatus a Deo fuit, ut pœnitentiâ suâ peccata deleret & hoc modo salvaretur. Vide S. Thom. in 1. Sent. dist. 43. q. 2. n. 1. questione 2. ad 5. ubi de ejusmodi damnatis, resuscitatis ac demum salvatis universim pronuntiat, quod non finaliter damnati erant: præsciebat enim Deus, Sancto- rum precibus a pœnis liberandos & vitæ restituendos.

subito disparente illa, quæ videbatur, solus
 remansit. Quid misero tunc animi fuit?
 De amici supplicis mulo, quam ante
 certior erat, eum à sua Domina, in cuius
 ope spem impetrandi habuerat, absque
 impetratione se reprehensum, se relictum
 videbat. Quid amplius ageret? Sed ne des-
 sisteret ab incepta deprecatione, stimula-
 tur vehementiori, quam prius, studio, ami-
 ci compassione, ne desperaret adhuc dulce
 finis DEI Genitricis clementiam. Non
 irrita priores lacrymæ commovebantur
 quæ ipsam Matrem jam de oculis attrahe-
 rant ad terram, jam visionem ei ostende-
 rant.

Itaque tanquam nihil esset, quod ante-
 gesserat, totum se novis modis, totum se
 prorsus in lamenta dat, expertus per appa-
 ritionem præfatam, quanta fletuum, quan-
 ta sit precum efficacia. Statim etiam pleni-
 na fide non à cœpto labore deficere, contem-
 rem, quam postulabat, quamvis difficili-
 mam, vel potius impossibilem, perperua
 Virgo sibi à se impetrandam, ad a regnum
 sui nominis gloriam, revelasset. Verum
 quia nemo ejus afflictiones & instantiam
 sufficit enarrare, ad ea properemus, quæ
 gesta perhibentur esse.

Apparuit itaque ei Mater pietatis se-
 cundo, anxiumque consolata est, hancque
 nuntio illum exhilarat, amici ejus, pro
 quo

quod tanto potius precabatur animam carcere
Tartareo creptam, collocatamque à se in
paradisum genitibus indicat, denique
imperati, ut pariter Abbati ac Fratribus &
primò agnitam Sacrista damnationem, &
impetratam post eadem salvationem refe-
reret Imperatus eis diceret, ne illum au-
derent sua communione separare.

Ille frotus tanta auctoritate, post red-
dita inexplacabilia gratiarum preconiia ius-
sui Domini obtemperat. Siquidem, cum
primum potuit, cuncta congregationi in
Capitulo, quæ sibi revelata, quæ illis man-
data fuerunt per ordinem pandit. Sed
non tam verba dicere, quàm deficere
visus est illis. Suspiciabantur nempe ali-
quid cum vigiliis ac dolore læsum, & forsi-
tan alienata mente phantasiis versuri de-
monis delusum. Ante omnes autem Ar-
marius & super omnes simulacris gratia il-
luminis amare increpat, juvenem irre-
verentem, superbum communis decreti
contemptorem, presumptuosum vocitat.
Exaggerat pervicaciam, quo primicus de-
cretum commune solus resuraverat, &
mnis suorum deliramenta somniorum se-
quenda. Conventa attulerit, Abbas autem
cum plerisque de melioribus, licet vera
esse cuperet, quæ audierat, ne tamen &
ipse ridiculus haberetur, increparum jubet
tacere.

Frater ergo acriter exasperatus contumeliis, in desperatione cœpti laboris esse cogeretur illorum sententiis, nisi Domina nostra, quæ juvat pusillanimes, refovet flebiles, labentem sustentâisset. Nempe haud post multo cum recurrisset ille ad opem solitam, flenti amarissimè DEI Genitrix tertia jam vice se videndam obtulit, dolentemque consolans piè hæc intulit: Jam fili tuis luctibus finem dabo, Abbatiqûe dic mea vice, ut, si corpus Fratris defuncti, qui sub aquis jacet tanto tempore, sub aquis reperierit intactum & sine putredine integrum; tunc saltem credat mihi, & obtemperet. Cumqûe metu Armarii, sicut pridem, conviciaturi, videret horrentem juvenem, sancta Virgo hæc addidit: Cantori, si obstiterit, mea vice denunciato, quod post decem & novem dies obitu maturè punietur simultatis ejus impia pervicacia.

Frater verò, ut jussus erat, Abbati suo mandata Dominae suæ Sanctæ Mariæ indicat, indignantem Cantorem nuncio vicinae mortis exterret. Mussitant Monachi, & variis opinionibus fluctuârunt. Placuit tamen mitti od locum, videri & probari. Missis itaque de senioribus plurimis ad aquam, in qua mortuus jacebat, properant, tactu ac visu experiuntur, quod audierunt. Siquidem virtus illa divina, quæ
aquis

aquas rubri maris divisas quasi murum circa Israëliticum populum stare fecerat, hujus quoque virtutis aquas in specie fornacis arcuatas supra corpus miro modo suspenderat. Sub hac velut Crypta Crystallina, vel potius aquatica, cadaver jacebat, siccis glareis honestè impositum, siccum sine foetore, & absque sanie. Unde qui aderant, valde stupefacti festinanter Abbati renuntiant atque Conventui.

Quis se tunc à CHRISTI laudibus tenuit? Quis Christi Genitricem piissimam non cum summa devotione benedixit? Quis ejus infinitam clementiam manibus erectis non extulit? Excitati tantæ famæ novitatis vicini ad Monasterium conveniunt, quique quondam fuerant contristati divulgata infamia, nunc audiunt Dei miracula omnesque exhilarantur, omnes congratulantur. Nulla esse poterat turbatio, animam sacristæ tam liberam à suppliciis, quàm cadaver ejus erat integrum atque incorruptum, quod tam diu jacuerat sub aquis.

Paratur itaque cum thuribulis & crucibus processio comitante infinito populo, multipliciter Dominum laudantes, &, ut a DEI Genitrice eis mandatum fuerat, corpus ad Ecclesiam deferunt, & in cœmeterii locis honestioribus rumulant.

Cantor verò experta in parte visionis
E c 3 fide

fide non dubitavit implendum, quod de eo fuerat prædictum. Certus itaque de suæ mortis instantia, omnium Fratrum pedibus se adolvebat, & ut a Matre DEI Sanctisque omnibus sibi veniam exorant, suppliciter petebat. Et quia nequibat irritum fieri, quod Mater veritatis decreverat, obiit die statuto. Sed verissimile est prorsus visum in morte, qua temporaliter est punitus, terminum pœnas ejus accepisse, quia tanta pœnitentia, tanta lacryma, tanta suspiria misericordiam præcesserant.

Hic pono finem narrationis, veniam petens prolixitatis. Sed res coarctanda non erat: quia habemus exemplum ruinæ, quam caveamus: damnationis, quam timeamus: liberationem stupendam, cui devotius famulemur. Nemo quidem præter opem Beatæ DEI Genitricis semperque Virginis Mariæ, piissimæ Dominae nostræ liberatur ab inferno, sed præ cæteris videtur mirabilis de condemnata anima ista liberatio.

Sic ergo laus ei, sic gloria Filio ejus, cum quo pia regina illa regnat in cœlo Amen.

Cap.

Cap. XLIII.

De Imagine S. MARIÆ.

QUJUSDAM Fratris relatione cognovi miraculum, quod narro. Referebat enim, se hoc audisse à quodam Presbytero, Venerabili Meritonienſis Cœnobii, Qui idem Presbyter hoc in Eccleſia glorioſæ Matris DOMINI geſtum eſſe teſtabatur, dum ille adhuc in ſeculari habitu poſitus curam Patriarchæ adminiſtraret.

Erat quidam Teutonicus, genere quidem clarus, ſed ab inferiore parte corporis adeo contractus, quod non niſi crure tenus ſe ipſum per terram trajicere poterat, qua de re ſuorum non ferens aſpectum quibus, ut ſolet fieri, & æneri erat & deſpectui: (Hac quippe luc totum ferè genus humanum infectum eſt, quod quilibet chari, poſtquam in valetudinem gravem incurrerint, ſape in odium veniunt atque ſaſtidium) cœpit homo ille ſemetipſum cum labore maximo trajiciendo diverſa loca Sanctorum peragrarè, ſi fortè miſericors & miſerator Dominus alicujus Sancti meritis ſui miſereri, ſeq̃ue ſanitati reſtituere dignaretur. Revelatum eſt autem ei, quod, ſi mare tranſiret, & in Angliam veniret, abſque dubio in Eccleſia DEI Genitricis Mariæ ſanitatem recepturus eſſet.

E c 4

Qui

Qui licèt tale iter grave sibi valdè atque laboriosum fore conspiceret, quæ pro adipiscenda salute gravissimum plerumque facit subire laborem, quasi vit utpote id, quatenus in Angliam veniret. Sed quoniam, ubi gratiam curationis consecuturus esset, certus locus ei designatus non fuerat, quanquam sibi onerosum fuisset, tamen per diversorum locorum Ecclesias; in nomine Matris Domini constructas; mendicando tam diu se miserabiliter trajecit; donec in genibus & cruribus carniæ consumpta ossium nuditas appareret. Tandem miserante Domino, gressumque illius disponente, ad quandam villam, nomine Curdinges, in territorio Sancti Eadmundi regis Anglorum & Martyris; Seccanâ devenit, quo loco habetur Ecclesia in honore superius nominatæ, & semper nominandæ atque venerandæ Genitricis DEI Mariæ consecrata. Quam dum quadam die magna populi frequentia repleset, & inter alios præfatus languidus adesset, sicut semper solebat, piissimam Mariam, consolatricem mœrentium, & languentium fletibus, vocibus interpellat, ut se respiceret, & sanitatem olim promissam sibi acceleraret. Et ecce subito cœperunt nervi contracti se in ordinem suum redigere cum tanto sonitu, quatenus circumstantes in stuporem verterentur. Sicque
homo

homo se erigens, rectisque gressibus consistens miseratricis miserorum, suæque salvatricis nomen in sua lingua cum magna vociferatione & lacrymis, cum gaudio mixtis, acclamabat: Domina Sancta Maria, Domina S. Maria, piissima Mater Christi, gloriosissima Regina cœli, gratias ago tuæ ineffabili pietati, qua super me miserum & peccatorem oculos misericordiae aperuisti mihi quæ in tam gravi corporis incommodo salutis remedium procurasti. Quis ergo tunc à laudibus Christi contineret? Quis dulcissimam Matrem ipsius, ad subveniendum miseris tam promptam ac paratam, corde simul & voce non benediceret?

Quædam autem Judæa, nuper baptizata, huic miraculo intererat, quò visio plurimum in fide confortata est. Fama verò per vicina loca discurrens Iveræ Comitissæ ad notitiam pervenit, quæ ad se virum vocans, Domini quæ magnalia in ipso collaudans, simul quæ gloriosæ Matris Domini tam pium suffragium ei collatum ex corde venerans, & pro amore ipsius Dominae novis eum vestibibus induit, dicens, si vellet, quòd eum in sua cura gratanter retineret. Cujus liberalitati pro impenso beneficio gratias referens respondit, quia postquam sanitati restitutus fuerat, desiderium sibi fore, patriam parentesque re-

Ecce

vise-

vifere, inter quos, utpote nobiliffimus, facis honorifice fe converfari poffe non ambigebat.

Cap. XLII.

De quadam Sanctimoniali.

Fuit quadam Sanctimonialis in quodam Conventu faminarum, fummis Domino famulantium, quae praecunctis Tororibus amabatur ab omnibus. Hac namque plus aliis jejniis ftudebat, vigiliis ac gemitibus & aliis virtutibus quam plurimis, quibus placens Altiffimo & eius Genitrici manebat in cenobiali degeat obfequio. Sed ut vidit Diabolus, qui femper manet invidus, quod ab ea fit repulfus effet nec non defectus, fuafit illi mifeat Domini praeccepta fpernere, virginitatem, quam in mente & corpore fervabat, perdere.

Postquam autem cecidit, ingemuit amare, atque perhorruit fecus, quod fecerat, ac poenituit, quia Dominum, & eius Genitricem offenfus habuit. Mox vero ad pedes Abbatiffae fe humillime proftervit, fpondens fe promptam elle facere, quidquid praeciperet. Cui fpiritualis Mater benignè compatiens injunxit ei poenitentiam, per quam Domino offerre poffet dignam poenitentiam & fatisfactionem.

Sed

Sed prius vitam caruit, quam poeniteret,
 quod deliquit, & post mortem poenis pro
 suo scelere tradita est crudelissimis. In
 quibus dum, quæ fecerat, facinora dilue-
 ret, quadam nocte in visione se demonstrat
 Abbatissa. Quam ut vidit, non expavit,
 sed ut confestim inquisivit, si in poenis ad-
 huc esset, an ex illis exisset, vel sua delicta
 iam illi essent condonata. Ad hæc illa ei
 respondit, quæ perpessa mala erat, & quæ ad-
 huc eam dignam oportere sustinere: Sum
 in poenis Mater, inquit, & uxor vehemen-
 ter, & heu mihi misera nec commissa mea
 adhuc mihi sunt dimissa. Sum enim inter
 feminas deputata laicas, perdidique sto-
 lam primam virginalem, quam habebam,
 quando fui casta virgo, ac Domina dicata.
 Sed hoc scias, quia salva ero per beatissi-
 mam Mariam Virginem in futuro. Illa
 namque benedicta, Maris Scella quæ est di-
 cta, illa quippe, quæ nostrarum est redem-
 ptrix animarum, cum essem in magna an-
 gustia, ad me venit, illa inquam tota ful-
 gens sicut Sol, quam ego recognoscens
 esse clementissimam Mariam, exclamavi
 flens, & hæc dicens: O Mater Maria, quid
 faciet hæc peccatrix? Heu mihi quare nata
 sum, quæ sic cecidi! Ubi eras gloriosa,
 quando huc introgressa sum? O Domina
 si clamantem me audisti, cur vocem meam
 sprevisi? Nonne vides istos signes, qui me
 urunt,

Nunc te quæso, mea chara Abbatissa, stude illi servire, & devotè obedire, quæ tam citò fert juvamen sibi servientibus. Et si vis ejus dulcissimam gratiam acquirere, vide, ut semper illi cantes ipsas preces atque laudes, quas cantabam, dum vivebam. Nam Beatam Mariam semper exorabam pro omnibus peccatoribus. Oratio verò, quam sæpiùs psallebam devotiùs, & piæ Domini plus placuit Genitrici sic incipit: Sancta & perpetua virgo, & pia Domina, & cætera.

Abbatissa verò audiens hæc valde gavisæ est, & manè surgens, atque visionis reminiscens jubet adesse sorores, illis, quæ viderat, narrans monet, ut diligant Matrem Domini, & honorent, & ut illi persolvere studeant devotissimè omnes preces, quas cantabat soror illa adhuc vivens, ut & ipsæ veniam ab ea reciperent & gratiam. Hæc audientes sorores spondent, quòd isto modo & omni servirent Matri Domini tempore. Gaudentes igitur piæ Matri Domini reddunt grates pro sorore liberata, quæ sic pœnis erat data, & cæperunt proclamare simul omnes una voce: O quàm laudanda, & quàm amanda, & honoranda est ista Virgo, quæ tam benignè succurrit peccatoribus. Toto ergo corde, tota mente hanc laudemus assiduè, ut quæ hæc perficere valeamus, Christus nobis concedat per intercessionem dilectæ Genitricis suæ, qui

qui vivit & regnat per omnia sæcula sæculorum Amen.

Cap. XLIII.

De Imagine S. Mariæ.

Est operæ pretium referre, quod Dominus operatur in Constantinopolitana urbe, quo signo defendat Sabbatha Sanctæ Mariæ in hac Metropoli, ut relatu probabilius virorum didicimus. Est quædam Basilica, cognomento Lucerna, famosa & venerabilis, in honorem Beatæ Mariæ Virginis consecrata. Ibi, ut mos est in Græcia, habetur ipsius Reginae imago, gestans in gremio illum suum nobilem primogenitum infantem Jesum. Hæc imago pro Beatæ Mariæ Virginis reverentia velatur syndone holoserica, nec audet quisquam civium Divinæ Virginis respicere vultum, donec revertatur ad sextam feriam. Tunc Sole jam ad occasum vergente, quando vespertina S. Mariæ solennia incipiunt, expansum velamen invisibili machina ostendit civibus cœlestem Domini thesaurum. Quodq; velamen sursum arte Domini vibratum sic immobile perseverat per omnes noctes, illius Vigiliis, & singulas Sabbathi horas, quæ Mariæ laudes resonant, cum solemnibus officio Missæ, usque ad terminum horæ

nona. At vero Vespere Sabbathi, quæ ini-
 tiat solemnia Sanctæ Dominicæ velum San-
 ctæ Mariæ iterum deponitur sine ullius la-
 bore, & obnubilat illam eum magna ve-
 neratione. Ex qua re probatur per Orbem
 terrarum mos increvisse, ut omnes Chri-
 stiani festivè agant memoriam Beatæ Ma-
 riæ in omni Sabbatho, quantum possunt
 ad honorem ipsius Virginis, ut ipsa sit in-
 terventrix pro nobis apud Filium suum,
 Dominum nostrum Jesum Christum, qui
 cum Patre & Spiritu Sancto vivit & regnat
 per omnia sæcula sæculorum Amen.*

Hic finit
 Codex Mo-
 nasterii S.
 Crucis, Ca-
 put sequens
 ex Codice
 sæculi XIII.
 Canobi illu-
 minensis de-
 promptum
 est.

Cap. XLIV.


*De quodam Monacho S. Blasii, no-
 mine Marcwardo.*

Quidam Monachus Sancti Blasii, nomi-
 ne Marcwardus, pius Religiosus, cum
 nocturnis horis ante Matutinos in Choro
 stans contra principale altare Matutinos de
 Sancta Maria cantare coepisset, sicut ipse
 postea secretius quibusdam narravit, de
 eodem altare in anteriori parte ejusdem
 altaris lucem in modum Lunaris sphaeræ
 paulatim crescere vidit. Nam sicut ille
 Matutinos in longius canendo protraxit,
 ita etiam eadem lux ipse majus crescendo
 se

se augmentavit: & postquam Marinos
 finierat, ipsa etiam lux in modum plene
 Lunæ excreverat. In eadem verò luce
 viventem imaginem DEI Geni-
 tricis se testabatur vi-
 disse.

FINIS.





INDEX

Capitulorum in hoc Opusculo extantium.

Cap. I.

- De Elementis & creaturis & Rebus.
- II. De salvandis hominibus.
- III. De cunctorum hominum profectu.
- IV. De Mansionibus & gloria electorum in patria.
- V. De Vulneribus Christi in generali.
- VI. De Vulneribus Christi quinque in speciali.
- VII. De fide catholica in patria.
- VIII. De glorificatis in corpore.
- IX. De prerogativis Beatæ Virginis.
- X. De coronatis Sanctis & postea de confessoribus.
- XI. De Corona Martyrum.
- XII. De Corona Virginum.
- XIII. De Corona duodecim stellarum.
- XIV. De proximitate Sanctorum Deo.
- XV. De Angelis.
- XVI. De præcellentia Apostolorum ante ceteros Sanctos.
- XVII. De Sancto Paulo.
- XVIII. De Francisco.
- XIX. De Luce egrediente ex vulneribus Christi.
- XX. De B. Bernardo, B. Dominico, B. Nicolao, B. Augustino, B. Gregorio & St. Ambrosio, de Fratre Berchtoldo Ratisponensi, B. Hieronymo.

*

Cap.

Cap.

XXI. De laude vocali in patria.

XXII. De diversis vocibus canentibus in patria.

XXIII. De voce unius Angeli, & eorum voluptate, scilicet Angelorum & animæ Beatorum, & de eorum motu.

XXIV. De quinque generibus operum in hominibus.

XXV. De tribus cœlis.

XXVI. De tribus stationibus, scilicet de coquina & apotheca & instita Dei vel Christi.

XXVII. De ferculis coquinæ.

XXVIII. De medicinalibus apotheca.

XXIX. De Mercimoniis institæ Christi.

XXX. De defectibus & peccatis singularium personarum.

XXXI. De virtutibus & meritis multarum personarum.

XXXII. De Sacerdotibus celebrantibus diversis intentionibus scilicet de indignis & devotis.

XXXIII. De dignè celebrantibus.

XXXIV. De una voce quintupliciter laudem salvatoris exprimente.

XXXV. Sermo Dei de communicantibus.

XXXVI. De procuracione Angelorum & de Virtute Sacramenti.

XXXVII. De præputio Domini.

XXXVIII. De tribus Donativis repromissis scribenti libellum.

XXXIX. De sanctitate vitæ suæ, scilicet huius puellæ, de qua iste Libellus tractat.

XL. De osculationibus Altarium.

XLI. De quodam Sacerdote, qui unam virginem defloravit, & sic Missam celebravit.

Cap.

XLII. De elevatione corporis Domini a quatuor digitis, a quatuor imaginibus & significacionibus eorum.

XLIII. De quodam Sacerdote apparente in figura falicis putridæ.

XLIV. De reverentia facta cuidam cellario, nesciens inclinando.

XLV. De scintillis in os Sacerdotis de hostia profilientibus.

XLVI. De indumentis spiritualibus Sacerdotis.

XLVII. XLIIIX. XLIX. L. De Baptismo Christi de Patre, de Filio, de Spiritu Sancto, & de diversis generibus hominum, circa quos Spiritus Sanctus videtur operari, vel operatur.

LI. De Prophetia Versiculi hujus: Cadent à latere &c.

LII. De formationibus Domini manibus cordium de argilla.

LIII. Mysterium illorum diversorum cordium.

LIV. De puerperio Beatæ Virginis & nativitate Christi.

LV. De mysterio passionis & mortis Domini.

LVI. De sepulchro Domini & ejus significatione.

LVII. LVIII. LIX. De visitationibus sex lectorum Christi, de quadruplici morte Christi in cruce, & de multiplici quotidiana utilitate corporis Christi in altari.

LX. De sex virtutibus itum lectum Domino preparantibus.

LXI. De sex puellis, cereos in manibus tenentibus & eorum expositionibus, scilicet de septem virtutibus.

LXII. De stella in qua facies hominis pulchra nimis apparuit.

Cap.

LXIII. De voce sonora in patria & aliis locis, triplicem laudem exprimentibus, sed non verbalibus.

LXIV. De voce jubilationis verbaliter dicente; Ego sum, ego sum.

LXV. De Angelis ministrantibus & alius.

LXVI. De duobus demonibus gloriantibus.

LXVII. De voce dicente: vis nosse, quid Deus sit in anima, & quid operetur in anima?

LXVIII. De rege, qui largitur dona tribus generibus hominum, scilicet militibus, mimis & sponsa sua.

LXIX. De consiliatore Dei in anima, qui consilium datur cum ea tripliciter.

LXX. De fide spe & Charitate.

LXXI. De quinque generibus Confessorum Confessiones hominum audientium.

LXXII. De manibus Sacerdotis, quae splendebant sicut luna serena & facie sacerdotis, quae resplenduit sicut sol & de tentorio supra corpus Dominicum & ejus significationes.

LXXIII. De his quae sub tentorio, id est dignitate Presbyterii, fiunt multa & magna.

LXXIV. De tempore acceptabili, scilicet jejunio, & quod melius sit confessiones audire quam orare.

LXXV. De plenitudine Diei Coenae, qui est plenus gratia.

LXXVI. De petitione hujus puellae, quomodo petivit sibi dari imbrem lachrymarum ad omnes horas diei septem, & quod multa pati posset.

LXXVII. De tripartito statu (eorum) in quibus Dominus spiritualiter resurrexit.

Cap.

Cap.

LXXXVIII. De minatione hujus puellæ.

LXXXIX. De abominatione tristitiæ hujus puellæ.

LXXX. De roboratione Sacerdotum in commu-
nitione corporis Christi & aliorum homi-
num.

LXXXI. De reprehensione hujus puellæ
quod nollet vocem intra se audire, volens
vacare aliis, & de tristitia, quæ implevit cor
hujus puellæ a tempore Paschæ infra Ascen-
sionem.

LXXXII. De consolatione & afflictione animæ hu-
jus puellæ.

LXXXIII. De Redargutione sui ipsius, timens, quod
nimis arroganter orasset, & placencia ora-
tionum Justorum.

LXXXIV. Deportatione Domini in sinistro humero
securim.

LXXXV. De apparitione iterata Domini gestan-
tis in manu gladium evaginatum non le-
vatum, sed demissum.

LXXXVI. De quodam libro Bernardi super Cantica
quem Confessor suus voluit facere con-
scribi pro Conventu.

LXXXVII. De verbosis solatiis & cachinnis & aliis
hujusmodi in religiosis.

LXXXVIII. De duobus rebus totum orbem regenti-
bus & eorum expositionibus.

XC. De quodam Sacerdote, secundam Mis-
sam celebrante & de reprehensione sui
ipsius, scilicet hujus puellæ, & de suo
desiderio & de instructione ejus oratio-
nis & ejus cogitatione.

XCII.

Cap.

XCII. De quodam Fratre predicante de St. Francisco qui nimis iactanter eum commendavit.

XCIII. De offensione Domini de ordine Minorum, quod tam negligenter Fratres requirunt Dominum.

XCIV. De sex generibus devotorum hominum.

XCV. De praeventionibus Diebus solemnibus in Communione & de anima cujuslibet devoti, quod sit sacrarium Domini & pax Deo grata.

XCVI. De ascensione Domini ad coelos.

XCVII. De Spiritu S. quem diversi diversis modis accipiunt.

XCVIII. De deceptione diaboli, qualiter animas decipit.

XCIX. De Angelis in triplici differentia.

C. De ascensu Domini proprie.

CI. De primo adventu Domini & Angelis existentibus in Missa.

CII. De subtractione Dulcedinis gratiae divinae.

CIII. De mirabili communicatione corporis Christi.

CIV. De interrogatione Domini, quare gratiam subtrahat?

CV. De decem filiabus animae.

CVI. De devotione orationis.

CVII. De abiectione cujusdam Fratris, qui hujusmodi causa exivit ordinem.

CVIII. De majoritate Sancti Petri & S. Pauli.

CIX. De defensione & salvatione negationis S. Petri & aliorum discipulorum.

CX.

CX. CXI. CXII. De gaudio & utilitate quam homo habere potest ex devota memoria passionis Jesu Christi, de excommunicatis & contemplatione coelestium & de contemplatione passionis Christi.

CXIII. De osculationibus Vulnerum Christi, & eorum speculationibus.

CXIV. De narrationibus Sanctorum Virginum, quæ & quanta essent passæ propter Dominum.

CXV. De perfecto pramio, quod consistit in patientia.

CXVI. De strenuo servitio hominis & de salutatione Ministri Fratrum & ejus instructione.

CXVII. De custode Fratrum & Lectore & Gardiano.

CXVIII. De anima devota, in thalamo contemplationis & matrefamilias, quæ quinque in domo sua facit.

CXIX. De retentionibus justorum, qui tenent iram Dei suis orationibus & de protectione terræ Australis.

CXX. De livoritate Corporis Christi in cruce, & de tribulatis quid petere & quomodo debeant, & de Missa de sancta Cruce.

CXXI. De indumentis Beatæ Virginis & de Assumptione.

CXXII. De conquestionibus omnium elementorum de professoribus religionum.

CXXIII. De statu diversorum hominum, scilicet secularium, Religiosorum, Sacerdotum, Laicorum bonorum & malorum.

Cap.

CXXIV. De peculiari devotione hujus puellae,
quae consuevit erat dicere omni die sex Pa-
ter noster, & de poenitentia, fide, amore,
desiderio Dei, auxilio B. Mariae, & pas-
sione Christi.

CXXV. De quodam damone eam perturbare vo-
lente.

CXXVI. De quodam juvene, qui singulos fratres
in introitu ostii hilariter suscipiens intro-
duxit.

CXXVII. De extinctione ignis in domo & de stella
apparente in firmamento.

CXXVIII. De resurrectione Domini & de sepulchro
clauso.

CXXIX. De multitudine hominum & Angelorum.

CXXX. De quodam castro & ejus expositione.

CXXXI. De elevatione Corporis Christi a pluribus
simul.

CXXXII. De Monachis nudis.

CXXXIII. De multitudine Religiosorum, aliis indi-
gnantur ob eorum defectus.

CXXXIV. De meritis Ecclesiae in communi.

CXXXV. De gratia veniente in animam.

CXXXVI. De quodam lumine sphaerico, in quo
vidit Paradisum cum terra & cum purga-
torio.

CXXXVII. De Trinitate, de vulneribus Christi, de
Angelis & omni Creatura & mansioni-
bus sanctorum in patria.

CXXXVIII. De patientia & duobus Generibus de-
votorum.

CXXXIX. De quibusdam viduis.

CXL.

Cap.

CXL. De vulnere laterali Christi & humilitate.

CXLI. De devota prädicatione & de vulnere laterali.

CXLII. CXLIII. De quadam Benigna in consolatione mundana existente, & de astutia diaboli.

CXLIV. De humilitate, & gratia & desiderio.

CXLV. De Sancta Cruce & planitie terræ.

CXLVI. De gradibus misericordie.

CXLVII. CXLIIIX. CXLIX. De triplici gradu castitatis, de triplici gradu patientie, & de quintuplici via paupertatis.

CL. De quatuor angulis Sanctæ Crucis.

CLI. De Unionibus Divinitatis & humanitatis, & animæ & Divinitatis.

CLII. De meritis justorum.

CLIII. De venefica tractatione Corporis Christi.

CLIV. De agno carne humana vestito.

CLV. Hic nota de agno & sortilegis & veneficis.

CLVI. De Sacerdotibus non percipientibus agnum.

CLVII. De tumulantibus & prahantibus in mundo.

CLVIII. De Spiritu Sancto & Capitulo Parisiensi Fratrum.

CLIX. De chafitate, quid mereri possit.

CLX. De castitate & recidivantibus.

CLXI. CLXII. CLXIII. CLXIV. De gradibus humilitatis, de patientia, de timore & de opere Spiritus Sancti.

CLXV. De donatione Christi.

CLXVI. De negligentia.

CLXVII

Cap.

CLXVII. De manu dextra, vulnere oblongo perforata & de patientia.

CLXVIII. De subtracta gratia, per quid recuperari possit, & de quinque vulneribus.

CLXIX. De querimonia Sanctorum Petri & Pauli de quodam Episcopo.

CLXX. De lectura in quinque Vulneribus Christi.

CLXXI. De subtractione gratiae Confessoris huius puellae.

CLXXII. De duobus, quemnam illorum plus diligeret Deus.

CLXXIII. Quid Deo gratissimum sit in homine.

CLXXIV. De arcu caeli & de collationibus de Deo.

CLXXV. De osculationibus altarium, & de suavitate ad modum similiae calidae.

CLXXVI. De inopinata gratia.

CLXXVII. De gratia obtenta cuidam Fratri, & de anima, quae tria reportat post rapinam.

CLXXVIII. De tristitia magna ob quandam calumniam.

CLXXIX. Quomodo totaliter raptus fuit in Deum.

CLXXX. De patientia quid mereatur.

CLXXXI. De visione omnium hominum distinctis in duodecim divisionibus & diversis eorum statibus.

CLXXXII. De chlamyde misericordiae, quam Deus Pater dedit Beatae Virgini.

CLXXXIII. De Corona quatuor Angulos habente quam Filius Matri dedit.

CLXXXIV. De vestibus, quibus vestiuntur omnes ad Deum pertinentes.

CLXXXV. De cervicali lato & quadrangulato.

CLXXXVI. De oratione Mariae Domini pro populo.

CLXXXVII.

Cap.

CLXXXVII. De speculo polito valde & terso.

CLXXXVIII. De diabolo & speculo ejus.

CLXXXIX. De facie humana, in hostia apparente, & de intuitu Salvatoris, quo sibi peccatores attrahit.

CXC. De plagatione Christi, & de quinque vulneribus & de indulgentia.

CXCI. De influxibus & inundationibus à Deo in Sanctos & econtra & de triplici amore.

CXCII. De largitate gratuita Christi.

CXCIII. CXCIV. De partu Beatæ Virginis quomodo de ea nasceretur Christus & de Sodomitis.

CXCV. De Versiculo isto: Cor meum & caro mea.

CXCVI. De mutua familiaritate animæ hujus puellæ & Christi, & de patientia.

CXCVII. De humilitate & aliquibus justis, & de Sacerdotibus.

CXCVIII. De maximo Sanctuario Ecclesiæ, quod est os Sacerdotis.

CXCIX. De iis, qui se jactant de bonis, & de mendacio quorundam.

CC. De demonibus & confessione.

CCI. De lumine Veritatis & Doctrinæ.

CCII. De thesauro universalis matris Ecclesiæ, & de misericordia.

CCIII. De devota oratione, castigatione, humilitate, prædicatione, charitate, castitate, amore & spe.

CCIV. De palatio aureo, suspenso in aëre, & de duabus puellis, scilicet, justitia & Misericordia.

CCV. De Confessione.

CCVI. De impatientia & laude humana & Simonia spirituali.

CCVII.

Cap.

CCVII. De annuntiatione Jesu Christi.

CCVIII. CCIX. De orationibus huius puellæ & de vexatione carnis huius puellæ à spiritu fornicationis, & de vehementi dolore corporis ejus.

CCX. De invocatione sanguinis Christi, & de demone eam trahente.

CCXI. De fide tripudiante.

CCXII. De iudicio & datione spatii pœnitentiæ.

CCXIII. De Spiritu Sancto & viis ejus ad hominem.

CCXIV. CCXV. De negligentia & punitioe illius, & de flamma à Salvatore egrediente.

CCXVI. De Nativitate Beati Johannis Baptiste & de statu ejus in deserto.

CCXVII. De arboribus, in quibus exprimebantur merita cujuslibet.

CCXVIII. De ecclesia quadam, in qua Beatus Johannes Evangelista prædicavit.

CCXIX. De diversis Sacerdotibus celebrantibus.

CCXX. De quinque peritis hominibus, corpus Dominicum sumentibus.

CCXXI. CCXXII. De assumptione animæ & corporis Beatæ Virginis, & de indulgentia Ecclesiæ & de Turba distincta in septem ordines Beatorum.

CCXXIII. De Angelis.

CCXXIV. De Sacramento Altaris.

CCXXV. De sessionibus pauperum & divitum & prædicatorum diversorum.

CCXXVI. De prædicatione Domini.

CCXXVII. CCXXVIII. De quodam Fratre diligente Sanctam Agnetem, & de lachryma fusa in charitate.

CCXXIX. De duobus impedimentis in religionibus.

CCXXX.

Cap.

CCXXX. De Dispendia Dei in hominibus.

CCXXXI. CCXXXII. Quarrenti delicias tria sunt necessaria.

CCXXXIII. De virtute quinque vulnerum Christi.

CCXXXIV. De vilificatione huius puellæ.

CCXXXV. Quinque modis partita est dilectio Dei.

Elenchus Capitulum.

Pothonis Libelli de Miraculis B.

Mariæ Virginis.

Cap.

I. De Idefonso Episcopo Toletano.

II. De Sacrista cuiusdam Cœnobii.

III. De quodam Clerico Carnotensis Civitatis.

IV. Item de alio Clerico.

V. De quodam Viro paupere.

VI. Item de quodam fure.

VII. De quodam Fratre Colonienſi.

VIII. De quodam peregrino.

IX. De quodam Presbytero.

X. De duobus Fratribus.

XI. De quodam rustico.

XII. De quodam Priore.

XIII. De quodam Clerico.

XIV. Item de alio Clerico.

XV. De Imagine S. Mariæ.

XVI. De quodam Clerico.

XVII. De quodam milite.

XVIII. De quodam infirmo.

XIX. De conceptione Sanctæ Mariæ.

XX. De imagine Sanctæ Mariæ.

XXI. Item de Imagine.

XXII. De quodam muliere.

XXIII. De quodam Celerario.

XXIV.

Cap.

- XXIV. De puero suscitato.
XXV. De Sancto Dunstano.
XXVI. De Eodem.
XXVII. De quodam merso.
XXVIII. De quodam Abbate.
XXIX. De quodam Fratre.
XXX. Item de quodam fratre.
XXXI. De puero Judæo.
XXXII. De quadam Sanctimoniali.
XXXIII. De Judæo & Christiano.
XXXIV. De quodam Clerico.
XXXV. Item de Clerico.
XXXVI. De quadam Abbatisa.
XXXVII. Visio cujusdam Sacerdotis.
XXXVIII. De Episcopo Bono.
XXXIX. De quodam Monacho.
XL. De quodam Sacrista.
XLI. De Imagine S. Mariæ.
XLII. De quadam Sanctimoniali.
XLIII. De Imagine S. Mariæ.
XLIV. De quodam Monacho S. Blasii, nomine
Marcwardo.



378. lin. 14. narratione.	narrationem.
385. - 27. meo.	meo.
386. - 21. Anglicis.	Angelicis.
396. - 10. cognoverit.	cognoverint.
402. - 17. tam.	tamen.
403. - 6. susceptam.	susceptum.
- - 25. Mariæ.	Maria.
404. - 6. die Completorio.	die completo re-
	gulari Comple-
	torio.
410. - 7. isti.	iste.
415. - 26. reconciliaretur.	reconciliaret.
416. - 14. cucurrunt.	cucurrerunt.
418. - 7. divulgabat.	divulgabat.
- - 14. Qua.	Quæ.
430. - 21. illi.	ille.
433. - 27. Conventa.	Conventui.
434. - 13. reperierit.	repererit.
436. - 5. exorant.	exorent.
437. - 10. Patriarchæ.	Parochiæ.
441. - 17. Domina.	Domino.

XLII. De quibus Sandorum
 XLIII. De Imaginibus.
 XLIV. De quibus Monachis.



Errata typographica.

Errata.

Correcta.

Pag. 26. & 27. Stomachaticum. Stomachicum.

31. lin. 1. alium.

aliam.

55. in marg. præsentantis.

præsentantem.

57. lin. 28. carnem.

carneum.

95. l. 12. hominis.

homines.

107. l. 15. lepidus.

tepidus.

114. l. 11. non.

vox.

ibid. l. 13. cavendus.

cavendum.

116. l. 15. psallebat.

psallebant.

125. l. 13. amo te.

amodo.

142. l. 8. super tunicale.

supertunicale.

152. l. 1. ipsiusque.

ipsisque.

161. l. 21. inducendo.

induendo.

163. l. 6. triumphis.

truphis.

175. l. 2. Benigna.

Begina.

200. l. 20. in dextram.

dele in.

212. l. 18. disco operiens.

discooperiens.

217. l. 19. iden

ideo.

223. - 4. infundebantur.

infundebatur.

225. - 1. miraculum.

miracula.

234. - 7. trenuos.

strenuos.

256. - 28. intentant.

intentat.

258. - 1. religiositates.

religiositatis.

264. - 29. a feria enim.

supple quarta.

299. - 4. amplexabuntur.

amplexabantur.

334. - 21. ei

eis.

337. - 3. adorat.

adoratur.

- 17. Sancta.

Sanctæ.

338. ult. frequentaret.

frequentaretur.

339. - 11. a cruce.

a crure.

349. - 25. referri.

referre.

350. ultim. ergo.

erga.

359. 16. fesse.

fese.

362. - 21. circumdate.

circumda te.

370. - 7. Christo vobis.

Christo lac vobis



Errata typographica.

Errata.

Correcta.

Pag. 26. & 27. Stomachaticum, Stomachicum.

31. lin. 1. alium.

aliam.

55. in marg. præsentantis.

præsentantem.

57. lin. 28. carnem.

carneum.

95. l. 12. hominis.

homines.

107. l. 15. lepidus.

tepidus.

114. l. 11. non.

vox.

ibid. l. 13. cavendus.

cavendum.

116. l. 15. psallebat.

psallebant.

125. l. 13. amo te.

amodo.

142. l. 8. super tunicale.

supertunicale.

152. l. 1. ipsiusque.

ipsisque.

161. l. 21. inducendo.

induendo.

163. l. 6. triumphis.

truphis.

175. l. 2. Benignâ.

Begina.

200. l. 20. in dextram.

dele in.

212. l. 18. disco operiens.

discooperiens.

217. l. 19. iden

ideo.

223. - 4. infundebantur.

infundebatur.

225. - 1. miraculum.

miracula.

234. - 7. trenuos.

strenuos.

256. - 28. intentant.

intentat.

258. - 1. religiositates.

religiositatis.

264. - 29. a feria enim.

supple quarta.

299. - 4. amplexabuntur.

amplexabantur.

334. - 21. ei

eis.

337. - 3. adorat.

adoratur.

- - 17. Sancta.

Sanctæ.

338. ult. frequentaret.

frequentaretur.

339. - 11. a cruce.

a cruce.

349. - 25. referri.

referre.

350. ultim. ergo.

erga.

359. 16. fesse.

fese.

362. - 21. circumdate.

circumda te.

370. - 7. Christo vobis.

Christo lac vobis



Errata typographica.

Errata.

Correcta.

Pag. 26. & 27. Stomachaticum.	Stomachicum.
31. lin. 1. alium.	aliam.
55. in marg. præsentantis.	præsentantem.
57. lin. 28. carnem.	carneum.
95. l. 12. hominis.	homines.
107. l. 15. lepidus.	tepidus.
114. l. 11. non.	vox.
ibid. l. 13. cavendus.	cavendum.
116. l. 15. psallebat.	psallebant.
125. l. 13. amo te.	amodo.
142. l. 8. super tunicale.	supertunicale.
152. l. 1. ipsiusque.	ipsisque.
161. l. 21. inducendo.	induendo.
163. l. 6. triumphis.	truphis.
175. l. 2. Benignâ.	Begina.
200. l. 20. in dextram.	<i>dele</i> in.
212. l. 18. disco operiens.	discooperiens.
217. l. 19. iden	ideo.
223. - 4. infundebantur.	infundebatur.
225. - 1. miraculum.	miracula.
234. - 7. trenuos.	strenuos.
256. - 28. intentant.	intentat.
258. - 1. religiositates.	religiositatis.
264. - 29. a feria enim.	<i>supple</i> quarta.
299. - 4. amplexabuntur.	amplexabantur.
334. - 21. ei	eis.
337. - 3. adorat.	adoratur.
- - 17. Sancta.	Sanctæ.
338. ult. frequentaret.	frequentaretur.
339. - 11. a cruce.	a crure.
349. - 25. referri.	referre.
350. ultim. ergo.	erga.
359. 16. fesse.	fese.
362. - 21. circumdate.	circumda te.
370. - 7. Christo vobis.	Christo lac vobis



Errata typographica.

Errata.

Correcta.

Pag. 26. & 27. Stomachaticum.	Stomachicum.
31. lin. 1. alium.	aliam.
55. in marg. præsentantis.	præsentantem.
57. lin. 28. carnem.	carneum.
95. l. 12. hominis.	homines.
107. l. 15. lepidus.	tepidus.
114. l. 11. non.	vox.
ibid. l. 13. cavendus.	cavendum.
116. l. 15. psallebat.	psallebant.
125. l. 13. amo te.	amodo.
142. l. 8. super tunicale.	supertunicale.
152. l. 1. ipsiusque.	ipsisque.
161. l. 21. inducendo.	induendo.
163. l. 6. triumphis.	truphis.
175. l. 2. Benigna.	Begina.
200. l. 20. in dextram.	<i>dele</i> in.
212. l. 18. disco operiens.	discooperiens.
217. l. 19. idem	ideo.
223. - 4. infundebantur.	infundebatur.
225. - 1. miraculum.	miracula.
234. - 7. trenuos.	strenuos.
256. - 28. intentant.	intentat.
258. - 1. religiositates.	religiositatis.
264. - 29. a feria enim.	<i>supple</i> quarta.
299. - 4. amplexabuntur.	amplexabantur.
334. - 21. ei	eis.
337. - 3. adorat.	adoratur.
- - 17. Sancta.	Sanctæ.
338. ult. frequentaret.	frequentaretur.
339. - 11. a cruce.	a crure.
349. - 25. referri.	referre.
350. ultim. ergo.	erga.
359. 16. fesse.	fese.
362. - 21. circumdate.	circumda te.
370. - 7. Christo vobis.	Christo lac vobis